

Duplicato

~~Doppio~~

~~14. 32. 12~~

~~Vellen (Van der) Hranj~~

~~Patet. alfat~~

~~4-18 C-h~~



~~B.T.A. No. 27.~~

~~11~~
~~112~~
~~20~~

H.VI. 39

8-44-C-4



TRACTATUS SCHOLASTICI
DE
SIMPLICITATE
ET
LIBERTATE DIVINA.

Ad 22. III. & XIX. ex I. Parte D. THOMÆ.

DICATI.

ILL^{mo} ET REVEREN^{mo} DOMINO
D. FABIO CHISIO
EPISCOPO NERITONENSI, PON
TIFICIO NVNTIO, ET PACIS VNIVER-
SALIS MEDIATORI.

AUCTORE

R.P. FRANCISCO VANDER VEKEN ANTVERPIENSI,
E SOCIETATE IESV SS.Th.Do&. & Profess.ordin.
Parmiffu Superiorum, & Privil.S.C.M. speciali.



COLONIAE AGRIPPINÆ.
Apud IOANNEM KINCHIVM, sub Monoc.
rote veteri. Anno M. DC. XLVIII. 27.

EPIGRAMMA

In arma gentilitia Illustrissimi CHISII.

*Tergeminis fers arma notis illustra gentis,
Est nota Virtuti qualibet apta Tuae.
Ut montes stat firma Fides: Ecclesia nixa est.
Spes Tuae, ceu quercus robora, surgit humo.
Prostellis Tibi fulget Amor. Discrimen in uno est,
Virtutes vivas, mortua signa geris.*

Alterum

In Cubum Symbolicum Eiusdem, Simplicitati sacrum.

*Heros perge tuo similis persistere Cubo;
Firmior in solida est Simplicitate gradus.
Nulla magis Superis poterit conjungere virtus.
Nulla potest mundo duplicitate magis.
Nempe Deum præferre cupis simplexque videri.
Hac Tibi Simplicitas omnia multiplicat.*

Aliud

In socias Virtutes.

*Quàm bene prudentem belli pacisque sequestrum
Te Mimigrodatulit, maxima Roma dedit.
Virtutes meruere Tuae: professio Pacis,
— Veri magnus amor, Iustitiæque favor.
Est pro Pace Tibi facunda copia lingua:
Exemplo suades plus tamen ipse Tuo.*

P.I.M.S.I.



ILLVST^{mo} ET REVEREN^{to}
DOMINO
D. FABIO CHISIO
Dei & Apostolicæ Sedis gratiâ
EPISCOPO NERITONENSI
S. D. N.

Ad tractum Rheni &c. cum potestate
Legati à Latere,
NVNTIO ORDINARIO,
Et ad tractatus pacis universalis Mona-
sterii,
EXTRAORDINARIO ET
MEDIATORI.



DE Divina Simplicitate ac Libertate
scripturus, & quidem postulante Illu-
strissima ac Reverendissima *Celsitu-
dine Tua*, non potui non meminisse
Salomonici oraculi, quod olim in A-
mici gratiam ænigmatico Symbolo
exornasti; *Qui Ambulat Simplici-* Prov. 10.
11. 9.
ter, Ambulat Confidenter. Cùm enim suo sub nomi-
ne se disimulare Simplicitas non posset, suggerebant eru-
diti Interpretes, Confidentix vocabulo denotari eum

EPISTOLA

apicem Libertatis, quo quis sui juris ac potestatis securus, id quod recta ratio dicitur, sine ullius metu vel arbitrio agit. En nexum vere aureum Libertatis cum Simplicitate: quem præterquam quod Ordo hic dicendorum supponat, cum in rebus Natura, tum in moribus Virtus obtinet.

In rebus siquidem, **DEUS OPT. MAX.** sicuti Ens simplicissimum est, in quo nihil varium, mixtum, dissimilibus concretum, nihil quod Vnus ipse idemque Deus, quem laudavi, non sit: ita summâ Libertate, Potestate, *Confidentiâ gaudens, omnia quaecunque voluit, fecit in celo, & in terra.* Angeli post Deum simpliciores, præ cæteris quoque creaturis liberiores & fidentiores existunt. Quanta vel unius fiducia, qui nocte unâ, ac forsane jus momento, *percusit in castris Assyriorum centum octoginta quinque millia?* Ecce, alius eorum, in quo tamen Libertatem in audaciam, Fiduciam in temeritatem malitiâ pervertit, *absorbebit fluvium, & non mirabitur: & habet fiduciam quod influat Iordanis in os eius.* Homo deniq; qui meliori sui parte simplicitatē Angelicâ æmulatur, libertate quoq; & in res inferiores potestate, ad nobilissimos illos Spiritus proximè accedit. *Deus ab initio constituit hominem, & reliquit eum in manu consilii sui.* Et adhuc post illam naturæ labem ex primi parentis scelere contractam, hoc veluti jus Libertati humanæ Author naturæ confirmavit: *terror vester ac tre-*

Ps. 134.
v. 6.

4. Reg.
19. v. 35.

Iob 40.
v. 18.

Eccles. 15
v. 14.

DEDICATORIA.

ac tremor sit super cuncta animalia terræ, & super omnes volucres cæli, cum universis quæ moventur super terram. Quâ potestate Sampson dilaceravit leonem quasi hædum: eâdemq; ut est apud D. Iacobum, *omnis natura bestiarum & volucrum & serpentum & ceterorum.* (sunt qui suspicentur legendum esse *cetorum*) *domantur & domita sunt à natura humana.*

Simplicitas verò in moribus, non illa hebes & rudis quæ est fatuorum, sed quam à Prudentiæ societate Servator noster commendat his verbis: *Estote prudentes sicut serpentes, & simplices sicut columbæ*: per quam cum Deo ambulamur in Innocentia & Veritate, cum hominibus in Candore & Sinceritate, procul omni dolo, furo & simulatione: hæc, inquam, est Simplicitas, quæ confidentiæ suæ ac securitatis sponso rem promerita Deum, elogio tam amplo atque præclaro à Scriptura decoratur. Qui enim sic ambulat, hinc sperat Numen sibi ubique propitium, quippe qui Regem omnium religiosissimum sic precantem audierit; *scio quòd Simpliciter diligas*: unde & ego in simplicitate cordis latus obtuli uni-

mos

EPISTOLA

mos tam generosos, fidentes, verèque liberos gerat.

Atque hac mente, ut ego quidem interpretor, Illustrissime ac Reverendissime Præsul, in Symbolo illo Tuo, sacrum simplicitatis elogium tessera quadratæ, quam cubum vocant, insculpi, pariterque quadrari acrostichos voluisti, per cubum namque adumbrari constantiam, firmitudinem, securitatem, nemo est qui ignoret. Addidisti ejus lateribus, velut emblemata, duo illa Luminaria magna, à Domino condita, ut præsent diei & nocti, sive ut indicares à simplicitate amari lucem, ac tenebras odio plus quàm Vatiniano damnari, sive ut temporum universitatem ac vicissitudinem designares. Semper enim tuta ac plena fiducia simplicitas est, noctu æquè ac interdiu, tam in adversis quàm in prosperis, quippe cui Deum diligenti, ab eo que dilectæ, *omnia secundum Apostolum, cooperentur in bonum*. Candorem deniq; Lucis æternæ, *in qua tenebræ non sunt ulla*: desuper emicantem, ac radios spargentem ostentasti, ut constaret, simplicitatem omnem nostram esse quendam Divinitatis radium, per quem in animos illa nostros illabitur, easque sui participatione candidas pariter & lucidas reddit: quo simul liqueat, istud Confidentia cum Simplicitate commercium, ejus testimonio obfignari, qui cum *Veritas* sit, falli aut fallere non potest, haud magis quàm seipsum clara in luce conspicuum negare.

*Ad Rom.
8. v. 28.*

Sed hæc ego, nimis fortè simpliciter & confidenter, circa Symbolicam imaginem, quam ipse Author quanto
gra-

DEDICATORIA.

gravioribus verbis, quantoque sublimiori sententiâ animaret ! Qualiscunque tamen hic de ea sensus fuerit, me sanè permovit , ut illud Simplicitatis emblemata Celsitudine Tua mutuatus, Operi meo, nimium de se rudi exornando præfixerim. Cur verò Nomini quoque Tuo id inscriberim, ac patrocinio commendârim, nemo mirabitur, qui quod initio insinuabam expenderit, Tuâ id autoritate ac propè imperio conscriptum. Æquum quippe est, ut ad mandantem jussa redeant, atque ipsomet obsequio, is qui paret, imperanti respondeat. Mirabuntur potius multi, quâ ratione Celsitudo Tua cum negotiis omnium maximis, quæ gravissimum Legati ac Mediatoris Apostolici munus, ad conciliandam universalem pacem, secum adfert, cunctarum ferè Scientiarum studia curasque, absque ullo priorum detrimento conjungat. Vt Caduceatorum, cùm omnium, tum præcipuè Mediatorum, negotia Senecæ versibus pangam,

*Consulere patriæ, parcere afflictis, fera
Cæde abstinere, tempus atque iræ dare,
Orbi quietem, sæculo pacem suo,*

Hæc iis agenda, aut curanda incumbunt. Quanta moles ! hoc præsertim tempore omnium difficillimo. Quem etiam ab aliis curis vacuum non obruat opprimatque ! Sed Tibi id otii adhuc præstat, aut potiùs, inter continuas occupationes, eam partem, si non temporis, saltem animi plurimum simul capacis, liberam relinquit : quâ optimarum

† †

artium

EPISTÓLA

artium & altiorum scientiarum penetralia, jam á minori ætate familiaria revisens, argumenta inde quæstionesque depromas; quibus aliorum in eas studia excites, & ab his summas etiam difficultates expediendi conatum (qualem hunc meum in Theologia profiteor) ab aliis etiam effectum remque ipsam, sive scriptis, sive typis obtineas. Haud equidem, ut ex Horatio nimis modestè ludere soles,

utens vice cotis, acutum

Reddere quæ valeat ferrum, exors ipsa secandi:

*Eccles.
32. v. 20.*

Verum, ut quod de Iustitiis dicit Scriptura, ad Scientias transferam, eas *quasi lumen accendens*; videlicet facis instar, lumen aliis & ardorem de suo, sine sui damno communicantis. Quem in sensum antiquus Poeta,

Homo qui erranti comiter monstrat viam,

Quasi lumen de suo lumine accendat, facit,

Ut nihilominus ipsi luceat, cum illi accenderit.

Ad priorem causam mihi propriam altera communior accessit. Cui enim quivis etiam alius suas de Divina Simplicitate lucubrationes dedicare potius queat; quàm Ei, qui ad Increatam illam perfectionem, quàm naturâ consequi non possumus, vitâ saltem & moribus, quâ mortalibus fas est, propiùs accedit? Hujus profectò studiosissimum ultrò ac palàm ipse Te profiteris: quando, ut haud minus animi Nobilitatem à Virtutibus quàm sanguinis à Majoribus duendam insinues, Illustri Prosapiæ gentilitiis armis *Veritatem* quæ ipsissima Simplicitas est, *Iustitiam* & *Pacē*
si ve

DEDICATORIA.

sive ut comites, sive ut è cælo præsides adjungis. Sed quantum affecutus fueris, norunt omnes quotquot Te norunt: inter cætera enim animi Tui ornamenta, inter humanas divinasque Scientias, urbanas inter cælestesque Virtutes, ille Simplicitatis candor, in quo nihil affectatum simulatumque, tuis in verbis, vultu, moribus, cunctisque actionibus relucens, omnium oculos in Tui admirationem, animos verò in amorem ac observantiam rapit.

Fuère qui muneris Apostolici ratione habitâ, eam in Celsitudine Tua contemplarentur Columbam, quam in hoc bellorum omnia inundantium diluvio, decerpturam, Pacis ramum Noemi nostri, INNOCENTII inquam, X. insignia prælagirent. Aptè id quidem; sed ad eam præterea Columbam respicio, de qua, præter Evangelicum oraculum suprâ commemoratum, sic Régis vates: *si dormitis inter medios clericos, penna columba de argentata,* ^{Pf. 67. v. 14.} *et posteriora dorsus eius in pallore auri.* Aliàs à me perscriptum memini, quomodo D. Antoninus in Summa, parte 3. tit. 12. cap. 3. bonam partem per obscuri illius Psalmi, unde sententiam deprompsi, ad Legati Apostolici officium accommodet. Quomodocunque cætera quædrent, eo Columbæ jam descriptæ emblemate exprimitur præcipuum illud Legati decus, ut is præsertim qui inter clericos, seu terminos, versatur Medius, dissidentes inter bellantium partes Mediatorem agens, cum aureo cæterarum Virtutum splendore, candidissimæ quoque Simplicitatis argentum conjungat.


EPISTOLA

Connexa cum priore est causa, cur Nominis Tui patrocinium meritò imploret Tractatus alter, quo asseritur & explicatur Increata libertas. Nam in Te uno non fallit aureum illud vinculum, quod in cæteris omnibus Libertatem, Securitatem, Confidentiam cum Simplicitate connectit. Quin eo apertius se prodit, quo amplius est Munus quo fungeris, & in majori orbis theatro, coram omnium ferè Principum Christianorum Legatis se explicat & probat. Quis illorum est qui eam spiritus libertatem, in veritatis sinceritate fundatam, in Te non suspiciat ac revereatur: esto, interdum fortè non amet? Non desunt exempla, quibus Chrysostomos, Ambrosios, Borromæos, Salesios imitatus, pro Dei honore & gloria, pro animarum salute, pro Ecclesiastico jure strenuissimè decertasti: sed hæc apud Te minimè commemoranda, qui Tui exemplo ad Te stimulandum non egens, oblivisci gaudes præteritorum, & in ulteriora semper, ac si nova forent & prima, pro Deo & Ecclesia gerenda incumbis. Non deerunt, spero, qui finitis Tractatibus, omnia posteritati ad imitationem confignent.

Quos utinam DEUS OPT. MAX. eo tandem exitu, qui tùm omnium votis, tùm Tuis etiam cûris atque laboribus respondeat, Pace, inquam, universali, eaque fidâ ac stabili coronet? Ut tandem Christiani Principes, fraternis odiis & bellis plûs quàm civilibus valere jussis, animos & arma conjungant; eo fine & Celsitudinis Tuæ votò, quod à primo suo in urbem Monasteriensem ingressu, veluti Legatio-

DEDICATORIA.

gationis caput, Aulæ suæ parietibus inscribi voluit,

*or Iatur In Dlebus nostris IV st It Ia & ^{Expf. 71.}
ab UnDant Iapac Is, UnDe aUfera-
tUr* 

Pingi placuit Lunam, non scribi, ut cum illo Imperii
Othomanici Symbolo, sacrum ejus anni Chronosticon
constaret. Aspiret votis Deus: qui & illustrissimam Celsi-
tudinem Tuam quàm diutissimè, Christianæ Reip. bono,
incolumem conservet. Ita precor, Coloniae pridie Kalen-
das Augusti, Anno M. DC. XLVIII.

Humillimus in Christo

Servus

FRANCISCUS VANDER VEKEN
è Soc. IESV.

† † 3

APPRO-

APPROBATIONES & FACULTAS.



Obilis isthæc geminorum Tractatum Scholasticorum biga, de Simplicitate nimirum & Libertate Divinâ, Authore R. P. Exim. M.N. FRANCISCO VANDER VEKEN, SOCIETATIS IESV, attentum Lectorem, sine erroris in Fide Orthodoxâ, vel bonis moribus periculo, clarè, solidè, subtiliterq; in ipsâ S. Doctrinæ adyta, & præcipuarum difficultatum Theologicarum decisionem, viâ regiâ subvehet; typis ergo publicis evulgari poterit. Coloniz. 8. Augusti. 1648.

HENR:FRANCKEN Sierstorpffius
SS. Theol. D. Gymnasii Laurent. Regens, Librorum Censor ordinarius.



Præsentès admodum Rev. & profundi P. FRANCISCVANDER VEKEN S. I. Eximii Magistri Nostri, Professoris in almâ Coloniensium Vniversitate ordinarii, subtiles de Simplicitate & Libertate Divinâ Tractatus sedulò legi: nihilque in eis, quod, aut in moribus, aut in sanæ Fidei Doctrina offendere possit; multa verò inveni, quæ harum nobilissimarum in Theologiâ materialium, eisq; annexarum Quæstionum difficultates non minus acutè, quàm enucleatè ad sensum S. Scripturæ, SS. Patrum, & Oecumenicorum Conciliorum expediant. Quare censui illos rectè prælo committi, & commodè in aliorum exercitationes lucem videre posse. 1648. 4. Augusti.

MATTHÆUS HOEN SS. Theol.
D. Professor apud Ubios ordinarius.



EX commissione Censoris ordinarii, quâ potui curâ & attentione, perlegi præclarissimos duos Tractatus de Simplicitate & Libertate Divinâ R. P. FRANCISCI VANDER VEKEN Soc. IESV, in almâ Vniversitate Colonienâ SS. Theol. Doctoris & Professoris: deprehendique nihil Fidei, aut bonis moribus contrarium, vel quod quempiam in Theologicis exercitatum meritò commovere possit: sed potius Authorem doctis interfuisse cogitationibus, quique tam solidè sua prober, quàm modeste & religiosè opponentium sententias & fundamenta convellat. Ita sentio, salvo meliori iudicio. Colonix 31. Iulij, Festo S. Ignatii. 1648.

F. IO. MANTELIUS S. T. D.
Prior Augustin.



EGO Infrascriptus SOCIETATIS IESV per Provinciâ Rheni inferioris Præpositus Provincialis, facultatem do typis mandandi Tractatus Scholasticos de Simplicitate & Libertate Divinâ, à Rev. P. FRANCISCO VANDER VEKEN conscriptos, atque à deputatis ad id Societatis nostræ Theologis lectos & approbatos. Colonix 17. Martij. 1648.

GODEFRIDUS OTTERSTEDT

LECTO-

LECTORI BENEVOLO.



Nſtitorem non ago, ideoque nec merces meas commendo. Eo ſolũ communis urbanitatis officio perſungor, ut Hoſpiti domum meam, vel villam, ſubeunti occurram in limine, ſalvere eum jubeam, & ad interiora, ſi ita collibuerit, perluſtranda inducam. Quod officii genus, *Benevole Lector*, iis velim verbis Tibi præſtitum habeas, quæ Conditioni, aut Dignitati etiam Tuæ congruant, meumque Tuis, vel Tuorum, commodis, in re Scholaſtica inſerviendi animum, quem ſanè habeo propenſiſſimum, aptè declarent. Ne quo forſan operæ temporisq; diſpendio in materiam minus gratâ exquiſitamque incurras: mox Tibi elenchum Diſputationum omnium, Capitumque, exhibeo, ex quo facilem eorum, quæ fortè quæſieris, delectum habere poſſis. Quo etiam conſilio, ſub Libri ſinem, alterum Indicem rerum præcipuarum adjeci. Siquid verè aptèque dictum alicubi agnoveris, Deum omnium Largitorem lauda: ſicubi contrarium deprehenderis, mihi aſcribe, & pro Tua ſapientia benevolentiaque emenda. Id inſuper monendũ ſupererat, duos hoſce Tractatus, ex tota propè Theologia diſſicillimos, haud meo arbitratu, propriique ingenii fiducia à me ſuſceptos, ſed autoritate Majorum, cui refragari neſas. Verũ id jam ex primis Epistolæ Dedicatoriæ verſibus perſpicere potuiſti. Quæ etiam Epistoła breviter declarat, quàm arctis vinculis, tũ naturali, tũ morali, inter ſe conneſtantur Simplicitas & Libertas: quibus deinceps addemus Scholaſticum. Id licet certiffimũ, quàm tã ob argumẽta intrinſeca, quæ termini nobis parũ perſpecti ſecum adferunt, ſit apud Theologos controverſum, nemo iis familiarior neſcit. Vix quenkũquam reperias qui Dei Simplicitatem explicet, quin primum contra eam argumentum ex ejuſdem Libertate opponat: neque hanc quis tuetur, niſi nodum illum plus quàm Gordium, quem juncta Simplicitas involvit, aut ratione expediendum, aut Fidei gladio diſſecandum ſuſcipiat. Atque hæc fuit cauſa, cur ſapientiſſimo Præſuli, cui præcipuè placuit ut meam de Libertate Divina proferrem ſententiam, viſum quoq; fuerit, ut quæ ſentirem de Simplicitate, præmitterem. Cumq;

hæc pro Operis ſuſcepti ratione ſufficiant: non eſt cur
tuam, *Lector*, humanitatem pluribus morer. Det

Deus omnia Tibi proſpera,
& Vale.



Typo-

INDEX DISPUTATIONVM & CAPITVM.

TRACTATVS I.

DE

SIMPLICITATE DIVINA.

DISPUTATIO I.

DE

SIMPLICITATE IN GENERE.

- CAPVT I. *Quid simplicitas?* pag. 1.
CAP. II. *Quotuplex Simplicitas, & an aliqua Relatiua.* pag. 3.
CAP. III. *An esse simplex praestet composito.* pag. 5.

DISPUTATIO. II.

De reali Simplicitate divina.

- CAP. I. *An Deus in seipso sit realiter simplex.* p. 9.
CAP. II. *Proponitur primaratio Theologica pro Simplicitate Dei.* pag. 12.
CAP. III. *Alia rationes pro eadem Veritate.* p. 15.
CAP. IV. *Quomodo Divina Simplicitati nihil obstat mysterium Trinitatis.* p. 18.
CAP. V. *An Deus componat cum Accidentibus.* p. 21.
CAP. VI. *An Deus possit venire in compositionem cum aliis substantiis.* p. 26.

DISPUTATIO III.

De Divina Simplicitate formali à parte rei.

- CAP. I. *Qua fuerit distinctio formalis, à Scoto admissa in Divinis.* p. 30.
CAP.):(

INDEX

CAP. II. <i>An detur in Divinis distinctio formalis.</i>	p. 34.
CAP. III. <i>Alterum argumentum contra distinctionem formalem.</i>	p. 38.
CAP. IV. <i>Oppugnatur distinctio formalis ex sententia Eugenii contra Gilbertum.</i>	p. 42.
CAP. V. <i>An, & quomodo distinctio formalis sit realis.</i>	p. 48.
CAP. VI. <i>Argumenta contra distinctionem realem, applicantur formali.</i>	p. 52.
CAP. VII. <i>Solvuntur argumenta Scotistarum.</i>	p. 58.

DISPUTATIO IV.

De modo salvandi prædicata Contradictoria in Deo.

CAP. I. <i>An Contradictoria saltem in Divinis, possint eidem convenire secundum idem?</i>	p. 64.
CAP. II. <i>An ad Contradictoria salvanda, sufficiat sola Virtus aut Æquivalentia distinctorum.</i>	p. 67.
CAP. III. <i>An aliqua saltem virtualis distinctio admittenda in Deo?</i>	p. 72.
CAP. IV. <i>An detur in Attributis divinis aliqua non-identitas ex natura rei.</i>	p. 78.
CAP. V. <i>Primus modus verisimilior salvandi contradictoria in Deo.</i>	pag. 81.
CAP. VI. <i>Applicatur prior modus ad difficiliora exempla in Myste-rio Trinitatis.*</i>	p. 87.
CAP. VII. <i>Iuxta eundem modum satisfit aliis tribus argumentis.</i>	p. 93.
CAP. VIII. <i>Alter modus Contradictoria in Deo salvandi.</i>	p. 96.

DISPUTATIO V.

De distinctione rationis in Deo.

CAP. I. <i>An Divina perfectiones à parte rei indistincta saltem distinguantur ratione</i>	p. 101.
CAP. II. <i>Quibus de causis distinguamus Deum per rationem.</i>	p. 107.

CAP.

DISPUTATIONVM & CAPITVM.

CAP. III.	<i>An distinctio rationis circa Deum sit precipua.</i>	p. 112.
CAP. IV.	<i>An & quomodo Divina perfectiones invicem includant?</i> <i>Vbi de earundem compositione.</i>	p. 119.
CAP. V.	<i>An distinctio rationis in Deo involvat falsitatem.</i>	p. 123.
CAP. VI.	<i>An & quomodo distinctio rationis vindicetur à Vanitate?</i> <i>sive an in Deo habeat aliquod fundamentum?</i>	p. 127.

TRACTATUS II.

DE LIBERTATE DIVINA.

DISPUTATIO I:

DE NATURA VOLUNTATIS

Divinæ.

CAPVT I.	<i>An detur in Deo voluntas per modum potentia: an tantum per modum purissimi actus.</i>	p. 131.
CAP. II.	<i>Satisfit recentioris cuiusdam argumentis.</i>	p. 138.
CAP. III.	<i>De voluntatis Divinae objecto, specificatione, motione, &c.</i>	p. 143.
CAP. IV.	<i>Brevis digressio de Libertate in genere.</i>	p. 148.
CAP. V.	<i>An Deus amet creaturas possibiles.</i>	p. 152.
CAP. VI.	<i>An Deus possibilia amet necessario, an liberè.</i>	p. 158.
CAP. VII.	<i>An Deus liberè amet creaturas existentes.</i>	p. 164.
CAP. VIII.	<i>An Dei potentia sit formaliter eadem cum voluntate eiusdem.</i>	p. 171.

DISPUTATIO II.

Discutiuntur diversæ sententiæ de Actibus
liberis Dei.

CAP. I.	<i>Proponitur difficultas, & cuiusdam responsio.</i>	p. 179.
CAP. II.	<i>Examinatur sententia Cajetani.</i>	p. 182.
CAP. III.	<i>De quibusdam sententiis affinibus opinioni Cajetani.</i>	p. 186.

INDEX

Cap. IV. <i>De sententia Aureoli.</i>	p. 193.
Cap. V. <i>De connotatis liberorum actuum Dei.</i>	p. 198.
Cap. VI. <i>An actualis libertas Deo addat ens aliquod rationis, vel morale.</i>	p. 202.
Cap. VII. <i>An actus liber nihil prorsus Deo addat.</i>	p. 206.

DISPUTATIO III.

Qua statuitur verisimilior sententia.

Cap. I. <i>Dissertatio praeambula de actuali libertate creaturarum</i>	p. 210.
Cap. II. <i>De aliis creatorum actuum complementis per denominationes extrinsecas.</i>	p. 210.
Cap. III. <i>Verisimilior sententia de volitionibus liberis Dei.</i>	p. 219.
Cap. IV. <i>Comparatur divina Libertas cum creata.</i>	p. 225.
Cap. V. <i>Solvitur primum argumentum, petitum ex Divinorum actuum Aeternitate.</i>	p. 228.
Cap. VI. <i>Solvitur alterum argumentum, ex Dei libertate absque mutatione extrinseca.</i>	p. 235.
Cap. VII. <i>Quomodo Deus possit idem velle propter alios atque alios fines.</i>	p. 239.
Cap. VIII. <i>Solvitur argumentum à causalitate & prioritatem decreti divini.</i>	p. 248.
Cap. IX. <i>Respondetur ad cetera argumenta.</i>	p. 253.

DISPUTATIO IV.

De proprietatibus & differentiis actuum liberorum Dei.

Cap. I. <i>An actus Dei liberi sint immutabiles.</i>	p. 258.
Cap. II. <i>An Deus possit efficere in tempore, ut ab aeterno quid voluerit vel noluerit.</i>	p. 264.
Cap. III. <i>An Dei voluntas circa aliqua objecta possit se habere negativè.</i>	p. 267.
Cap. IV. <i>An & quomodo, prater volitionem efficacem, detur in Deo volitio libera & inefficax.</i>	p. 272.
	Cap

DISPUTATIONVM & CAPITVM.

- Cap.v. *Quâ volūtate Deus præparet creaturis suum concursū* p.280.
Cap.vi. *De differentia & ordine Actuum liberorum Dei.* p.287.
Cap.vii. *De affectibus & virtutibus eorundem actuum.* p.290.

DISPUTATIO V.

De primariis controversiis cum Divina Libertate connexis.

- Cap.i. *De Scientia Dei libera.* p.296.
Cap.ii. *An in actibus Dei liberis, v.g. Decretis, videri possint futura.* p.305.
Cap.iii. *Alia dua quæstiones consequenter resolvuntur.* p.309.
Cap.iv. *Quomodo consequenter loquendum de Prædestinatione Divina.* p.314.
Cap.v. *Quomodo cum actibus Dei liberis concilietur creatura libertas.* p.320.



TRACTATUS PRIMUS
DE SIMPLICITATE
DIVINA.

DISPUTATIO I.

DE SIMPLICITATE
IN GENERE.

CAPUT I.



Quid Simplicitas?



On agitur hîc de Simplicitate ut est virtus Moralis, sive ad Veritatem, sive ad Justitiam pertinens, de qua Christus Dominus Matth. 10. *estote simplices sicut columbæ*: sed ut est modus Entis oppositus compositioni; sicuti divisioni opponitur Unitas, & distinctioni Identitas. Quare passim Scholastici simplicitatem describunt per negationem compositionis. Verùm hæc non potest esse adæquata ratio simplicitatis: multis enim non simplicibus convenit, ut cumulo lapidum, turbæ populi & cæteris aggregatis per accidens; quæ carent compositione, simplicia tamen non sunt. Quia scilicet eorum divisio ac multitudo æquè vel magis repugnant simplicitati quàm compositio aliorum. Ad pleniorē igitur simplicitatis conceptum oportet aliquid addi, quo præterea divisio removeatur. Utque brevi definitione cuncta complectar,

Dico. Simplicitas est Unitas expers compositionis. Unitas seipsâ opponitur multitudini divisæ, & à conceptu simplicitatis cumulum lapidum aliaque aggregata excludit: negatio verò compositionis Unitatem, quæ per modum generis latius patet, ad solam simplicitatem ut differentia contrahit, & cætera omnia removel quæ licet una non tamen simplici existunt, ut elementa & animalia. Quia scilicet horum unitas distinctarum partium compositione constat. Et sic completur quidquid adæquata ratio simplicitatis requirit. Pro hujus autem conclusionis autoritate (quæ in ratione nominum præcipuam vim habet) prætermisiss aliis adduci

11.
*Simplici-
tas defi-
nitur
Schola-
sticè.*

A

ci

ci possunt ex SS. Patribus, D. Basilius l. 1. contra Eunomium paulò post medium, ubi postquam simplex idem esse dixisset atque indivisibile, rationem hanc reddit: *indivisibile enim est quod è partibus non componitur: simplex pariter quod ex pluribus non constat*, S. Bernardus l. 5. de Confid. cap. 7. ubi ait: *non est compositus Deus, merum simplex est. Et ut liquidò noveris quid simplex dicam: idem quod unum. Tam simplex Deus quam unus est.* Illà scilicet nobiliori specie unitatis quæ compositionem excludit, & sicuti ante dixerat, purè unum non autem unitum reddit. Clarissimè autem utramque negationem conjungit Paschasius Diaconus Cardinalis l. 2. de Spiritu sancto cum ait: *quid est Unus? nisi simplex, incomposita, indivisa substantia?*

III.
Eadem
describi-
tur ex SS.
Patribus

Not. tamen 1. à Patribus alio interdum modo, sed qui in priorem recidat, simplicitatem exponi: hoc scilicet, *quod quidquid res habet hoc est*, cum limitatione mox exprimendâ. Sic enim D. Augustinus l. 11. de Civit. Dei cap. 10. ideo ait Deum simplicem esse, *quia quod habet hoc est, excepto quod relativè quæque persona ad alteram dicitur. Nam utique Pater habet filium, nec tamen ipse est filius.* Et paulo post, *Natura dicitur simplex, cui non sit aliquid habere quod possit amittere: vel aliquid sit habens, aliud quod habet.* Et D. Bernardus loco supra citato de Deo loquens, cum non tantum unum sibi esse ait, sed etiam *in se unum. Quia nihil in se nisi se habet.* Atque in hunc sensum refert illud dictum Boëtii: *hoc verè unum, in quo nullus est numerus: nullum in eo aliud præter id quod est.* Præterea S. Isidorus l. 3. de summo Bono cap. 1. ideo, inquit, *dicitur Deus simplex, quia non est aliud ipse, & aliud quod in ipso est.* Omnium deniquè brevissimè & clarissimè Cyrillus Alexandrinus l. 1. in Joan. cap. 4. *In simplicibus substantiis nihil aliud est præter ipse.*

Est mo-
dus Entis
identifi-
catorum.

Not. 2. Ex horum Patrum aliorumque similiter loquentium sententiâ, simplicitatem esse modum quemdam entis qui omnia ad ipsum pertinentia, non solum uniat, sed identificet. Exempli gratiâ Angelus est essentia simplicis, quia substantia, spiritus, vita, intellectivum, & si quæ alia pertinent ad essentiam Angeli, tam inter se identificantur quàm cum Angelo. E contrario homo non est simplex quia anima & corpus, ex quibus constat, neque inter se ullo modo, neque cum toto homine identificantur. Unde dici nequit, anima est corpus, vel, anima est homo, neque è converso. Cumque id clarum sit de pertinentibus essentialiter & constitutivè; quid dicendum de aliis quæ quidditativum rei conceptum non ingrediuntur, videbimus cap. sequente.

IV.

Not. 3. difficile non esse ut posterior definitio Patrum cum priori concilietur: si enim terminos excutiamus, idem prorsus designat *identitas prædi-*

predicatorum, quod eorum unitas absque compositione. Unitas namque, *Conciliantur SS. Patres & Schola-* sublatâ unitorum distinctione quam compositio infert, metissima identitas est. Maluimus tamen priorem definitionem pro conclusione amplecti, quia & ipsa sanctorum est Patrum, & clarioribus terminis constat, *fici.* ideoque magis apud Scholasticos usitata. Quamvis & hi posterioris haud immemores fuerint, ut videre est apud D. Thomam 1. p. q. 3. a. 7. c. in ratione 5, ac præcipue apud Gregorium Ariminensem in 1. q. 1. a. 2. in argum. 2. contra Scotum.

CAPUT II.

Quotuplex simplicitas, & an aliqua Relativa?

Quia simplicitas, ut ante dicebamus, est species unitatis removens compositionem, ipsa toties dividi potest, quoties vel unitas vel compositio. Omnis porro Unitas vel est à parte rei vel per intellectum, & eodem modo simplicitas. Compositio verò vel Physica est vel Metaphysica. Physica autem vel ex materia & forma, vel ex subiecto & accidente, vel ex partibus integrantibus. Metaphysica verò vel existentia cum essentia, vel naturæ & singularitatis, vel denique suppositi & naturæ. Quare & singularis hisce componendi modis sua simplicitas responderet.

Præter hæc divisiones simplicitatis, quæ per se sunt claræ vel extræ præsentem controversiam, Theologi meminerunt simplicitatis *Abso-* *7.* *Simplici-* *tas alia* *Abso-* *luta* quæ est rei in se, & *Relativa* quæ consideratur in ordine ad aliud. Prior simplicitas excludit compositionem quæ dici solet *rei ad intra*, vel *huius alia Re-* *ex his*, & est veluti passiva. Talis est compositio totius ex suis partibus, *passiva.* v. g. hominis ex anima rationali & corpore. Altera simplicitas opponitur compositioni quæ dicitur *ad extra* vel *cum hoc aut illo*. Quæ compositio est quasi activa & reperitur in una parte respectu compartis, v. g. in anima respectu corporis, aut in subiecto respectu accidentium. Rejicit hanc divisionem Falolus tom. 1. in 1. p. q. 3. a. 7. dub. 1. nec aliam simplicitatem quam passivæ compositioni oppositam admittit. 1. Quia simplicitas illi solum compositioni opponitur unde res dicitur composita: dicitur autem composita à sola passiva compositione; ab activa verò potius denominatur componens. 2. Quia Angeli & animæ rationales absolute dicuntur simplices, quamvis passivam tantum compositionem excludant, non autem activam.

Sed dico. Bona & retinenda est isthæc divisio. Probat. Quia cum *Stabili-* *tur sim-* *plicitas* *relativa,* non dubitetur de simplicitate opposita compositioni passivæ, alteram illam quæ activæ opponitur gravissimi Patres & Theologi admittunt. Ne-

que inutiliter: ut enim infra videbitur, hæc simplicitatis species plurimum confert ad divinas perfectiones explicandas & illustrandas. Plurimos porro & antiquissimos Theologos pro ea refert ac sequitur Christophorus Gillius 1. p. l. 2. tract. 4. cap. 1. Ac nominatim Scotus in 1. dist. 8. q. 1. 2. & 3. ad simplicitatem refert quod res non sit componibilis cum altera. Componibilitas autem unius cum altero eadem planè est cum compositione activâ. Inter Patres videri possunt Augustinus & Bernardus in locis priore capite citatis, ubi simplicitati tribuunt quod Deus non sit nec esse possit subiectum qualitatum aliorumque accidentium; quod exterminis ante explicatis constat non esse Absolutæ simplicitatis sed Relativæ. Verba Augustini sunt: *Secundum hoc dicuntur illa simplicia quæ principaliter vereque Divina sunt, quod non aliud est in eis qualitas, aliud substantia, nec aliorum participatione vel divina, vel sapientia vel beata sunt.* Similia habet l. 6. de Trinitate cap. 6. & 7. Bernardus verò Deum non simplicem sed multiplicem fore affirmat, *nisi id quo magnus, bonus, justus est, unum in ipso & cum ipso existat.* In eundem sensum loquitur super Cantica serm. 80. & 81. denique hunc simplicitatis modum complectitur illud eorum generale pronuntiatum, quod *quidquid habet res simplex hoc est*: res enim non tantum habet partes suas constitutivas, sed etiam qualitates aliasque formas.

¶

Confirmatur 1. Quia Augustinus & Bernardus locis citatis simplicitati ut propriam adscribunt omnimodam immutabilitatem. *Nihil simplex, inquit August. mutabile est.* Quod non esset verum si simplicitas ex suo genere solum excluderet compositionem passivam. Quia activa compositio, quæ quantum est ex parte simplicitatis relinqueretur, sufficeret ad mutationem. Materia enim mutatur per formam & subiectum per accidentia licet non passivè ex iis constet, sed activè tantum cum iisdem componat.

Ex Scholasticis.

Confirm. 2. Quia Scholastici quando vel in 1. sent. dist. 8. vel in 1. p. q. 3. de simplicitate Dei tractant, non solum quærunt, an ejus substantia intrinsecè sit indivisibilis & partium expert: sed etiam an sit capax accidentium; an ut Anima mundi, vel instar alterius partis, in ullam cum aliis compositionem veniat? sentiunt igitur horum quoque considerationem ad simplicitatem pertinere.

Ratione.

Ratio divisionis petenda ex simplicitatis definitione, quæ utrumque illud membrum sub se continet. Sive enim simplicitatem definias *unitatem expertem compositionis*: sicuti duplex est compositio, una Activa, altera Passiva, ita & duplex negatio compositionis potest Unitatem afficere, una quæ Passivam compositionem tollat, altera quæ Activam. Sive

Simpli-

simplicitatem esse dicas *Identitatem prædicatorum intrinsecorum*: quemadmodum duplicis generis sunt intrinseca prædicata, scilicet constitutiva & attributa, sic etiam duplex considerari potest prædicatorum identitas, una constituentium, altera attributorum. Ergo & duplex simplicitas: quod enim duplicatur sub definitione, debet etiam sub definito. Priorem autem Absolutam dicimus, quia desumitur ab iis tantum quæ rei conveniunt secundum se: alteram Relativam quia consideratur in ordine ad alia cum quibus compositio ineatur.

Atque ex his ad primam rationem Fasoli, permixta maiore, negatur VII. minor. Res enim à compositione Activa non tantum componens, sed etiam composita dici potest: non quidem compositione *ex his*, sed *cum his*. Verè namque pars componitur cum sua comparte, & subiectum cum forma, licet non ex illa componatur. An autem simplicitas Relativa, saltem ut est perfectio, omnem planè Activam compositionem excludat, an aliquam tantum, & qualem in specie, dicemus disp. 2. cap. 6.

Ad alteram rationem concedo Angelos & Animas rationales absolute dici simplices, sed in genere simplicitatis participatæ, ideoque imperfectæ & ad unam speciem limitatæ, quæ solum excludat partes intrinsecas ex quibus res constet. Nulli autem Angeli vel aliarum creaturarum dicuntur simplices in omni genere simplicitatis, sed soli Deo, prout infra dicemus, id competit. Quia autem SS. Patres quando de Divina simplicitate agunt, omne genus simplicitatis expendunt: hinc fit ut aliquando dicant solum Deum esse simplicem, creaturas verò, quantumvis Angelicas, non esse simplices. Quia solus Deus totum genus simplicitatis implet, excludendo utramque compositionem modo infra explicando: creaturæ verò aliquam solum partem simplicitatis capiunt, quia earum aliqua passivam tantum compositionem excludunt, cum omnes alicui activæ, saltem in ordine ad accidentia, sint obnoxie. Hoc porro sensu soli Deo simplicitatem tribuit D. Augustinus lib. 11. de Civitate cap. 10. sub initium, & 6. de Trinitate cap. 5. sub finem.

CAPUT III.

An esse simplex præstat composito?

NON est dubium quin esse simplex simplicitate Relativa sit longe præstantius composito conformiter sumpto. Quia talis modus simplicitatis fundatur in actu puro, eaque perfectionis plenitudine, ob quam res nullius alterius recipiendæ est capax, ut pluribus explicabitur disp. 2. cap. 5. & 6. Sed dubitatur de esse simplici simplicitate Absoluta. Multa

enim in seipsis composita videntur simplicibus meliora & nobiliora, ut linea puncto: aut si hoc fortè cum D. Augustino l. de Quantitate animæ cap. 11. in dubium voces, uno puncto præstantior est Homo, & tamen minus simplex.

*Simpli-
cia præ-
stant
composi-
ta.*

Dico. Cæteris paribus ens simplex melius est composito. Est D. Bernardi l. 5. de Consider. cap. 7. ubi agens contra Gilbertum ponentem ali- quod compositionis argumentum in Deo: *nisi*, inquit, *omnia unum in Deo & cum Deo consideres, habebis multiplicem Deum. Mihi verò non de- est quod cogitem melius ejusmodi Deo tuo. Quaris quid? mera simplicitas. Vero judicio natura simplex multiplici antefertur.* Idem communiter de- fendunt Theologi contra Lychetum & paucos alios.

*Ob mo-
dum ef-
fendi per-
fectionem*

Probat. Quia id haud dubiè melius est quod bona cæteroquin æqualia habet ac possidet perfectiori modo, quam quod minus perfe- cto. Atqui Ens simplex cæteris paribus perfectiori modo possidet æqua- lia bona. Particula enim *cæteris paribus* bonorum cæterorum æqualita- tem supponit. Modus verò simpliciter possidendi perfectior est modo possidendi per compositionem. Quia per simplicitatem bona possiden- tur magis propriè, independenter, sincerè ac purè. Nihil quippe est rei magis proprium quam suum esse, ideoque nihil majori proprietate possi- deri ab ea potest, quàm quod ipsa res est. Porro simplicitas ita identificat bona cum possidente, ut non tam illa habeat quàm sit illa ipsa. Simplici- tas quoque reddit rem immunem à causis intrinsecis, à quibus omne com- positum dependet. Quare quod simplex est, nulli inra se debet quod sit, nisi sibi ipsi: compositum verò non extrinsecis tantum causis, sed aliis et- iam intrinsecis à se distinctis obnoxium est. Denique simplicitas ab omni illa permixtione & imperfectione rem purgat, quam distinctio & limita- tio partium, earumque materialitas, aut saltem potentialitas in compo- sitis important.

*I X.
Ob per-
fectiones
passiones
entis.*

Confirmatur 1. Majorem entis perfectionem arguunt perfectiores ejus passionēs sive proprietates, atque illæ in primis universales, Unitas, Veritas, Bonitas. Hæ autem cæteris paribus sunt multò perfectiores in simplicibus quàm in compositis. Atque Unitas quidem: quod enim compositione est unum, non est unum secum adæquatè, sed tantum per partes: per alias verò partes à seipso differt. Quod verò gaudet simplici unitate, adæquatè & totaliter est unum secum, nihilque in se habet quo differat à se. Veritas item rei simplicis præstabiliior est: quia quantum est ex parte objecti, perfectiorem sui notitiam parit. Ubique enim una sibi- que similis, ubique tota intellectui occurrit: cum è contrario res compo- sita intellectum distrahatur, atque unà sui parte notitiam alterius quodam- modò

modò refutet. Ac tandem magis perfecta in te simplici Bonitas est: quia ad perfectiorem sui amorem invitat. Ad eum nempe amorem qui uniformi affectu, & appretiatione æquali, complectatur rem totam: ubi è contrario res composita, sicuti secundùm aliquid sui est seipsâ major vel minor, atque ita secum non prorsus consentit, ita & disparem affectum, ac veluti à seipso discordem, excitat. Ut motus rectissimi ac perfectissimi centrum non nisi in uno est: ita & objectum perfectissimi amoris.

Explicantur hæc exemplo Hominis & Angeli. Secundùm Aristotelem 4. Metap. tex. 3. unus homo & homo idem sunt. Quemadmodum igitur Homo nullâ sui parte singulatim acceptâ homo est: ita neque est unus homo. Et sicuti omnes simul partes complectens, est quidem homo, atque adeo unus, sed toties ex non homine constans, quot partes sibi intrinsecas numerat: ita à sui Unitate toties deficit ac recedit. Hinc etiam si totum hominem mente apprehendere satagam, per singulas sui partes apprehendentem fugit, & in anima non corpus, in corpore non animam, in utroque non hominem cogitationi repræsentat. Similiter in formalitates quasi oppositas dividitur erga hominem amor, hinc minor & vilior quâ corpus spectat, inde major & pretiosior quâ ad animam pertinet. E contrario Angelus in omni quod ad ejus naturam intrinsecè spectat non nisi Angelus est, non nisi ut Angelus uniformiter intelligitur, non nisi ut Angelus uniformiter amatur.

Confirmatur 2. Ut magis constet quantum ad perfectionem faciat, non res tantum habita, sed etiam habendi modus, & quidem per compositionem & simplicitatem, unum hîc exemplum expendamus ex 3. p. q. 7. ubi communiter docetur, humanam Christi naturam, non tantum subsistere per illam personalitatem quâ ipsum Dei Verbum subsistit, sed etiam per eandem sanctitatem quâ ipsum in se sanctum est, sanctificari. Eandem igitur subsistentiam & sanctitatem habet illa natura humana, quam habet ipsummet verbum. Sed communi Theologorum sententiâ infinîtè perfectius Verbum subsistit estq; sanctû in se, quàm humanitas Christi: quia illam eandem rem habet Verbum per simplicissimam identitatem, quam natura humana non nisi per unionem & compositionem obtinet. Ecce quanti fiat ad perfectionem non res tantum habita, sed habendi modus: atque ille ipse de quo in præsentî agit. Similiter si verum esset (quod olim nonnulli existimârunt) sapientiam sive intelligentiam Divinam posse communicari alicui creaturæ ad intelligendum, sicuti personalitas communicatur ad subsistendum: Deus per eandem sapientiam infinîtè perfectius saperet quàm creatura, quia magis simpliciter & identicè. Ac tandem in sententia Thomistarum, meo quidem iudicio falsâ, probabili ta-
men

X.
Qua-
rum con-
ferat mo-
dus essen-
di seu ha-
bendi.

men in Scholis, eadem est res & quasi forma existentiae quâ Deus ipse & quâ humana Christi natura existit. Verum quia prioris modi diversitas hic recurrit, nullus eorundem Autorum Christum quâ hominem in perfectione existendi cum Deo comparabit.

Id declaratur ex Jure. Illustrari amplius hæc possunt variis sententiis naturali lumine tam apertis & claris, ut Jurisconsulti eas passim receperint: ut *quod is nobilior digniorque censendus qui qualitates naturales, quam qui accidentales habet*: item, *quod qui jure suo dignitatem vel officium obtinet, ei sit preferendus qui habet jure alieno*: imò, *quod ceteris paribus qui dignitatem gerit in loco nobiliori, precedat alterum qui alioqui parem ejusdemque nominis obtinet in minus nobili*; Quæ sententiæ aliæque similes videri apud eos possunt in leg. *si Augustus*. 1. de Legatis 2. & alibi passim. Atqui qui simplicius quid habet, idem habet connaturalius, & jure magis suo ac proprio, utpote cum suâ naturâ, quâ nihil magis ad eum pertinet, intimè identificatum: idem quoque intra nobilissimam sui dignissimamque sedem, quæ ipsa ejus Essentia est, jure quod potest esse optimum, admittit. Ergo id habet majori cum dignitate & nobilitate.

XI.

Pro solutione argumenti contrarii, cujus initio meminimus, sufficit animadvertere ad particulam *ceteris paribus* in conclusione contentam, id est, iisdem formalitatibus seu prædicatis (excepto tantum simplicitatis modo) utrimque possessis. Hoc autem sensu cætera non sunt paria in puncto & linea, ac multo minus in homine & puncto. Quod si extensio lineæ componeretur cum simplicitate puncti, esset sub hoc modo perfectior, quam sub opposito quem habet in linea. Quo pacto fortè componitur in Angelica extensione juxta probabilem multorum sententiam, qui illam in tota Sphæra Angelica indivisibilem, atque adeo simplicem, esse contendunt. Saltem in Æternitate indivisibilitas ac simplicitas instantis optimè conciliatur cum omni extensione seu latitudine temporis: ideoq; Nunc æternitatis (ut non immerito à Theologis dicitur) non tantum nostro instanti, ratione latitudinis, sed omni etiam tempore, ratione simplicitatis, infinirè perfectius esse non ambigitur. Quod argumento est, Simplicitatem semper esse rei perfectivam quantum est de se, dummodo aliæ perfectiones, quæ rebus compositis insunt, aliunde non desint.



DISPUTATIO SECUNDA. DE REALI SIMPLI- citate Divina.

CAPUT I.

An Deus in seipso sit realiter simplex?



Disputatio huc omnia quæ de simplicitate Divina disputat D. Thomas 1. p. q. 3. a. 1. usque ad 6. An Deus sit corporeus, an compositus ex materia & forma, &c. Sed quia ad Lectorem præfatus fui me hunc tractatum non instituere gratiâ sui, sed propter sequentem de Libertate divina, quod quidem tractatus generalis de simplicitate Divina plurimum confert, sed specialis disquisitio ejusmodi Articulorum parum utilis est: ideo iis prætermisissis ea solum tractabo quæ D. Thomas tribus reliquis articulis ibidem prosequitur, unde tamen reliquorum decisio pendeat & facillimè deducatur. Ac primò juxta simplicitatis divisionem traditam & probatam disp. 1. cap. 2. hîc inquiram de simplicitate Absolutâ quæ opponitur compositioni *ex his*, An scilicet Deus in semetipso ex nullis partibus constet? præscindendo tantisper, an possit venire in compositionem cum aliis, v. g. accidentibus quæ sint extra Dei conceptum? quod pertinet ad simplicitatem Relativam, & examinabitur cap. 5.

Circa præsentem quæstionem, reliâs gentilium & hæreticorum erroribus, celebris hoc loco apud Scholasticos est opinio Gilberti Porretani Episcopi Pictaviensis, ab Eugenio III, agente D. Bernardo, damnata in Concilio Remensi: quamvis Autor non fuerit damnatus, quod is sententiam suam Ecclesiæ Pontificisque judicio submiserit, eorumque arbitrio humiliter retractârit. Illâc verò opinio in hoc præcipuè, quantum huc spectat, consistebat quod Deitatem à Deo divideret, ac doceret, *eam non esse Deum, sed id quo est Deus*: ut testantur D. Bernardus serm. 80. in Cantica & l. 5. de Confid. c. 7. Gaufridus Claravallensis monachus in epistola ad Cardinalem Albanensem (quæ refertur apud Binium tom. 3. Conciliorum parte 2. in prædicto Concilio) & Otto Frisingensis lib. 1. cap. 46. & seq. Constat autem, iisdem Autoribus, quod non Deitatem tantum, sed etiam Bonitatem, Sapientiam, Magnitudinem cæteraque attributa *diviserit à Deo*, id est, dixerit Sapientiam v. g. *non esse Deum* (hæc enim propositio negans per vocem divisionis intelligitur) *sed formam quâ*

quasi sapiens est Deus, & sic consequenter de Bonitate, Magnitudine, Divinitate ipsâ. Unde & illam Boëtii propositionem Pater est veritas, Haud aliter interpretabatur quàm Pater est verus, & illam alteram tres Personae sunt una veritas in hunc sensum detorquebat, tres personae sunt unus Verus.

- II. Notandum, eundem Gilbertum à Theologis nonnullis citari quasi non tantum Divinitatem ejusque attributa distinxerit à Deo in concreto, sed hæc etiam tam à Divinitate in abstracto quàm ab invicem. At eos falli colligitur ex ipso Bernardo cap. 7. supra citato, ubi fatetur à Gilberto ejusque discipulis responderi consuetum, magnitudinem, bonitatem &c. *non esse multa, sed unam tantum Divinitatem quæ omnia illa sit.* Contra quostamen ibidem instat, ac colligit, eos adhuc *quamvis non multiplicem constituent Deum*, scilicet in omnia sua attributa divisum, *at non omnino simplicem constituere, sed duplicem ad minimum*, scilicet ex Deitate & ipsam habente conflatum. Quod adhuc repugnat meræ simplicitati divinæ: *tam enim non est simplex* (ut ibidem Bernardus) *quod vel uni fuerit obnoxium forma, quàm nec virgo vel uni cognita viro.*

Prætereo ulterius examen, quid Gilbertus per habentem intellexerit: an subsistentiam vel similem rationem omnibus divinis Personis communem, ut nonnulli volunt: an potius Personas singulas, ut ex ipso Gilberto suorum verborum interprete refert Frisingensis: quidquid enim de hoc senserit, in eo Gilbertus erravit, quod distinxerit Deitatem à Deo, sive simpliciter secundum concretum solius essentiae, sive personaliter accepto. Nihil etiam hîc dico de genere distinctionis quod inter prædicta extrema Gilbertus admisit, siue strictè reale an latè sive cum addito, modale aut formale, de quo mentem ejus examinabimus disp. sequente. Si enim distinctio strictè realis fuerit in Gilberto damnata, jam habemus immediatè & formaliter quod intendimus: si verò realis latè, idem per certam consequentiam obtinemus. Quia minori distinctione reprobatâ, ne divinæ simplicitati officiat, à fortiori rejicienda est major quæ includit minorem. Distinctio autem realis est major formali, & in iis saltem quorum diversa definitio, formalem includit.

- III. Resp. & Dico. Deus est realiter in se simplex. Est communis, non solum omnium Theologorum, sed etiam SS. Patrum, imò definita de fide in Concilio Lateranensi sub Innocentio III. his verbis: *Firmiter credimus & simpliciter confitemur quod unus solus est verus Deus &c. tres quidem Personae sed una essentia, substantia seu natura simplex omnino*, ut refertur cap. *firmiter* de summa Trinitate. Huc etiam facit quod idem Pontifex in eodem Concilio definiverit *in Deo solummodo Trinitatem esse*,

non quaternitatem, ut ibidem refertur cap. *Damnatus*: quia quidquid divinam simplicitatem destrueret, novam aliquam distinctionem inderet in Deum, quæ trium Personarum differentiis juncta quaternitatem compleret. Idem denique supposuit Eugenius II. quando in Concilio Remensi errorem Gilberti supra relaturn damnavit, & Autorem ad palinodiam compulit.

Confirmatur ex confessione Fidei quam D. Bernardus cum Episcopis Galliæ tunc Eugenio obrulit, & directe opposuit errori Gilberti. Primus enim ejus articulus ita se habet: *Credimus & confitemur simplicem naturam divinitatis esse Deum, nec aliquo sensu Catholico posse negari quin divinitas sit Deus, & Deus divinitas. Sicubi vero dicit Domini sapientia, Dominum sapientiã sapientem, magnitudine magnum, divinitate Deum esse, & alia hujusmodi: credimus non nisi ea sapientiã quæ est ipse Deus sapientem esse: non nisi eã magnitudine quæ est ipse Deus magnum esse, &c. id est, seipso sapientem, magnum, æternum esse.* Habetur verò hæc confessio apud Vasquez 1. p. tom. 2. dif. 120. cap. 2. & apud Binium suprâ. Et quamvis non sit relata in Acta Concilii, quoddam Cardinales ægrè ferrent Episcopos Galliæ & D. Bernardum sua auctoritate edidisse hanc confessionem, atque si in causa Gilberti voluissent prævenire Apostolicam censuram: Eugenius tamen vivæ vocis oraculo eam sufficienter approbavit, quando eadem Confessione acceptâ & perlectâ respondit, *quod ab illa in nullo prorsus Romana Ecclesia dissentiret: ut in epistola suprâ citata testatur Gaufridus, qui cum D. Bernardo, Abbate suo, omnibus interfuit. Adde quod reipsâ consentiat cum definitione Eugenii quam Otto refert: ne aliquaratio in Theologia inter naturam & personam divideret, neve Deus divina essentia diceretur in sensu ablativi tantum sed etiam nominativi.*

Veritas hæc in Scriptura sacra non est quidem terminis adeo propriis clarissime expressa, aliquando tamen insinuat, eaque in illa ponuntur fundamenta, unde erui facillè possit. De fundamentis videbimus in Cap. proximo. Sancto autem Augustino visa fuit insinuari in illo Sapient. 7. *in Scripturis* vers. 22. *Est in illa* (scilicet Sapientia divina) *spiritus unicus & multiplex.* In epistola enim 102. quæ est ad Evodium, *multiplicem* dici ait, *quoniam multa sunt quæ habet, simplicem autem* (quod pro unico vel explicat vel legit) *quia non aliud quàm quod habet est.* Deus enim non est simplex per defectum perfectionis, sicuti punctum corporeum est simplex, sed per eisdem abundantiam, in quoddam tamen genus perfectissimæ unitatis collectam; quemadmodum exemplo simplicissimæ Æternitatis in se adunantis omnem latitudinem temporis declaravimus disp. 1. cap. 3. sub finem. Quare & alibi D. Augustinus, ac præsertim 6. de Trinit. cap. 4. *multiplicem*

iplicem vocat *simplicitatem* Dei & *simplicem multiplicitem*, & D. Bernardus l. 5. de Consider. cap. 7. *Multa*, inquit, *dicuntur esse in Deo, & quidam sancti Catholicèque, sed multa unum*. Ab eodem quoque Augustino in epistola citata, sicuti ab aliis quoque Patribus, divina simplicitas iis ex locis colligitur, ubi Scriptura prædicat de Deo ejus perfectiones in abstracto, ut vocando *Vitam, Lucem, Veritatem*, Joan. 1. & 14. *Caritatem* 1. Joan. 4. *Sapientiam* Proverb. 8. & 9 Si enim hæc prædicata convenirent Deo per compositionem, diceretur quidem Deus vivens, sapiens, verax adjectivè & in concreto, sed non substantivè *Vita & Veritas ipsa*, nisi admodum improprie, sicuti Davus apud Comicum dicitur *scelus*, accipiendo illud pro *scelero*. Quo exemplo D. Bernardum in Concilio Remensi ulum esse contra Gilbertum, refert Gaufridus in epistola citata.

Alii præterea adferunt ea Scripturæ loca, ubi Deus dicitur Spiritus: putant enim substantiam spirituales esse eandem cum simplici; sed non rectè. Ut enim dantur accidentia spiritualia quæ partibus constant tam extensivis quàm intensivis, ut species & habitus intellectuales: ita non implicat dari substantias spirituales intrinsecè compositas, dummodo in suo esse non pendeant à quantitate. Ut namque in ordine ad hanc omnis ratio corporis sumitur: ita & ratio spiritus ab exclusionem ejusdem, five partes habeat five non. Magis ad rem facit, quòd suprà in libro Sapientię Spiritus divinus non solum dicatur *Unicus*, sed etiam *Attingens*, seu pervadens, *ubique propter suam munditiem*. Si enim macula consistat in adhæsiōe rei inferioris seu vilioris: puritas utique seu mundities, si summa fuerit, ab omnibus inferioribus erit secreta: & per consequens à compositione partium, quæ saltem toto minores atque inferiores existunt. Omnia itaque ad se pertinentia pervadet mundities hæc: non tam per localem penetrationem quàm per identitatem realem; Adeo ut Deus nihil se vilius habeat, cùm nihil præter se habeat, juxta simplicitatis descriptionem ex SS. Patribus disp. 1. cap. 1. num. 3. de qua plura inferius recurrent.

CAPUT II.

Proponitur primæ ratio Theologica pro simplicitate Dei.

P.

Theologicas rationes voco, quæ nituntur vel unico principio divinitus revelato. Quas inter, meritò primum meretur locum, quæ præcipue D. Bernardus in Remensi Concilio Gilbertum confutavit.

Hæc

Hæc autem ex lib. 5. de Consider. cap. 7. potest in hunc modum formari. Habenda est ea reverentia Deo, ut quod pluris est, sive perfectius, illi tribuamus: Atqui perfectius est easdem perfectiones habere simpliciter, quam compositis Ergo ille modus habendi Deo adscribendus. *Deo optima adscribenda.* Majorem D. Bernardus probat ex illo Psal. 63. *Accedet* (sive ut ipse legit, *adscendet*) *homo ad cor altum, & exaltabitur Deus.* Quod ita explicat, ut ad nullum perfectionis gradum cogitationes nostras valeamus erigere, infra quem jure possimus collocare Deum; sed hunc potius supra illum quantumvis sublimem, extollere debeamus. Minor probata est disp. 1. c. 3. atque iis rationibus quas Bernardus ibidem & serm. 80. in Cantica bonâ ex parte attingit; Ut cum dicit *pluris esse nullo indigere quam aliquibus*, sibi scilicet sufficere, & seipso esse contentum, quam ab aliis sive formis, sive partibus perfectionem emendicare: cum item majorem Dei perfectionem eo nomine commendat, *quod nihil in se habeat nisi Deum*: alioquin aliqua quæ haberet essent inferiora Deo; nihil namque à Deo distinctum pat ipsi esse ac multo minus superius potest.

Confirmatur Major propositio prædicti argumenti, ex Ecclesiastici 43. vers. 32. *Glorificantes Dominum quantumcumque potueritis, supervalerebit adhuc, & admirabilis magnificentia ejus. Benedicentes Dominum exaltate illum quantum potestis, major enim est omni laude.* Cum porro Dei gloria & laus in manifestatione divinarum perfectionum consistat, si quantum possumus debeamus eum glorificare & laudare, debemus quoque perfectiones quam possumus maximas Deo adscribere; imo & ultra illas Majestatem ejus exaltare, quippe quæ supremum cogitationum nostrarum infinitè excedat. Pro eadem propositione videri poterit D. Augustinus lib. 2. de lib. arbitr. cap. 6. & lib. 1. de doctr. Christ. cap. 7. ubi docet, Deum ab omnibus concipi non id solum Ens quo nihil melius est, sed illud etiam quod cæteris omnibus præstat. Quem posteriore conceptum ideo præfert priori, quod Deus sub hoc quidem excludat superiorem, sed admittat parem; quem etiam sub illo posteriore excludit. Illam deniq; propositionem vel ex solo lumine rationis palam omnibus inculcat titulus *Opt. Max.* quo Dei nomen Ethnici pariter & Christiani honorant. *Et cujus erunt optima quæque Israel? nonne tibi?* ajebat Samuel ad Saulem 1. Reg. 9. v. 20. Quanto magis Regi sæculorum immortalis & invisibili optima quæque intra totius Entis latitudinem deferamus?

In minori verò propositione illud Bernardi quod perfectius sit nihil in se habere nisi Deum, quam ex aliquibus quæ Deus non sunt constari, videtur naturæ lumine tam clarum ut aliâ probatione non egeat. Possu-
VI. Melior Deus, intra quem nihil nisi

Deum ex partibus compositum, quarum una sit sapientia, altera bonitas, tertia potentia, & sic de cæteris, nulla verò aliarum perfectiones habeat, nulla tota Deitas sit: totus quidem Deus denominabitur sapiens, potens, bonus, non erit tamen secundum se totum, sed tantum secundum unam partem, secundum alteram verò nihil cognosceret aut poterit; multo minus secundum se totum Deus erit, sed in singulis suis partibus Deo minor tantique nominis dignitate inferior. Consideremus deinde simplicem Deum cujus essentia per seipsam sapientia sit, hæc pariter bonitas & potentia, & quidquid Deitatis aut Dei etiam nomine clauditur, in quo nihil sit minus absolutum & perfectum nihil quod non sit Deus: haud dubiè Deus secundo modo consideratus priori melior judicabitur. Per se enim liquet Ens illud quod undequaque & in omnibus est perfectum ac Deus, melius esse illo quod conflatur ex imperfectis & minoribus Deo. Cum totum ex partibus constet, fieri non potest quin imperfectio quæ est in partibus in totum redundet.

VII. Urgeri amplius potest hæc ratio, & ab aliquo sensuum præjudicio purgati. Nos quidem illis assueti, in pulcherrimo eorumdem objecto, quod est homo, partium differentiam & compositionem desideramus; imò & localem distantiam: quia experienciâ scimus singulorum organizationem, temperiem, speciem, usum aliter, saltè per naturam, constare non posse. At imaginemur nobis aliquem qui non ex parte videat, vel audiat, & ex alia parte nihil cognoscat, sed totus sit oculus, totus auditus, totus reliquorum sensuum perfectionem, usum, pulchritudinem secundum se totum obtineat: quis hunc non præferat priori? Profectò cunctorum iudicio perfectior multo est supernaturalis modus præsentia, quem Christi corpus obtinet in Eucharistia, quàm vulgaris alter & naturalis: quia salvâ omni aliâ perfectione, vel solo loco conjungit, quæ alioquin eo distant. Quanto igitur majoris perfectionis esset, si quis modus possibilis foret, quo ea omnia cum tota sua perfectione in eandem substantiam confluerent? Quod autem in ente illo limitato & materiali non natura solum, sed ipsa etiam essentialis ratio fieri vetat: id in Ente illimitato, & ab omni materialitate ac potentialitate abstracto, optimè ratio patitur, atque adeo essentiali jure natura deponit. In illo, inquam, Ente, in quo, quod ad perfectiones intrinsecas attinet, idem est posse esse, atque actu coque per se necessario esse.

Quomodo Deus totus oculus, mens, manns.

Ad hanc fortè divinarum perfectionum identitatem Ethnicî respexerunt, quando, ut plures referunt, Deum dixerunt *totum esse oculum, totum aurem, & totum mentem*, utque aliqui addunt, *totum manum*; ut videlicet spiritualia attributa hisce metaphoris adumbrata, non per partes sed per

per identitatem totalem Deo competere significarent. Ex Christianis vero idem pulchrè expressit S. Cyrillus Hierosolymitanus Catechesi. 6. ubi postquam docuit Deum non ideo quòd vocatur bonus, & justus, & omnipotens, & Sabaoth, varium esse & diversum, hæc post pauca de eodem subjungit: *non partim videns, partim videndi facultate carens, verùm totus cum sit oculus, totusque auditus, totusque mens, non, sicut nos, ex parte intelligit & ex parte nescit, &c.*

Applicare huc ulterius possumus quæ de Unitate, Veritate & Bonitate, in Ente simplici quàm in composito perfectioribus, diximus disp. 1. cap. 3. & juxta illas rationes expendere, quanto sit perfectius nihil in Deo esse cognoscibile vel amabile præter ipsummet Deum, quàm quædam à Deo distincta, & per consequens à tantâ Majestate diminuta. Quò forte allusit Dominus Luc. 10. vers. 41. dum Martham circa plura occupatam, ad Unius studium, tanquam longè perfectius, exemplo sororis invitavit. Primam verò hanc rationem pro simplicitate Divinâ paulo tufius deductam concludamus compendiosis, sed valde prægnantibus, D. Bernardi verbis, ex epistola ejusdem ad Innocentium Papam, de erroribus Abailardi: *Majus sine dubio est, quod totum maximum est, quàm quod ex parte. Ille verò dignè pro sua possibilitate divinam æstimat magnificentiam, qui nihil in ea cogitat dispar, ubi est totum summum: nil difans, ubi totum est unum: nil hians, ubi totum est integrum: nil denique imperfectum & egens, ubi totum est totum.*

CAPUT. III.

Alia rationes pro eadem Veritate.

Post priorem rationem pro divina simplicitate, altera formari potest in hunc modum. Si Deus non est Ens simplex, vel aggregatur ex multis entibus totalibus, vel componitur ex partibus. Primum repugnat Unitati Dei quam hic supponimus, omniaque absurda inferre quæ nascuntur ex pluribus Diis. Alterum est contra rationem Entis primi. Id enim non potest esse primum quod habet causas se priores. Has autem habet omne compositum. Etenim partes ex quibus constat sunt ejus causæ intrinsecæ. Omnis autem causa quandam habet prioritatem, si non durationis, saltem naturæ aut originis, respectu sui effectus. Porro Deum esse Ens primum, præterquam quod ratio dicit, ipsa Scriptura testatur. Nam Christus Dominus Joan. 8. vers. 25. cum interrogaretur, *tu quis es*, de se respondit, *Principium, qui & loquor vobis*: quibus verbis juxta multorum Patrum & interpretum sententiam, suam divinitatem per Entis primi rationem

IX.
Nullum
Ens pri-
mum est
composi-
tum.

tionem descripsit. Eundem honorem sibi merito vindicavit Apocal. 1. vers. 8. cum ait, *Ego sum a. & u. principium & finis*, & iterum vers. 17. *Ego sum primus & novissimus*. Videri potest hæc ratio principii in sensum notitum pluribus explicata apud S. Bernardum de Considerat. 1. 5. c. 6. Totum verò argumentum S. Ambrosius Tom. 4. tract. in symbolum cap. 1. complectitur paucis hisce verbis: *Deus compositus esse non potest, cum aliqua eo anteriora præstitisse putari sit nefas*. Pluribus verò Cyrillus Alexandrinus l. 3. Thesauri cap. 4. prope finem, quæ hîc addere non pigebit, quia clara sunt ac prorsus scholastica. Sic ergo hæreticos contradicentes redarguit: *Quomodo Pater omnium rerum principium erit, si non simplex sed compositus erit? Primum enim simpliciter, haudquaquam compositum esse potest; quia nihil potest ipsi præintelligi à quo componatur, nec ulla diversitas in primo simpliciter est. Composita verò congregationem diversorum simplicium habent, quæ ipsis necessario præintelliguntur*.

Notandum à S. Cyrillo præter causas ex quibus compositum constat, insinuari aliquam à qua compositio fiat. Partes enim distinctæ compositionem non ineunt, nisi ad sit causâ quæ unionem efficiat: sive illa sit extra compositum, sive aliqua ex partibus in eodem inclusis. Quod namque causam habet finalem, idem etiam ab aliqua efficiente dependet. Porro unio cum sit purus modus, non est gratiâ sui, sed ad compositum ut finem ordinatur. Quare nec à se est, sed ab aliquo effici debet: quod proinde tam ipsi unioni, quàm composito inde conflato, novo rursus titulo primas præcipiat.

X. Terciam rationem pro eadem veritate suppeditat illud Deo maximè proprium, aut potius essenziale, utque volunt multi, primò constitutum, *Ego sum qui sum*. Quibus verbis Deus ipse Exodi. 3. esse suum im-
Nihil quoque quod à se est. compositum est.
 participatum, sive *A se*, juxta communiorum Patrum ac Theologorum sententiam explicavit. Hinc autem sic argumentor. Si Deus constet ex partibus, vel illæ partes erunt à se vel ab alio. Neutrum dici potest. Non postremum: quia sic essent creaturæ, earumque ratione in ordinem creaturarum redigeretur Deus; quippe qui ex creaturis constaret. Non primum: quia cum ratione Entis à se pugnat ratio partium. Illud enim Ens importat illimitationem in omni genere entis: partes verò limitationem in aliquo. Ideo namque partes ad totum constituendum cum aliis concurrunt, quia solæ à totius perfectione deficiunt. Quod verò Ens à se dicat aut inferat illimitationem in omni genere entis, ex D. Thomæ & communiori sententia tradi solet 1. p. q. 7. a. 1. & hoc inter alia, argumento probari. Omnis limitatio est ab aliqua causâ, vel efficiente quæ non potest aut non vult majorem effectum producere, vel à materiali quæ ad per-

Ens omne à se est illimitatum in omni genere Entis.

perfectiorem non disponitur, vel à formali aut finali. Atqui ens à se nullam habet sui causam: Ergo nullos habet limites suæ essentia; atque adeo in ratione entis infinitum existit, omnem ejus perfectionem in se complectens, neque quidquam excludens nisi quod majoris perfectionis privationem, & sic non ens potius, quàm ens aliquod, infert.

Dices. 1. Poterit Ens à se limitari per essentiam suam, quæ majoris perfectionis non sit capax. Resp. neg. Assumptum. Cum enim à se habeat totam suam essentiam & capacitatem, non est ratio cur habeat tantam & non majorem, & per consequens, debet omnem possibilem habere. Et cur obsecro Entis ratio usque adeo erga se avara aut invida foret, ut nullâ de causâ perfectione aliquâ aut capacitate sese ipsa privaret? Si teste Philosopho *bonum est quod omnia appetunt*: cur ens à nullo quàm seipso, ut sic loquar, dependens, aliquod bonorum genus repudiet? Ponamus aurum à se habere divitias & capacitatem earumdem, nullum is ponet divitiis modum: ita nec ens perfectioni, quod à se omnem obtinet.

Dices 2. Ut id admittamus in ente quod absolute & universim est à se, videlicet Deo ipso; non debemus tamen admittere in eo quod respectivè & in certo genere, v. g. Sapientiæ, Bonitatis, Potentiæ, est à se. Hoc enim tantum dicit limitationem in eodem genere. Atqui partes ex quibus Deus constabit tantum erunt respectivè & in certo genere à se. Resp. hanc evasionem satis probabilem fore, si ratio *A se* ita posset descendere ad certum genus, v. g. sapientiæ, ut non prius afficeret ipsummet Ens. Sed hoc implicat. In omnibus enim prior est ratio Entis quàm talis entis v. g. sapientiæ. Redit ergo quæstio de ratione illa priori, siene à se, an ab alio? si hoc dixeris, jam sapientia quæ rationem illam essentialiter involvit, erit quoque ab alio. Si concesseris rationem Entis esse à se: tunc deerit causa cur contrahatur ad rationem sapientiæ tantum, & non identificent sibi potentiam & bonitatem, omnemque aliam perfectionem, quæ cum iis non pugnat. Atque ita evertitur quod argumentum supponit, posse scilicet aliquid dari quod sit à se in certo tantum genere entis, & non in omni.

Dices. 3. Entia possible sunt à se, & tamen sunt essentia limitatæ; homo enim possible manet intra rationem solius hominis, & non identificantur rationem Angeli: Ergo cum ratione Entis à se optimè conciliatur limitatio. Possible autem esse à se, probatur. Quia antecedenter ad omnem causam animal rationale est possibile, hoc ipso tantum quod ejus prædicata nullam repugnantiam involvunt. Resp. neg: Antec. quoad primam partem. Haud alio enim pacto sunt possible, quam quo possunt actu existere. Sicuti autem non possunt existere nisi dependenter à suis

XI.

*Implicat.
Ens quod
sit à se in
certo tā-
tum ge-
nere.*

XII.

*Creantur
possible
dependēt
à causis
confor-
miter
sumptis.*

C

causis,

causis, tam intrinsecis, ut composita dependenter à materia & forma, quàm extrinsecis, scilicet finalis & efficiente, uti omnes creaturæ: ita nec aliter possibilia sunt. Quare antecedenter ante omnem causam nulla sunt possibilia. Quomodo enim concipies hominem possibilem antecedenter ad materiam & formam? Quomodo tam hominem quàm Angelum vel ullam aliam creaturam in statu possibili tibi repræsentabis sine dependentia à Causa primâ? Absque hac implicabit in terminis prædicatum omnibus creaturis intrinsecum, essentiale, & primum, scilicet *entis participati sive ab alio*, absque quo multo minùs creaturam concipies, quàm hominem absque rationali. Quomodo autem possibilem dependentia à suis causis non sit actualis, sed eorum statui conformis, ideoque non nisi possibilis, & in quo hæc possibilitas consistat, ad alium explicandi locum magis proprium remitto.

Alia divina simplicitatem argumenta reducuntur ad priora.

Ad tertiam hanc rationem reduci poterunt aliæ quas pro divina simplicitate aliqui petunt ex necessitate essendi, ex ratione Actus puri, ex illimitatione perfectionis: hæ enim & similes vel sub esse increato & *A se* continentur, vel ex eodem, veluti ex primo fonte, juxta nostrum modum concipiendi emanant. Aliam rationem fusiùs hîc urgere possemus de æquali vel inæquali perfectione partium ex quibus Deus componeretur, utrimque obnoxius imperfectioni. Sed ne in re modò non controversâ diutius hæreamus, hoc verbo quæstionem absolvam, quòd partium differentia nulli esset usui in Deo. Non enim ad earum separabilitatem, cum Deus nequeat dissolvi: neque ad limitationem, cum potius debeamus pro divina infinitate præsumere: non denique ad relativam oppositionem, quippe quam inter solas proprietates divinas non tam ratio suadet quàm fides imperat; unde ad prædicata essentialia transferri non debet. Accedit quòd ratio quæ eam ab imperfectione vindicat in proprietatibus, locum habere nequeat in essentialibus, ut Cap. proximo videbitur.

CAPUT IV.

Quomodo divina simplicitati nihil obstat mysterium Trinitatis?

XIII. EX profundissimo hoc mysterio duplicis generis argumenta sumi possunt contra simplicitatem divinam. Vel enim tres Personas realiter inter se distinctas conferimus cum Essentia quæ realiter est una: vel easdem Personas inter se. Sub prima consideratione difficile apparet, quomodo nulla distinctio & hinc nata compositio intercedat inter Essentiam & Personas, & nihilominus illa sit tantum una, hæ verò tres. Quò pertinent

nent aliæ difficultates quas idem mysterium infert, quānam scilicet fieri possit, ut absq; ulla distinctione reali Essentia non generet nec generetur, Pater verò generet & Filius generetur, & aliæ similes. Sub altera consideratione non opus est argumentando distinctionem inferre, cum ipsa ultro concedatur & credatur. Sed quo pacto augustissimam Trinitatem prædicabimus simplicem, quæ ex tribus constat re ipsâ distinctis?

Fide tamen credendum, non obstante Trinitatis mysterio Deum omnino simplicem esse. Ita enim Concilia cap. 1. citata definiverunt, *factâ expressâ mentione hujus mysterii, imò in processu contra illos qui ex ipsa Trinitate divinam simplicitatem impugnabant. Inter SS. Patres idem communiter docentes, ita breviter Augustinus de Civit. l. 11. c. 10. Hac Trinitas unus Deus est, nec ideo non simplex quia Trinitas. Et D. Bernardus lib. 5. de Confid. cap. 7. postquam Deum mox simplicem dixerat, nec Unum tantum sed etiam Unissimum, ita sibi objicit: Trinitas est tamen Deus. Quid ergo? Destruimus quod dictum est de Unitate, quia inducimus Trinitatem? Non: sed statuimus Unitatem, sive simplicitatem, pro qua ibi declarat se Unitatem accipere. Et cap. 8. inter omnia, inquit, quæ rectè unum dicuntur, arcem tenet unitas Trinitatis, quâ tres Personæ una substantia sunt: Hinc etiam iidem Patres licet Deum trinum agnoscant, triplicem tamen negant: quia duplex, triplex, multiplex in proprio sensu simplici opponuntur. Videatur Bernardus eodem cap. 8. sub finem.*

Prob. verò ex definitione simplicitatis quam tradidimus disp. 1. cap. 1. *Simplicitas est Unitas expers compositionis, quæ tota convenit gloriosissimæ Trinitati. Hæc enim non est aggregatum per accidens, sicut turba hominum: sed Ens verissimè unum, juxta illud Joan. 10. v. 30. Ego & Pater unum sumus. In quæ verba D. August. tract. 45. in Joan. Arins dicit, aliud simplicitatis: est Pater, aliud est Filius. Rectè diceret, si diceret, alius non aliud. Quando enim dicit aliud, ei contradicit à quo audit, Ego & Pater unum sumus. Unde etiam quod est Pater, hoc ipsum est Filius & Spiritus sanctus. Et quod est tota Trinitas, hoc ipsum sunt singulæ Personæ, ut in tractatu de Trinitate communiter docetur. Atqui Trinitas non est quid unum per compositionem. Hæc quippe dicit unionem distinctorum: quæ non datur intra conceptum Trinitatis. Quia vel comparatur Essentia cum Personis & Personæ cum Essentia; sic autem nulla est distinctio à parte rei, sed mera identitas: vel Personæ conferuntur inter se; & sic distinguuntur quidè, sed nullam unionem sive vinculum habent, quo unum quid constituent. Superest igitur ut benedicta Trinitas sit Ens unum per simplicitatem. Simili prorsus modo veritatem hanc probat D. Thomas de Potentia quæst. 7. a. 1. ad 10. Applicari quoque potest altera definitio: quod ea res sit simplex*

quæ quod habes hoc est, excepto quod ad alterum est. Quia tam omnes quam singulæ personæ sunt ipsa essentia, & hæc pariter personæ: solummodò una persona non est altera propter oppositionem relativam producentis & producti quæ intercedit.

XX. Ad argumentum petitum ex propositionibus primâ facie contradictoriis, quas de essentia & personis vel fides dicat vel communis Theologia admittit, respondebitur Disputationibus seqq. ibique ostendetur, quò pacto non tantum absque reali, sed etiam formali, aut aliâ quavis minimâ distinctione, quæ inter essentiam & personas detur à parte rei, omnium veritas constet. Ad alterum quod non sine verisimili ratione suggerit multitudo personarum, cum Disp. I. c. I. viderimus non compositionem tantum, sed etiam multitudinem simplicitati officere, colligitur responsio ex ratione Conclusionis, quòd videlicet non omnis multitudo simplicitatem tollat, sed illa tantum quæ vel unitatem destruit, ut sit in cumulo lapidum aliisque aggregatis per accidens, vel compositionem unitorum adnuit: quorum neutrum invenitur in hoc mysterio, ut ibidem ostendimus.

Quo sensu Deus dicatur totum?

Petes quo modo conveniat Deo ratio totius, si ita sit simplex, ut partibus ex quibus componatur non constet? Ratio autem totius passim à Patribus Deo tribuitur, ut ab Augustino epist. 57. ad Dard. cum dicit: *Deum cuiuslibet partis adesse totum*, & S. Athanasio in symbolo, *tota tres personæ coeternæ sibi sunt & coæquales*. Respondeo rationem totius posse accipi dupliciter: vel *relativè*, sive ut alii loquuntur, *positivè*: vel *absolutè*, sive ut aliquibus placet, *negativè*. Totum *relativè* acceptum dicit habitudinem ad partes: est enim id quod omnibus suis partibus constat. Totum verò *absolutè* sumptum est idem quod perfectum, videlicet cui nihil deest quod ejus sit aut esse debeat, sive sit ejus pars sive non. Porro totum convenit Deo, non sensu priori; Deus namque partes non habet: sed tantum posteriori; quippe cui nihil desit divinæ perfectionis. Imò per hoc Deus quàm maximè totus est, quòd nihil simpliciter perfectionis ei desit, cum divina perfectio quidquid alicubi perfectionis reperitur in se contineat. Atque in hunc sensum Partes supra citati explicandi. Posset etiam simpliciter responderi, dicendo inter partes & totum esse relationem non mutuam: ita ut omnis quidem pars dicat ordinem ad totum,

non tamen omne totum ad
partes.

CAPUT V.

An Deus componat cum Accidentibus?

Hic agere incipimus de compositione relativâ, cujus etiam imperfectiones à simplicitate intra genus suum excludi ostendimus disp. 1. cap. 2. Ac primò occurrit compositio cum accidentibus, qualem creaturæ etiam in se simplices admittunt, ut Angeli & animæ rationales cum potentis, habitibus & actibus suis. Quæritur itaque, an Deus, licet sit intra suam substantiam simplex, cum nullis tamen accidentibus componat? Et potest adhuc dupliciter hæc quæstio disceptari. 1. An Deus cum iisdem componat tanquam necessarium subjectum, quod scilicet ad perfectionem aliquam suam exigit accidentia, ut per illa sapientiam, bonitatem, potentiam suam habeat, sicuti creaturæ habemus? 2. An saltem aliquam cum illis compositionem inire possit tanquam subjectum voluntarium, quod licet nullam ab accidentibus perfectionem capiat, liberè tamen se iisdem communicet? XVI.

Dico. 1. Deus non est subjectum necessarium alicujus accidentis. Est de fide. Hæc enim dicitur, Deum adeo per se & ex toto sibi sufficere, ut neque ad suum esse, neque ad melius vel perfectius esse ullâ creaturâ indigeat. Dixi Dominò, inquit Propheta Psal. 15. *Deus meus est, quoniam bonorum meorum non eges*: atque idem cætera omnia entia creata si vocem haberent loquerentur. Omne autem accidens ex primo suo & essentiali conceptu est creatura, utpote entis ens & ab alio pendens. Ergo Deus non indiget accidente. Accidentia non sunt Deo necessaria ad perfectionem.

Quod si quis alterius rationis accidens in Deo fingat, quod nec sit Deus nec creatura, sed medii cujusdam ordinis, sicuti de proprietatibus divinis existimasse feruntur Græci quidam Palamitæ: præterquam quod Ens illud medium prout sequenti tractatu videbimus, manifestæ rationi adversetur: in præsentî unâ cum vero accidente sufficienter refellitur argumentis iisdem quibus supra c. 2. & 3. refutavimus omnem compositionem absolutam in Deo, ac iisdem ferè testimoniis quæ contra eandem adduximus cap. 1.

Ut tamen aliquam eorum memoriam renovemus; & ad rem præsentem clariùs applicemus; Scriptura & Patres ibidem citati tradiderunt, Deum non aliâ sapientiâ esse sapientem, non aliâ Caritate amantem, magnitudine magnum, & sic de reliquis perfectionibus seu attributis, quàm quæ sint Deus ipse, ideoque etiam in abstracto de Deo prædicentur: At qui nullum accidens, vel ens medium quod Deo tanquam subjecto acce- XVII. Attributa etiâ in abstracto prædicantur de Deo.



dat, est ipse Deus, aut de ipso in abstracto prædicari potest, sicuti nulla creata sapientia aut alia forma est subiectum cui inest: Ergo per nulum tale accidens aut ens medium Deus vel sapiens, vel magnus, vel aliâ perfectione prædius constituitur. Speciatim verò observandum, quòd cap. 1. sub finem ex epistola S. Joannis retulerimus, Deum esse Caritatem: quidquid enim de Sapientia dixerimus an potius divinam essentiam quàm attributum constituat, Caritas sanè communiter inter attributa, de quibus hic sermo, refertur. De iisdem Bernardus serm. 80. in Cantica, *Recedant, inquit, novelli non dialectici sed hæretici, qui magnitudinem quâ magnus est Deus, & item bonitatem quâ bonus, & iustitiam quâ iustus, &c. Deum non esse impiissimè disputant.* Nec sola tantum accidentia, sed alias quoque entitates quomodocumque explicatas, per quas Deo aliquid sive attributale sive personale conferatur, ab eodem distinctas, idem Bernardus in Confessione fidei Eugenio Papæ oblatâ (de qua fufius cap. 1.) cum Episcopis Gallicanis manifestè rejecit hoc Canone penultimo: *Credimus & confitemur, solum Deum Patrem, & filium, & Spiritum sanctum æternum esse, nec aliquas omnino res, sive relationes, sive proprietates, sive singularitates, vel unitates dicantur, vel alia hujusmodi adesse Deo quæ sint ab æterno & non sint Deus.* Clarissima denique D. Augustini pro eadem veritate testimonia videri apud eum poterunt l. 6 de Trinitate c. 4. & 6. ac præsertim l. 15. de eadem c. 5. & 6. & 7. quorum postremo absurdum reputat, *aliquid Dei esse quod ipsum non sit Deus.*

XVIII. Facillimum porrò erit huc applicare rationem Theologicam capitis 2. cum enim juxta illam quidquid melius esttribuendum sit Deo, ea ipsi laus danda quòd non per qualitates inhærentes vel alias formas distinctas sit sapiens, misericors, potens: sed per suam substantiam sit ipsamet sapientia, & eodem modo misericordia, potentia, aliaque perfectio. Quia multo melius est cum hisce perfectionibus quæ sunt simpliciter simplices, ita ut nullam maiorem perfectionem vel etiam parem ab eodem Ente excludant, penitus identificari, quàm ab iis distingui; quantumvis alioquin eas quis habeat secum conjunctas. Præstat sanè in genere metalli, solidum esse aurum quàm tantum deaurari. Nos creaturæ auro sapientiæ, caritatis cæterarumque virtutum inducimur tantum & quodammodo coloramur: quanto excellentior Deus qui per suam substantiam illud ipsum est aurum?

Declaratur ex communi sensu. Ut idem ex communi sensu, qui in rerum æstimatione magni fieri solet, confirmem; Nonne cum ab eximia excellentique virtute commendatum quempiam volumus, eum non tam virtute præditum, quàm Virtutem ipsam, Prudentiam, Pietatem, Temperantiam prædicamus?

Haud

Haud aliter quàm si Virtus quæ aliis accidit, in hujus naturam transiens, ejusdem cum ipso substantiæ foret. Idem in vitiis supra vulgarem modum proVectis, non prophanus tantum loquendi usus, sed sacer etiam in Scriptura obtinuit: ut Psal. 72. vers. 7. ubi de peccatoribus insigniter impiis, luxuriosis, superbis dicitur, *transferunt in affectum cordis*; quasi per Metamorphosim quandam, homine exuto, ipsamet impietas, libido, vanitas facti fuerint. Eodem alludunt Poëtæ, quando virtutes descripturi in optimo suo habitu ac eminentissimo statu, non jam eas insidentes subiecto, sed per se subsistentes effingunt. Hinc natae sunt Prudentiæ, Fortitudinis, Temperantiæ, aliarumque sub humana forma notissimæ imagines. Is porro status identificandi se intimè cum essentia in eaque subsistendi qui nulli earum extra Deum convenit nisi fabulosè aut impropriè & exaggeratè: cum tamen ex conceptu suo optimus ac perfectissimus sit, neque ullam contradictionem involvat: Virtutibus omnibus quarum Deus est capax, in eo ipso tribuendus est; ut sic Deus non misericors tantum & justus, sed ipsa etiam Justitia & Misericordia verissimè ac propriissimè dici possit.

Transferri quoque huc possunt quæ disput. 1. cap. 3. diximus, quo pacto crescat perfectio, non ex ipsis tantum bonis, sed etiam ex possidendi modo: scilicet magis proprio & connaturali, magisque independente & puro. Non potest autem sapientia esse Deo magis propria & connaturalis, magis item independens & pura, quàm quando in ipsam Dei naturam, quæ est actus purus & independens, penitus tranlit: sicuti nec magis infinita, æterna, immensa & in cæteris perfecta, quàm quando Deitatem, cui omnes istæ perfectiones insunt, sibi totam identificat. Ut ergo modo quàm optimo Deus habeat sapientiam, debet eam secum identificatam habere: atque idem dicendum de cæteris perfectionibus divinis. Imò ipse hic modus in ipsamet substantiam mirificè redundat. Cum enim ita duo conjungat ut faciat unum esse alterum, utrumque etiam per alterum, longè perfectius reddit: naturam v. g. per Sapientiam, & hanc per naturam. Etenim lumen rationis dicat, perfectiorem longè esse naturam quæ simul sapientia sit, quam quæ tantum natura: sicuti & sapientiam quæ ipsa simul sit natura, quàm quæ tantum sapientia. Haud minus profectò id manifestum, quàm duo esse plura quàm unum, pro quo ultra terminos probatione haud opus.

Huc præterea pertinet ratio, quam pro simplicitate absolutâ in hac disp. c. 3. petimus ex Ente à se; quod quia Deo per naturam suam convenit, ideo & per eandem omnes ei competunt perfectiones Entis, solis Entium particularium imperfectionibus exclusis, quæ potius ad non ens quàm

*Modus
identifi-
catus redun-
dat in
substan-
tiam i-
dentifi-
catorum.*

XIX.

ad

*Ens à se
nullo alio
indiget.*

ad ens revocantur. Quare Ens à se non indiget ullis accidentibus, vel aliis entibus per quæ perficiatur: quia quidquid perfectionis ab illis posset accrescere, id jam per naturam præoccupavit; neque est cur imperfectionum causâ quidquam sibi extrinsecum accersat. Exempli gratiâ, quia quædam Entis perfectio est Intelligere & Velle: sed aliqua etiam quorundam entium imperfectio, quod intelligant & velint per formam accidentalem, finitam, mutabilem, à variis causis dependentem; Ideo Ens à se intimè secum identificat intelligentiam & volitionem ut sic: sed à se removere perfectionem accidentis, limitationem & dependentiam. Omni autem perfectione intelligentis & volentis præhabita, quid restat quod per formas distinctas accedat, præter meras imperfectiones?

*XX.
Omnis
distinctio
vel processioni
servit vel
separationi.*

Huc tandem facit, quod Entium distinctio nulli planè usui in rerum natura existat, quàm vel processioni sive origini, vel separationi & mutationi. Cum igitur Deus extra Trinitatem personarum, nullas admittat processiones: unde quaque verò ab omni mutatione sit quàm maximè alienus; Ideo etiam omnem eorum distinctionem excludit quæ de ipso, exceptâ Personarum oppositione, intrinsecè prædicantur. Ergo etiam excludit omnes qualitates aliave accidentia quæ ipsum perficiant: hæc enim & intrinseca esse debent, & si verè Physica atque realia sint (de quibus solis hîc agimus) à substantia distingui.

*Ratio
subiecti,
quântum
vult
voluntarii,
aliæ est
à Deo.*

Dico 2. Non potest quoque Deus esse subiectum voluntarium alicujus accidentis. Ita communiter Theologi cum D. Thoma 1. p. q. 3. a. 6. cujus rationes ad hoc argumentum revocari possunt. Omne subiectum respectu accidentis se habet ut potentia in ordine ad actum. Sed Deus ne quidem voluntariè potest ita se habere. Quia non potest etiam voluntariè deficere à ratione Actus puri & undique perfecti in omni genere entis: quem tamen defectum potentialitas infert. Per hanc enim comparatur quid ad actum tanquam perfectibile ad perfectivum, ideoque debet supponi cum aliqua carentia, & ut sic loquar, vacuitate perfectionis. Ut enim locus non est capax recipiendi corporis nisi ex se illo careat: ita & potentia non capit actum, cujus perfectionem in se præhabet. Siquid igitur supponatur undique plenum perfectione, sicuti Deus supponitur, non poterit concipi cum potentialitate ad ullam perfectionem.

*XXI.
Nihil id
recipit
quo de se
est plenum.*

Confirmatur exemplis rerum creaturarum. In his enim ad actionem non datur alia actio, saltem ab eodem agente, neque ad unionem alia unio in ordine ad eadem extrema, neque alia ubicatio ad ubicationem vel ad durationem duratio. Quia hi modi in suo genere sunt ultimè atque essentialiter compleri: ideoque nihil inane aliis ejusdem generis modis occupandum relinquunt. Quod autem modi isti creati habent in suo genere, id habet

habet Deus in omni prorsus genere cujuscunque perfectionis: ergo suâ plenitudine cuicumque tandem perfectioni à se distinctæ aditum obstruit. Ad solam autem imperfectionem per se, sive ratione sui, potentia nondatur.

Dices; Deus licet undique perfectissimus unitur substantialiter humanæ naturæ Christi: Ergo potest etiam accidentaliter cum accidente conjungi. Resp. Negando consequentiam, si procedat de conjunctione immediata, & per modum subjecti cum forma. Ratio disparitatis est, quod unio Verbi divini cum natura Christi non sit ordinata ad aliquam perfectionem ipsius Verbi, sed solius naturæ assumptæ ut pluribus dicemus cap. sequente: unio verò accidentis cum subjecto, ex natura sua refertur ad perfectionem subjecti. Ideo namque subjectum se habet per modum potentæ, accidens verò per modum actus, quia hoc ad illud perficiendum ordinatur. Per actum enim significari solet perfectio rei. An autem accidens aliter uniti Deo possit, quàm ut subjecto, proximè resolvemus.

*Omne
accidens
est perfectum
subjecti.
XXII.*

Cumque hæc objectio potissimum processerit contra rationem conclusionis, contra hanc & priorem opponi solet primò; quòd in Deo sint Actus verè voluntarii ac liberi, qui ab ejus substantia abesse potuerint. Deus enim potuit multa nolle quæ reipsâ voluit, & velle quæ noluit. Atqui hi Actus videntur accidentales, cum sequantur cæterorum accidentium notam, quòd adesse possint & abesse sine subjecti corruptione. Deinde multa conveniunt Deo in tempore quæ possent non convenire, ut esse creatorem, justificatorem & similia: hæc autem videntur importare temporaneas quasdam & accidentales formas.

Sed ad primum respondebitur tractatu sequenti, ibique ostendetur quomodo actus Dei liber nihil ad necessariam ejus substantiam intrinsicum addat, sed solam denominationem ab aliquo connotato extrinseco: quod quia non est in Deo tanquam in subjecto, ideo potest quidem eum accidentaliter denominare, non tamen debet eum actuare ac perficere. Similiter responderetur ad 2. Scilicet omnes illas deminationes temporales nullum accidens ponere in Deo, sed solum proficisci ab aliquâ formâ Deo extrinsecâ, v.g. actione quæ non in agente sed in termino est. Aliud longè est, quidpiam de Deo accidentaliter & per modum quinti Prædicabilis prædicari, quod fieri potest, & in exemplis allatis contingit:

*Multa
qua Deo
non acci-
dunt, ac-
cidenta-
liter de eo
prædi-
cantur.*

aliud, esse formam accidentalem quæ Deo ut subjecto inheret, qualem omnem à Deo removemus.

CAPUT VI.

An Deus possit venire in compositionem cum aliis substantiis?

Dico. 1. Non potest Deus componi cum ulla substantiâ, tanquam quid incompletum aut ullatenus perfectibile per ejusmodi compositionem. Est communis & certa. Quia Ens undequaque perfectum & plenum non potest ulterius perfici ac compleri: jam enim omnem perfectionem & plenitudinem per se habet, quam alterius accessione consequeretur. Atqui Deus est tale ens, ut patet ex hæcenus dictis, præsertim cap. 2. 3. 5. Ergo &c.

*Omnis
perfectio
creaturarum
est in
Deo.*

Confirmatur ex illo Psal. 49. *Pulchritudo agri mecum est.* Quo loquendi modo Dominus significat se agrorum fructibus non egere ad oblationem: quia in seipso omnem eorum pulchritudinem atque perfectionem eminentissimè possidet, ut nihil novi conferre ipsi possint præter suam deformitatem sive defectum: Ergo nec indiget ullâ formâ aliove ente creato ad unionem & compositionem. Est enim eadem ratio; quòd in Deo per summam identitatem jam sit, & ab æterno fuerit, omnis illa pulchritudo atque perfectio, quam alioquin ab hujusmodi conjunctione expectaret.

XXIII. Unde ulterius infertur, quòd Deus non possit cum ullo componere per modum partis propriè ac in rigore acceptæ: quia pars sic sumpta incomplementum & perfectibilitatem importat. Et sic obiter refelluntur qui apud D. Thomam 1. p. q. 3. a. 8. in. c. somniarunt Deum esse animam Mundi, aut aliorum corporum formam, aut (quod adhuc stultius) materiam primam: hæ enim per suam essentiam sunt partes & compositione perficiuntur.

*An &
quomodo
Deus cum
creaturis
componatur?*

Dico 2. Potest tamen Deus venire in compositionem cum ente creato tanquam quid completum & aliud perficiens. Est D. Thomæ & communior Theologorum contra Scotum in 3. dist. 6. q. 3. & passim Scotistas. Fundatur in mysterio Incarnationis, ubi (ut dicitur in Concilio V. generali collat. 8. can. 4.) *Sancta Dei Ecclesia unionem Verbi Dei ad carnem secundum compositionem confitetur.* Plura Conciliorum ac Patrum testimonia referunt Vasquez 3. p. disp. 16. c. 2. & Suarez disp. 7. sect. 4. Ratio autem est: quia *componere* ex vi vocis non est aliud quàm cum alio unum ponere, sive cum illo uniri ad constituendum quid unum. Ubi igitur res distinctæ eo modo conveniunt atque uniuntur ut inde quid unum resultet, ibi datur compositio. Sed in prædicto mysterio personalitas Verbi & humana natura Christi, quæ sunt res distinctæ, hoc modo conveniunt

niunt: ex illis enim simul positis atque unitis resultat unus Christus. Ergo datur vera compositio in prædicto mysterio.

Confirmatur. Quia illud unum quod ex Verbo & natura humana simul unitis resultat (scilicet Christus) non est quid simplex: Ergo est compositum. Consequentia patet, quia quidquid non aggregatur per acci- *Omne ens vel simplex vel compositum* dens, sed est verè unum, aut est simplex aut compositum. Antecedens probatur ex definitione simplicitatis quam dedimus disp. 1. cap. 1. non quidem priore illa & scholastica, in qua peteremus principium; sed ex altera sanctorum Patrum, quòd *quidquid habet res simplex hoc est: Christus est.* autem non est quidquid habet, non enim est sua anima, suum corpus, sua natura humana, quamvis hæc habeat: non est igitur in se simplex.

Scotistæ obijciunt. 1. Quòd omnis imperfectio debeat removeri à *xxiv.* Deo: ergo & compositio. Hæc enim si propriè accipiatur importat in utroque extremo imperfectionem potentiæ vel actus. Quare cum Scoto auctoritates Conciliorum & Patrum quæ hîc compositionem sonant, interpretantur de impropria compositione. Resp. negando consequentiam & probationem ejus. Etsi enim similis imperfectio comitetur aliquas compositiones naturales, eas scilicet quæ fiunt ex materia & forma, vel subiecto & accidente: non tamen omnes. Quia partes materiales & quantitativæ, gradus item intensivi qualitarum, & in corpore humano caro, ossa, nervi, inter se uniuntur & componuntur: nec tamen unum extremum habet se propriè ut potentia, & alterum ut actus. Fateor quidem extrema hæc quantitativa & intensiva aliquâ saltem ratione invicem perfici & perficere, quatenus simul juncta perfectiùs agunt, & efficacius à contrariis aut noxiis se defendunt quàm si separentur: sed hæc perfectibilitas tantùm importat aliquam potentiam & actum impropriè. Quia tamen hæc etiam perfectibilitas removeri debet à Deo: universalius respondendum est, admittendo, ab omni quidem naturali compositione aliquam argui potentialitatem, aut certè imperfectionem in utroque extremo; non tamen à compositione in genere. Hæc enim ut sic, ab alterius saltem extremi imperfectione præscindit. Sicuti etiam omnem unionem naturalem comitatur aliqua imperfectio utriusque extremi: sed nihilominus unionem in genere ab hac conditione absolvimus; cùm fides doceat Verbum divinum absque ulla sui imperfectione realiter uniri naturæ humanæ Christi. Unde non est opus, ut compositionem quam sacra Concilia prædicant, interpretemur impropriè: haud magis quàm ob similem rerum creaturarum experientiam, interpretemur impropriè hypostaticam unionem; quod nec Scotistæ faciunt, nec salvâ fide facere possunt.

Compositio in genere præscindit ab imperfectis.

XXV. Obijciunt. 2. Quidquid cum altero venit in compositionem est pars: sed Deus non potest esse pars; quia omnis pars est ens imperfectum quod per unionem perficitur. Respondent aliqui concessâ Majore, negando Minorem & probationem ejus. Etsi enim partes creatæ imperfectionem & defectum involvant, non tamen pars in genere; pariter ac compositio. Pro qua responsione allegant aliquorum Patrum autoritatem qui divinitatem & humanitatem partes Christi appellant. Plures tamen negant Majorem, ajuntque necessarium non esse ut omne compositum constet ex partibus, sed ex componibilibus, id est, pluribus aptis convenire ad constituendum quid unum; sive illa plura sint propriè partes sive non. Patres verò à quibus divinitas seu Verbum pars Christi nominatur, dicunt impropiè locutos, sumendo speciem nobis notioem pro genere, *partem* pro *componibili*. Utraque responsio probabilis est. In modo tamen loquendi posterior magis placet, quia secundum communioem conceptum est, ut pars propriè accepta in sua etiam abstractissima ratione aliquem defectum seu imperfectionem sonet: eam saltem quòd sit minor toto; si non quantitate molis, saltem virtutis & perfectionis. Universalissimum quippe est principium, *Omne totum est majus sua parte*, & per consequens, omnis pars toto minor. Cùm autem Deus non possit esse imperfectus, aut aliquo minor, non potest ad aliquid pertinere ut pars. Alia est ratio in componibili: quod in suo proprio & universali conceptu nihil dicit obnoxium alicui imperfectioni.

Quòd si urgeas, Verbum secundum se non est totus Christus: Ergo est ejus pars. Resp. concesso antecedente, negando consequentiam. Etsi enim non sit totus Christus, est tamen in se quid Totum, & in nulla perfectione quidquam Christo concedens. Hinc salvâ suâ totalitate componit Christum, & nullatenus ut pars. Nec mirari debemus Theologos quòd ob rationem jam dictam admittant aliquid intrinsecè constitutum Christi, quod non sit totus Christus, nec tamen ejus pars: cùm etiam Mathematici ob alias rationes sibi proprias, angulos quosdam contingentiæ qui sint intra angulos rectilineos, nec sint toti hi anguli, negent esse horum partes; ut ex lib. 5. & 7. elementorum Euclidis, vel apud Matheos tyrones, vulgatissimum suppono.

XXVI. Quòd si replices: saltem natura humana à Verbo assumpta est Christi pars, ergo & ipsum Verbum. Omnis enim pars refertur ad alteram partem, quæ hîc non datur præter Verbum. Resp. neg. consequentiam. Ad probationem quoque optimè in Philosophia sua reali l. 6. disp. 5. a. 5. docet Caramuel Lobkowitzius, partem quæ talem non referri essentialiter ad aliam partem; sed tantum ad totum. Neque enim pars est pars is pars sed

Pars propriè accepta imperfectionem importat.

Pars essentialiter refertur ad totum, non ad compar-

sed tantum totius. Alterius verò partis non pars dicitur sed compars: quæ posterior denominatio rectè potest à parte sejungì; Atque adeò in aliquo composito, licet duo sint componentia, dari tantum unica pars.

Atque hæc in exemplo Incarnationis sufficiant de modo, quo Deus potest cum creaturis aliquid componere. An exemplum hoc, in quo creaturis unitur in ratione subsistendi, sit omnino singulare; an præterea uniri iis possit in ratione existendi, durandi, intelligendi, volendi: ita ut per suam increatam existentiam, durationem, intellectionem faciat formaliter creaturas existere, durare, intelligere, sicuti per suam subsistentiam facit formaliter subsistere naturam humanam Christi? non est hic speciatim disquirendum. Id hæcenus dictis conformiter asserimus: tunc solum & semper Deum posse uniri cum ente creato, quando tali unionem aliquam perfectionem, abique sui imperfectione, illi potest impertiri.

Petes. An Deus possit immediatè uniri accidentibus, non tanquam ^{XXVII.} subjectum cum forma (id enim cap. priori refutavimus) sed tanquam terminus ea in se sustentans extra subjectum, sicuti humanam Christi naturam sustentat? Affirmant Gabriel & alii Nominales, quos ex recentioribus sequuntur Lessius, Becanus, Martinus Perez in 3. p. Idem sub conditione defendit Perrus Hurtado ibidem disp. 43. sect. 2. subsect. 2. si nempe forma irrationalis possit immediatè terminari à verbo. Cajetanus verò, Suarez, Vasquez, & alii communius negant. Applicanda huc prior regula: juxta quam vix video quomodo fieri id possit. Ergi enim nulla fortè imperfectio hinc redundaret in Deum: haud tamen apparet, quænam perfectio per talem unionem accidenti accresceret. Non enim ulla moralis; quippe cujus ipsum ratione sui non est capax: neque aliqua physica; nam physicè accidens æquè perfectè inexistet suo connaturali subjecto, vel extra omne subjectum aut terminum sustentantem conservaretur efficienter à Deo, quàm huic ut termino inesset. Quid enim hoc conferret accidenti? Nec frustra & sine alterius saltem extremi perfectione fingenda est aliqua unio & compositio.

Dices: Esto, non possit Deus terminando accidens, ei tribuere perfectionem majorem, poterit tamen illam saltem dare quam haberet à suo connaturali subjecto, vel extra subjectum à principio efficiente; Id autem sufficit ut juxta priorem regulam possit Deo uniri. Respondeo negando assumptum: Quia Deus ut purè terminat, nec materialiter influit, sicuti facit connaturale subjectum, nec efficienter, pro ut facit causa conservativa accidentis extra subjectum: sed seipsum tantum communicat in genere quasi causæ formæ; quod nō video ad quā accidentis perfectionē cedat. Cum ergo nec Deum ullā ratione perficiat, daretur hæc unio quæ

neutrum extremum perficeret : id autem est contra regulam prædictam, pluribus probatam in 3. parte. Unde ibi intulimus nullam creaturam quæ non sit rationalis aut ejus pars, posse immediatè uniri cum Deo. Quia sola Natura ratione seu intellectu prædita potest perfici eâ unione ; quatenus per eam redditur sancta, impeccabilis, infinitè meritoria & satisfactoria, digna summâ gloriâ &c.

*Quo pacto
Deus
simplex
relativè?*

Ex omnibus tandem quæ utroque hoc capite diximus, colligitur quo pacto conveniat Deo simplicitas *relativa*, de qua egimus disp. 1. cap. 2. Illo nimirum, ut Deus cum nullo possit componi tanquam pars, vel subiectum, vel terminus aliquatenus perfectibilis per hujusmodi compositionem: tunc enim quantumvis retineret simplicitatem *absolutam*, careeret tamen perfectione *respectiva* simplicitatis, quæ in totius Entis plenitudine fundatur. At Deus haud est ita simplex *relativè*, quia possit per modum Totius & Perficientis cum aliquibus saltem creaturis componi. Id enim plenitudini perfectionis non derogat: sed eam potius, utpote etiam in alios redundantem, commendat.

DISPUTATIO TERTIA

DE DIVINA SIMPLICITATE formali à parte rei.

CAPUT I.

*Quæ fuerit distinctio formalis à Scoto admissa
in Divinis?*

1.

Sicuti nocte orbem sidera, ita in obscuro Scotus mirificè Theologiam illustrat. Quàm obscura sit sylva Formalitatum, quàm dubiâ illic luce aureus se ramus Veritatis ostendet, acutissimi etiam visus Theologi in ea versati agnoscunt. Quanta tamen hic emicent doctrinæ sapientiæque lumina, doctissimi Commentarii sive pro distinctione formalis tuenda & exponenda, sive ad eandem refellendam, vulgari demonstrant.

*Scoti doctrina
de
distincti-
one for-
mali.*

Ut primum hoc capite Doctoris subtilissimi mentem breviter indagemus, pluribus deinde de ejus veritate vel falsitate sententiam dicturi : Scotus in 1. dist. 2. q. 7. postquam probavit inter Divinas relationes & Essentiam, (quæ realiter identificantur) aliquam admittendam distinctionem, quæ *omnem actum intellectus creati & increati precedat*, tandem à §. 43. ex instituto declarare aggreditur, qualis sit ista distinctio. Præmittit verò, quod non ~~sa~~ propriè *realis actualis* quæ communiter inter se differunt

runt

runt res in actu, hanc quippe prohibet simplicitas Divina: nec *realis potentialis* quia in Divinis nihil est in potentia quod non sit in actu. Deinde tres modos tradit, quibus appellare, atque adeo & concipere eam distinctionem possumus.

Primo, ait, potest vocari *distinctio rationis*, non accipiendo rationem pro actu formali intellectus; sed pro quidditate rei, *secundum quod quidditas est obiectum intellectus*. Secundo potest dici *differentia virtualis*: quia quod sic in se distinguitur, *non habet rem & rem; sed est una res, habens virtualiter sive eminenter quasi duas realitates: quarum utrique sue proprietates, ac imprimis distinguendi officia, haud aliter convenient quam si essent distinctæ res*. Tertio denique insinuat dici posse *distinctionem formalem*, utpote oppositam identitati formali; vel adhuc rectius *non identitatem formalem*; ita tamen ut ante omnem actum intellectus detur *realitas essentia quæ est communicabilis, & realitas suppositi quâ suppositum est incommunicabile*, & ante ejusdem actum, *hec realitas formaliter non sit illa, vel non sit eadem formaliter illi*, sive non includat illam in ratione sua formali, uti mox explicabitur. Hunc autem tertium loquendi modum ait esse propriissimum & præ aliis amplectendum: *non quod duo priores sint mali; sed quod non oporteat iis uti*.

Quæ porro Scotus de formali distinctione hîc tradidit occasione Essentia & Relationum, partim repetit, partim magis confirmat, dist. 8. q. 4. à §. 17. occasione perfectionum essentialium sive Attributorum divinorum: inter quæ, v. g. Sapientiam & Misericordiam, ibidem ponit, ante omne opus intellectus, similem distinctionem sive non identitatem formalem, quâ una perfectio alteram non claudit in sua ratione formali sive essentiali. Vbi etiam explicat, quid sit claudere in sua ratione formali? Ita scilicet se habere, *ut si definitio includentis assignaretur, inclusum esset definitio vel pars definitionis*: sive ut priore loco dixerat, *inclusum ad includens pertinere in primo modo per se*. Quia igitur datâ definitione sapientia divinæ non pertineret ad eam Misericordia, neque adæquatè ut tota definitio, neque inadæquatè ut ejus pars: hinc Misericordia non includitur in ratione formali sapientia, & per consequens formaliter ab ea differt, sive non est formaliter eadem cum ipsa, quantumvis sit realiter eadem.

Atque hæc est breviter ipsa substantia doctrinæ Scotistica, ex ipsomet fonte hausta. Sed quia Scotus in explicanda sua distinctione tres dicendi modos supra approbavit ut veros, quorum primo formalis illa distinctio nominatur *rationis*, secundo *virtualis*, tertio potius *non identitatis* quàm distinctio: hinc multi tam veteres quàm recentiores existimant, totum illo

II.

An Sco-
tus volu-
erit eam
esse actum
ante opus
intelle-
ctum?

to illo præcedenti discursu noluisse Scotum, vel inter Essentiam, & Relationes, vel inter Perfectiones essentielles astruere in Deo distinctionem quãdã quã formaliter & actu omnẽ intellectum præcedat, sed quã solum fundamentaliter & virtute; formaliter autẽ & actualiter compleatur per operationem intellectus, distinguentis actu ea quã in seipsis actu non differunt. Hinc putant Scotum in re ipsa non dissentire à Thomistis admittentibus in Deo distinctionem *rationis ratiocinata*; quam vocet formalem, quia est plurium rationum formalium; non eorum tamen quã sint gratis excogitata, sed quibus respondeant suã quidditates in objecto. Ita ex antiquioribus sentiunt innominati quidam apud Gregorium Ariminensem in 1. dist. 8. q. 1. a. 1., item Guilielmus de Rubione ibidem q. 2. sub finem, monens errare eos qui aliter Scotum intelligunt, atque ex ipsis Thomistis Dominicus à Flandria 5. Metap. q. 9. Ex recentioribus verò Suarez in Metaphys. disp. 30. sect. 6. n. 3. & l. 4. de Trinitate cap. 4. n. 2. & 5., Fasolus 1. p. tom. 1. q. 4. a. 2. d. 12 n. 92. & accuratius tom. 3. qui est de sanctissima Trinitate, q. 28. a. 2. d. 1. n. 7. & 8., Theophilus Rainaudus in naturali sua Theologia dist. 6. n. 65. & 66., Petrus Hurtado in Metap. disp. 6. sect. 3. §. 63. Utque alios omittam, Josephus Augustinus in 1. p. tom. 1. q. 13. a. 4. diff. 3. §. 44.: ubi ex Scotistis recentioribus, in eandem sententiam Scotum interpretantibus, citat Joannem Mariam Zamorum tract. 3. in disp. de Deo. q. 15. a. 3. à sect. 2., denique Caramuel in reali sua Philosophia, sive Metaphysica, l. 6. disp. 5. a. 5.

III.

Pars as-
firmans
verisimi-
lior est.

Sed verisimilius est, aliter sensisse Scotum de illa sua distinctione, eamque non virtute tantum & fundamento, sed actualiter & formaliter, licet non realiter, posuisse à parte rei. Inprimis enim loco supra citato ex dist. 2. non veluti cæteris consentiens, sed singulare quidpiam & hæcenus minus receptum prolaturus in medium, dico, inquit, *sine assertione & præjudicio sententia melioris*, quod Essentia & Personarum proprietas habeant aliquam distinctionem præcedentem omnem actum intellectus creati & increati. Cur, obsecro, tam dubitanter & timidè proponeret distinctionem rationis ratiocinatæ adeò in scholis celebrè & probatam? Quo pacto eam collocaret ante omnem actum intellectus; quã formaliter consistat in aliquo ejus actu, & non nisi nudum sui fundamentum in objecto supponat? Accedit quod loco posterius citato §. 17. expressè dicat differentiam illam formalem non esse rationis tantum, neque objectorum formalium in intellectu, sed esse *distinctionem quandam tertiam quã præcedat intellectum omni modo*, additque esse istam, *quod sapientia est in re ex natura rei; sapientia autem in re formaliter non est bonitas in re*. Quibus verbis quid clarius, magisque alienum à priori interpretatione?

Præte-

Prætereo quod distinctionem illam ita ponat in re, ut in hac videatur ab intellectu versante circa rem intuitivè, haud aliter quam cætera quæ rei insunt: quod item ejusdem ratione in re alioquin simplici salvet prædicata verè contradictoria ex natura rei: quod denique tantopere laboret, ut hanc formalem distinctionem conciliet cum simplicitate divinâ, neque alium inveniat hujus concordia modum, quàm quod formalitates ita distinctæ non se habeant sicut actus & potentia, ideoque licet sint multæ, nullam tamen invehant compositionem in Deum.

Ob quæ aliaque; quæ inter alios bene expendit Ariminenfis in 1. dist. 8. q. 1. a. 1., vix video quomodo aliter Scotum commodè interpretari possimus. Ideoque hanc fuisse ejus mentem certò sibi persuadent plerique; Scotistæ: ex aliis verò Ariminenfis suprà & Vasquez 1. p. disp. 116 c. 3.

Nec refert primò, quod Scotus suprà concedat, eam distinctionem dici posse differentiam rationis: quia ipse ibidem se explicat quod rationem accipiat, *non pro differentia formata ab intellectu*, quatenus scilicet una eademque res diversis conceptibus formalibus, saltem possibilibus, substat: sed pro ipsa rei quidditate secundum quod quidditas est objectum intellectus, id est, pro ipsa essentia rei, quæ ejus ratio, scilicet objectiva, communiter appellatur. Sic autem differentia rationis eadem est cum quidditativâ & essentiali differentiâ, quæ præcedit intellectum, cum sola aptitudine diversos ejus conceptus terminandi.

Non refert secundò, quòd ibidem dicat, eandem distinctionem vocari posse *virtualem* vel *eminentialem*: id enim non dicit absolute, quasi hæc distinctio non sit vera & formalis distinctio in seipsa: sed comparative ad distinctionem realem; Quod nimirum differentia formalis, licet non sit realis, ita tamen huic æquivalet, ut perinde ejus officium subeat ad rem distinguendam & prædicata contradictoria salvanda, ac si ipsa esset realis distinctio, sive ac si re ipsâ intercederet, non tantum inter formalitatem & formalitatē, sed inter rem & rem. Quæ etiam explicatio est ipsius Scoti, priori ejus dicto adjuncta.

Non refert tertio, quòd malit eam vocari *non identitatem* quàm *distinctionem formalem*. Quia haud ideo id vult quòd putet posteriorem denominationem non esse propriam aut veram; cum ipse locis suprà citatis eam sæpius usurpet: sed ut distinctiùs explicet, quid de se, ac præcindendo à natura extremorum, hæc distinctio importet. Id enim non est distinguere formaliter, strictè & propriissimè loquendo; sed vel illud si extrema utrimque sint formalitates, vel non esse idem formaliter, si alterum extremum non sit quidditas sive formalitas, sed modus tantum intrinsecus. Etenim apud Scotistas ea tantum extrema dicuntur formalitates & quidditates.

IV.
Quo sensu concedat distinctionem formalem dici posse rationis?

Quo sensu virtuale?

Aut etiam non identitatem?

dirates, quæ secum adferunt rationem essentialem sive quidditativam diversam, sicuti faciunt sapientia & bonitas. Omne autem id, quod ita est in rebus, ut secum non adferat quidditatem sive essentialiam novam, censetur inter modos intrinsecos rerum: exempli causâ finitas vel infinitas, intensio vel remissio, imò ipsa realitas. Quapropter ratio sapientiæ divinæ licet distinguatur formaliter à misericordia divina, ab infinitate tamen, vel suâ etiam realitate, non distinguitur formaliter, sed solummodo non est eadem formaliter cum ipsis. Quia secundum Scotum est eadem ratio formalis & quidditas (quæ etiam dicitur definitio) bonitatis secundum se, & bonitatis realis vel infinitæ.

Adde; quocumque tandem sensu subtilis Doctor priores illos modos loquendi admisit, is officere non potest proprietati distinctionis actualis ac formalis: nusquam enim illis addidit particulam exclusivam majoris distinctionis, dicendo quòd sit tantum rationis ratiocinatæ, vel virtualis, vel non identitas. Sed supposuit omnes illas distinctiones in formali inclusas, tanquam minores in majori. Quod namque formaliter differt à parte rei, est etiam non idem formaliter, & rebus distinctis æquivalet, & diversis conceptibus fundamentum præbet.

V.

Verum hæc satis de mente Scoti circa distinctionem formalem: cætera enim omnia persequi quæ Scotistæ, ac imprimis Formalistæ in eandem commentantur, nimis longi, & ab instituto alieni negotii foret.

CAPUT II.

An detur in divinis distinctio formalis?

Accipio hanc distinctionem formalem eodem sensu, quo supra probavi intellectam à Scoto, aut certè quo à plerisque ejus discipulis sumitur, pro vera ac propria distinctione, aut si velis, non identitate à parte rei, haud tamen reali, sed formali. Quo sensu prædicti Scholastici aptè eam ponunt, tum inter Essentialiam & Relationes divinas, tum inter alias divinas perfectiones, quæ Attributa dicuntur, comparatas tam cum Essentialia & Relationibus, quàm etiam inter se; ut videre est apud eos in 1. dist. 2. q. 7. & dist. 8. q. 4. Argumenta quibus ducuntur, proponuntur & solvuntur in disputatione præsentis sub finem: sed præcipuè in sequenti, ubi videbitur, quo pacto sine formali distinctione salvari possint contradictoria in divinis; ad quæ salvanda, isthæc distinctio præcipuè necessaria judicatur.

*An cum
Scoto sentiant
Nominales?*

Ad Scotistas in mysterio Trinitatis, multorum judicio accedunt Nominales. Licet enim rejiciant omnem formalem distinctionem inter Attributa: eam tamen inter Essentialiam & Relationes admittunt, ut Occam

in 1.

in 1. dist. 2. Gabriel, Marfilus, Aliacensis ibidem. Sed hunc consensum forte in solâ voce consistere, sententiâ autem esse longè diversum, patebit ex disp. sequente. Propiùs in eodem mysterio ab iis abest Durandus in 1. dist. 33. q. 1. ubi latissimè probat relationem & essentiam in divinis differre *non purè & præcisè secundum rationem, sed ex naturâ rei secluso omni actu rationis, sive ea distinctio dicatur modalis sive formalis.* Imò putant aliqui Durandum excessisse ultra opinionem Scoti, quod dixerit differentiam illam *aliquo modo esse realem, non quidem simpliciter & absolutè, sed secundum quid & cum determinatione.* Verùm & Scotus aut certè Scotistæ distinctionem suam formalem cum eadem limitatione vel determinatione *realem* appellare non reformidant, quia est verè à parte rei : ut videre est apud Mayronem in 1. dist. 8. q. 5. litt. B. in resp. 2. Quare non existimo Durandum reipsâ differre à Scoto : sicuti etiam putat inter Scotistas Theodorus Smising tom. 1. tract. 2. disp. 1. q. 2. §. 12. Alii quoque non nisi nomine differunt à Scoto, qui aliam quamlibet distinctionem ponunt in Deo, quæ nec sit absolutè realis (qualis est inter personas divinas) nec rationis, sed inter utramque media, verè tamen ac propriè distinctionis nomen participet. Quare unâ eâdemque conclusione contra illos omnes rem decidemus; maximè tamen contra Scotum; quippe cujus sententia in scholis notior celebriorque existat. Unde facile erit ad alios, sub diversis terminis idem sentientes, argumenta transferre.

Respondeo igitur & Dico. Non datur in divinis distinctio formalis vel modalis. Hanc sententiam tenent omnes qui docent ejusmodi objectâ solâ ratione seu cogitatione distinguere in Deo, ut de Attributis docet D. Thomas 1. p. q. 13. a. 4. in c. de Essentia verò & Relationibus q. 28. a. 2. in corp. & Thomistæ ibidem, S. Bonaventura in 1. dist. 22. q. 2. & dist. 33. & alii passim, tam veteres quàm recentiores, extra scholam Scoti. Eadem fuit sententia Theologorum in Concilio Florentino, Latinorum & Græcorum : sessione enim 18. Joannes Theologus Græcis quærentibus, an idem in Deo essent essentia & persona, in hæc verba nomine Latinorum responderet: *nos verò dicimus substantiam* (id est, naturam sive essentiam) *& personam sive hypostasim esse idem re, differre autem modo intelligendi, & iterum post: Nunc igitur quoniam intelligentiâ & ratione distinguuntur, substantiâ quidem communicatur personis, proprietates verò nullo modo communicantur.* Item sess. 19. *Persona Patris non distinguitur à substantia nisi ratione.* Cui sententiæ Marcus Metropolitæ Ephesi pro Ecclesia Græca coram toto Concilio consensit. Andreas etiam Archiepiscopus Rhodi in eodem Concilio & eadem sessione sic loquitur : *in communi Doctorum tam Græcorum quam Latinorum Theologia, differt substantiam*

tiam dicere & substantiam Patris & Filii: ne tamen re differre hoc putetis, sed apprehensione tantum & intelligenti. Quæ licet à privatis Doctoribus ibi fuerint dicta, nec à Concilio definita, cum tamen cæterorum nemo quorum ipsi partes agebant, reclamaverit, satis ostendunt quæ Patrum ex universa Ecclesia ibidem congregatorum fuerit mens: vel de veritate hujus sententia: vel saltem de ejus congruentia, ad fidei dogmata in publico illo theatro coram adversariis tuenda aut exponenda. Ut hæc tamen intra privatorum Doctorum nostræ conclusioni patrocinantium auctoritatem relinquamus: plus sanè momenti inesse videtur iis, quæ primi argumenti loco ex eadem Synodo pro Conclusionem depromam.

VII.

*Autori-
tate Con-
cilii Flo-
rentini
in Con-
fessione
fidei.*

Probatur igitur primò. Quæ continentur in Confessione fidei quam Patres in generali Concilio congregati, auctoritate Pontificiâ parti de fide contendenti offerunt, vel debent fidei esse, vel in eo certitudinis gradu, ut absque errore aut insigni temeritate iis contradici non possit: sed quod distinctioni formali aut modali opponitur, videtur in ejusmodi Confessione contineri; illa nempe in Deo *ratione tantum & actu intelligendi distinguui*, quæ Scotus & Durandus per distinctionem suam formalem aut modalem *plusquàm ratione & ex natura rei distinguui* contendunt: Ergo illud eo certitudinis gradu videtur tenendum, & pariter reprobandum quod Scotus & Durandus ex adverso affirmant. Cumque cætera per se pateant, Minor in qua vertitur difficultas, ostenditur ex sess. 25. ejusdem Concilii Florentini, ubi paulò post medium, Patres Latini Græcis offerunt hanc Confessionem in scripto: *Credimus in unum Deum Patrem &c.* & post assertam unam causam sive principium Filii & Spiritus sancti, hæc verba subjiciunt: *sed ne identitatem unitatemque essentia dividamus, atque ut essentiam ab Hypostasibus non re differentem, sed ratione tantum & actu intelligendi asseveremus &c.* Quam Confessionem suâ auctoritate missam ipse Eugenius Papa aliquoties testatus est. In colloquio enim cum Joanne Palæologo Imperatore, quod in eadem sessione subjicitur, *missimus*, inquit, *scriptam fidei confessionem, nec eâ contenti fuistis*. Quod ad illam cujus ante meminimus, referendum: sicut & id quod in eodem colloquio Pontifex subdit, *aut suscipite missam à nobis fidei Confessionem, aut eam explanate quam ipsi ad nos misistis, atque ita uniemur*. Idem repetit in sermone ad Patres Græcos habito, & excusat id studio unionis factum, quamvis alioquin à dignitate Romanæ Ecclesiæ semper fuerit alienum, fidem suam in scripto aliis tradere. Videtur igitur Confessio illa non tantum à privatis Doctoribus, sed ab ipso Papa, & Romanæ Ecclesiæ nomine, Græcis oblata, & quidem in fidei controversia omnibus nota, de Spiritu sancti non à solo Patre, sed etiam à Filio processione.

Dic

Dices 1. Distinctio rationis quæ in Florentino asseritur, eo sensu potest exponi quo Scotus priore capite citatus suam distinctionem formalem ait dici posse *rationis*: ejus scilicet quæ non fiat per operationem intellectus, sed præsupponatur objectivè à parte rei. Resp. negando assumptum. *Quo sensu Florentinum accipiat distinctionem rationis?* Et si enim nomen *rationis* interdum accipiatur æquivocè vel pro ratione formali vel pro objectivâ, sicut & nomen *conceptus*: alia tamen nomina quibus Patres Florentini utuntur, hanc æquivocationem non ferunt, ut nomen *intelligentia*, *apprehensionis*, *modi intelligendi*, ac præsertim *actus intelligendi*, quo postremo utuntur in Confessione fidei. Quis enim unquâ auditur, alium actû, imò & modû intelligendi, esse formalem, aliû objectivum? Cautè igitur Patres, ut æquivocationem vitarent, nomen *rationis*, illi utriq; obnoxii, per alia nomina adjuncta ad eam significationem determinârunt, quæ ad solam distinctionem per intellectû formatam, nõ verò ad aliquâ objectivâ applicari posset: sicuti è cõtrario Scotus, loco supra citato, idè nomè, eadèq; ob causam, aliis verbis ad objectivâ rationem restrinxit. *VIII.*

Dices 2. S. S. Patres interdum accipiunt distingui pro dividi seu separari, ut videre est apud Ægidium de Coninck de sanctissima Trinitate disp. 3. d. 6. §. 151. & seqq. Ergo possumus & Florentinum in eodem sensu accipere. Quod si fiat, distinctio solius rationis quæ ibidem asseritur, non negabit aliam distinctionem à parte rei, sed solam divisionem seu separationem extremorum, quantumvis à parte rei distinguantur. Resp. dissimulato Antecedente, negando consequentiam. Patres enim qui ante Theologiam in normam terminosque Scholasticos redactam floruerunt, potuere absque notâ isthæc confundere: non sic qui fuerunt in Florentino congregati, quorum maxima pars in Scholæ subtilitate terminisque ex cultissima erat, ut eorum Orationes & Disputationes ibi habitæ loquuntur. Censendi igitur sunt vocabulo *distinctionis* usi in ea significatione quam obtinet in scholis, longè diversam à separatione vel divisione: præsertim Græcorum doctissimorum præsentia Latinorum studia acuite, uti & materiâ subtilissimâ ac maximè scholasticâ quam trahebant.

Dices 3. Ergo opinio Scotistarum de distinctione formali non est amplius probabilis, utpote Ecclesiæ confessioni repugnans. Justo autem severior foret hæc censura, cum dicta opinio in subtilissimâ Scotistarum Academiâ, in oculis Ecclesiæ Catholicæ, à viris doctissimis & religiosissimis in hunc usque diem defendatur. Responderent aliqui concedendo consequentiam, quorum censuras contra dictam opinionem refert Fasolus tom. 1. in 1. p. q. 4. a. 2. dub. 12. §. 92. & tom. 3. in eandem q. 28. a. 2. dub. 1. §. 14. & 15. Sed nego consequentiam, & abstinendum censeo à censurâ, non solùm ob rationem objectionis: sed etiam quod nemo *Vindictur tamen Scotus à censurâ.*

quidpiam contra alienam sententiam, sive ex Scriptura & Conciliis, sive ex ratione opponens, arbitrari debeat omnem illi probabilitatem ademptam; nisi certò sibi persuadeat, non posse adversam partem argumento allato ullà prudenti ratione satisfacere. Quod absit ut in hoc argumento, aliisve postea adferendis, mihi persuadeam.

CAPUT III.

Alterum argumentum contra distinctionem formalem.

IX. *Eadem refutatur ex Concilio Lateranensi.* **P**eremus illud ex Concilio Lateranensi sub Innocentio III. Ibi enim definitur, *Deum esse omninò simplicem*, sicuti vidimus disp. 2. cap. 1. Ergo Deus non tantum realiter est simplex, sed etiam formaliter. Alioquin non esset *omninò simplex*: tum quia non attingeret omnem simplicitatis gradum: tùm etiam quia non totus esset simplex, sed tantum secundum aliquid sui, & secundum aliquid non esset simplex. Nam simplex solum esset secundum modum realitatis: sed secundum rationem essentialem & quidditativam, quam formalitates constituunt, perfectione simplicitatis careret. Neque hæc consequentia est pluribus urgenda, cum Scotistæ Deum non realiter tantum, sed etiam formaliter simplicem admittant. Sic verò subsumo; Atqui Deus non esset formaliter & quidditativè simplex, si in eo daretur distinctio formalis: Ergo hæc non est admittenda in Deo. In hoc subsumpto tota difficultas consistit: illud enim strenuè negant Scotistæ.

Simplicitas quidditativa, atq; adeò omnimoda, non consistit cum distinctione formali. Quidditativam igitur simplicitatem tolli per distinctionem formalem, ostenditur primò applicando primam & vulgatam definitionem simplicitatis, quam dedimus disputat. 1. cap. 1. quòd nempe simplicitas sit *Unitas sine compositione*. Admissâ enim distinctione formalitatum in Deo, vel Unitas formalis tollitur, quæ est genus simplicitatis formalis: vel datur formalis compositio, quæ immediatè specificam illius differentiam aufert, & sic semper destruitur formalis simplicitas. Et quidem Unitas formalis permanere non poterit, si omnes formalitates divinæ relinquantur incompositæ absque aliqua unione formali. Tunc enim dabitur formalis cumulus, ac veluti turba formalitatum v.g. substantiæ, viventis, spiritûs, sapientis, omnipotentis &c. sicuti ubi plures homines vel lapides conveniunt sine ulla unione seu compositione, datur turba hominum vel cumulus lapidum. Intercedet verò inter formalitates divinas compositio formalis, si illæ aliquo formali vinculo connectantur.

X. Respondent Scotistæ 1. Ideo inter dictas formalitates nullam iniri compositionem, quia omnis compositio est ex actu & potentia: istæ autem

tem formalitates se non habent ut actus & potentia, sed omnes ut puri actus. Verum hæc responsio non satisfacit. Vel enim negatio actus & potentia inter rationes illas quidditativas omnem tollit unionem formalem: & sic redit prius argumentum de formalis aggregato, quod æquè vel magis simplicitati formali opponitur quàm compositio formalis. Vel aliquam unionem formalem inter easdem admittit, & sic admittit aliquam compositionem conformiter sumptam. Quia ut vidimus disp. 2. cap. 6. nihil aliud est compositio, quàm distinctorum unio, sive simul positio & nexus ad faciendum quid unum. Sicuti igitur ratio actus & potentia non requiritur ad omnem unionem, ita neque ad omnem compositionem.

Adde, nec omnem rationem potentia & actus in præsentia deesse, Quia etiam secundum Scotistas ad compositionem sufficit potentia Metaphysica & actus ejusdem ordinis, cujusmodi secundum eisdem reperiuntur in genere & differentia, in Angelo vel quavis natura, & potentiis vel passionibus identificatis, denique in omni perfectibili & perfectivo, quamvis non realiter sed formaliter tantum distincto. Tales autem potentia & actus per distinctionem formalem invehuntur in Deum. Essentia enim Divina secundum se formaliter non est actu sapiens, bona, omnipotens, Pater, Filius &c. alioqui frustra ei adderentur ejusmodi formalitates, quippe quæ nihil essentia conferrent nisi quod ipsa jam præhaberet. Haud tamen est incapax actualis sapientia ac bonitatis; neque ad illas inepta: Ergo capax & apta; ut scilicet per realem cum illis identitatem actualiter sapiens & bona constituatur: Ergo habet rationem potentia ad isthæc attributa; Potentia enim non est aliud quàm capacitas & aptitudo alicujus ad habendum aliquid quod illud ipsum de se non habet: similiter Essentia nō est de se formaliter perfecta per sapientiā, neq; per illā imperfectibilis formaliter superest igitur ut dicatur perfectibilis formaliter per sapientiā, & hæc illam perficiat. Atque adeo nihil ad veram compositionem deest, etiam ex iis quæ Scotistæ ad eandem requirunt. Quod autem diximus de essentia & sapientia aliisq; Attributis, dici etiam potest de ratione entis, substantia, spiritualitatis, vitæ, aliisque intra divinæ essentia conceptum inclusis, quarum una formaliter distincta ab altera est similiter alterius capax, & perfectibilis per eandem.

Respondent 2. Ideo ab essentia & attributis aliisque formalitatibus excludi omnem tam aggregationem quam compositionem, quod sint actus increati, illimitati, puri, realiter identificati: sed neque sic satisfaciunt, vel suam opinionem evertunt. Quamvis enim reipsa verum sit, per rationem actus increati, illimitati, puri, sicuti etiam per realem identitatem excludi omnem aggregationem & compositionem à parte rei; quia simul

*Occurrit
tur pri
ma respō
sioni Sco
tistarum*

XI.

*Occurrit
tur alteri
respōsioni*

omnis

omnis distinctio media sive formalis excluditur: hac tamen admissâ negari formalis aggregatio aut compositio consequenter non potest. Quia sicuti paulo ante ostendimus, vel datur distinctio formalis sine unitione seu connexionione formalis; & sic datur aggregatio formalis: vel cum formali connexionione; & sic datur formalis compositio. Quarum utraque formalem simplicitatem evertit; esto, per possibile, vel potius impossibile, consistat cum reali simplicitate.

Adde simili respondendi ratione, qua dicitur simplicitatem formalem consistere cum distinctione formali, quia extrema distincta se non habent ut potentia & actus, vel quia sunt increata, illimitata, vel uno aliquo essendi modo inter se connectuntur, defendi posse, simplicitatem realem optimè cohærere cum reali distinctione eorundem extremorum. Posset enim quis affirmare divinam essentiam realiter distingui ab attributis vel proprietatibus personalibus, & nihilominus Deum formaliter simplicem tueri, addendo essentiam & attributa vel proprietates relativas se non habere instar potentia & actus, vel esse actus increatos, illimitatos, puros, ideoque compositionis aut aggregationis expertes. Quemadmodum autem hæc ratio defendendi simplicitatem realem ne quidem apud Scotistas valeret: ita nec apud alios illa debet admitti, quâ ipsimet utuntur ut suam formalem simplicitatem defendant. Est enim ubique par ratio:

XII.

Idem ur-
getur ex
definitio-
ne SS. Pa-
trum.

Jam verò, quod hîc præcipuè propositum fuit, nimirum formalem distinctionem non bene cohærere cum simplicitate formali, ostenditur applicando alteram definitionem simplicitatis, quam eadem disp. 1. & cap. 1. ex ss. Patribus retulimus: *simplex est quod quidquid habet hoc est, excepto quod relativè est*. Admissis enim formalitatibus ex natura rei distinctis, Deus non est formaliter sapientia, bonitas, omnipotentia, paternitas, filiatio: cum ab illis formaliter distinguatur. Et tamen habet sapientiam cæterasque formalitates; neque hæc Deo relativè opponuntur. Ergo Deo secundum suas formalitates non convenit ratio simplicitatis ab Augustino, Bernardo, aliisque Patribus asserta. Et ne de simplicitate tantum relativâ divinæ essentia ad sua Attributa, argumētum proponamus: urgeri pariter idem potest de simplicitate *absoluta* divinæ essentia in se. Nā hæc etiā juxta opinionem plurium Scotistarum, magisque consequenter loquentium, habet in se perfectiones sive formalitates distinctas, aut certè modos non eosdem, formaliter à parte rei: ut entis, substantia, vitæ, spiritus, intellectus radicalis, independentia, infinitatis: neque ulla oppositio relativa intercedit inter dictas formalitates & Deitatem. Nihilominus hæc non est eadem adæquatè & formaliter cum ipsis. Quædam enim sunt Deitati cum creaturis communes: Deitas autem formaliter non est quid commune cum

cum creaturis. Aliæ verò licet sint propriæ, non tamen sunt Deitas adæquatè, sed aliquid tantum ipsius: atqui Deitas formaliter non est tantum aliquid sui, sed tota ipsa. Sic porro Deus est quàm minimè ea singula formaliter, quæ etiam quidditative in se habet: quod est apertè contra definitionem prædictam. Neque ad eam salvandam quidquam referet, si dicatur divinitatem esse omnes illas formalitates simul sumptas: sic enim nullius simplicitatis prærogativâ gaudebit præ quovis composito, aut etiam aggregato, quàm maximè materiali; quod licet singulæ suæ partes dici nequeat, cum omnibus tamen simul sumptis convertitur.

Notandum 1. me in præcedentibus non probasse, sed supposuisse tanquam certissimum apud fideles, ideoq; & apud Scotistas, quod divina essentia & attributa non consint aliquod aggregatum, sed sint inter se connexa & Ens verè unum constituent. Id si tamen protervus negaret, omnes illæ rationes ad eum convincendum servirent, quas disp. 2. cap. 2. & 3. attulimus pro divina simplicitate: hæ enim à fortiori probant Unitatem, quæ ad simplicitatem est genus. Inter sacrarum verò litterarum auctoritates, illæ huc maximè faciunt, ubi attributa de divina essentia, & hæc de illis prædicantur in recto: sive in concreto id fiat, ut quando Deus dicitur sapiens, bonus, omnipotens: sive in abstracto, quando Deus ipsamet sapientia & bonitas celebratur. Hæ namque denominationes non sunt inter purè aggregata, sed tantum inter connexa. Neque enim in turba hominum, unus est aut dicitur sapiens vel bonus per alterius sapientiam, aut bonitatem, quæ cum ipso non unitur: neque unus per alterius aures vel oculos audit vel videt. Quod faciliè applicabitur ad multitudinem inconnexam formalitatum. Sed in re clara & certa non est diutius immorandum.

Notandum secundò; haud sine ratione à me suprâ insinuaturn, eos Scotistas consequentiùs loqui, qui non Attributales tantum perfectiones formaliter inter se distinguunt, sed etiam Essentiales, quæ scilicet quidditative Deitatem constituunt. Eadem namque argumenta vel de utrisque vel de neutris concludunt: ut illa præcipua, quæ petuntur ex Contradictoriis & diversis rationibus, sive conceptibus. Aliâ namq; ratione concipimus, ac etiam definimus substantiam, aliâ vitam, aliâ spiritum: verè item enuntiamus, quòd Deus cum elementis conveniat in substantia & non in vita, quod hanc quoque à Deo participant animalia, sed non spiritualitatem, & ejusmodi plura. Quæ si in prædicatis Essentialibus (prout alii ex Scoti discipulis malunt) salvari sufficienter possint sine distinctione formali, per solam virtualem aut rationis ratiocinatur: non apparet profectò, cur pariter in Attributalibus, diversitas conceptuum & prædicato-

*Qua Dei
simplici-
tatem,
eandem à
fortiori
probant
ejus Uni-
tatem,*

rum oppositio consistere & explicari non possint. Hoc autem ad-
misso, nulla prorsus est ratio, cur in hæc potius, quam in illa formalem di-
stinctionem invehamus.

CAPUT. IV.

*Oppugnatur distinctio formalis ex sententia Eugenii contra
Gilbertum.*

XIV. DE hac in Concilio Remensi ab Eugenio III. lata, pluribus egimus
disp. 2. cap. 1., ut stabiliremus in Deo simplicitatem realem: quia illa
Eugenii sententia in Gilbertum, hanc saltem simplicitatem omnium con-
fessione sancivit. Jam verò ulterius nobis videtur evincere omnem quo-
que aliam simplicitatem à parte rei; rejectà omni distinctione formali.
Verisimi- Valde enim verisimile est ea nota restrictum fuisse Gilbertum, quòd in-
le est no- ter Deitatem & Deum sive Personas, non illam majorem distinctionem
tatam in poneret quæ dicitur realis, sed minimam quampiam ex natura rei, quæ in
Gilberto formalem Scotistarum coincidit.

distin- Quod suadetur 1. Quia ut loco supra citato refert Otto Frisingensis,
formali. ob id malè audiit Gilbertus & ad Eugenii tribunal delatus est, quòd *naturam & Personam divinam non Mathematica abstractione* (quæ est ex so-
lo modo concipiendi, apud Mathematicos usitata, quando suam quanti-
tatem ab omni materia sensibili præscindunt) *sed Theologica consideratio-
ne quoquo modo dividi affirmaret*, quæ consideratio cum priori abstra-
ctioni opponatur, inferre debet aliquam distinctionem ex natura rei,
quantumvis minimam, ut particula *quoquo modo* designat. Quare distin-
ctio formalis videtur esse *considerationis Theologica*, eique contra Gil-
bertum sententiæ obnoxia quam hisce verbis refert idem Frisingensis, *ne
atiqua ratio in Theologia inter naturam & personas divideret.*

Suadetur 2. Quia D. Bernardus & Gallicani Episcopi in Confessione
fidei quam errori Gilberti opposuerunt, quamque Eugenius pronuntiavit
in nullo dissentire à Catholica Ecclesia, expressè dicunt, *nullo sensu Ca-
tholico posse negari quin Divinitas sit Deus*: Ergo nec in sensu formali; in
quo tamen Scotistæ divinitatem à Deo sive eam habente, v. g. Patre aut
Filio tanquam abstractum à concreto distinguunt.

XV. Confirmatur. Quia teste S. Bernardo serm. 80. in Cantica, id maxime
displicuit in Gilberto, quòd illam Boetii propositionem, *Pater est Veri-
tas*, interpretaretur, *Pater est verus*: quia scilicet veritatem, sapientiam,
cæterasque perfectiones divinas distinguebat à Patre tanquam abstra-
ctum, sive *id quo quid est*, à concreto, sive ab eo *quod est*. Bernardus verò
optendit priorem interpretationem, *multo verius sanctiusque conver-*
sus

sumiri hoc modo, *Pater est verus, id est, Veritas*: totusque est in eo, ut *Abstra-*
 propositiones illas in quibus Deus vel Pater dicitur Deus divinitate, Sa-
 piens sapientiâ, Bonus bonitate per prædicatum in ablativo, reducat ad a-
 lias magis veras & congruas, in quibus eadem abstracta de Deo & Patre
 prædicantur in nominativo; ut sic omne discrimen abstracti & concreti
 in Deo sublatum insinuetur. Hinc & Eugenius in definitione contra Gil-
 bertum adjecit: *ne Deus divina essentia dicatur in sensu ablativi tantum, quàm*
sed etiam nominativi. Eadem porro videntur etiam posse in Scotistis no-
 tari. Nam hi quoque à Patre, qui verus est, bonus &c. id quo verus vel bo-
 nus est, distinguunt formaliter à parte rei, ideoque Patrem verum per mo-
 dum concreti formalis, veritatem autem per modum abstracti con-
 cipiunt. Cum igitur in sensu formali & proprio, abstractum non possit
 de concreto prædicari in recto, hinc nec propriè & formaliter possunt
 Scotistæ admittere propositionem hanc, *Pater est Veritas*, vel debent
 Gilberti expositione uti, & pro abstracto concretum substituere.

Respondent Scotistæ 1. Gilbertum Relationes à Deitate & Attributis
 distinxisse, non distinctione formali à parte rei, sed simpliciter reali: id-
 eoque meritiò damnatum ab Eugenio, sed in dispari causa cum Scoto, qui
 realem distinctionem neget. Assumptum autem probant autoritate vete-
 rû Scholasticorû, ut Alensis D. Thomæ, Henrici &c. deinde ex D. Bernar-
 do qui cõtra Gilbertum disputans adducit passim exempla realiter distin-
 ctorum, ut candoris à nive, nigredinis à corvo, & cum illis comparat At-
 tributa in sententia Gilberti. Ita pluribus Smising 1. p. tract. 2. disp. 1. q. 2.
 atque idem sentit Suarez 1. p. l. 4. de Trinit. cap. 2. n. 1. hac præsertim du-
 ctus ratione, quòd D. Bernardus impugnet Gilbertum ut ponentem
 quaternitatem in Deo, quæ non datur nisi inter distincta realiter.

Sed negatur assumptum. Distinctio enim *considerationis Theologica*
quoquo modo, ob quam teste Ottone notatus Gilbertus, non sonat rea-
 lelem distinctionem, saltem determinatè, sed intra quamvis à parte rei, et-
 iam minimam consistit. Nec apud Scholasticos citatos quidquam con-
 trarium reperio. Alensis enim 1. p. q. 68. m. s. a. 6. §. 1. ubi à Smising ci-
 tatur, hæc tantum ad rem præsentem ait: *Porretanus si solum intellexerit*
ut intelligentia ratione ab invicem differrent proprietates & essentia, Ca-
tholicus est: sin autem referat ad rationem rei, hæresim saperet. Quod de tam
peritis viris non est probabile. Tantum igitur abest ut Gilberto adscripse-
 rit distinctionem realem istorum extremorum, ut potius eum fuerit in-
 terpretatus de solius rationis differentia. Benignius tamen quàm veriùs:
 ob hanc enim differentiam ubique receptam, apud viros doctos in Re-
 menfi Concilio congregatos, eam notam non subivisset. Cæterum Lector

videat, an differentia *relata ad rationem rei* distinctionem quoque *formalem ex natura rei* non comprehendat, quodque de illa iudicium Alen-
tistulerit. Apud reliquos verò aliud in locis allegatis non lego, quàm
quòd Gilbertus proprietates divinas non posuerit *insistentes* essentia, sed
assistentes, & quasi affixas. Pro cuius explicatione.

*Quid a-
pud Vete-
res Assi-
stentia &
Insistentia
proprie-
tatum?*

Notandum ex Henrico à Gandavo quodl. 5. q. 7. Auctores eos qui cum
Gilberto priorem loquendi modum tenuerunt, per *assistentiam* proprie-
tatum intellexisse earum relationem ad aliquid: per *insistentiam* verò si-
gnificasse inhaerentiam per modum accidentis vel partis. Quia autem illà
concessa, hanc negabant, idcirco aiebant proprietates divinas non *insiste-
re* essentia, sed inseparabiliter *assistere*. Henricus verò loco citato, & *assi-
stentiam* earum inseparabilem admittit, & *insistentiam*, non per modum
accidentis vel partis, sed transeundo in substantiam essentia, tanquam sui
fundamenti simul significati per proprietatem: quod ait negatum à Por-
retano. Quæ Henrici explicatio & doctrina est eadem cum illa, quæ est
apud D. Thomam 1. p. quæst. 28. a. 2. in c.

XVII. Atque hinc haud parum confirmatur id quod diximus, sententiam
Scoti videri eandem cum opinione Gilberti. Nam Scotus quoque Pro-
prietatum *assistentiam* in sensu jam tradito, qui fuit Gilberti, admittit:
non enim negat eas esse relativas. Formalem verò earum *insistentiam* ne-
gat: quia non vult eas inhaerere essentia ut accidentia, vel inesse ut partes,
vel transire formaliter in substantiam essentia; cum eas formaliter ab ea-
dem distinguat. Unde etiam negat Essentiam esse de prædicato formali
Proprietatum. Formaliter igitur loquendo proprietates divinae juxta Sco-
ti sententiam à parte rei non insunt essentia, sed *assistent*. Nec refert
quòd Gilbertus non expresserit identitatem, atque adeò *insistentiam*,
realem: quia neque eam negavit. Quin potius ad sensum Scotistarum, ta-
citè insinuavit, quando dixit Proprietates esse inseparabiliter affixas essen-
tia; Scotistæ enim realem identitatem formaliter distinctorum, per eo-
rumdem inseparabilitatem potissimum explicant & defendunt. In quo
ergo differt sententia Scoti ab opinione Gilberti; quam tamen opinio-
nem damnatam Henricus ibidem appellat.

*Explica-
tur D.
Bernar-
dus.*

Quod attinet ad D. Bernardum, exempla illa candoris & nigredinis ibi
non adducit ad explicandum errorem Gilberti: sed solummodo ad osten-
dendum, quomodo magnitudo distinguatur ab anima, etsi ab ea separari
non possit; cum nec candor separetur à nive, nec nigredo à corvo, à qui-
bus tamen distinguuntur. Atque hæc omnia scribit, antequam ibi incipiat
disputationem cum Gilberto, id solum agens, ut doceat animam rationa-
lem, licet facta sit ad Verbi imaginem, haud tamen esse æqualem Verbo,
sed

sed ab ejus perfectione in multis deficere, ac præsertim in simplicitate: quia anima non est sua magnitudo, quâ æternorum est capax, nec sua re-
 ctitudo; cum tamen Verbum, summè ac purissimè simplex, sit non solum
 utraque illa perfectio, sed & cætera omnia quæ habet. Quo discursu fini-
 to, divinæ tandem simplicitatis occasione, incipit referre ac refutare er-
 rorem Gilberti, utpote dictæ simplicitati contrarium. Nec ampliùs memi-
 nit nigredinis aut candoris, uti legenti constabit. Si tamen Auctor quem
 oppugnamus, adhuc velit exemplum candoris & nigredinis ad Gilberti
 opinionem referre: ad eam quoque referat exemplum rationalitatis, risi-
 bilitatis, capacitatis æternorum, aliarumque formarum Metaphysica-
 rum, quas Bernardus substantiales ibi vocat, & supponit aliquo modo à
 subiecto distingui à parte rei, quamvis omnino inseparabiliter: atque hinc
 colligat, sancto huic Doctori nihil penitus fuisse, an Gilbertus Attributa di-
 stingeret realiter instar nigredinis à corvo, an formaliter à parte rei, si-
 cuti in multorum sententia gradus Metaphysici distinguuntur; sed contra
 utrumque modum summam identitatem in divinis asseruisse. Quemad-
 modum etiam fecit independentem à sententia Gilberti, per hæc verba:
*Sola summa & increata natura qua est Trinitas Deus, hanc sibi vendicat
 meram singularemque sua essentia simplicitatem, ut non aliud & aliud, non
 alibi quoque & alibi, sed ne modo quidem & modo invenitur in eâ: non
 aliud scilicet & aliud, vel physicè & realiter, instar albedinis & subiecti,
 vel Metaphysicè & formaliter, instar rationalitatis aut risibilitatis, qua-
 rum differentijs ante commemoratis simplicissimam Dei Unitatem op-
 ponit.*

Conjectura denique, quam Suarez & Smising pro distinctione reali à XVII.
 Gilberto assertâ desumunt ex Quaternitate in Deo, quam ex Gilberti sen-
 tentia inferre videtur Bernardus l. 5. de consid. c. 7. hæc, inquam, conje-
 ctura haud magis rem conficit quàm præcedens. Quia non solum reali-
 ter distincta, numerum faciunt; sed etiam distincta formaliter: si non
 prædicamentalem, qualis non competit nisi entibus realibus & comple-
 tis; saltem transcendentalem, qualem passim de omnibus, etiam incom-
 pletis, & haud minùs de formalitatibus quàm de rebus, prædicamus. Hoc
 ergo numero divina essentia, quamvis in Gilberti sententiâ solum forma-
 liter à parte rei distincta, simul cum Personis Quaternitatem implebit.
 Quod si similiter & Attributa ab essentia, & illa inter se Scotistæ distin-
 guant: quidni non quaternitatem tantum, sed ut cum Bernardo loquar,
 etiam Centenitatem impleant?

Respondent Scotistæ 2. se illâ saltem ratione minimè premi, quam in
 hoc argumento deduximus ex prædicatione abstracti de concreto v. g. Altera
Scotista-
rum re-
sponso

Deitatis & Veritatis de Patre : sicuti nec illis quæ deduci possunt ex prædicatione abstracti de abstracto, quam etiam ss. Patres haud rarò in divinis usurpant. Quia hujusmodi propositiones ex Scoti quoque doctrina admittuntur ut veræ, si non formaliter, saltem per identitatem. Nec refert quòd in creaturis prædicatio in abstracto ut sit vera debeat esse formalis, ideoque passim ut falsæ rejiciantur hæ propositiones, *animalitas est homo, animalitas est rationalitas* ; quia nec homo, nec rationalitas, est de conceptu quidditativo animalitatis, quantumvis cum eâ identificetur à parte rei; Alia namque est ratio in Deo. Differentiam verò hanc assignant; Quòd formalitates creatæ in abstracto ex se sibi non vendicent ullam identitatem cum concreto vel alio abstracto: cum enim sint finitæ, intra rationem suam quidditativam præcisè sistunt, & non nisi indifferenter seu permissivè se habent, ut cum aliis suæ quidditati extraneis, sive concretis sive abstractis, identificentur. Falsæ igitur sunt propositiones quæ identitatem nullo modo per terminos importatam affirmant. Econtrario formalitates Divinæ, ob sui infinitatem, postulant identificari cum aliis formalitatibus & modis Divinis, eamque identitatem aliquo modo insinuant. Idque sufficit ut instar eorundem prædicari possint. Ita Scotus in 1. dist. 8.

XIX. q. 4. ad argumentum principale, & communiter Scotistæ.

Refuta-
tur va-
rius mo-
dò.

Sed contrà 1. D. Bernardus supra relatus n. 15. non tantum contendit propositiones abstracti de concreto esse in divinis veras quomodocumque, sed etiam magis veras magisque congruas, idque conformiter D. Augustino quem citat. Tales autem non forent admissæ distinctione formali. Si enim veritas admittat magis & minus, illa propositio magis vera, aut certè recta & congrua censeri debet, quæ in sensu formali obtinet veritatem, quàm quæ tantum in identico. Signum igitur est ex sententia D. Bernardi aliorumque Patrum, omnia in Deo, sive concreta sive abstracta convenire in unam & eandem rationem formalem (excepto ubi relativa oppositio id non permittit) & per consequens ab eodem excludi omnem distinctionem formalem.

Contra 2. discrimen illud Scotisticum inter formalitates divinas & creatas non subsistit. Ambæ enim non obstante distinctione formali, identificantur realiter : neque illæ præ his identitatem hanc ingerunt aut præ se ferunt. Quia id non faciunt immediatè sive ut formalitates præcisè: cum quæ tales sint eadem univocè in creaturis & Deo, ut docet Scotus in 1. dist. 8. q. 3. Quapropter sicuti in creaturis ratio sapientiæ v.g. ex se non dicit aut petit identitatem cum bonitate: ita nec in Deo ; Alioqui non esset una & eadem ratio. Restat igitur ut id faciant mediatè, quæ modificantur per infinitatem, uti Scotus insinuat. Sed tum prius deberent dicere

aut

aut postulare ipsum modum infinitatis: quod etiam non faciunt. Formalitates enim secundum se ita abstrahunt ab hoc modo, ut in Deo quoque non sint eadem formaliter cum illo: sicuti ex mente Scoti in præfati disputatione notavimus cap. 1. sub finem. Superest ergo ut solus modus infinitatis dicat aut inferat identitatem prædictam, adeoque hic solus de alia formalitate prædicari possit: non autem una formalitas de alia.

Contra 3. Licet modus infinitatis identitatem aliquam adferat, haud tamen in omni genere, sed illius tantum formalitatis quam modificat. Ut enim apud Scotum supra ejusque discipulos receptissimum est, finitas aut infinitas alique modi intrinseci, non variant rationem formalem ejus cui adduntur: variarent autem si modificatum suum traherent ad aliam rationem formalem, v. g. sapientiam facerent esse eandem cum bonitate & potentia. Id ergo ne faciant, debet infinitas sapientiæ, huic solum identificare id omne quod est intra rationem formalem sapientiæ, & per se loquendo nihil huic extraneum attingere. Quo concessio, æquè inter se distinguuntur formaliter, aut certè non identificantur diversarum formalitatum modi, atque formalitates ipsæ. Et per consequens si formalitates seorsim à modis non possint in abstracto prædicari de aliis formalitatibus, neque cum modis poterunt.

Notandum, nos haud immerito, in hac materia, præ aliis Patribus sæpius fuisse usos, ac porro usuros, autoritate D. Bernardi; quippe quæ in eadem maximi ponderis sit, ob tam præclaram operam contra oppositum Gilberti errorem, in Remensi Concilio, sicuti vidimus, Ecclesiæ navatam. Quemadmodum igitur Divorum Athanasii & Hilarii scripta maximi habentur momenti in materia sanctissimæ Trinitatis, & D. Augustini in quæstionibus de gratia, quod hic contra Pelagianos, illi contra Arianos fidem Catholicam in iisdem controversiis strenuissimè propugnarint: ita

& D. Bernardo circa divinam simplicitatem haud parum præ cæte-

ris deferendum, cujus ad eam ab erroribus vindicandam

zelus & eruditio, totâ approbante Eccle-

siâ singulariter e-

luxit.

D. Ber-

nardi au-
toritas in
præfati
materia.

CAPUT

CAPUT V.

An, & quomodo distinctio formalis sit realis?

Multi distinctionem formalem oppugnaturi, summopere contendunt eam realem esse, ideoque excludendam à Deo, à quo omnes Catholici realem distinctionem, præterquam inter Relationes invicem oppositas, excludunt. Huc spectat illud eorum argumentum; Quòd reale sit quicquid est vel esse potest independenter à fitione intellectus: id enim, aliquo tandem modo, tenere se debet à parte rei, & hinc reale denominari. Neque aliâ ratione probaveris Deum vel Petrum esse quid reale, quàm quia sunt aliquid à parte rei, ab intellectu independents. Atqui hæc conveniunt distinctioni formali, cum revera ponatur in Deo absque figmento intellectus.

XXI.

Distinctio formalis est latè realis secundum Scotistas.

Sed non strictè ac simpliciter, & cur?

Strictè tamen realis jure denominationis.

Sed Authores hi contra Scotistas actum agunt. Ut enim insinuavimus cap. 2. ipsimet ultrò admittunt distinctionem suam formalem dicto sensu posse dici realem, sicut etiam videre est apud Philippum Fabrum in 1. dist. 2. q. 7. d. 20. & Theodorum Smising. tom. 1. tract. 2. disp. 1. q. 2. §. 58. Addunt tamen significationem illam esse nimis latam, nec usurpandam simpliciter: sed cum aliquo addito. Ad omnem verò æquivocationem vitandam putant expedire ut distinctio formalis dicatur potius distinctio in re seu ex natura rei, quàm realis. Quid autè ad distinctionem strictè & simpliciter realem ipsi ulterius desiderent, non omnes eodem modo exponunt. Communior eorum interpretatio est, ei solùm distinctioni denominationem istam competere, cujus extrema non astringuntur essentialiter ad eandem substantiam vel existentiam. Hoc sensu docent personas divinas distinguere realiter, quia ad diversas substantias pertinent: partes item realiter distinguere à toto, & accidentia à subjecto; quia per divinam saltem potentiam possunt seorsim existere. Inferunt verò ejusdem rei formalitates diversas, præsertim in Deo, non distinguere realiter: quia per nullam potentiam ab alia substantia vel existentia terminari possunt. Atque in hoc ajunt esse punctum difficultatis quæ inter ipsos & adversarios agitur. Itaque non de realitate in genere, sed de ea quæ strictè & absolute sic dicatur, cum Scotistis discerpandum.

Dico 1. Quamvis hæc sit quæstio de nomine, videtur tamen distinctio formalis Scoistarum strictè & simpliciter debere dici realis. Probatur. Quia sicuti in propria causa nemo potest pro arbitrio novas leges condere, sed quisque debet antiquis aut prius conventis stare: ita nec Scotus cujusque discipuli in nova hac controversia cum reliquis Scholasticis excitata, potuere vel eorum significationem prius receptam immutare, sed prius

tius juxta illam, tanquam unam ex legibus disputandi, sua proponere & tueri debuerunt; Sin verò contrà moliti quid fuerint, manet aliis adhuc integer prior usus. Hunc autem consulendo, vox *realis*, ut distinctioni strictè & simpliciter applicari possit, non restringitur ad conditiones quas Scotistæ requirunt: sed sufficit siquæ distinctio detur revera extra intellectum, sive quod idem est, à parte rei. Antiquissima quippe & famosissima est divisio Entis in *anima* & *extra animam*: utque illud propriè ac simpliciter pro Ente rationis, ita hoc pariter pro Ente reali ante Scoti tempora semper fuit acceptum. Atque idem fuit sensus de distinctionibus, quæ vel identificantur cum entibus, vel iis ut fundamentis, instar relationum, proportionantur. Quare juxta hanc vocum significationem judicari primò debuit, & adhuc debet, de formali distinctione: cumque tota sit extra animam, & ab ejus operatione penitus independens, ex veteri loquendi lege strictè realis pronuntiari, live alligetur ad eandem existentiam vel substantiam, sive non.

Dices. 1. Modus & modificatum, v.g. actio & terminus, unio & subje-
ctum, licet distinguantur ante omnem operationem intellectus, non ta-
men dicuntur, strictè ac simpliciter distingui realiter, sed modaliter tan-
tùm; idque quia unum extremum essentialiter pendet ab altero ut subje-
cto. Ergò à fortiori formalitates, quamvis etiam differant à parte rei,
haud strictè tamen ac simpliciter suscipient denominationem distinctio-
nis realis; quia non ab una tantum parte, sed utrinque sive reciproce
connectuntur realiter, ita ut neutra possit ab altera separari Resp. neg.
Antecedens. Unio enim, actio, & similes modi tam strictè ac absolute
distinguuntur realiter, quàm albedo & subiectum, vel corpus & anima. *Et modalis distin-*
Nec refert quod eorum distinctio dicatur modalis: hæc enim particula *ctio stri-*
non diminuit rigorem aut proprietatem realitatis, sed solum explicat *ctæ rea-*
determinat certam speciem distinctionis realis, cui conditio in argumen-
to exposita conveniat. Sicuti alia multa prædicata distinctioni addita, sine
ullo præjudicio realitatis, alias ejus conditiones designant, ut quod sit ge-
nerica, specifica, numerica, adæquata, inadæquata &c. Sciò Suarez disp.
7. Metaphys. sect. 1. n. 16. objectioni favere: sed pro responsione nostra
faciunt Hurtado in Metaph. disp. 6. sect. 2. §. 13. & Ariaga tom. 1. in 1. p.
disp. 41. §. 4.

Dices. 2. Illa non possunt simpliciter distingui realiter, quorum est una
realitas simpliciter: Atqui omnes formalitates quæ Deo conveniunt, unicà
tantùm realitate actuantur: Ergo. Confirmatur. Personæ Divinæ non
possunt distingui essentialiter, quia una est earum essentia: Ergo nec for-
malitates divinæ poterunt distingui realiter, quarum unica realitas est.

G

Resp.

Resp. neg. Majorem, si præter unam realitatem communem, plures alias sibi proprias secum adferant. Instantiam sumo ab ipsomet exemplo divinarum personarum, quæ licet sint una realitas essentialis, realiter tamen differunt, quia plures habent realitates personales: & differunt etiam essentialiter, si, quod non faciunt, plures essentias secum adferrent. Similiter in præsentī, præter realitatem modi quo omnes formalitates connectuntur, dantur realitates ipsarum formalitatum. Singulæ enim sunt aliquid actu extra nihil & intellectum fingentem: Ergo quid reale: Ergo licet connectantur in realitate quadam tertia, ipsæ nihilominus realiter distinguuntur.

Notandum, Scotistas quamvis non satis explicent quidnam intelligant
 XXXII. per modum realitatis, illud tamen frequentius insinuare, quod sit idem cum modo actualitatis sive existentie. Plures igitur formalitates eadem realitate *reari*, ut loquuntur, sive *realizari*, idem est apud ipsos, quod eadem existentia existere. Hoc autem nullatenus impedit vel minuit realem differentiam singularum. Ponamus enim veram esse Thomistarum sententiam, quod humana Christi natura careat propria existentia, & existat existentia solius Verbi, ite accidentia per solius subiecti existentia existant: *Instantiam contra eam.* verum nihilominus erit humanam naturam differre realiter ac proprie ab essentia Verbi, & accidentia a subiecto; quantumvis existentia non sit diversa, sed utrisque communis. Pari modo in præsentī, realiter ac proprie different formalitates, licet juxta Scotistas eidem omnes realitati sive existentie innitantur.

Si dicant, aliam esse rationem in humana natura Christi & accidentibus, aliam in suis formalitatibus, quod dicta natura & accidentia, licet actu communem existentiam habeant, possint tamen habere propriam; non sic formalitates, quæ ne quidem per divinam potentiam possint aliter actuari. Id, inquam, si dicant, occurrī rursus poterit per instantiam probabilem divinarum personarum, quæ juxta eosdem Thomistas ac plures
 Aliam instantiam. alios, nullam relativam existentiam sibi propriam habent aut possunt habere, sed tantum essentialē omnibus communem, ac nihilominus strictè proprièque loquendo realiter distinguantur. Neque quisquam, quod sciam, eo ex capite Thomistas oppugnavit, quod communem existentiam Personis tribuendo, distinctionem earum strictè realem destrueret.

Video Scotistis effugium patere per diversam subsistentiam Personarum, quæ ex ipsorum mente initio hujus Capituli relatā; sufficiat ad distinctionem strictè realem, licet omnes in eandem essentiam existentiamque conveniant. Sed tunc redibitur ad exemplum Thomisticum naturæ humanæ, quæ in Christo eandem cum essentia Verbi existentiam & subsistentiam habet: & tamen fide credimus eam distingui realiter ab essentia Verbi.

XXIV.

Verbi. Quod si & ipsi ad priorem replicam revertantur de aliâ ejusdem humanitatis existentia subsistentiaque possibili: reponi tandem poterit, ejusdem quoque Formalitatis quæ est in Deo, v.g. sapientiæ aut bonitatis, aliam subsistentiam atq; existentiam possibilem esse. Quamvis enim dicta formalitas, quatenus à se aut etiam, sicuti placet Scotistis, infinita, determinetur ad eandem subsistentiâ aut existienciâ quam habent aliæ formalitates divinæ: ipsa tamen de se, quatenus præcisè est formalitas sapientiæ, est planè indifferens ad subsistentiam & existienciam creatam; sub qua separetur à bonitate cæterisque perfectionibus. Iterum quippe suppono quod ex Scoto retuli num. 19. rationem sapientiæ aliarumque formalitatum esse unam formaliter & univocè in Deo & creaturis, ideoque eandem prorsus posse utrique competere. Cum verò ab intellectu fingente non pendeat, sed detur reverà à parte rei; consequens est, aliquid reale quod in Deo terminatur subsistentiâ & existienciâ Divinâ, posse alibi creata terminari, atque adeo habere omnia, quæ etiam Scotistæ ad strictam realis distinctionis denominationem necessaria ducunt.

*Etiam in
ipforum
principiis
distinctio
formalis
videtur
esse strictè
realis.*

Illi denique Scotistæ dicto responso de una existentia omnium formalitatum, se tueri non possunt, qui expressè docent, tot esse in Deo existentias formaliter distinctas, quot sunt in eo perfectiones tam absolutæ quàm relativæ formaliter distinctæ: cum unaquæque perfectio ut suam entitatem formalem, ita & existentiam conformiter sumptam, sibi propriam habeat. Ita Smising de Deo Uno, tract. 1. disp. 2. q. 1. n. 35. pro se citans Licherum. Omnes verò qui Gilbertum (de quo supra cap. 4.) locutum volunt de distinctione strictè reali, aut saltem pro ea inter Attributa asserti, referunt alium quemdam Gualterum, nullibi notant formalitates sic ab eis distinctas fuisse solutas aut solubiles ab eadem existentia vel subsistentia: quin potiùs supponunt illos sensisse contrarium, ac posuisse eas omnes uni Deitati tribusque personalitatibus, aut earum singulis, inseparabiliter affixas. Quod signum est, ad identitatem realem non sufficere affixionem illam inseparabilem: & per consequens realem distinctionem cum opposita separabilitate non bene converti aut confundi.

Dico 2. Quocumque tandem nomine vocetur formalis distinctio, sive *xxv.* realis latè sive strictè, iisdem fermè imperfectionibus & incommodis obnoxia est in Deo, quæ contra distinctionem strictè realem deduximus *isidem* disp. 2. cap. 2. & 3. Id de aggregatione vel compositione ostendimus *saltem* disp. 2. cap. 3. De reliquis verò sequenti cap. ostendemus. Nec refert, *imperfecti-* quòd dictæ imperfectiones ex reali distinctione majori, sint fortassis *onibus* majores: ex minori verò qualem Scotistæ asserunt suam formalem, sequan- *est ob-* tur minores. Nulla namque imperfectio est parva in Deo, sed etiam illæ *noxia.*

quæ in creaturis censentur minimæ, in Deum translata totam ejus divinitatem evertunt. Vel enim Deus non est, vel in parvis æquè ac magnis perfectissimus est. Adscribe Deo vel minimam culpam venialem, v.g. officiosum mendacium: tribue ei impotentiam producendi unam arenulam maris: tueri non poteris infinitam ejus Sanctitatem, Veritatem, Potentiam, & sic nec Divinitatem defendere. Neque magis Dei simplicitatem, omnemque gloriam, tua in opinione salvabis, nisi procul ab ejus Essentia distinctionem omnem, quantumvis per nomen *formali*, vel aliud quodcumque, diminutam removeris.

Gravium illa afficiunt quidditatem divinam, quàm modum realitatis.

Nescio verò quantum inde, meo quidem judicio, imperfectiones hæc crescant, unde Scotistæ eas, non solum diminutas, sed penitus sublatas volunt: quod nempe distinctio ex qua oriuntur, non realitatem sive existentiam divinam, sed rationes tantum essentielles seu quidditativas afficiat. Sicut enim nihil cuique prius atque interius est, quàm sua quidditas & essentia: ita nulla imperfectio, magis eum tangit graviusque afficit, quàm quæ in ejus essentiam transit. Ideoque limitatio, compositio, aggregatio, aliæque imperfectiones quæ distinctionem consequuntur, longius removendæ à formalitatibus quæ divinam Essentiam ejusve Attributa constituunt quidditative, quàm ab aliquo tantum quod ea modificat. Sed præstat generatim dicta specialius applicare.

CAPUT VI.

Argumenta contra distinctionem realem, applicantur formali.

XXVI.

Unitas formalis in Deo perfectior quàm multiplici.

Juxta primum argumentum, quod contra realem in Deo distinctionem ex ratione movimus disp. 2. cap. 2. contra formalem quoque procedere poterimus hunc in modum. Sentire debemus de Domino in bonitate, ut quidquid melius atque perfectius excogitare possumus, id ei inesse credamus; Cujus enim erunt optima quæque si Dei non sint? Atqui cogitatione nostrâ longè melius & perfectius est, universam perfectionem divinam (ubi oppositio relativa non obstat) in unam colligi, non solum realitatem, sed etiam formalitatem à parte rei: Ergo sentiendum ita se rem habere in Deo, & per consequens tollendæ distinctiones formales, quæ formali huic Unitati obstant. Porro Unitatem formalem longè præstare distinctioni formalitatum, suadent omnia quæ loco citato diximus pro excellentia unitatis ac simplicitatis realis; quod nempe is essendi modus illimitatior sit, purior, magis proprius ac independens, quod perfectiora Entis attributa eum consequantur, quod denique melius atque perfectius sit undique & totaliter esse perfectum, quàm ex imperfectis constari. Quæ ratio

ratio eo magis urget quod formalitas, sicuti sub finem prioris cap. notavimus, sit quid præcipuum in unaquaque re, utpote rationem ejus quidditativam & essentialem constituens, ideoque ad ejus perfectionem, multo magis quam ad aliorum essentiam consequentium aut modificantium attendere debeamus.

Respondent Scotistæ 1. negando Unitatem illam formalem esse meliorem distinctione formali: diminuit enim immensitatem ac multitudinem divinæ perfectionis, eamque ad unius formalitatis angustias contrahit. Sed contrâ. Nos hîc agimus de Unitate formali, non per diminutionem vel defectum aliquarum perfectionum, sed per earum omnium, quas sparsim divisimque cogitamus, omnimodam adunationem formalem à parte rei. Totam igitur illarum omnium formalitatum quas Scotistæ admittunt perfectionem, utque sic loquar, substantiam Unitas illa formalis complectitur, perfectionem essentiae, sapientiae, bonitatis, potentiae &c. sed solum habendi modum, ex imperfectiori quem distinctio importat, in perfectiorem commutat qui unitatem consequitur. Formaliter quidem isthæc Unitas sapientia est, sed non determinata ad hanc rationem solam, verum quæ simul formaliter justitia sit, quæ simul potentia, quæ denique ob formalem suam infinitatem sit à parte rei formalissimè totum illud, quod gloriosissimi sui Nominis ambitu Deus claudit.

Respondent 2. Impossibilem esse illum modum Unitatis formalis quâ sapientia sit formaliter bonitas vel potentia: habent enim diversos conceptus, quibus quæ differunt non possunt in eandem formalitatem convenire. Sed alii meritò reponunt, haud magis impossibilem esse modum formalis Unitatis inter dictas perfectiones, quam Unitatis realis. Et sanè si realiter & formaliter, & sic omnimodè, apud nos distincta possunt saltem realiter, & quasi ex parte, identificari in Deo: cur etiam formaliter, & sic adæquatè, non possint? Aut quid peculiare inest modo existentiae (quam in realitatem coincidere cap. præcedente notavimus) ut adeo in creaturis divisa, nihilominus in unam eandemque coalescat in Deo: quod quidditas sive essentia ob sui in creaturis distinctionem, assequi in eodem non possit? Quod adfertur de diversis conceptibus aliquam vim haberet, si constaret eos esse proprios & undique conformes objecto: sed tales hac in vita non formamus de divinis, utpote qui ea non nisi imperfectè & per species creaturarum cognoscimus. In quibus creaturis quia ejusmodi perfectiones non nisi ut distinctæ occurrunt: hinc & species quibus divina apprehendimus distinctionem quamdam sapiunt, ex altioribus principiis per judicium corrigendam, ut pluribus dicitur disp. 5. Pro prii verò & perfecti de Divinis conceptus, quales soli habent qui Deum

Refellitur 1. repositio Scotistarum.

Refellitur altera.

Unitas formalis plurium perfectionum, haud magis implicat quam realis.

sicuti in se est intuentur, perfectiones illas divinas absque ulla distinctione repræsentant.

Refellitur 3. responsio.
Respondent 3. Id quod est unum re & ratione, non est melius eo quod est unum re tantum. Nos enim qui toties profitemur optima quæque Deo tribuenda, ejus tamen attributa aliasque perfectiones ratione distinguimus. Ergo neque id quod realiter & formaliter est unum à parte rei, illi præstat quod tantum realiter unum est. Sed huic quoque responsioni, simili distinctione occurritur, negando Antec. si de ratione propria & perfecta procedat: sic enim melius est, unum postulare conceptum quam plures. Quia id est signum unius veritatis & conceptibilitatis objectivæ: quæ quomodo multiplicitati præstet, vidimus disp. 1. c. 3. confirm. 1. Conceditur verò Antecedens, si tantum agatur de ratione minus propriâ & imperfectâ: inde namque arguitur major perfectio & eminentia objecti, quod ad illud explicandum unicus conceptus à rebus inferioribus desumptus non sufficiat, sed pluribus sit opus. Signum enim est quod unica illa res pluribus æquivalet, earumque perfectiones in se completatur. Utque hac occasione generalem Regulam proponamus; semper ex propriis, perfectis, & adæquatis conceptibus metiri debemus bonitatem sive perfectionem rei; utpote qui soli veritati illi sive conceptibilitati respondeant, quæ per modum passionis rem consequitur & adæquat: nunquam verò ex conceptibus imperfectis, & per alienas species formatis; quippe qui aliunde, scilicet à rebus unde species decerpuntur, peregrinas multas condiciones secum trahant. Jam verò diximus, conceptus Deo proprios cum prorsus indistinctum menti offerre: quamvis alieni, quibus in hac vita utimur, ex suo modo differentiam ingerant.

Ex solis conceptibus propriis, & adæquatis affirmanda perfectio rei.
XXVIII. Norandum hanc videri radicem vnde Scoti opinio pullulârit, quod voluerit de Deo rebusque Divinis arbitrari ex nostris conceptibus, & pro horum differentia aliquid in objecto diversum assignare. Quod rectè fecisset si prius constitisset eos in omnibus esse proprios & objecto conformes: sed quia tales non fuerunt, ideo fallaci horum imagine deceptus, aliter, quam se Deus haberet, de Unitate ejus objectiva sensit. Quomodo autem nostri de Deo conceptus non positivè nos fallant, repræsentando Deum aliter esse quam est: sed tantum negativè non repræsentando eum eo modo quo est: & quo pacto corrigi atque purgari debeant, ne in errorneum de divinis iudicium inducamur: aliaque huc spectantia explicabimus pluribus disp. 5. Hic interea confirmari & illustrari jam dicta possunt præclaro D. Bernardi testimonio l. 5. de Confid. c. 13. ubi plura Dei Attributa explicans: *visus sum*, inquit, *protulisse plura, sed unum est. Unus Deus signatus est pro capto nostro, non pro statu suo. Divisus est hic*, scilicet caprus

captus, non ille, nempe unus Deus sive status ejusdem: neque enim rigorem Grammaticum illorum pronominum, Author hîc servavit. Voces diverse, semita multe, sed unum per eas significatur, unum quaritur. Et post aliqua: Nobis quia non possumus cum Deo simplicitate contendere, dum contendimus apprehendere unum, occurrit veluti quadruplicatum. Facit hoc speculum & enigma per quod interim videre datur. Cum autem videbimus eum facie ad faciem, videbimus sicuti est. Nec enim tunc fragilis acies mentis nostra quantumlibet vehementer intendens, aliquatenus resiliet dissilietve in suam pluralitatem. Colliget sese magis, adunabit, conformabitque Unitati illius, vel potius Unitati illi, ut una uni facies respondeat faciei. Nempe similes ei erimus, quia videbimus eum sicuti est. Hæc D. Bernardus elegantissimè & verissimè, quorum aliqua disp. s. amplius expendemus.

Respondebunt fortè 4. Id saltem quod in argumento insinuavimus, falsum esse; nempe Deum formaliter ex imperfectis constandum, si ex tot formalitatibus constaret. Dicent enim has non esse formaliter imperfectas, sed perfectiones simpliciter simplices, quæ omnes & singulæ meliores sint ipsæ quam non ipsæ. Existimo tamen verū quod dixi. Nonne enim limitatio, & alterius perfectionis privatio, quædā imperfectio est? Utraque autē singulis formalitatibus formaliter inest. Consideremus formalitatem Sapientiæ: hæc ita limitatur formaliter intra conceptum sapientiæ, ut nihil bonitatis, potentiæ, aliorumque attributorum in se claudat formaliter. Nec refert quod formalitas sapientiæ (sicut Scotistæ respondent) postulet illas perfectiones secum identificari realiter: nam vel sic, ut plura mittam, satis proficitur quod ipsa sibi formaliter non sufficiat ad omnem perfectionem: alioquin nullam aliunde formalitatem emendicaret. Nullum autem evidentius signum limitationis, quàm insufficientia sui & aliorum exigentia. Rursus, eadem sapientiæ formalitas non habet secundum se formalitatem bonitatis, alioquin ab ea non distingueretur formaliter: caret igitur formaliter perfectione bonitatis. Quod si dicant, formalitatem sapientiæ non esse capacem ut intra se formaliter admitat bonitatem, ideoque hac non carere seu privatam esse, quia carentia, seu privatio, potentiam sive capacitatem supponit; id, inquam, si dicant, facile refellitur ex ipsis principiis Scoti.

Notandum enim Scotum in 1. dist. 8. q. 2. compositionem & potentiam, atque adeo imperfectionem cujusvis creaturæ, eo ex capite declarare, quod nulli creaturæ competat esse secundum totam perfectionem essendi, ideoque quæcumque assignetur, semper careat aliquâ perfectione quæ nata sit illi creaturæ inesse: haud semper quidem secundum propriam suam speciem, sed saltem secundum genus, aut rationem transcendentem Entis.

Rejicitur
4. responsio

Limitatio
formalitatū
quædam
earum
imperfectio
est.

Item insufficientia
sui & aliorum
indigentia

xxx.
Id probatur
ex
Scoto.

Entis. Quemadmodum talpa licet non sit capax visus secundum speciem talpæ: quæ tamen est animal, est visus capax, & in potentia ad illum, ideoque visu privata & imperfecta censetur. Quod principium, subtile simul & verum, applicando ad rem præsentem; formalitates Scotisticæ, & compositæ ac potentiales, & per consequens imperfectæ, in suo genere ac gradu haberi debent: quia nullæ secundum se habent totam perfectionem formalem. Et licet singulæ non capiant ulteriorem perfectionem in sua specie. v. g. sapientiæ: eam tamen admittere possunt secundum communio-rem aliquam rationem in iisdem inclusam, saltem ipsius Entis formalis ut sic. Unde tandem verissimum manet, Deum ex imperfectis constare, si ex formalitatibus constet, ideoque fore perfectiorem, si cæteris paribus formalem distinctionem excludat; quod prius argumentum contende-
Sapientia formalis. ter distincta à Bonitate non est perfectio simpliciter.
 bat. Quod addebat de perfectionibus quæ simpliciter simpliciter dici solent, harum ratio vel non convenit formalitatibus in sensu Scotistico explicatis, vel argumenti efficaciam non tollit. Non convenit quidem, si formalis distinctio ad ejusmodi perfectionum rationem formalem referatur: melior quippe est ratio formalis sapientiæ v. g. sine distinctione à bonitate, quàm hanc distinctionem involvens. Sed argumento non nocet, si ad solam perfectionum quas iis verbis describimus, substantiam attendatur, præscindendo à modo distinctionis.*

Alterum argumentum eadem disp. 2. c. 3. contra realem Attributorum
 XXXI. distinctionem propositum ex ratione Entis primi, parem contra distinctionem formalem, efficaciam habet. Debet enim Deus esse Ens primum non realiter tantum sed etiam formaliter à parte rei: ita ut nullas
Per distinctionem formalis tollitur à Deo ratio Entis primi.
 tas præcedat formalitatem Deitatis. Negari enim non potest quin Deus ratione suæ essentiae seu quidditatis, quæ ex formalitatibus constituitur, illam Entis primi dignitatem obtineat. Jam verò formalitatem Deitatis Scotistæ constituunt in quocumque voluerint (in quo non consentiunt, & in suis principiis singularem difficultatem alibi examinandam patiuntur) sive in esse increato, sive in necessario aut illimitato: oportebit eos semper aliquam formalitatem admittere, quæ à parte rei divinitatem præcedat; saltem ipsius Entis, ut juxta Scotum, est Deo & creaturis univo-
 cè commune. Deitas ergo, sive ab Ente differat ut formalitas, sive solum ut modus intrinsecus (nam neque de hoc inter Scotistas convenit) locum saltem secundum habebit à parte rei; ne ulterius disputem, an non etiam formalitas substantiæ, viventis, aliæque Deitati intrinsecæ pari jure præcedere debeant. Deus verò in concreto adhuc longius removebitur, quousque suo ordine sequatur subsistentia, vel communis vel personalis. Quomodo igitur Deus aut Principium aut Ens primum formaliter denomi-
 na-

minabitur, si plures formalitates, aut saltem unicam, ut priores respiciat? Optime id notavit Bernardus de Consid. l. 5. c. 6. ubi cum Deum dixisset esse Principium, quia hoc ipse de se responsum dedit, hæc subjungit: *Multa in rebus dicuntur principia, sed respectu posteriorum. Alioquin si ad ali- quid præcedens respicias, ipsum potius principium dabis.* Quomodo autem universaliora sint priora particularibus (& per consequens Ens, substantia, vivens, in eorum Scotistarum sententia, quos magis consequenter loqui notavimus suprà num. 12. præcedere debeant Deum) videri poterit apud Aristotelem in prædicam. de Modis prioris.

Tertium denique argumentum ibidem allatum petebatur ex ratione Entis à se, sibi realiter identificantis, & in se quodammodo absorbentis omne Ens; Ergo similiter siquæ in Deo detur formalitas à se, identificabit sibi formaliter, & intra se absorbebit omnem formalitatem; Ergo omnem formalem distinctionem excludet: per hanc enim destruitur identitas formalis, & una ratio formalis extra aliam collocatur. Atqui aliquam tandem rationem divinam assignari necesse est, quæ non identicè tantum, sed etiam formaliter sit à se, sive illa sit formalitas strictè, sive intrinsecus modus. Ergo in illam omnes cæteræ formalitates formaliter transeunt, atque adeo una tantum datur in Deo formalitas à parte rei, sublatâ illa formalitatum multitudine quam Scotistæ invexerunt. Urgeri hîc ulterius potest unde illa formalitas à se, limitationem habeat ut se formaliter non extendat ad alias formalitates? An ab aliqua causâ: an à se? Non primum: quia quod à se est, nullam habet causam. Non alterum: quia sicuti realitas non potest ex se limitari ut se non extendat ad omnem realitatem: ita nec formalitas ex se potest restringi ut non complectatur omnem formalitatem. Est enim paritas. Videantur plura quæ diximus loco suprà citato.

Addi hisce omnibus potest, quòd non debeamus frustra ac sine necessitate tot formalitates multiplicare in Deo. Verissimum enim est illud Veneris dictum: *Deum quam magnus est nihil habere superflui aut nimii.* In Deo Nulla porro est necessitas illarum formalitatum: cum omnia quæ vel ratio de Deo dicat, vel fides revelat, salvari abunde possint per unam formalitatem simul ac realitatem, in omni utriusque genere infinitam, ut constabit solvendo Scotistarum argumenta; ad quæ rationem hanc pluribus explicandi occasio dabitur.

CAPUT VII.

Solvuntur argumenta Scotistarum.

ARgumentum de contradictoriis, in quo præcipua vis ac veluti nervus sententiæ Scotisticæ, jam suprà cap. 2. remisimus in disp. sequentem. Hic ergo cætera solum prosequemur, quæ ex autoritate vel ratione pro formalitatibus adduci solent.

*argumē-
tum Sco-
tistarum
ab auto-
ritate.*

Autoritatem igitur pro distinctione sua formali Scotistæ petunt ex iis Scripturæ & s. s. Patrum testimoniis, quæ extra distinctionem Divinarum personarum aliam quandam differentiam, varietatem, multiplicitatem in Deo asserunt aut supponunt. Cum enim hæc nequeat esse realis aut rationis, superest ut sit formalis à parte rei. Ante omnes Apostolus ad Rom. 1. de absolutis Dei perfectionibus agens, eas in numero multitudinis vocat *invisibilia Dei*, & 1. ad Cor. 2. *ea quæ sunt Dei*. D. Augustinus verò à nobis citatus disp. 2. c. 1. sub finem, divinam simplicitatem affirmat *multiplicem*, & iterum eodem l. 6. c. 5. supponit Dei substantiam sic simplicem esse, ut etiam multiplex sit. Aliisque prætermisiss, illud ipsemet Scotus dist. 8. q. 4. speciatim urget, quoddam à Damasceno dicatur *quoddam pelagus infinitæ essentie*. Huc spectant aliarum autoritates tam Damasceni apud Scotum suprà, quam Augustini apud alios, divina attributa cum qualitatibus comparantium, quæ non tam sint divina natura, quam eam afficiant & circumstant.

XXXIII.

*Est in
Deo va-
rietas &
multitu-
do ratio-
nis.*

Sed Resp. hanc consequentiam esse nullam. Omnibus enim illis testimoniis abundè satisficit, admisâ in Deo varietate & multitudine rationis : de qua aliquid diximus præcedente Cap. contra Responsum 2. & pluribus agemus disp. 5. Idque ipsi textus quos citant utcumque declarant. Apostolus enim ad Rom. 1. expressè agit de Deo per creaturas cognito, atq; adeo per speculum & Ænigma : quo pacto haud mirum si invisibilis ejus Perfectio, quæ in se una & simplicissima est, instar plurium appareat & significetur, ut ex D. Bernardo ostendimus cap. citato. In altero quoque loco idem Apostolus imperfectis illis & inadæquatis cognitionibus se accommodat : quas per aliam perfectiorem corrigi debere satis insinuat, cum ait *ea quæ sunt Dei* (quæ paulò antè vocaverat *profunda Dei*), *nemo cognovit nisi spiritus Dei*, scilicet adæquatè & perfectè. Similiter Augustinus iisdem in locis se explicat, quando divinarum perfectionum multiplicitati unitatem & simplicitatem earundem conjungit. Cum enim hæc procul dubio sit à parte rei : superest ut multiplicitas secundum solam rationem accipiat.

Denique S. Damascenus metaphoricâ illa locutione, quâ Deum essen-
tiam

tiæ pelagus compellat, nihil aliud vult, quàm Deum in se completi omnem perfectionem in tota latitudine Entis. Quia enim hæc infinita est, ^{Quo sensu} ideo jure merito cum immenso quodam Oceano comparari potest. ^{su Deus} Supponit tamen universam illam perfectionem contineri in Deo secundum ^{essentia} id præcisè quod perfectionis est, seclusà omni imperfectione, limitatione, ^{pelagus.} potentialitate, atque adeo distinctione formalitatum: ut haud obscure indicat cùm dicit in Deo contineri immensum quoddam pelagus *essentie*, scilicet purè ut *essentia* sive *ens* est, & omne *non ens* (ad quod qualibet imperfectio reducitur) à se excludit. Verba ejus sunt: *universum enim id quod est, tanquam immensum quoddam & infinitum essentia pelagus complexu suo continet.* Videantur quæ in eodem cap. (quod est 12. l. i. Orthodoxæ fidei) prædictam sententiam antecedunt, præsertim de Entis nomine, quod maximè proprium sit Deo, juxta illud Scripturæ, *qui est misit me ad vos*; & nostram explicationem confirmabunt. Quantum autem idem S. Doctor ab omni differētia formalitatum Deo intrinsecarū abhorreat, apertè declarat initio Capituli; ubi ait Deum si extrā multis differentiis consisteret, *non simplicem sed compositum fore, id quod extrema impietatis fuerit dicere.* Unde differentiam nominū quæ de Deo prædicantur, non nisi in relationum, negationum, aliorumve connotatorum Deo extrinsecorum multitudinem refert. De quo pluribus disp. 5.

Advertè, *Pelagus illud Essentie*, quod urget Scotus ex Damasceno, præcipuè referendum ad divinam essentiam, ut Attributis prior solas formalitates quidditativas comprehendit. Celebres autem Scotistæ, quorum meminimus suprâ num. 13. nullam inter has agnoscunt distinctionem formalem: quibus proinde D. Damascenus, æquè ac nobis, per rationis distinctiones explicandus. Nec est ratio cur per eandem cætera de Attributis expedire non possimus. Ut tamen etiam de his aliquid addamus, quod contra alios Scotistas vim habeat, qui essentiam in prædicatis quidditativis, haud aliter quàm Attributa, formaliter distinguunt; Simili ratione, quâ Damascenus per modum infiniti pelagi apprehendit Essentiam, Divus quoque Augustinus, instar ejusdem, concipit divinam Immenstatem, ut videre est l. 7. Confess. c. 5. ubi creaturam Immenstatem præsentem comparat spongiæ, quam intimè penetret & undique ambiat immensum mare. Ob hanc tamen Analogiam nullus, quòd sciam, Scotista formalitatem Immenstatem in alias formalitates subdistinguit: ut pluribus dicemus paulò post. Cur ergo propter similem analogiam, omnes illas formalitates inter se distinctas invehunt in substantiam sive essentiam divinam? si tota Dei immensitas per unicam sui formalitatem dici possit immensum quoddam mare: cur Essentia non possit?

XXXIV.

Retorquetur argumentum.

Et Immensitas, licet formaliter indistincta, Pelago comparatur.

*Argu-
menta
Scotista-
rum ex
ratione.*

Argumenta ex ratione (excepto illo primo de Contradictoriis) Scotistæ fere petunt ex varietate formalium conceptuum quos de divinis perfectionibus formamus: putant enim necessarium esse ut eorum varietati respondeat quædam varietas in objecto; Quæ cum non sit realis, debet esse formalis: ita ut uni conceptui formali una formalitas in objecto respondeat, & alia alteri. Unde hoc formât principium, quod pari jure quo ex separatione aut divisione reali colligimus aliqua realiter distingui: ex separatione quoque seu divisione intentionali per conceptus, debeat inferri distinctio formalis.

Sed hic iterum adhibenda responsio, cujus fundamenta jecimus cap. præcedente contra responsionem 2. Scotistarum, & conformiter dicendum, ex sola multitudine & differentia propriorum & adæquatorum conceptuum posse colligi multitudinem & differentiam objecti: non verò ex multitudine & differentia alienorum & inadæquatorum. Hi enim alias suæ varietatis habent radices explicandas disp. 5. c. 2. Omnes autem illi conceptus qui hic à nobis circa Deum multiplicantur, sunt imperfecti, & inadæquati, atque à creaturis desumpti: hinc nulla arguitur objectiva distinctio ex ejusmodi conceptibus. Quod si quis propriè & adæquatè, sicuti faciunt Beati, Deum sibi repræsentaret, is unico id faceret & uniformi conceptu, quemadmodum iidem faciunt.

XXXV. Notandum 1. Responsionem hanc nostram ab ipsis etiam Scotistis ad aliquos saltem conceptus adhibendam videri. Ne enim repetam id quod ante ex quorundam sententia insinuaui de divina Essentiâ per eandem formalitatem terminante diversos conceptus, ut entis, substantiæ, viventis, spiritus: aliter sanè concipimus Sapientiam, Bonitatem, Potentiam Dei, ut sunt præcisè principia unius creaturæ, verbi gratiâ Angeli, aliter, ut aliterius v. g. muscæ: nec tamen idcirco illa Dei Attributa formaliter distinguuntur. Alioquin in formalitates infinitas, pro multitudine terminorum circa quos Attributa versantur, ea dividi ac veluti concidi oporteret: quod ipsi quoque Scotistæ absurdum ducunt. Alia autem horum ratio non est, quàm quod dicti conceptus sint imperfecti & inadæquati; ideoque nequeant esse regula ex qua objecti differentiam metiamur. Cur ergo idem dicere non possimus de reliquis conceptibus quos distinctos de Deo formamus: nimirum eos quoque, quia obusam imperfectionem ab objecto deficiunt, non esse aptam mensuram ex qua aestimemus differentiam objecti?

Notandum 2. In omnibus ferè divinis attributis quid simile deprehendi. Ut enim non reperā, quod paulò ante insinuaui, de formalitate Sapientiæ, Bonitatis & Potentiæ divini, unâ eademque respectu diversissimorum obje-

*No quidē
apud Sco-
tistas for-
malitates
multipli-
cantur
juxta in-
adæqua-
tos conce-
ptus.*

obiectorum vel effectuum : Dei quoque Immensitas sub una eademque formalitate est intimè præsens omnibus locis quantumvis diversis ac diffitis , eademque formaliter Æternitas cuncta tempora adeo inter se remota peruadit. Nec rationabiliter possumus ex distantia cæli à terra , in Immensitate utrique coexistente ullam formalem distinctionem arguere : ac multo minus in Æternitate ex intervallo temporum. Absit enim ut *ut eadem* Theologus formalitates Immensitatis, instar continui dividat, aut fluxas formalit-
ter Im-
 quasdam & cum tempore labentes formalitates sibi imaginaretur in Æ-
mensitas
 ternitate Dei. Quorum omnium ratio est Attributorum formalis infi-
omnibus
 nitas , individua tamen & simplex ; cui proinde omnis locus vel tem-
locis: ita
 pus ita coexistat , ut eam nullum adæquet. Quod porro in exemplis al-
et tota
 latis fit realiter, idem in præsentī controversia intentionaliter fieri concipi-
Deitas
 amus : ita scilicet, ut una & indistincta totius Divinitatis formalitas o-
omnibus
 mnibus nostris de eadem conceptibus, quantumvis differentibus, se insi-
respondet
 nuet, omnibus & singulis objectivè præsentem se sistat, neque ab eorum
concept-
tibus.
 ullo ob sui infinitatem adæquari queat.

Hinc patet falsum esse Scotistarum principium , quòd distinctio for-
 malis, quæ nempe detur à parte rei, rectè colligatur ex diversis concepti-
 bus formalibus: solum colligitur alia distinctio formalis, quæ est rationis
 & ab intellectu formatur, quamque dari hîc tantisper supponimus, ex
 professo probandam disp. 5. c. 1. & 2. Agitur autem in hoc argumento de
 diversitate solorum simplicium conceptuum: de alia namque differentia,
 quæ colligi potest ex oppositione propositionum affirmantium & neg-
 antium, recepimus nos dicturos disputatione sequenti : in 5. verò disp.
 c. 5. & 6. imperfectos illos conceptus tam à falsitate (quæ propriè non in
 simplici conceptu, sed solâ compositione habet locum) quàm à vanitate
 vindicabimus. Hîc uno verbo præoccupamus, dicimusque conceptus
 hosce simplices non esse falsos aut vanos, quia quod repræsentant, verè ac
 formaliter reperitur in Deo, v.g. Sapientia, Bonitas, Potentia: quamvis in
 eo non reperiatur cum illo modo distinctionis , vel potius præcisionis
 aut inadæquationis , sub quo repræsentant. Neque in repræsentatione
 hac fallimur: quia distinctionem, aliamve imperfectionem, quæ per illam
 apparet, non affirmamus de Deo, sed potius per iudicium corrigimus ac
 removemus.

Sed instant Scotistæ, & dicta confirmant 1. Quod illa saltem debeant
 differre formaliter à parte rei quæ differunt definitione: cum enim hæc
 tam naturâ, quàm arte, eo tendat ut suum unicuique rei finem & quasi
 possessionem describat ; evidenter arguitur unam aliquam formalitatem
 non posse se extendere ad alteram, & ejus veluti fines invadere , si unius

formalitatē definitio non complectatur formalitatem alteram. Atqui Attributa Divina differunt definitione : aliter enim definitur Sapientia Dei, aliter Justitia, neque una ullo modo in sui definitione alteram involvit.

xxxvii. Confirmant 2. Quod convenit superiori sive universaliori, debet etiam convenire cuicumque inferiori quod sub illo subsumitur : sed sapientiæ & Justitiæ in genere, ut à divina & creata præscindunt ; convenit distingui formaliter : Ergo & in Deo sic differunt.

Confirmant 3. Quia in Deo magis differt Sapientia à Bonitate, quam sapiens & Sapientia : Cum igitur hæc differant ratione, debet Sapientia à Bonitate plus differre quàm ratio ; & per consequens formaliter à parte rei.

*Quæ definitio-
nium
diversi-
tas in-
ferat for-
malitates
diversas?* At contra primam Confirmationem de diversis definitionibus, eadem responsio servit, quam supra dedimus ad argumentum de diversis conceptibus : admittendo videlicet ea differre formaliter quæ inter se differunt definitionibus perfectis & adæquatis ; non quæ inadæquatis & imperfectis. Attributa autem divina nonnisi imperfectè definitione inter se differunt. Quia ut rem simpliciter concipimus, ita definimus : cum definitio non sit aliud quàm simplicis conceptus clarior explicatio. Jam verò diximus conceptus nostros simplices quos de divinis formamus, esse valde imperfectos. Qui porro divinam sapientiam definiret adæquatè & perfectè, deberet simul definire Bonitatem, Potentiam, cæteraque attributa divina, omniaque unà quidditate sive formalitate complecti. Idem respondendum Scotistis, si quod Attributum imperfectè conceptum, ut ad unum tantum objectum vel effectum porrigitur, definire tentaverint.

Ad 2. Confirm. concessâ Majore, negatur Minor. Sapientia enim in genere ut à divina & creata præscindit, nec à Justitia formaliter distinguitur, nec cum illa formaliter identificatur : sed ab utroque modo, huic vel illi proprio, præscindit. Quemadmodum eadem sapientia ut sic abstracta, fatentibus quoque Scotistis, præscindit ab esse creato & increato, à necessario & contingente, à finito & infinito. Si itaque velimus Sapientiam concipere ut Deo & creaturis communem, debemus illam concipere præcisè ut Sapientiam, nec negando identitatem cum Justitia nec affirmando : sed Sapientiam relinquendo indifferentem ut per esse increatum sive à se contrahatur ad divinam, per esse verò creatum sive ab alio ad humanam vel Angelicam ; sic verò, ut Divina Justitiam aliasque perfectiones secum formaliter identificet, ut creata eas à sua quidditate excludat.

Urgebis

Urgebis adhuc cum Scoto ; sapientia finita distinguitur formaliter ex natura rei à Justitia finita : Ergo & infinita sapientia à Justitia infinita. Ut enim vidimus in præfenti disp. n. 20. infinitudo & finis non variant rationem formalem rei quam afficiunt. Et confirmari potest exemplo caloris, qui sive sit ut quatuor tantum, sive infinitus, manet ejusdem speciei. Atqui Justitia & sapientia divina per hoc tantum differunt à creatis, quòd hæc sint finitæ, illæ infinitæ. Ergo.

Respondet Cajetanus lib. de Ente & Essentia cap. 6. duplex dari infinitum, aliud *secundum quid* sive in certo genere entis, aliud *simpliciter*, sive in omni genere : atque per primum non variari rationem formalem, sed bene per alterum; ideoque quidquid sit de calore infinito tantum secundum quid, Dei certè sapientiam quæ est simpliciter infinita, non sistere intra rationem sapientiæ, sed cæteras omnes perfectiones complecti. Verùm huic responsioni facilè occurrent Scotistæ dicendo, *infinitatem simpliciter* non modificare formalitatem sapientiæ per se præcisè, sed simul cum cumulo aliarum formalitatum, ideoque ex eà inferri quod aliæ omnes includantur in dicto cumulo, non quòd intra formalitatem sapientiæ. Melius ergo respondebitur; Sapientiam divinam non habere ab infinitate, tanquam à priori, quod sit formaliter Justitia: sed à ratione Entis increati sive à se, quod intimè imbibitur intra rationem divinæ Sapientię, eamque intrinsecè cumulat omni Entis perfectione, ut latius deduximus disp. 2. n. 10. In forma ergo, nego consequentiam si de infinitate Deo propria procedat. Ad probationem, permittam Majorem, nego Minorem : prius enim differunt, quòd nostra sapientia sit ab alio, sed divina à se.

Non tam infinitas identificat formaliter sapientiam cum Justitia, quam ratio Entis à se.

Ad 3. denique Confirmationem num. priore propositam negamus Majorem, si procedat de differentia à parte rei : ubi enim nulla est differentia, non potest esse major aut minor. Quod si quis latius differentiamumat, ut illam quoque quæ sit per rationem, comprehendit: concedimus Majorem. Quia sapientia à Bonitate, saltem per rationem, magis differt, quàm à sapientia sapiens. Neque enim distinctio rationis consistit in indivisibili: sed patitur magis & minus. Quia tamen omnis ille excessus manet intra genus distinctionis per rationem, hinc nihil ex illo colligi potest pro differentia formali à parte rei.



DISPUTATIO QUARTA.
DE MODO SALVANDI PRÆ-
dicata Contradictoria in Deo.

CAPUT I.

*An Contradictoria, saltem in divinis, possint eidem convenire
secundum idem.*

I.



Instituitur hæc Quæstio occasione Nominalium, quorum nonnulli difficultatibus infra proponendis oppressi, Axioma illud, *Nūquam admittenda esse contradictoria de eodem*, hoc modo limitant: *nisi habeantur in Scriptura sacra, vel ex determinatiōe Ecclesie, vel evidentē & consequentiā formali ex talibus inferantur*; ut videt̃ est apud Occam in 1. dist. 1. q. 5. litt. E.

*Vbiq̃ue
verissimū
contradi-
ctoria nō
posse si-
mul esse
vera.*

Sed dico. Nō solū in creaturis, verū etiam in Deo, certissimū est Axioma, *quod nulla unquam contradictoria possint eidem secundum idem competere*. Est communis Theologorum ac Philosophorum; & fundatur in primo illo omnium disciplinarum principio, *Impossibile est idem simul esse & non esse*, sive quod in idem redit, *Quodlibet est vel non est*. Hinc enim evidentē sequitur, orationem (quæ ab eo quod res est vel non est vera dicitur vel falsa) nō posse simul esse verā affirmando rē esse & negādo rē esse: dūmodo ex legibus contradictoriis utrūq; secundū idē enuntiet. Videri de hoc principio potest Aristoteles 4. Metaph. c. 3. tex. 8. ubi rectē ait, id notissimū esse, quod necessariō tenere ac secum ferre debeat is qui scire quidquam velit: contra quod, ut addit tex. 9. nemo unquam hominum in animo sensit, et si nonnulli ejusmodi sententiā aliquando verbis protulerint: sine quo deniq̃ue, ut ibidem Averroes, nemo potest nō modō philosophari, sed ne disputare quidem aut ratiocinari. Tribus verō sequentibus Capitibus idem Philosophus partim invehitur in eos qui demonstrare nituntur idem Principium, quod quia primum atque notissimū est, nō potest ex prioribus & notioribus deduci: partim eos qui vel ob proterviā, vel ob fallacem aliquam rationem, idem principium verbotenus negant, ex aliis quæ concedunt, manifestē redarguit. Quibus hic omisiss, aliquas tantū redargutiones Theologicas, Aristotelicas similes, contra prædictos Nominales adducam.

II. Ac primō Nominales, utpote Catholici, omnia credunt quæ in sacris litteris continentur: & quidem tam firmiter, ut ad eorum veritatem tuendam

dam receptissimum illud principium, *quodlibet est vel non est*, inficiari non dubitent. Sed in sacris litteris continetur nostra assertio eorum opinioni opposita: Ergo & illam debent credere, ejusque gratiâ ab opinione discedere; cùm hæc longè absit ab autoritate & veritate primi illius principii, quod aliorum credendorum gratiâ negant. Minor, in qua solâ est difficultas, probatur ex Apostolo 2. ad Cor. 1. à vers. 17. usque ad 21 : ubi non solum à suis promissis, sed ab omni etiam sermone quem ad Corinthios habuerat, atque ab ipsomet Dei Filio quem prædicarat, procul remouet *EST & NON*, id est, *affirmationem & negationem de eodem*, ut interpretatur glossa interlinearis. Et sanctè testatur in hisce omnibus reperiri solum *EST*: unius scilicet partis affirmationem, sine ullâ alterius contradictione & pugna. Arqui Apostolus, inter alia, prædicavit Corinthiis mysterium sanctissimæ Trinitatis, adeo cognitu necessarium ad salutem: saltem, ut hîc meminit, *Dei Filium JESUM Christum*, & per consequens æternam ejus processionem à Patre. Ergo, teste Apostolo, in toto hoc mysterio non est *affirmatio & negatio de eodem*, & sic nec *EST & NON* re-movendū qui in Trinitatis & Incarnationis mysteriis (si non solis, saltem præcipuè) illud *EST & NON*, live contradictionem agnoscunt. Docent enim in Dei Filio idem genitum & non genitum, unum cum Patre & non unum cum Patre, incarnatum & non incarnatum, & utrumque contendunt de eo dici tam secundum rem quam rationem eandem. In quo, obsecro, reperitur *EST & NON*, si in hac eorum doctrina non inveniatur? Non est igitur Apostolica doctrina: sed ei contraria.

Deinde Nominales aliqua saltem contradictoria eorum quæ credunt, habent pro errore & hæresi v. g. *Christus non venit, non est mortuus, non est in Eucharistia*. Horum autem aliam rationem non reddent, quam quod contradictoria nequeant esse simul vera, ideoque compertâ per fidem veritate unius, certò constet de falsitate alterius. Quod si divina mysteria eo gauderent privilegio, ut possent de iis verificari contradictoria: non obstante veritate propositionis affirmantis Incarnationem, posset simul esse vera propositio eam negans, ideoque hanc proferentes non essent erroris condemnandi.

Dicent Nominales, se non asserere omnia Contradictoria posse simul esse vera: sed aliqua tantum, quorum determinatio sit penes Scripturam vel Ecclesiam. Sed contra hoc facit, quòd admissa illius Axiomatis fallaciâ vel defectu in aliquibus, ejusdem fides in reliquis collabascet: ideoque & ipsa determinatio Ecclesiæ ac Scripturæ, & omne nostrum officium

*Idē Prin-
cipium,
amissā fi-
de in uno,
vacillat
in reli-
quis.*

erga eandem in dubium revocetur. Est enim ita determinaverit Scriptura, nosque oporteat ejus determinationem sequi: potest tamen simul esse verum quoddam non determinaverit, ideoque hac obligatione soluti sumus. Merito sane apud reliquos Theologos male audiunt ex iisdem Nominalibus nonnulli, quod docuerint Deum, nunquam quidem revelasse aliquid falsi, posse tamen de potentia absolutâ id facere: quia sic valde minuitur autoritas Dei, cum semel admissio Deum posse nos fallere, constare in particulari nequeat, an id fecerit an non. Quanto igitur magis tota autoritas divinarum revelationum concideret, si posita parte illarum affirmante, posset esse simul vera altera quæ negat: imò de facto, & ex lege ordinaria, multæ revelationes divinæ formaliter contradictoriæ, & simul veræ existant?

*Idem ne-
gantes re-
darguunt.
sunt ex
1. Joann. 5.*

Tertiò. In Epistola 1. Joann. c. 5. v. 10. dicitur: *qui non credit filio Dei, mendacem facit eum* (scilicet Deum) *quia non credit in testimonium quod testificatus est Deus de ipso.* Ubi D. Joannes reprehendit negantes Christum esse Filium Dei, quod Deum id testantem mendacii labe aspergant. Quæ reprehensio nullius esset momenti si contradictoria posset esse simul vera. Hoc enim admissio, & Deus potuisset verissimè testari Christum esse suum Filium, & alii verissimè id negare: & sic neutra pars incurreret ullam mendacii notam. Quin imò de facto, ut Autores illi volunt, Deus non obstante revelatione unius partis contradictoriorum, affirmat alteram, nec tamen se ipsum mendacii arguit; Cur ergo nos divinæ revelationi contradicendo, Authorem ejus mendacem faciamus? Ipse de eodem secundum idem enuntiat, *est Filius seu genitus, & non est Filius*, & tamen Veritas constat: quidni ergo hac salvâ, & nos eum quem Deus dixit esse Filium, non esse Filium asserere possimus?

*Denique
ex cōsen-
su ratio-
nis ac fi-
dei.*

Quartò lumen fidei, quamvis in multis mysteriis naturæ lumen excedat, in nullis tamen adversatur huic lumini: quin potius ejus obsequio ac ministerio in rebus divinis hac in vita apprehendendis se juvat, ejusdemq; patrocinio contra refractarios & obrectatores, ea quæ tradit mysteria defendit. Adversaretur autem, & contra evidentem rationem pugnaret si alicubi admitteret contradictoria simul vera: parum quoque juvari ac defendi à lumine illo posset, cujus vim aliquid universum ac formaliter conficiendi, per tot instantias contrarias enervasset. Ac tandem gentilium ludibrio religionem nostram exponeret, si quod apud omnes absurdissimum planeque impossibile sive chimericum censeretur, videlicet *implicare contradictionem*, id Christianis tam firmiter credendum atque adorandum proponeret.

Omitto plura in re haud adeò controversâ, idque inprimis argumen-
tum,

tum, quod sumi posset ex Unitate Catholica fidei : quæ destrueretur, si non jam Ægyptii concurrerent contra Ægyptios, sed quilibet fidelis in præcipuis Fidei Mysteriis secum ipse pugnaret. Hinc verò colligo, id officii maximè ad Theologum pertinere, ut omnes quærat vias, ea quæ in Mysteriis Fidei inspeciem contradicere, & sic seipsa destruere apparent, ratione aliqua à contradicendo salvandi. Cumque minus veræ, licet alioquin ad hoc non ineptæ, nobis visæ fuerint formalitates Scotistarum, restat ut aliter hanc difficultatem expediamus, omnique dissonantiâ *EST & NON*, à Christo *JESU* exclusâ, solum *EST* Apostolicum in eodem tueamur.

CAPUT II.

An ad Contradictoria salvanda sufficiat sola Virtus aut Æquivalentia distinctorum?

QUOD in re morali circa Usuram, Simoniam, aliaque peccata contingit, ut quæ sub nominibus illis apertis & apud omnes perspicuis ob speciem nimis deformem quam gerunt, nullis placere aut paucissimis queunt, eadem sub aliis magis obscuris & involutis vocabulis v.g. *interesse, cambii, redditus, antidoti, debiti honorarii*, plures sui amatores inveniant: idem, meo iudicio, tum in aliis speculativis quæstionibus, tum in præsentis, usu venit. Ut enim priore Capite vidimus *Contradictoria alicui convenire secundum idem*, tam impossibile ducitur & ab omni ratione alienum, ut omnes (si paucissimos suprà citatos excipias) vel gravissimis prefsi argumentis, in illud impingere vereantur, tanquam in supremam absurdorum omnium metam. Nihilominus Theologi haud ignobiles aliud reipsâ non dicunt, quàm quod dicta propositio sonat: sed *idem* nolumus vocari *idem*, at *virtutem & æquivalentiam distinctorum*. *Res eadē mutato nomine alia sæpe iudicia & affectus*

Vereor ne inter illos referre debeam Rodericum de Arriaga & Ægidium de Coninck. Ille enim tom. 1. in 1. p. disp. 41. & 42. hic verò de sanctissima Trinitate disp. 3. d. 6. inter divinam essentiam & personalitates, atque etiam inter intellectum & voluntatem divinam, prædicata quædam contradictoria salvant; nec tamen cum Thomistis recurrunt ad distinctionem rationis, nec cum Scotistis ad formalem aliquam distinctionem à parte rei: sed utuntur genere quodam distinctionis virtualis, quod licet verbotenus distinctionem sonet, verè tamen ac propriè non sit distinctio, sed tantùm habeat distinctorum virtutem & æquivalentiam. Ideo porro vera distinctio non est: quia ut rectè observat Arriaga, omnis vera distinctio est inter duo; virtualis autem distinctio non importat duo à parte rei, sed unum tantùm. Quoad æquivalentiam verò, advertit Ægidius, multi-

plicem esse distinctorum virtutem : ut quoddam possint separatim existere , quoddam distincta actione produci , & si aliud non obstat , unum ab altero dependere. Sed in ordine ad hos similes effectus non desumit æquivalentiam. Ad duos autem alios præcipue respicit : quod videlicet una eademque res, sive formalitas à parte rei, haud minus possit concipi diversis conceptibus objectivis, atque à parte rei prædicata contradictoria recipere ac salvare, quam si constaret rebus aut formalitatibus distinctis. Cui explanationi assentitur Arriaga, atque hanc propriè esse distinctorum virtutem formaliter quàm distincta sunt. Ambo vero existimant se per hanc virtutem sive æquivalentiam abunde satisfacere argumentis Scotistarum quæ ex Contradictoriis desumunt : quod v.g. *Pater generet per intellectum & non per voluntatem*. Hac quippe propositione admissâ, negant hinc sequi, intellectum Patris à voluntate distinguere à parte rei. Nam sufficit eandem rem & formalitatem utriusque æquivalere distinctis : sic enim haud minus potest aliquid asseri de intellectu & negari de voluntate , quàm si distinguerentur.

VI.

*Haud
procul
distat ab
opinionis
Nomina-
lium.*

Sed dico. Impossibile est, alicui eo pacto convenire virtutem aut æquivalentiam distinctorum, ut sine ulla distinctione, vel reali (sub qua comprehendendo omnem veram distinctionem à parte rei) vel rationis, salvet contradictoria. Conclusio hæc, quia est contra opinionem in illis terminis novam & indicissimam, non habet Auctores sibi suffragantes in iisdem terminis. Quia tamen opinio quam oppugnat, videtur reipsâ coincidere in opinionem Nominalium (de qua Cap. 1.) hinc etiam videmur reipsâ uti posse communi omnium suffragio qui Nominales oppugnant. Nec sanè video quid inter Nominales, & eos contra quos agimus, Recentiores intersit. Utrique enim admittunt rei uni ac prorsus indistinctæ convenire prædicata contradictoria à parte rei , haud aliter quàm aliis rebus distinctis conveniunt. Utrique item id referunt in quandam perfectionem ac eminentiam rei. Solummodo Nominales simplicioribus hisce magisque apertis terminis explicant , quod Recentiores obscurioribus vocabulis *Virtutis aut æquipollentia distinctorum* involvunt.

*Videntur
Virtus
Chimæ-
rica.*

Probatur autem conclusio 1. Nulli enti convenire potest virtus implicandi contradictionem, sed solis Chimæris ea propria est. Imò haud aliam ob causam Philosophi æquè ac Theologi aliquid inter Chimæras, sive fragmenta rationis, reponunt, quàm quoddam aliquam in illis contradictionem deprehendant. Virtus autem, sive eminentia, sive æquipollentia salvandi Contradictoria per solam identitatem absque ullâ vera distinctione, est virtus (si ita tamen vocari debeat) implicandi contradictionem : quia im-

non

non est aliud quàm *esse & non esse secundum idem*, ut etiam Auctores contra quos agimus fatentur: Ergo nulli Enti potest competere hæc virtus.

Dices 1. Licet ista Contradictoria convenient secundum idem formaliter, non tamen secundum idem virtute & æquipollentiâ. Id autem sufficit, ut actu non contradicant. Resp. neg. Min. Quia hi termini *virtute & æquipollentiâ* non possunt impedire contradictionem, nisi aliquam distinctionem importent: quâ fiat ut negatio & affirmatio ejusdem non conveniat secundum idem. Ultrò autem Adversarii profitentur, quod nulla distinctio (vera scilicet & propria, qualem vera Contradictoria requirunt) importetur per dictos terminos, sed mera identitas. Quare perinde est hosce terminos rei addere: atque idem sibi ipsi. Notum porro est, quod idem eidem additum relinquit idem: ideoque nihil conferat ad contradictionem tollendam. Sed jam dicta, pluribus illustrabuntur cap. sequenti: ubi terminos *virtutis & æquipollentiæ* ex professo excutiemus. Id interim haud prætereundum, quod quæcumque hîc concipitur virtus vel æquipollentiâ, dici minimè debeat *distinctorum virtus*: nulla enim entia distincta admittunt prædicata contradictoria secundum idem, sed secundum aliquid distinctum; imò per hoc ipsum quod sint distincta, eorum capacia redduntur. Solæ verò Chimææ contradictoria prædicata secundum idem recipiunt: unde potius Chimæarum virtus vel æquipollentiâ dici deberet.

Dices 2. Alii rerum distinctarum effectus solent aliquando præstari per rem unam, ut plantarum vegetatio, brutorum sensus, Angelorum ratio per unam animam rationalem: & ne longè abeamus, per solum Deum fieri possunt omnia quæ tot creaturæ efficiunt: Ergo poterunt etiam per rem unam, atque in primis in Deo, salvari contradictoria, quod alioquin à distinctis fieri solet. Resp. neg. conseq. Ratio disparitatis est, quod cæteri effectus nullum prædicatum sibi proprium habeant pluribus causis essentialiter additum: ut facillè patebit discurrenti per singulos. Nihil enim habet vegetatio ita proprium plantæ, ut animalibus quorum est sensatio, convenire non possit: nihil item est in lumine quod tam necessariò vendicet sibi solem, ut nequeat à solo Deo produci. At salus (ut sic loquar) sive verificatio Contradictoriorum tam essentialiter sibi vindicat aliquam distinctionem in objecto, ut absque hac sibi non constet, sed in Chimæram degeneret. Cujus rationem à priori si deposcas, hæc ipsa, uti prima, ita & omnium clarissima est; Quod ex illorum effectuum translatione à pluribus causis in unam, non sequatur eos simul esse & non esse: sin autem contradictoria uni eidemque addideris, id quod erit simul non erit, quodque

affirmabis, idem simul negabis. Quod absurdū cuilibet utenti ratione ad-
eō perspicuum est, ut naturæ luminis injurius, si pluribus probare tentē.

- IX. Dices 3. Ex Arriaga suprà disp. 42. §. 6. & 7. & iterum §. 57. illam æ-
quivalentiam distinctorum non dari ad Contradictoria *formaliter*, quæ-
que in actu secundo contradicant, sicuti fit in Chimæris: sed tantum ad
Contradictoria *materialiter*. Quia Contradictoria *formaliter* implicant
essentialiter oppositionem & repugnantiam inter se: quam non habent
Contradictoria quæ per virtutem distinctorum salvantur. Si enim actu
eidem entitati convenient, clarum est quod actu inter se non opponan-
tur seu pugnent. Sed huic Responsioni multo minus acquiesco. Contra-
dictoria enim inter se pugnare, non est idem formaliter quod contradi-
ctoria esse: sed potius ex hoc tanquam passio consequitur. Quia haud ideo
sunt actu contradictoria, quod actu inter se pugnent: sed potius è contra-
rio, ideo actu pugnant, quia actu sibi contradicunt. Cujus actualis con-
tradictionis ratio si peratur, alia haud danda, quam quod actu idem secun-
dum idem affirmant & negent, sive quod idem secundum idem sit &
non sit. In hoc namque prima ratio & essentia contradictionis consistit.
Hinc fit ut quādoque deprehendimus idem esse vel non esse secun-
dum idem, debeamus actualem contradictionem in eodem agnosce-
re, & hanc fateri possibilem si prius possibile duxerimus: nec aliter
possimus ex actuali repugnantia negatā, negare contradicentiam ac-
tualem, quam à posteriori; Quando nimirum de priori non constat,
ita ut negata repugnantia negari simul contradicentia possit. Si nam-
que constet quod contradictoria eidem secundum idem convenient, non
magis repugnantia mutua atque destructio poterit negari, quam admissio
quod quid sit animal rationale seu homo, negari queat idem risibile esse.
Porro prima ratio Conclusionis satis ostendit, Contradictoria juxta ad-
versarios admitti de eodem secundum idem: quapropter non possunt eo-
rumdem repugnantiam inficiari. Et sanè si idem esset contradicere actu
& actu repugnare: numquam posset esse questio, imò nec sermo, an con-
tradictoria actu possint esse simul? sicuti salvā significatione verborum
queri non potest, an, quæ nequeunt esse simul, possint esse simul? Cum ta-
men sæpius de convenientia contradictoriorum questum ac dubitatum
fuerit: signum est Contradictoria non esse primò definienda per mutuam
repugnantiam, sed per rationem illam priorem, unde consequatur repu-
gnantia.

- X. Probatur Conclusio 2. Quia illo dicendi modo nihil explicatur: sed
committitur vitiosus circulus. Dicit enim prædicta opinio, eandem rem
posse salvare Contradictoria, sicuti aliæ res distinctæ salvant: quia eadem

res distinguitur virtute. Virtutem autem distinctionem definit, virtutem *Eadem* ejusdem rei ad salvanda contradictoria, qualis alioquin convenit rebus *distincto-* distinctis. Accepta ergo definitione pro definito, idcirco potest salvare *rum vir-* contradictoria, quia habet virtutem salvandi, sive quod idem est, quia *tus in-* potest ea salvare. Id verò est quod quaeritur: quomodo idem secundum *volvitur* idem possit habere virtutem salvandi contradictoria? Et cum redditur *circulo.* pro ratione, quia virtute distinguitur: ecce ipsamet conclusio de qua controvertitur, assignatur pro ratione & causa sui ipsius. Nam in hac opinione, virtute distingui est illud ipsum, quod est habere virtutem contradictoria salvandi, connotata ubique similitudine cum distinctis.

Prob. 3. Simili pacto posset quis comminisci alios effectus rerum distinctarum supra recensitos à Coninck, posse eidem sine vera distinctione competere: reddendo pro ratione distinctionem virtutem, nec aliter hanc explicando, quam quod res eadem habeat virtutem ea præstandi quæ res distinctæ. Posset ergo una eademque respetere distincta actione produci, seorsim à seipsa existere & conservari, à seipsa quoque produci & dependere: qui sunt alii illi effectus quos is Author rebus distinctis attribuit. Quæ enim ratio, cur potius res una & eadem participare possit rerum distinctarum virtutem in salvandis contradictoriis, quam in aliis istis effectibus? Nulla sanè. Imò facilius conciperem alios illos effectus præstari à re simplici: tum quia non præ se ferunt repugnantiam tam immediatam cum primo principio, quam contradictoriorum secundum idem convenientia: tum etiam quod omnis reliquorum repugnantia, cur v. g. idem à seipso produci non possit, tandem reducatur ad repugnantiam admittendi contradictoria, tanquam ad priorem. Cur enim idem seipsum; primo saltem, producere non potest, nisi quia sic debet esse seipso prius ac posterius, & per consequens certo modo simul esse & non esse? Qua ultima repugnantia sublata per virtutem distinctorum, nescio cur primam retinere debeamus.

Probatur denique 4. Si impossibile sit salvare contradictoria secundum idem, nihil planè potest habere virtutem, aut eminentiam, aut æquivalentiam ad illud: Non enim datur virtus ad impossibile, v. g. ad producendam Chimæram, neque ulla est possibilis eminentia aut æquivalentia ad id præstandum quod fieri non potest. Impossibile autem est salvare contradictoria secundum idem, sive (quod eodem redit) absque ulla verâ propriaque distinctione. Ita Aristoteles cap. I. citatus, ita omnes Philosophi ac Theologi docuere: & quod caput est, ita omnis ratio naturalis, politica, moralis, unò Theologica supponit: Quare haud scio quomodo probari apud aliquos possit opinio, quæ ad ejusmodi virtutem recurrit, ut

Gilberti,

*Aliud
argumē-
tum ad
hominem*

XI.

*Sinon datur
virtus ad
impossibile:
ergo
nec ad co-
tradictoria
secundum idem.*

Gilberti, Scoti, aliorumque argumentis, mediam in Deo distinctionem urgentibus, satisfaciat. Ego sane mallet argumentis succumbere, & si ea proponentibus consentire nollem (quod saltem respectu Scoti adhuc liberum est) ignorantiam meam fateri, quam confugere ad illam ultimam omnis redargutionis metam. Quis obsecro est, qui in quacumque materia vi argumentorum eò usque deductus, ut admittat *idem esse & non esse*, nihilominus pari modo effugere non possit, dicendo, illud *idem* habere virtutem distinctorum, & in hoc ipso illam consistere, quod licet sit *idem*, possit tamen esse & non esse, æquè ac distincta possunt? Illa sane distinctorum virtute munitus nullam deductionem ad impossibile, nullam viam Syllogisticam etiam optima formâ instructam formidabit.

CAPUT III.

An aliqua saltem virtualis distinctio admittenda in Deo?

XII. **N**ot. 1. Si propriè velimus loqui, aliquid habere non *formaliter*, sed *virtualiter*, idem planè est, quod *reipsâ illud non habere, sed posse efficere*. Hoc ergo sensu, Deum habere, virtualiter distinctionem, idem sonat ac Deum non distinguere in se, sed posse aliquam distinctionem causare. Id autem facere potest dupliciter; vel intentionaliter, causando distinctionem rationis in intellectu: vel realiter, causando distinctionem in ipsa re. Quo sensu non est dubium quin Deus virtualiter habeat distinctiones omnes: sive intentionales & rationis, quatenus in nobis causat intentiones & actus per quos fiunt: sive reales, quia est prima omnium causa. Sed nulli, quòd sciam, Scholastici in sensu tam universali virtualem distinctionem accipiunt, ut æquè latè pateat ac divina omnipotentia circa quævis distincta: sed omnes eo nomine quidpiam magis speciale designant.

Quo sensu communius accipitur? Not. 2. Id usitatum apud Doctores, ut per virtualem distinctionem designent vim sive virtutem, quam Deus v. g. habet ad distinctionem actualem causandam: non quidem realem (hæc enim huc non pertinet) sed intentionalem: eamque non quamlibet circa quæcumque objecta, sed specialem circa seipsum: ac denique non in genere causæ efficientis, sed in ratione objecti. Hoc ergo sensu, virtualis in Deo distinctio est efficacia objectiva, quâ est aptus in intellectu nostro causare varias intentiones seu conceptiones, quibus eum ratio actu & formaliter distinguat. Ut enim lux licet non sit formaliter calor, quatenus tamen calefactiva dicitur calor virtualis: ita divina simplicitas, quæ nullatenus actu & formaliter in suis Attributis distinguitur, dici potest virtualiter distinguere: quatenus est distinctiva actuum intellectus quibus circa eam versamur. Hoc sensu distinctionem

tionem virtualement accipiunt antiquiores Thomistæ, aliique extra scho-
lam Scoti, & aliis interdum vocabulis describunt. Durandus eam vocat
distinctionem *fundamentalem*, Capreolus *aptitudinalem* ac *potentia-*
lem, Henricus *radicalem*, Sylvester *originalem* & *causalem*, Paludanus *in-*
choationem distinctionis per rationem, quamplurimi *distinctionem rationis*
ratiocinata. Omnes verò illi in hoc conspirant, quòd virtualis hæc distin-
ctio nō tā sit vera distinctio secundum se, quàm solū fundamentum, aptitu-
do, potentia, origo, radix, & causa objectiva conceptuum distinctorum.

Not. 3. Minus propriè loquendo, *virtualiter* aliquando sumi pro *equi-*
valenter: quo sensu non in causalitate solū effectiva habet locum, sed et-
iam in formali. In utroque enim genere causæ potest quid aliis æquiva-
re: vel per se efficiendo quod res aliæ faciunt: vel habendo formaliter eam
perfectionem, quæ licet non sit aliarum rerum perfectio, parem tamen u-
sum aut officium habeat. Univerſim verò, virtualitas hæc, seu æquivalen-
tia, consistit in quadam rerum distinctarum comparatione & similitudi-
ne in uno. Exempli gratiā, sol æquivalentiā effectiva est ignis, quia licet
non sit ignis formaliter, perinde tamen ac ignis calefacit. Anima verò ra-
tionalis æquivalentiā formali est anima plantæ & bruti, quia non minus
est vegetativa & sensitiva quàm horum animæ. Quod applicando ad rem
præsentem, Scotus (ut vidimus disp. 3. cap. 1.) eodem hoc sensu formalem
suam distinctionem virtualement appellavit: quòd haud aliter distinguendi
officia ac proprietates ei convenient, quàm si esset realis distinctio. Re-
centiores verò aliqui, quorum meminimus cap. præcedente, ipsam pu-
rissimam identitatem formalem eodem nomine compellant, quia putant
eam in Deo salvare Contradictoria, sicut aliis in rebus facit vera distin-
ctio.

Not. 4. A quibusdam Scholasticis, ac imprimis Scoto jam citato, *vir-*
tualiter confundi cum *eminenter*. Quod licet in materia præſenti, de qua
Scotus agebat, fieri possit: univerſim tamen non est verum. Nam Petrus
v.g. virtualiter continet Paulum, & calor A calorem B, quia possunt eum
producere: non tamen eminenter, cum solo numero differentes, paris in-
ter se ordinis ac perfectionis existant. Unus quoque aureus æquivaleret alte-
ri aureo, & unus equus alteri equo paris generis, ætatis, valetudinis, & nul-
la tamen hîc eminentia est. Virtualitas ergo & æquipollentia ab eminentia
præſcindunt: & hæc illis superaddit altiore quemdam gradum perfe-
ctionis; in quo dum efficienter aut formaliter res una præſtat quod alia
in gradu inferiori, tunc non solū virtualiter aut æquivalenter idem face-
re dicitur, sed etiam eminenter. Exempla lucis & animæ rationalis, paulò
ante relata, applicari huc possunt. Sol enim non solū virtualiter & æqui-

XIII.

Quid esse
vel habe-
re æqui-
valenter.

Ab utro-
q; differt
esse vel
habere e-
minenter

valenter est ignis, sed etiam eminenter: quia virtutem illam & æquivalentiam obtinet per formam multo præstantiorem. Idem dic de anima rationali comparatâ cum anima vegetativa & sensitivâ plantarû & brutorum. Et Scotus formalem suam distinctionem in Deo eminentialem vocavit; quodd in Deo sit præstantior quàm ullæ distinctiones creaturarum, & pares nihilominus effectus cum illis habeat.

XIV. Not. 5. Præter has acceptiones distinctionis virtualis, alia quædam singularis reperitur apud Nominales in 1. dist. 2. & dist. 8. & 16. Ibi enim Occam, Gabriel, Major, Ariminenis, Marsilius inter Essentiam & persona-

*Singula-
ris accep-
tio vir-
tualis di-
stinctio-
nis apud
Nomina-
les.* litates Divinas admittunt distinctionem quandam ante operationem intellectus: non *realem* sed *virtualem*, sive ut sæpius loquuntur, *formalem à parte rei*. Hanc autem in hoc solo ajunt consistere, *quod duo termini verè & realiter identificentur à parte rei, & tamen non quidquid est idem realiter cum uno, est etiam idem cum altero, sed eorum unus latius patet, & alii identificatur, à quo alter distinguitur*. Exemplum hujus distinctionis nullum reperitur in creaturis, neque etiam in Deo inter Attributa essentialia seu absoluta ad invicem comparata, sed solum in mysterio sanctissimæ Trinitatis, inter essentiam divinam (etiam ut Attributa complectitur) & personalitates sive relationes divinas. Nam Essentia est eadem realiter cum Personalitatibus v.g. Paternitate: & tamen non cum omni, cui identificatur Essentia, identificatur Paternitas; Quia Essentia identificatur cum personalitate Filii, à qua Paternitas realiter differt. Hoc autem Mysterium, & nihil aliud, nomine suæ distinctionis virtualis sive formalis intelligunt. Quam Nominalium doctrinam ex recentioribus sequuntur Franciscus de Suniga de Trinitate disp. 2. dub. 4. & Hurtado in Metaph. disp. 6. Pro suâ quoque virtute & æquipollentia distinctorum, eadem doctrinâ sæpius utitur Arriaga citatus cap. 2. Quibus præmissis, ad quæstionem propositam,

XV. Dico 1. Non datur in Deo virtualis distinctio Scoti, sicuti nec ullius alterius, quæ sub illo nomine, propriæ veræque distinctionis rationem habeat, & inter realem ac rationis, media intercedat. Hæc conclusio eadem autoritate & argumentis nritur, quibus disp. 3. à cap. 2. refutavimus distinctionem *formalem* Scoti; cum hac enim *virtualem* suam esse eandem ipsemet prohtetur. Eademque est ratio de aliorum distinctione *virtuali*, dummodo nomē *virtualis* non usurpent ut particulâ quæ distinctionē alienet, sicut nomen *mortuus* junctum homini, hujus essentiam alienat: sed pro sola particula diminutiva, sive infra realem tantum, sive etiam infra formalem Scoti (si fortè nolint in hanc coincidere) servatâ nihilominus essentiâ & proprietate distinctionis. Quemadmodum in *Æthiope* servatur est-

*Rejici-
tur Vir-
tualis,
qua verè
distinctio-
nem eadē
mediam
sonat.*

tur essentia albedinis, etiamsi diminuat per particulam *secundum quid*: aut potius, accidens est verè ac propriè ens, quamvis valde diminutè infra substantiam. Argumenta verò quæ disp. illa 3. adduximus, ad illud compendio revocari possunt, quod ibidem attigimus cap. 5. sub finem; Quòd nimirum omnis vera distinctio, quæ extra oppositionem relativam allertur in Deo, aliquam in eodem imperfectionem importet. Oportet autem non majores tantum & crassiores imperfectiones removere à Deo: sed quascunque, etiam minimas & subtilissimas. Utque ibidem prosequeremur: is profectò malè meritis censeretur de sapientia & sanctitate divina, qui contentus majores errores & crassiora peccata removisse à Deo, minimorum quorundam & subtilissimorum ei labem aspergeret. Ita malè merentur de simplicitate & illimitatione divina, qui distinctionem realem, aut etiam formalem Scoti, tanquam majores volunt exclusas à Deo, & aliam quandam quam sibi imaginantur minorem, intra eum invehunt. Sicuti calor si esset undique infinitus, nullum secum patereretur frigus, ne minimum quidem & secundum quid: ita divinæ perfectiones undique infinitæ, quævis etiam minima sibi adversantia respuunt.

Ut autem sciatur, quinam Scholastici Virtualis distinctionis nomine veram aliquam distinctionem mediam in Deo admittant, quinam non: bene monet Arriaga suprà memoratus, omnes eos necessariò hanc admittere, qui in Deo ponunt plures formalitates à parte rei. Impossibile enim ut plura à parte rei concipiantur sine aliqua distinctione cōformiter suprà. Quia distinctio vel à pluralitate extremorū non differt: vel in ea fundatur. Ipse verò hoc nomine à sua Virtute distinctiorū, omnem veram distinctionem excludit: quia nullam extremorum aut formalitatum pluralitatem intra eam admittit. Sed existimo universalioris notæ, ac veluti tesseræ loco, cum in finem posse servire Contradictoria. Qui namque concedunt de aliqua re, independentè à distinctione reali & rationis, idem prædicatum affirmari & negari, ejusque salvandi causâ ad virtutalem aliamve similem distinctionem recurrunt: non præsumunt ordinariè peccare contra primum principium, ut *idem secundum idem simul esse & non esse* affirmant. Ordinariè igitur præsumuntur distinctionem illam virtutalem sumere non pro mera identitate, sed pro vera quapiam differentiâ. Ordinariè, inquam: nam quosdam extra ordinem vagari, & rei prorsus indistinctæ Contradictoria tribuere, vidimus in Nominalibus cap. 1. & in ipso etiam Arriaga cap. 2. Cæterum qui distinctionem quidem virtutalem admittunt, ea tamen non utuntur ad salvanda Contradictoria à parte rei, sed in his semper ad distinctionem realem vel rationis recurrunt: haud facile censendi

XVI.

Tessera
seu nota
discernē-
di veram
distinctionem.

eo sub nomine intelligere distinctionem aliquam propriam & veram, sed loqui in sensu Notab. 2. Neque enim opinandum est homines doctos ad nullum prorsus usum doctrinæ tam difficili se implicare: nullus autem, aut ferè nullus, mediæ distinctionis est usus nisi ad contradictoria salvanda. Exemplo esse poterit P. Suarez, qui virtualis distinctionis nomen sæpius usurpat: quando tamen de contradictoriis in Deo verificandis loquitur, non ad hanc sed ad rationis distinctionem recurrit; ut apud eum videre est Tract. 1. de Deo cap. 13. num. 6. & Tract. 3. de Trinitate cap. 4. num. 18.

XVII. Dico 2. Si virtualis distinctio explicetur juxta Not. 2. ut non designet distinctionem veram, sed solū fundamentū radicē & causam objectivam distinctionis per rationem, est admittenda in Deo: quāvis in illa præcisè sistēdo nō possimus Contradict. salvare: I. pars cōstabit ex disp. 5. c. 6. ubi ostendimus rationes illas quibus divina distinguimus, nō temerè fingi, sed habere fundamentum in Deo, & quodnam illud sit, explicabimus. Altera pars, quod isthæc distinctio per se nequeat salvare Contradictoria, probatur. Quia vera & propria contradictoria (de quibus solis hīc agimus) salvari nequeunt sine vera & propria distinctione: qualis non est virtualis ista distinctio; sicuti fundamentum non est verè ac propriè domus, nec radix arbor, nec virtus seu causa efficiens est suus effectus. Quapropter sicuti postulans domum vel arborem non est contentus fundamento vel radice: ita nec Contradictoriis, quæ postulant veram distinctionem, satisfacit per illam virtuale.

Res quoque per Virtualem Nominalium significata est ab omnibus admittenda. Dico 3. Virtualis distinctio Nominalium, de qua Notab. 5. admittenda est ab omnibus quoad rem ipsam: nullam enim per illam significant distinctionem mediam inter Essentiam & Relationes, ut expressis verbis sæpius profitentur, sed solam identitatem unius cum tribus distinctis; hanc autem dicit ipsummet SS. Trinitatis mysterium, quod omnes credimus. Nullibi quoque magis proprium est Virtualis distinctionis nomen quàm in præsentī: sive id sumas secundum virtutem cauſandi in nobis conceptus distinctos: sive secundum quandam æquivalentiam cum distinctis ad salvanda contradictoria; non quidem illam quam rejecimus cap. 2. sed aliam infra explicandam, quæ fundetur in connoratione intrinseca realiter distinctorum. Quia tamen distinctionis *virtualis* nomen (ac multo magis *formalis*, quod iidem Nominales hīc identidem usurpant) nimis ambiguum est. ob tam diversas diverſorum acceptiones, præstat illud relinquere, & juxta vulgarioreſ loquendi modos cap. 5. & 8. proponendos omnia explicare. Quibus nimirum omnis distinctio & contradictoriorum capacitas ad duo membra revocabitur: nempe ad distinctio-

nem

Sed modus loquendi ob æquivocationem non placet.

nem realem vel rationis, eamque aut immediatam & terminis essentiali in recto, aut mediatam & connotatam in obliquo.

Ex dictis de distinctione virtuali in Deo facile colligitur quid dici debeat in eodē de eminenti aut æquivalenti distinctione. Solummodò animadvertendum ad ejusmodi nominum interpretationem datam Notab. 3. & 4. Nam si illis quoque nominibus designetur aliqua distinctio media, quantumvis minima, rejici debet pari jure quo virtualis, juxta conclusionem 1. Sin autem nihil aliud denotetur quàm fundamentum aut causa distinctionis, poterit admitti: servatā tamen conditione expressā in conclusione 2., ne per eam verificentur Contradictoria. Quam conditionem quia non solum non servat, sed etiam ex proposito transgreditur distinctio eminens aut æquipollens, de qua sub nomine virtutis salvandi contradictoria egimus cap. 2. idcirco live virtus, eminentia, æquipollentia distinguendi dicatur, live virtualis, eminens aut æquivalens distinctio æquē est repræbanda. Si denique ejusmodi nomina usurpentur sensu Nominalium, quid tunc dicendum satis ostendit Conclusio 3.

XVIII.

Dicta de distinctione virtuali, applicatur ad Eminentē & Equivalentē.

Quia tamen in illo nomine distinctionis Æquivalentis, haud parum momenti recentiores quidam reponunt, ad dicta de eo in Notab. 3. aliquid addendum. Quia nimirum æquivalentia in comparatione quadam live similitudine consistit: hinc de ea judicandum, sicuti de relatione convenientiæ & similitudinis. Quam si non esse adæquatē intrinsecam tandem, cum veriore sententia supponam; tunc neque æquivalentia, v.g. Solis cum igne, aut animæ rationalis cum forma plantarum & brutorum, erit adæquatē intrinseca Soli aut Animæ: sed involver in obliquo aliquid extrinsecum, nimirum terminum cum quo comparatur. Saltem in omni sententia dicitur aliquid relativum, accidentaliter superadditum, quo ad terminum referatur, live reale id fuerit live solius rationis: quo sublato, tota virtus aut perfectio intrinseca manebit, etsi æquivalentia pereat. Exempli gratiā, æquivalentia Solis cum igne non consistit in sola virtute calefaciendi, quæ Soli intrinseca est: quia per hanc tantum dicitur calefactivus simpliciter, non autem æquivalenter. Verum hæc particula addit Soli quandam relationem convenientiæ cum igne, ob quam dicatur calefactivus sicuti ignis: adeo ut sublato aut implicante igne, Sol amissurus sit dictam æquivalentiam, omni tamen suā intrinseca virtute ac perfectione retentā. Idem facile applicabitur ad animā rationalem, quæ secundum suā intrinsecā præcisè id tantum habet, quod sit vegetativa & sensitiva absolute: ut autem æquivalenter id faciat, sicuti aliæ istæ animæ, debet aliquo modo sibi accidentali referri ad easdem.

Æquivalentia ratio clarius explicatur.

Ex quibus adhuc clarius refutatur *distinctorum virtus, live æquipollentia* XIX.

Hinc e-
videtius
apparet
insuffi-
cientiam,
per eam
salvandi
intrinse-
ca contra-
dictoria.

cum distinctis, de qua paulò ante, ac præsertim cap. 2. Quid enim est, Deum, licet summè Unum & simplicem, posse salvare contradictoria per virtutem distinctorum? Nihil aliud, inquirunt, quàm Deum id posse facere per summam suam identitatem, haud aliter quàm res aliæ id possunt per suas entitates vel formalitates distinctas. Involvitur hic ergo similitudo quædam Dei cum aliis rebus, fundata in eodem modo salvandi contradictoria: & per consequens denominatio quædam accidentalis & extrinseca Deo; quia per hanc solam potest Deus cum creaturis comparari. Abstrahamus autem Deum ab hac comparatione sive similitudine, & absolute secundum sua intrinseca consideremus. Tunc non conveniet formaliter Deo distinctorum virtus seu æquivalentia: sed illud solummodò prædicatum absolutum, quod ex parte ipsius fundat hanc similitudinem; quod est *salvare contradictoria*, omisso illo, *sicuti res distincta faciunt*. De hoc autem quæritur, in quo consistat? Cumque ad nullam amplius distinctorum virtutem aut æquivalentiam possit recurri (utpote ex parte extrinsecas Deo, quem tamen hic secundum sola intrinseca consideramus) superest ut id fiat per purissimam identitatem; quod esse Chimæricum satis ostendimus illo cap. 2.

CAPUT IV.

An detur in Attributis divinis aliqua non identitas ex natura rei?

XX.
Quid illa
non iden-
titas?

Alia est
negativa
alia præ-
cisiva.

Caramuel lib. 6. Metaph. disp. 5. per plures articulos, modum suggerit nonnihil diversum, quo quædam in Deo contradictoria, præsertim inter Intellectum & Voluntatem divinam, à contradictione vindicemus: nempe *non identitatem ex naturâ rei*. Hanc tamen non vult esse negativam, quasi de intellectu divino ex natura rei negare possimus quòd sit voluntas: sed præcisivam; Quòd verissimum sit, intellectum Dei ex rei natura, sive ex ratione essentiali intellectus quæ ei convenit à parte rei, non habere identitatem cum voluntate: alioquin hanc etiam haberet intellectus creatus, quippe cui conveniat natura Intellectus. Quamquam simul verissimum sit, Intellectum Dei ex natura rei non distingui à voluntate: quippè qui in Deo, salva intellectus naturâ, cum voluntate identificetur. Ad quod explicandum, acutè observat, Intellectum ex rei natura non esse nisi intellectum, ideoque abstrahi ab omnibus quæ intra intellectus rationem non clauduntur: sicuti homo ex natura sua tantum est homo, sive animal rationale, nihilque dicit, in his non contentum. Quia igitur intra rationem intellectus non continetur identitas cum voluntate, neque distinctio ab eadem: hinc intellectus ex sua natura, quam habet à parte

parte rei, neutram dicit vel exigit; sed ab utraque abstractus, ut per hanc vel illam contrahatur, planè indifferens manet.

Dico 1. Inter Attributa Dei, sive alias ejus perfectiones quæ non opponuntur relativè, nulla datur *non identitas negativa* à parte rei. Est Caramuelis, omhiumq; illorum qui disp. 2. & 3. nobiscum negarunt omnem inter isthæc extrema veram distinctionem à parte rei. Lucet enim *non-identitas* in genere larius pateat quàm distinctio: quòd distinctio essentialiter requirit duo extrema positiva, secus quàm *non-identitas*, quæ etiam inter negativa sibi constat; Impossibile tamen est ut extrema positiva intelligamus non esse eadem, quin simul distingui concipiamus. Attributa porro cæteraque de quibus agimus sunt extrema positiva. Ratio à priori est; Quia distinctio formaliter vel est ipsa negatio identitatis, in rebus positivis fundata, ut docent Suarez in Metaph. disp. 7. sect. 1. & Arriaga ibidem disp. 1. sect. 4. vel ut alii malunt cum Hurtado ibidem. disp. 6. sect. 1. est entitas positiva extremorum, quam dicta negatio per modum proprietatis consequitur. Si quæ ergo inter Attributa detur non-identitas ex natura rei, vel seipsa formaliter adferet distinctionem conformem (qualem refutavimus disp. citatâ) vel certè eam arguet & supponet.

Rejicitur non-identitas negativa à parte rei.

Dico 2. Non datur quoque inter Attributa *non identitas præcisiva* ex natura rei. Est contra Caramuelem. Probat. Quia impossibile mihi videtur dari à parte rei præcisionem identitatis, quæ non coincidat in ejusdem negationem, & consequenter in distinctionem jam refutatam in Conclus. 1. Quid enim est intellectum v.g. ex natura rei præscindi à voluntate: nisi hunc non esse voluntatem ex natura rei; ita ut cum eadem saltem particula dici possit, intellectus non est voluntas: Hoc autem ipsum est unum negati de alio, atque adeo non esse aliud negativè: ut ex terminis patet. Quòd si dicas, ita præscindi non esse aliud quàm intellectum esse intellectum à parte rei sine negatione voluntatis, contra id facit quòd per id solum non præscindas eum à voluntate ex natura rei; Nam intellectus maneret intellectus, etiamsi ex natura rei simul esset voluntas. Addendum igitur quòd sit *tantum* intellectus ex natura rei: quæ dictio taxativa & limitativa, includit expressum & reliqua excludit, & sic negationem saltem tacitam voluntatis involvit. Hoc autem admissio, non-identitas præcisiva à parte rei, incidit in negativam ex eadem parte, satis refutatam in priori assertionem.

XXI.

Rejicitur etiam non-identitas præcisiva ex eadem parte.

Confirmatur & magis explicatur. Quia nihil præscinditur à seipso. Nihil præscinditur à seipso. Quidquid igitur præscinditur, id ab alio præscinditur: atque adeò inter utrumque quædam alietas est: Ergo & distinctio; quæ vel est ipsa alietas: si quidem tota, juxta secundam sententiam supra relatam, in positivo consistat:

Nihil præscinditur à seipso.

*Utr quid
ab alio
præscin-
ditur, ita
& potest
de eodem
negari.*

fiſtat: vel in alietate fundatur, ſi juxta priorem opinionem dicat formaliter negationem. Idque etiam cernitur in præciſione per intellectum. Hæc enim numquam datur ſine aliqua diſtinctione per eundem: numquam v. g. animal à rationali & irrationali abſtraheris, niſi ab iſdem diſtinxeris: animal autem à ſeipſo non abſtrahes, quia illud à ſeipſo non diſtingues. Unde præterea, quidquid per rationem ab aliquo præciſindes, poteris de eodem negare ſecundum rationem: dicendo v. g. quod animal ſecundum rationem ſibi propriam live conceptum, non ſit rationale ſecundum proprium ejus conceptum. Si itaque admittas præciſionem aliquam ex natura rei inter intellectum & voluntatem divinam (quod utique facies admittendo non-identitatem præciſivam) neceſſe erit ut alietatem quampiam ex natura rei, atque adeò diſtinctionem, inter eadem admittas; & ſic non ſolum præciſivè concipere, ſed etiam unum de altero negare aliquatenus poſſis ex natura rei. Quæ eſt ipſa Scoti doctrina totâ priori diſputatione reſutata.

XXII. Adde, Contradictoria, in ordine ad quæ ſalvanda iſthæc non identitas ponitur, non dicere ſolam præciſionem prædicari à ſubjecto: ſed propriam negationem. Verè enim negatur de divina voluntate quòd genere: nec voluntas indifferenter tantum à generatione præſcinditur. Ergo non-identitas voluntatis cum intellectu debet etiam eſſe negativa. Quia effectus non poteſt ſuperare vim ſuæ cauſæ: ſuperaret autem, ſi non generatio voluntatis eſſet negativa, hujus verò non-identitas cum generante (in qua tanquam radice vel cauſâ negatio fundatur) ſolum eſſet præciſiva. Plus enim eſt negare, quàm ſolum præſcindere. Niſi hîc recurras ad negationem aliquam virtualem vel eminentialem: quæ pari modo reſelleretur, quo ante in cap. 2. & 3., eorundem nominum diſtinctionio.

Apparens ratio Caramuelis in eo videtur falli, quòd ſupponat dari in Deo & creaturis rationem intellectus unam & communem ex natura rei: cui ut ſic in utroque id tantum conveniat quòd ſit intellectus, cum indifferentia ad identitatem cum voluntate vel ad diſtinctionem ab eadem. Talis enim intellectus non datur niſi per rationem præciſivam: ſive hæc præciſio ſit univoca reſpectu Dei & creaturæ, ſive tantum analoga, quod alibi examinandum. A parte rei enim intellectus divinus tam eſt determinatus ad identitatem cum voluntate divina, quàm ad ſeipſum: quia ipſe per ſe, & ex omni ſua natura reali eſt voluntas. Creatus verò intellectus Angelorum & hominum ſuapte naturâ vel diſtinguitur à voluntate vel diſtinctionem illam fundat: permittendo tamen, non affirmando, quod de intellectus creati diſtinctione à voluntate pars adverſa ſupponit. Sola quæ

*Intellectus
ab identi-
tate & di-
ſtinctione
præciſus
nō datur
niſi per
rationem*

itaque ratio utrique communis aliquid præscindit de quo neutrum affirmet vel neget. ideoque objectum ut sic apprehensum, ad utrumque indifferens ac commune denominat. Quod facit utilissimè ad scientiam rationalem, sicuti videmus disp. 5. cap. 2. quamvis in ordine ad simplicem scientiam (quali circa objecta naturalia utuntur Angeli, & circa omnia Deus Opt. Max.) eà præcisione non sit opus, sed unumquodque sub illa speciatim ratione optimè ac propriissimè intelligatur, sub qua existit à parte rei, ut identificatum cum aliis, vel ut distinctum. Id itaque quod assumitur, intellectum non esse nisi intellectum, quamvis verissimum sit secundum rationem nostram, & pro subtilissimo instrumento sciendi, hominibus deserviat: falsum tamen à parte rei, ubi intellectus divinus est præterea voluntas, noster verò præter hoc ipsum quòd sit intellectus, distinctionem à voluntate essentialiter dicit vel importat. Quemadmodum etiam animal, licet ratione nostrâ sit tantum animal, sive principium sentiendi: à parte rei tamen est vel homo vel brutum; imò & hoc vel illud individuum sub iisdem contentum.

Si peras, cur potius ratione nostrâ possit aliquid præscindi à negatione & affirmatione identitatis, quàm à parte rei? causa videtur esse in promptu, Quod nempe in intellectu nostro, præter actus judicativos qui affirmant aliquid esse vel negent, alii dentur simpliciter apprehensivi, qui rem ita obijciant, ut ad utrumque indifferentem relinquunt. A parte rei autem nihil datur tam simplex, quin ad esse vel non esse sit determinatum. *Cur præcise à contradictione dari possit per operationem intellectus, non autem à parte rei.* XXIII

Quodlibet enim est vel non est, juxta primum principium de quo egimus cap. primo: nec quidquam medium dari potest. Non sic quodlibet à nobis affirmatur vel negatur: sed duplex medium datur, vel non concipi à nobis, vel simpliciter concipi.

CAPUT V.

Primus modus verisimilior salvandi Contradictoria in Deo.

Postquam in præcedentibus refutavimus distinctionem formalem Scoti, omnemque aliam mediam, virtutem item & æquivalentiam distinctorum, denique non identitatem formalem à parte rei: duæ solum viæ Contradictoria salvandi supersunt, eæque, sicuti nos ostensuros confidimus, sufficientissimæ, una per distinctionem rationis, altera per realem. De prima agemus hoc capite, supponendo tantisper quod sequenti disputatione probabitur, divinas perfectiones ratione distingui: de altera in cap. 8.

Dico igitur, Contradictoria omnia quæ verè dicuntur de realiter identificatis in Deo ab omni contradictione vindicantur per distinctionem rationis. XXIV.

sistat: vel in alietate fundatur, si juxta priorem opinionem dicat formaliter negationem. Idque etiam cernitur in præcisione per intellectum. Hæc enim numquam datur sine aliqua distinctione per eundem: numquam v.g. animal à rationali & irrationali abstraheris, nisi ab iisdem distingueris: animal autem à seipso non abstrahes, quia illud à seipso non distingues. Unde præterea, quidquid per rationem ab aliquo præcindes, poteris de eodem negare secundum rationem: dicendo v.g. quod animal secundum rationem sibi propriam sive conceptum, non sit rationale secundum proprium ejus conceptum. Si itaque admittas præcisionem aliquam ex natura rei inter intellectum & voluntatem divinam (quod utique facies admittendo non-identitatem præcisivam) necesse erit ut alietatem quampiam ex natura rei, atque adeò distinctionem, inter eadem admittas; & sic non solum præcisivè concipere, sed etiam unum de altero negare aliquatenus possis ex natura rei. Quæ est ipsa Scoti doctrina totâ priori disputatione refutata.

*Utr quid
ab alio
præcindi-
ditur, ita
et potest
de eodem
negari.*

XXII. Adde, Contradictoria, in ordine ad quæ salvanda isthæc non identitas ponitur, non dicere solam præcisionem prædicari à subiecto: sed propriam negationem. Verè enim negatur de divina voluntate quòd genere: nec voluntas indifferenter tantum à generatione præcinditur. Ergo non-identitas voluntatis cum intellectu debet etiam esse negativa. Quia effectus non potest superare vim suæ causæ: superaret autem, si non generatio voluntatis esset negativa, hujus verò non-identitas cum generante (in qua tanquam radice vel causâ negatio fundatur) solum esset præcisiva. Plus enim est negare, quàm solum præcindere. Nisi hîc recurras ad negationem aliquam virtuales vel eminentiales: quæ pari modo refelleretur, quo ante in cap. 2. & 3., eorumdem nominum distinctio.

Apparens ratio Caramuelis in eo videtur falli, quòd supponat dari in Deo & creaturis rationem intellectus unam & communem ex natura rei: cui ut sic in utroque id tantum conveniat quòd sit intellectus, cum indifferencia ad identitatem cum voluntate vel ad distinctionem ab eadem. Talis enim intellectus non datur nisi per rationem præcisivam: sive hæc præcisio sit univoca respectu Dei & creaturæ, sive tantum analogica, quod alibi examinandum. A parte rei enim intellectus divinus tam est determinatus ad identitatem cum voluntate divina, quàm ad seipsum: quia ipse per se, & ex omni sua natura reali est voluntas. Creatus verò intellectus Angelorum & hominum suapte naturâ vel distinguitur à voluntate vel distinctionem illam fundat: permittendo tamen, non affirmando, quod de intellectu creati distinctione à voluntate pars adversa supponit. Sola itaque

*Intellectus
ab identitate
& distinctione
præcisus
nō datur
nisi per
rationem*

itaque ratio utrique communis aliquid præscindit de quo neutrum affirmet vel neget ideoque objectum ut sic apprehensum, ad utrumque indifferens ac commune denominat. Quod facit utilissimè ad scientiam rationalem, sicuti videbimus disp. 5. cap. 2. quamvis in ordine ad simplicem scientiam (quali circa objecta naturalia utuntur Angeli, & circa omnia Deus Opt. Max.) eâ præcisione non sit opus; sed unumquodque sub illa speciatim ratione optimè ac propriissimè intelligatur, sub qua existit à parte rei, ut identificatum cum aliis, vel ut distinctum. Id itaque quod affluitur, intellectum non esse nisi intellectum, quamvis verissimum sit secundum rationem nostram, & pro subtilissimo instrumento sciendi, hominibus deserviat: falsum tamen à parte rei, ubi intellectus divinus est præterea voluntas, noster verò præter hoc ipsum quòd sit intellectus, distinctionem à voluntate essentialiter dicit vel importat. Quemadmodum etiam animal, licet ratione nostrâ sit tantum animal, sive principium sentiendi: à parte rei tamen est vel homo vel brutum; imò & hoc vel illud individuum sub iisdem contentum.

Si peras, cur potius ratione nostrâ possit aliquid præscindi à negatione & affirmatione identitatis, quàm à parte rei? causa videtur esse in promptu, Quod nempe in intellectu nostro, præter actus judicativos qui affirmant aliquid esse vel negent, alii dentur simpliciter apprehensivi, qui rem ita objiciant, ut ad utrumque indifferentem relinquunt. A parte rei autem nihil datur tam simplex, quin ad esse vel non esse sit determinatum. *Cur præcisiō à contradi-
ctoriis
dari possit
per operationem
intellectus, non
autem à
parte rei.* Quodlibet enim est vel non est, juxta primum principium de quo egimus in cap. primo: nec quidquam medium dari potest. Non sic quodlibet à nobis affirmatur vel negatur: sed duplex medium datur, vel non concipi à nobis, vel simpliciter concipi.

CAPUT V.

Primus modus verisimilior salvandi Contradictoria in Deo.

POSTquam in præcedentibus refutavimus distinctionem formalem Scoti, omnemque aliam mediam, virtutem item & æquivalentiam distinctorum, denique non identitatem formalem à parte rei: duæ solùm viæ Contradictoria salvandi supersunt, eæque, sicuti nos ostensuros confidimus, sufficientissimæ, una per distinctionem rationis, altera per realem. De prima agemus hoc capite, supponendo tantisper quod sequenti disputatione probabitur, divinas perfectiones ratione distingui: de altera in cap. 8.

Dico igitur, Contradictoria omnia quæ verè dicuntur de realiter identificatis in Deo ab omni contradictione vindicantur per distinctionem rationis.

*Ad Con-
tradictio-
nem sal-
vanda
sufficit
distinctio
rationis.*

tionis. Hæc via facilis est & plana, ideoque merito, non pluribus tantum, sed præstantioribus quoque Theologis placuit, ut Alexandro Alenti, S. Bonaventuræ, Alberto Magno, D. Thomæ, Ægidio Romano, Joanni B. conio, Dionysio Cisterciensi, Petro Paludano, Capreolo, Sylvestro, Ferrarienti, aliisque ex antiquis. Utque in re nota non sim prolixior, omisiss cæterorum testimoniis, D. Thomas 1.p.q.39.a.1.ad argumentum 2. quopetebatur: quomodo absque distinctione verificari possit in Deo, quòd una Persona ab altera distinguatur, Essentia verò non sit distincta? sic respondet: *in quantum Essentia & Persona in divinis differunt secundum intelligentia rationem, sequitur quòd aliquid possit affirmari de una, quòd negetur de altera.* Et in 1.dist.34.q.1.ad 2.ob distinctionem rationis (inter Essentiam & Personam) dicitur quòd *Essentia est communis, persona non est communis, persona generat, essentia non generat.* Similia habet 3.p.q.16.a.5.ad 1.& quæst. 7. de Potentia a.1. ad 5. Idem ex recentioribus docent plerique Thomistæ, & ex Societate nostra inter cæteros accuratius Valquez 1.p.disp.116.c.6.n.27.& disp.120.c.6.n.25.& Granadus in 1.p.tom.1.disp.5.sect.3.& tom.2.disp.3.sect.4.Nec in scholis tantum hic solvendi modus summis Theologis placuit, sed, quod amplius est, in Concilio Florentino, ubi Joannes Theologus, nomine Latinorum, in gravissima contra Græcos controversiâ, cum fuit amplexus, sicuti ex ejusdem verbis retulimus disp.3.c.2.n.6.Hæc sunt clarissima: *quoniam (divina substantia & & persona) intelligentia & ratione distinguuntur, substantia quidem communicatur Personis, Personalitates verò nullo modo communicantur.* Quomodo autem Authores citati distinctionem rationis accipiant proprie pro distinctione per intellectum, non verò pro aliqua distinctione objectiva, sive formali sive virtuali aut eminentiali, ostendimus eadem disp.n.7.& 8.

XXV.
Id ostenditur.

Probatum autem Assertio. Quia ad Contradictoria à formali contradictione salvanda sufficit, si non dicantur secundum idem omnino. Rationis autem distinctio facit, ut non dicantur secundum idem omnimodè. Licet enim relinquat rem, sicuti erat, penitus eandem à parte rei; facit tamen eam differre per conceptus. Quam differentiam quia certa nomina, ad id instituta consignant, hinc in propositiones quæ ex iis constant, discrimen sufficiens inferunt, cur de re prout uni nomini ac conceptui substat, affirmari quid possit, quod de eadem negetur, prout hæc substat alteri nomini ac conceptui. Exempli gratiâ, intellectus, voluntas, misericordia, justitia, potentia divina significant quidem eandem penitus entitatem ac formalitatem à parte rei: sed Intellectus hanc significat sub conceptu inadæquato illam præcisè exprimente prout tendit in ve-

rum,

rum, nihil de eadem dicendo quatenus circa bonum versatur. E contrario Voluntas alium conceptum secum adfert, qui dissimulatâ tendentia in verum, menti solum obijciat inclinationem in bonum. Hinc non est mirum, si in propositionibus quæ ad sui veritatem, non rem solam, sed hoc vel illo modo expressam exigunt, aliquid affirmetur de eadem entitate divina sub nomine & conceptu Intellectus vel Misericordiæ, quod de eadem negetur sub nomine & conceptu Voluntatis vel Justitiæ. Cujusmodi propositiones sunt quæ actum primum, aut quod illius instar se habet, cum actu secundo sive operatione conjungunt: hæ enim ex Dialectica lege, communique usu, postulant, ut actus primus exprimat conformiter ad secundum, ideoque non identicè tantum vel implicite, sed sub formali atque explicito conceptu, actui secundo correspondeat, ut cum dicitur, *Deus intelligit vel generat per Intellectum, justificat peccatores per Misericordiam*. E contrario non rectè dicitur, Deus intelligit per voluntatē &c. licet enim divinus intellectus & voluntas identificentur penitus ex natura rei, conceptus tamen per ea nomina consignificati, sunt valde diversi, & in prædicta propositione, ab actu secundo dissoni.

Confirmatur 1. Ab ipsis quoque Scotistis, aliisque adversariis, aliqua *xxvi.* saltem Contradictoria quæ enuntiamus de identificatis in Deo, salvantur per distinctionem rationis, absque alia distinctione à parte rei, v.g. Deus est causa hominis per ideam & potentiam effectricem hominis, non per ideam & potentiam effectricem Angeli vel equi: Ergo omnia poterunt sic salvari. Antecedens probatur ex disp. 3. n. 35. ubi inter alia vidimus, quomodo Scotistæ non in formalitates partiales, sed in solos conceptus inæquatos, idem Attributum à seipso distinguant. Consequentia procedit à pari: cur enim dicamus aliter se habere totam divinitatem ad Attributa tanquam rationes inadæquatas divinitatis, quam unumquodque Attributum ad suas rationes inadæquatas?

Confirm. 2. Juxta communio rem ac verio rem sententiam, nomina rebus imposita sunt ad significandum directe conceptum ac mentem loquentis. Quia enim non possumus immediate, instar Angelorum, nostros de rebus conceptus aliis pandere: hinc ad illud utcumque mediate præstandum utimur instrumento vocum. Pari igitur modo de rebus loquimur quo eas concipimus. Cum verò, experientiâ teste, simplicissimam divinitatem non nisi inadæquatè ac veluti per partes concipiamus: idcirco haud aliter de eâ sermones instituimus ac propositiones formamus. Partes autem capacissimæ sunt ad contradictoria salvanda. Potest enim quis scribere unâ manu, & alterâ quiescere. Nec in re manifesta pluribus est opus.

XXVII. Dices. 1. Veritates reales non possunt dependere ab entibus vel præcisionibus rationis: Atqui hæc sunt veritates reales, quod Deus intelligat per intellectum & non per voluntatem, quod item per Misericordiam misereatur & non per Iustitiam. Idque à fortiori fatendum de aliis quibusdam propositionibus pertinentibus ad Mysterium SS. Trinitatis, quas proponemus cap. seq. Ergo non possumus harum veritatem per rationis distinctionem salvare. Resp. distinguendo Minorem. Hæc ac similes veritates sunt reales quoad rem significatam, concedo: quoad modum significandi, nego. Quæ distinctio est familiarissima D. Thomæ & sectatoribus ejus, ut videre est q. 7. de Potentiâ a. 5. in c. & ad 2. & 1. p. q. 13. a. 3. in c. Res enim significata est, quod Deus intelligat vel misereatur per eam perfectionem quæ nomine Intellectus vel Misericordiæ significatur, quod Deo verissimè ac propriissimè convenit à parte rei, independenter à nostris conceptibus. Sed modus significandi est, quod Deus id faciat per illam perfectionem solam, exclusâ, aut potius præcisâ perfectione quæ significatur nomine Iustitiæ ac Voluntatis: & hæc veritas non est realis, sed ab intellectus nostri operatione dependet, unicam ac simplicissimam perfectionem divinam veluti partientis in duas, eique ut sic divisæ contradictoria tribuentis. Quod quem ob finem, tam physicum quàm artificialem & Logicum, faciat, dicemus disp. seq.

Veritates
reales
quomodo
dependant à
ratione

Dices 2. Ergo falsum est, Deum à parte rei misereri per Misericordiam & non per Iustitiam: & per consequens, verum erit ejus contradictorium, videlicet: Deum à parte rei misereri, non solum per Misericordiam, sed etiam per Iustitiam: quod tamen est alienum à communi sensu. Resp. distinguendo ut prius: falsum id est, si particula à parte rei, referatur ad rem significatam, sic nego: perfectio enim Misericordiæ divinæ, omnisq; miseratio quæ eidem adscribitur, est à parte rei; quæ est res, prout ante vidimus, significata per propositionem. Falsum verò id est, si à parte rei referatur ad modum significandi, concedo: quia distinctio misericordiæ à justitia, quam hic modus significandi importat, non est à parte rei. Quod attinet ad veritatem contradictorii, negandum est, id quod allegatur, contradictorium esse: est enim hoc, non à parte rei miseretur Deus per Misericordiam & non per Iustitiam: ita ut hic quoque locum habeat quod in modalibus, videlicet contradictorium non esse opponendum dicto sed modo.

XXVIII. Dices 3. Relinquamus omnem distinctionem rationis, & loquamur de Deo secundum modum quo se habet à parte rei: eritne tunc verum dicere, quod Deus intelligat per intellectum & non per voluntatem, ac tunc etiam per voluntatem intelliget? Resp. nos non posse vocibus illis
intel.

intellectus, voluntas, misericordia, iustitia, & similibus simpliciter uti, relinquendo omnem distinctionem rationis: cum hæ voces non rem solam sed ut ratione distinctam significant. Quapropter si quis velit de Attributis divinis loqui secundum statum purè realem, debet omittere illos terminos simpliciter acceptos, & vel alios adhibere, vel prioribus aliquid addere. Alioquin involvetur contradictio in adjecto, & propositiones inde formatæ seipsas falsificabunt: ab una enim parte supra seipsas reflexæ, omnem distinctionem rationis in suis terminis negabunt, ab alterâ parte, termini ex quibus constabunt, distinctionem illam negatam involvent. Quare ad quæstionem, An in casu objectionis propositiones illæ sint futuræ veræ an falsæ? negandum est suppositum: quia retentâ significatione terminorum, non dantur in illo casu dictæ propositiones, sed planè impossibiles atque chimericæ sunt. Haud secus ac si profitearis te velle in omnibus loqui conformiter rei, & simul aliquot terminos ei diffformes adhibeas.

Multa nomina ex sui institutione modum illum rationis involvunt.

Dices 4. Id tandem est plerasque propositiones nostras de Deo revocare ad entia rationis, & per consequens, Attributa rationis, & Deum quemdam Chimericum fabricari. Recurrit huc iterum prior distinctio de re significata & significanti modo. Prædictæ enim propositiones de Deo non revocantur ad entia rationis quoad rem atque perfectionem quam significant: hæc quippe verissima ac solidissima est, utpote ens divinum & operatio ejus: sed solummodo quoad aliquem significanti & enuntiandi modum, quem nil vetat rationis esse. Hinc non fabricamur vel Attributa vel Deum rationis: sed id potius faceremus, si modum illum distinctionis, ad rem ipsam pertinere affirmaremus. Sic enim Deus in ordinem entis limitati atque imperfecti redactus, non foret Deus, sed rationis idolum.

Haud id eo tamen principalia eorum significantia sunt rationis.

Dices 5. Per quos igitur terminos loqui de divinis poterimus, ut distinctione rationis seclusâ ea explicemus, non tantum secundum rem, sed etiam secundum modum quem habent à parte rei? Respondeo terminos prorsus simplices vix ullos suppetere: omnes enim hæcenus impositi, vel aliquam, vel etiam plures rationis distinctiones aut præcisiones involvunt. Possumus tamen horum defectum supplere, vel corrigere, per plurius simplicium conjunctionem. Quam Granadus suprâ, licet & Didacus Ruys & alii faciunt hoc modo: *res qua est intellectus, entitas aut realitas qua est voluntas, res misericordia, entitas iustitia, ens illud quod Omnipotentia est, &c.* Quo loquendi modo si utamur, æquè à nostris propositionibus omnia contradictoria de divinis removebimus, atque extra illas procul sunt remota ab ipsomet Deo. Utrobique enim verum erit, Deum

XXIX.

Quomodo expedire nos possumus ab illis modis rationis?

intelligere, velle, misereri, punire &c. Per rem quæ est intellectus, voluntas, misericordia, iustitia &c. nullatenus autem verum erit contradictoriū, quod per illā rem, seu entitatē, non intelligat, aut puniat, aut velit.

*Similiter
vè ratione
se expedi-
vit D.
Bernar-
dus.*

Not. 1. Pari ferè modo, vocum simplicium defectum supplevisse D. Bernardum: cum enim Gilbertus Porretanus, de quo sapius suprà, propter similia contradictoria distingueret in Deo substantiam *quæ Deus est* à substantiā *quā Deus est*: ipse S. Doctor cum Episcopis Gallicanis in Confessione fidei, de qua egimus disp. 2. cap. 1. hanc errori veritatem opposuit: *Deum quidem sapientiā sapientem, magnitudine magnum, divinitate Deum esse, sed non nisi cā sapientiā, magnitudine, divinitate quæ est Deus ipse: id est, seipso sapientem, magnum, Deum esse.* Nimirum secundum eandem planè atque indistinctam entitatem sive realitatem. Quidni ergo Scotistis in similem formam respondeamus: Deum misereri per Misericordiā, sed quæ eadem in statu reali iustitia sit, quæ eadem sapientia, bonitas, omnipotentia, æternitas, & quidquid est in Deo, per seipsam existat? Non debet quippe causa limitari ad unum particularem effectum, sed potest per eandem, non solum entitatem, verum etiam formalitatem à parte rei, se ad plures porrigere. Id namque maiorem ejus illimitationem ac perfectionem Deo dignam, commendat. Ut præteream eo pluris faciendas miserationes divinas, si non solum à formalitate aliquā ad miserendum limitatā, sed ab ea quæ sapientiam, potentiam, cæteraque omnia complectatur, proveniant. Ipsa quoque divinæ Justitiæ opera atque suppelicia, apud animum rectè contemplantium dulcescunt: si formale illorum principium à parte rei, non Justitiam tantum, sed ipsam etiam Bonitatem ac Misericordiam intelligant.

XXX.

*Imò &
Scotista
aliquo
sensu id
faciunt.*

Notab. 2. Scotistas in hoc nobiscum convenire, quod Contradictoria prædicta in aliquo sensu admittant & salvent, in alio non. Licet enim ea salvent in sensu formali: non tamen in reali & identico. Ut namque in hoc sensu Misericordia in Deo verissimè Justitia est; utpote in una eandemque entitatem conflata: ita non solum Misericordia, sed etiam Justitia, entitativè atque identicè loquendo, miserationem exercet. Tota verò inter nos controversia est, quod Scotistæ, præter sensum entitativum sive identicum, cui Contradictoria non congruunt, ponant à parte rei alium quendam sensum formalem, in quo ipsa verificentur. Apud nos verò omnis sensus formalis à parte rei, in realem coincidat, ideoque hand magis quam hic, Contradictoriorum sit capax. Quæ est causa cur ad isthæc salvanda, in solo intellectu sensum quendam formalem admittamus. Isque hætenus nobis videtur sufficere, ideoque frustra à Scotistis, inter hunc & realem, alius ille sensus formalis interjici.

CAPUT

CAPUT VI.

Applicatur prior modus ad difficiliora exempla in Myſterio Trinitatis.

SCotiſtæ plurima exempla Contradictoriorum obijciunt, alii 12. nonnulli 24. quæ de Deo prædicantur, eorumque judicio, ab actuali contradictione purgari nequeunt, niſi per diſtinctionem formalem à parte rei. Alii vel eadem, vel etiam diverſa, contra nos movent pro diſtinctione ſua virtuali: atque inprimis Ægidius de Coninck de SS. Trinitate diſp. 3. dub. 6. per 5. ſectiones & Arriaga tom. 1. in 1. p. diſp. 42. per plures quoque ſectiones. Ad ea in genere, & quædam etiam faciliora in particulari, reſpondimus cap. præcedente, & oſtendimus: quo pacto ſalveantur per diſtinctionem rationis, à parte rei verò una tantum pars contradictoriorum ſubſiſtat, evaneſcente alterâ, utpote cui ſola mentis præciſio fundamentum dedit. Super eſt, ut hic ſpecialius eandem doctrinam ad cætera applicemus: non quidem ad omnia (quod longioris operæ foret) ſed difficiliora, quæ ſerè peruntur ex myſterio Trinitatis.

Primum igitur urget; Quòd in prædicto Myſterio, *Verbum procedat per intellectum & non per voluntatem*: è contrariò *Spiritus ſanctus procedat per voluntatem, non autem per intellectum*. Ergo intellectui & voluntati Divinæ conveniunt contradictoria, nimirum eſſe principium Verbi vel Spiritus ſancti, & non eſſe. Ergo inter intellectum & voluntatem divinam debet eſſe aliqua diſtinctio. Nec ſufficit diſtinctio rationis: quia Verbum & Spiritus ſanctus ſic procedunt à parte rei, independentè à ratione noſtrâ: Et alioqui Filius æquè per voluntatem procederet à parte rei ac Spiritus ſanctus, atque ad eò hic ab illo non differret à parte rei. Reſpondeo concedendo Antecedens, & 1. & 2. Conſequentiam: ſed negando ſubſumptum. Termini enim *intellectus & voluntas*, quibus prædictæ propoſitiones conſtant, per diſtinctionem rationis, quam involvunt, contradictionem impediunt. Nec obſtat, ſi ad prædictas proſectas propoſitiones addantur particulæ *à parte rei vel independentè ab intellectu*: dummodo ex parte rei ſignificatæ addantur. Quidquid enim à parte rei, & independentè ab intellectu noſtro, Proceſſionibus illis convenit, eſt capax diſtinctionis per rationem, & per conſequens, contradictoriorum quæ illam conſequuntur. Quòd ſi prædictæ particulæ reſſectantur ſuprà ipſam propoſitionem, ejuſque ſenſum merè entitativum ac realem deſignent, excluſo ſenſu formali in diſtinctione per rationem fundato: tunc propoſitionem interiment, negatis terminis ex quibus intrinſecè conſtat. Quare in ſenſu reali non poſſumus eâ uti: ſed aliâ v.g. *Verbum procedit per rem ſeu entitatem intellectus*, aut imitando D. Bernardum ſuprà laudatum n. 29. *Verbum procedit per intellectum, ſed non niſi eum*

XXXI.

*ſolvitur
argumē-
tum ex
proceſſio-
ne Verbi
per intel-
lectum &
non per
volunta-
tem.*

quæ

qui est voluntas, &c. Quæ omnia sunt conformia ante dictis toto cap. 5.

xxxii. Sed instant 1. Realia fidei nostræ mysteria non pendent ab entibus aut distinctionibus rationis : Atqui tale mysterium est, Dei filium procedere per intellectum & non per voluntatem : Ergo. Penderet autem, si pro sui fundamento præsupponeret distinctionem rationis. Resp. concessâ Majore distinguendo Minorem. Id de quo ibi agitur est reale mysterium fidei quoad partem affirmativam, sic concedo. Quia aut fidei est, aut fidei proximum, (ne Durandum aliter sentientem hæreseos damnemus) Dei filium, cum sit Verbum Patris & Sapientia genita, ad sui principium requirere intellectum : idem verò est reale principium fidei quoad partem negativam, sic nego : nulla enim Scripturæ vel Ecclesiæ autoritas evincit, intellectum à quo procedit Filius debere non esse voluntatem à parte rei. Porro distinctio rationis non pro partis affirmantis fundamento præsupponitur, sed solius negantis.

Instant 2. Saltem distinctio quam dicta propositio supponit, est causa aut ratio, cur Filius & Spiritus sanctus à parte rei distinguantur : Atqui nihil quod solius est rationis, potest esse causa distinctiva aliquorum à parte rei. Majorem colligunt ex variis autoritatibus SS. Patrum, præsertim Augustini 9. de Trinitate cap. 12. & Anselmi lib. de Process. Spiritus sancti c. 2. & 4. Minor verò per se patet. Quia nihil posterius potest esse causa prioris : ens autem rationis est posterius entitate & distinctione reali. Respondeo neg. Assumptum. Quod ipsi etiam Scotistæ, quantum existimo, debent negare. Nulla quippe distinctio minor potest esse causa majoris : alioquin in causando, aut quasi causando, excederet suam virtutem. Atqui distinctio realis divinarum Personarum est major distinctione formali intellectus & voluntatis divinæ : Ergo illa in hanc non potest referri ut causam. Alioquin, sicuti in principio non est distinctio nisi formalis, ita & Personæ tantum differrent formaliter : aut certè major illa distinctio non ex principio sed aliunde probabitur.

xxxii. Quod attinet ad SS. Patres, nusquam illi locis citatis, aut etiam alibi, Filium à Spiritu sancto distinguunt, quia eorum principia, intellectus & voluntas distinguuntur : sed potius quia habent distinctos procedendi modos, quorum unus ex sua ratione speciali intellectum requirit, alter voluntatem ex sua : adeo ut si per impossibile esset in Deo solus intellectus absq; voluntate, id sufficeret ad processionem Verbi ; ad processionem autem Spiritus sancti non sufficeret. Quamvis nihil noceat processioni Verbi, quod intellectus cum voluntate in eandem formalitatem à parte rei conveniat, & consequenter, ab hac eadem Spiritus sanctus procedat. Vulgatum enim est (etiam apud Scotistas) quomodo ab eodem formaliter prin-

principio possint diversi effectus aut termini nasci, & diversis planè modo
dis; alii creando, alii generando, ut Angeli & homines ab eadem formaliter
Omnipotentia Dei; alii itè aliis modis differētibus, ut affirmatio & nega-
tio ab eodem formaliter intellectu, amor item & odiū à voluntate eadem
formaliter. Quod autem ita sentiant Patres, patet ex D. Anselmo in u-
troque cap. citato: ubi sapius dicit Filium distinguī à Spiritu sancto, quia
Filius nascendo habet esse, Spiritus sanctus verò non nascendo, sed pro-
cedendo. Particulæ enim *nascendo* & *procedendo*, non principium desi-
gnant sed modum. Quia verò modus procedendi passivè acceptus iden-
tificatur termino: rectè ex illius distinctione admissa, termini quoque di-
stinctio infertur. Nec aliud ex D. Augustino, quamvis ibi valde obscuro,
colligi potest. Procedit autem hæc responsio de processione per intelle-
ctum & voluntatem essentialē. Cui responsioni, ad idem argumentum,
addemus aliam cap. 8. de processione per intellectum & voluntatem no-
tionalem.

Adverte, responsionem datam confirmari ad hominem; ex iis quæ do-
cet Arriaga disp. 40. in 1. p. sect. 1. de Potentia Dei: scilicet ab eadem in-
trinseca formalitate & virtualitate à parte rei, unde in Deo procedit Ver-
bum, etiam extra Deum procedere creaturas. Docet enim, Omnipoten-
tiam Dei, quæ est principium creaturarum, esse penitus eandem cum divi-
na essentia sive natura, & hanc pariter cum divino intellectu, qui est prin-
cipium Verbi; sine ulla distinctione intrinseca à parte rei, etiam virtuali,
per quam Contradictoria salventur. Quòd si termini tam diversi quàm
sunt Verbum divinum & creatura, quique habent modos procedendi
adèd diversos, possint prodire à principio eodem à parte rei: quantò ma-
gis Verbum & Spiritus sanctus poterunt? Si item per solam distinctionem
rationis salvari possit hæc propositio: Verbum procedit per intellectum ut
est locutivus ad intra, non ut activus ad extra sive productivus creatura-
rum: cur similiter per eandem distinctionem non salvabitur hæc: Verbum
per intellectum & non per voluntatem procedit? Simile argumentum
fieri potest ex hac propositione: Verbum procedit per Intellectum & non
per Immensitatem Dei; nec tamen Arriaga inter hanc & illam admittit
distinctionem suam virtualem, quam vocat majorem, sed solius rationis,
aut per extrinseca connotata.

2. Ex eodem Mystério sic arguunt: divina Essentia à parte rei est tan-
tùm una: Personæ autem, non tantùm una, sed tres. Item divina essentia
est à parte rei communis omnibus Personis: relatio verò non. Præterea,
independenter à nostro intellectu, intellectio Filii est improducta: relatio
autem Filii est producta. Hæ propositiones sunt omnes contradictoriæ &

M

veræ:

veræ : ideoque distinctionem aliquam eas verificantem requirunt ; sed non sunt veræ in sensu tantum formali per rationem , verum etiam in sensu entitativo & reali : Ergo etiam in hoc sensu aliquam terminorum differentiam postulant ; Quæ cum nequeat esse rationis , quippe quæ in solo sensu formali per rationem habeat locum , relinquuntur ut sit formalis aut virtualis à parte rei. Respondeo , admitte-
Respon- illas propositiones esse contradictorias, & nihilominus veras , ideoque
detur al- per aliquam distinctionem salvandas. Sed nego , ad id non sufficere di-
teri argu- distinctionem rationis in sensu formali: cui quomodo non officiant particu-
mento, ex lar à parte rei, ante operationem intellectus, num. 31. explicavimus. Illam au-
Vnitatem tem distinctionem rationis non hi tantum termini involvunt. *Essentia in-*
essentia et tellectio, relatio : qui ponuntur ex parte subiecti: sed etiam alii, *una, tres,*
Trinitate *communis, improducta, producta*, quos dictæ propositiones adferunt ex
persona- parte prædicati.
rum.

Notandum enim 1. Adjectiva nomina, qualia sunt quæ postremò attu-
Adjecti- limus, id saltem rationis involvere, quòd abstrahant ab hoc vel illo subje-
vi termi- cto de quo verificantur. Sic enim *una, tres, communis, improducta*, quan-
niplexq; tum est ex se, præcindunt à Persona vel Essentia una vel trinâ, producta
involunt vel improducta: solitariè namque prolata, relinquunt animum dubium ac
aliquid suspensum, utrum essentiam, an verò personam, vel rem aliquam aliam
rationis. *unam vel improductam* designent. Quæ suspensio est signum præcisionis
 ac indifferentiæ, quam in sua significatione, & per consequens conceptu
 ei correspondente habent. Hæc autem indifferentia iis non convenit à
 parte rei: ibi enim ad sua subiecta sufficienter determinantur: sed per ra-
 tionem tantum. Idque eo magis in præsentī habet locum, quòd prædicata
 prædicta hîc non sint adjectiva propter aliquam formam reipsâ adjacen-
 tem subiecto: sed solum ex modo concipiendi & significandi, cum à parte
 rei maximè substantiva existant.

XXXV. Not. 2. Illud hinc sequi , quòd qui voluerit de divinis loqui in sensu
Et de Di- reali, exclusâ distinctione rationis, debeat horum etiam terminorum in-
vinu lo- differentiam tollere, additis substantivis in quibus verificantur: dicendo
quamur v.g. hoc modo *Essentia Divina est una essentia & Persona sunt tres Perso-*
confor- *na*. Quod si faciat, nihil commune quod de Essentia affirmatur, negabitur
mius mu- de Personis, nihil etiam personis conveniet quod non Essentia; & sic
sandi in Contradictoria cessabit. Sicut enim Essentia est *una essentia*; ita & Per-
substan- sonæ sunt una Essentia: & sicuti Personæ sunt *tres persona*, ita & essentia
tivos. est tres personæ. Idem in aliis exemplis deprehendes, si similiter adjectiva
 per substantiva suppleas: dummodo non obviet relativa oppositio, Ex-
 empli gratiâ, Divina essentia est communis, sive communicabilis essentia,
 & in-

& incommunicabilis Persona: & è converso, Divina persona licet sit incommunicabilis persona, est tamen communicabilis essentia. Similiter intellectio divina est improducta intellectio, simul tamen producta persona. At non valet; Essentia est Pater, sive Persona generans: Ergo Filius est Pater, sive Persona generans. Quia in consequente oppositio relativa intervenit.

Dices. Inutilis & nugatoria est repetitio subiecti in prædicato, dicendo *Essentia est communicabilis essentia, Persona sunt tres persona &c.* Reddit enim propositionem ex parte identicam, qualis in Logica reprobatur. Respondeo, esse quidem inutilem in sensu formali & discursivo: non tamen in sensu reali; qui propius ad simplicem intuitionem accedit. Quia enim in discursu, à notitia unius ad alterius notitiam tendimus, hinc frustra viam relegimus, & ad prius cognitum eodem modo cognoscendum redimus. Quæ est causa, cur in Logica, quæ pro suo fine discursivam scientiam spectat, reprobenentur identicæ propositiones: cur item tot rei simplicis distinctiones, tot conjunctorum divisiones, & substantivorum in adjectiva mutationes, per rationem nostram fiant, ut pluribus dicemus disp. 5. cap. 2. At sensus realis de ulteriori in scientia profectu parum sollicitus, in præsentis objecti cognitione sistit, & si compositione utatur, non nisi rem eandem cum seipsa componit. Quamvis magis propria ei sit intuitio simplex: qualis est Dei & Beatorum, omnia prout in se sunt contemplantium. Hinc non est mirum, si Deum, ut independentem à nostris præcisionibus & discursibus se habet, aliquatenus exprimitere volentes, relicto sensu formali, ad realem sive identicum subinde confugiamus.

Identica propositiones, quæ inutiles pro discursu, propius accedunt ad simplicem notitiam rerum.

Tertiò, ex eodem sacrosancto Myſterio (in cuius, tenebris quoddam veluti formalitatum aut virtualitatum suarum latibulum collocaſſe adverſarii videntur) alias propositiones opponunt: ut *Pater à parte rei communicat Filio essentiam & non personam*: Ergo in Patre est aliquid à parte rei quod comunicat & aliquid quod non comunicat: Ergo aliqua distinctio. Deinde Innocentius III. in Conc. Later. cõtra Joachimum Abbatem, approbavit, omnibusq; credendã proposuit illã propositionẽ Petri Lõbardi: *Essentia seu natura Divina non est generans, neque genita, nec procedens, sed est Pater qui generat, & Filius qui gignitur, & Spiritus sanctus qui procedit*, ut videre est in cap. *Damnamus* de summa Trinitate: Ergo essentia seu natura divina aliquo modo à personis differt à parte rei. Ad hæc iterum argumenta respondendum ut prius: nimirum illas propositiones esse veras in terminis quibus constant, atque à contradictione servari per distinctionem rationis, quam termini *Essentia & persona* involvunt: Patrem quoque per solam rationem, in aliquid communicatum, & non commu-

XXXVI.

Alud argumentum ex eodem Myſterio.

nicatum, distinguui. In sensu verò purè reali, seu entitativo, non est in Patre *aliquid & aliquid*: sed unum & idem, quod simul est communicata essentia, & non communicata persona, juxta dicta num. 33. Cumque tota hæc communicatio essentiæ fiat per identitatem: Patrem communicare Filio essentiam & non personam, aliud tandem non dicit, quam Patrem producere Filium, qui sit ejusdem cum Patre essentiæ, sed personaliter differat. In eodem denique sensu, essentia divina, seu potius entitas & realitas ejus, non est *generans vel genita essentia*, sed *generans vel genita persona*. Verba enim personalia adjectivis æquivalent: unde eodem supplemento substantivo possumus pro his uti, quo pro illis utendum diximus num. 34. Imò & alibi eadem expositio usui veniet, poteritque juxta illam dici, quòd *divina Justitia sit miserans Misericordia: hac verò puniens Justitia*; Ut sic non uno tantum modo, de quo in priori Capite, sed pluribus eandem veritatem salvare possimus.

*Adjectiva sup-
plendo per
substan-
tiva: ex-
cludes fa-
cile con-
tradictio-
nem o-
mnem à
Deo.*

Sed instabis; Verum & falsum aut contradictoria sunt, aut ea supponunt: atqui verum est, *Essentiam esse improductam essentiam*, falsum verò, *esse improductum Filium aut Spiritum sanctum*: ergo de Essentia & Personis, non obstante supplemento adjectivorum per substantiva, adhuc prædicantur contradictoria; quod est contra Regulam aliquoties assertam. Resp. distinguendo consequens: de Essentia & personis veris, quæ reipsâ sunt in Deo, sic nego: de Essentia vera & personis fictis per intellectum, sic concedo. *Filius enim & Spiritus sanctus improducti*, non sunt nec esse possunt à parte rei: sed tantum per intellectum fingentem, sicut Chimææ. Quare haud aliter verum est, Essentiam non esse *Filium improductum*, quam non esse Chimæam: ac pari pacto per distinctionem rationis, aut certè per non-identitatem à parte rei, utramque veritatem salvabis. Regula porro nostra quæ in consequente insinuat, non de Deo cum Chimæis comparato procedit: sed de eodem secundum ea quæ verè contingunt Deo.



CAPUT VII.

Juxta eundem modum satisfit aliis tribus argumentis.

Primum petitur ex Myfterio Incarnationis, & est hujusmodi: Verbum divinum terminat naturam humanam, non ratione alicujus perfectionis absolutæ & communis, sed folius fux personalitatis five fubfiftentiæ relativæ. Ita enim definitur in Concilio Toletano 6. & 11. & paffim à Theologis recipitur. Verba Concilii funt: *Solus Filius fufcepit humanitatem in fingularitate Perfone, non in unitate nature, id eft, in eo quod eft proprium Filii, non quod commune eft Trinitati.* Ergo inter Effentiam Divinam, quæ omnibus Perfonis eft communis, & perfonalitatem Verbi, cit aliqua diftinctio à parte rei. Alioquin de eodem fecundùm idem verificarentur contradictoria. Refpondeo, argumentum hoc fuiiffe ante Sco-
Argu-
mentum
ex Myfte-
rio Incar-
nationis.
 tiftas, à Gilberto Porretano, objectum D. Bernardo & Gallicanis Epifcopis, qui idcirco in Symbolo fidei in Rhemenfi Concilio exhibitio, cujus fæpe antea meminimus, hanc refponfionem dederunt. *Credimus & confi- temur ipfam Divinitatem, five fubftantiam Divinam, five naturam Divinam dicat, incarnatam effe, fed in Filio.* Quo loquendi modo, in fenfu reali, five ex parte rei fignificatæ, nihil aliud intelligunt, quàm Divinitatem effe Incarnatam, non ut Pater vel Spiritus fanctus, fed ut fecunda perfona five Filius eft. In illo enim fenfu Effentia non eft propriè *in Filio*: fiquidem in fupponit diftinctionem aliquam inter id quod ineft & illud cui ineft, quam hîc omnem, præfertim ex mente D. Bernardi, fenfus realis excludit: fed effentia eft ipfe Filius, ifque Incarnatus, & fic etiam effentia ratione Filii, non autem aliquà cæteris perfonis communi, eft Incarnata. Quod optimè quadrat cum definitione Concilii Toletani, ut patet, & nullam inter Effentiam atque relationem Filii diftinctionem infert nifi rationis.

Notandum, juxta hanc rationis diftinctionem, & non aliter accipien-
 dum, quod non pauci Theologi tradunt; unionem humanæ naturæ cum Verbo, ad hujus perfonalitatem terminari immediatè, ad ipfam verò na-
Inter Dei
effentiam
& unionem
hypoſta-
ticam,
nihil me-
diat nifi
per ratio-
nem.
 turam mediatè. Id enim nequit verificari in aliquo medio quod ex parte Verbi fe reneat à parte rei: ubi enim eft fuma identitas, non poteft effe tale medium; cùm nihil inter feipfum mediet. Omnia autem in Verbo effe fummè eadem à parte rei, totâ difp. 2. & 3. probavimus. Debet igitur veri-
 ficari in medio rationis, cujuſmodi eft perfonalitas Verbi. Hæc enim cùm à Divinitate per conceptum differat, nec ratione Divinitatis omnibus perfonis communis, fed Relationis fibi propriæ, terminet unionem: rectè

dicitur per eundem conceptum mediare inter Divinitatem & unionem. Nescio quo pacto Arriaga, qui alibi, atque in eadem etiam disputatione, omnem pluralitatem formalitatum, & *unum & aliud* live *aliquid & aliquid* à Divina essentia, & personalitatibus cum eâ compositis, extra nostros conceptus excludit: disp. tamen 42 Tract. de Trinit. n. 39. & 69. *aliquid in Filio quod immediatè uniatur*, & *aliquid quod tantum mediatè*, extra eosdem admittat. Nisi fortè de mediatione, non formali, sed virtuali loquatur: quod si faciat, fateri debet nobiscum, unionem ad naturam ut in Filio subsistentem, terminari immediatè formaliter; quidquid deinde controversia ad salvanda contradictoria supersit de mediatione virtuali.

*Vindicia
sapientif-
simi Ma-
gistri.*

Pluribus ea quæ ad primum argumentum respondimus, inter alios Doctores, confirmat Petrus Wadingus de Incarnatione disp. 4. dub. 7. à n. 84. & rursus à num. 89. & 99. Cujus, mei quondam Magistri, gratæ memoriæ observantiaque debeo unum verbum, quo lecturis disputationem Arriagæ ad mysterium Trinitatis præviā, sect. 1. num. 13. caveam à sinistra suspicione, quam fortè de Wadingo, sapientissimo sanè Theologo conciperent, sicuti inde aliqui conceperunt. Arriaga enim, ut conatui, prout ait, possibili sed periculoso, mysterium Trinitatis clarius explicandi, occurrat, tacito Wadingi nomine, describit & charactere diverso, notat verba, quæ loco supra citato habet à num. 93. usque ad 96. postea verò fusissimè in illam modum explicandi invehitur; quasi excolleatur, tres personas divinas non esse unum Deum nisi per aggregationem, aliaque æquè absurda conficiantur. Non est hic locus omnes istas consequentias discutendi. Id solum Lectorem moneo, illa quidem verba esse Wadingi; sed mutilata; suppressis illis, quæsi fuissent expressa, & Arriagæ à longissima refutatione, & Lectore ab omni malè opinandi occasione liberaissent. Id ut liqueat, verba Wadingi quæ insunt aliquam pravis istis consequentiis præbent, sunt hæc: quod in SS. Trinitate dentur *tres res*, *quæ necessariò physice idem sapiant, possint, velint, &c.* Atque hæc exprimit Arriaga; ex iisque seorsim aggregatum illud suum deducit. Verba verò, quæ apud Wadingum immediatè sequuntur, sed supprimuntur ab Arriaga, sunt: *sapientia, amore, potentia à quacumque istarum rerum indistincta*. Quis autem non videat, hisce additis, omnem vel scrupulum de Personarum aggregato evanescere? Sed alia pro Catholica veritate Wadingus ibi addidit, pariter ab Arriaga dissimulata: ut ea, quæ post aliquot Patres ibidem citatos subjungit, de Essentia tribus personis communi, non per conceptum universalem, ut fit in humanis, sed per identitatem individuum. Quo autem consilio Arriaga isthæc omiserit, cætera verò detruncata,

ram

tam prolixè insectatus fuerit, nolim conijcere: ipse non solum ætatem, sed etiam eruditionem ac sapientiam habet, ut quærentibus satisfacere possit. Esto hîc satis, nihil illa quæ refutantur, ad Wadingum pertinere.

Alterum argumentum ex suo Doctore subtili Scotistæ sic formant : XXXVIII.

Deus seipsum intelligit sub ratione veri & non sub ratione boni; cùm ob-
jectum formale intellectus sit verum, & non bonum. Ex opposito autem, *Argu-
mentum
ex intel-
lectione
veri &
amore
boni.*
non sub veri, sed sub boni ratione se amat: quia objectum formale volun-
tatis est bonum. Ergo verum & bonum non sunt idem formaliter in Deo.
Hæc enim contradictoria per aliquam distinctionem salvanda. Nec re-
curri hîc potest ad distinctionem rationis: quia Deus seipsum sic intelli-
git & amat à parte rei, independentè à fictione nostra. Superest igitur,
ut recurratur ad distinctionem formalem à parte rei. Respôdeo concessio
Antecedente, negando consequentiam. Ad probationem dico, Contra-
dictoria illa sufficientissimè salvari per distinctionem rationis, quam ipsi
termini *verum, bonum*, in sensu suo formali important. Independentè
verò à distinctione rationis, Deus quidem ut essentiam suam intelligat,
exigit in ea rationem veri: sed à ratione boni distinctam non exigit. Idem
dic de ratione boni necessaria ad amorem. Et sic optima est proportio,
inter potentias, vel potiùs actus divinos, & eorum objecta. Ut enim per-
fectio intellectus verè est in Deo, sed à voluntate indistincta: ita ratio ve-
ritatis illi verissimè correspondet, sed pariter indistincta à bonitate. Qua-
propter, quidquid sit in creaturis, an ibi ratio veri & boni ex parte objecti
differant, necnè in Deo certè est idem formalissimè à parte rei, verum esse
& bonum esse: cumque se Deus intelligit, ut verum bonum intelligit, &
cùm se amat, ut bonum verum se amat; imò ut bonum æternum, immen-
sum, omnipotens, utque verbo absolvam, ut verum Deum se intelligit, ut
bonum Deum se amat, complectendo sub Dei nomine omnia quæ ei
conveniunt à parte rei.

*Deus ut
verum
bonum se
intelligit
& ut ve-
rum bo-
num se
amat.*

Unde patet negandum esse quod additur, Deum se sic intelligere & a-
mare à parte rei independentè à fictione intellectus, si particula *sic* supra
modum contradictorium, atque adeò distinctivum appelleret. Intelligit se
quidem Deus ut verum, & amat ut bonum, idque à parte rei, ante omnem
negotiationem intellectus: sed ut verum & non bonum se non intelligit;
neque, ut bonum non verum se amat, nisi interveniat aliqua cogitatio no-
stra. Quæ tamen quomodo tam hîc quàm in præcedentibus, non sit fictio,
sed mera præcisio, videbitur cap. 4. disp. seq.

3. Denique argumentantur. In Deo actus intelligendi terminatur ad XXXIX.
bona & mala; actus verò volendi tantum ad bona: Ergo actus intelligendi
à parte rei non est actus volendi. Confirmatur. Quia si esset omninò idem
actus

*Aliud
argumē-
tum ex
intelle-
ctione
malorum
non autē
amore.*

actus intelligendi & volendi, sicuti Deus intelligit mala, ita etiam ea vellet. Respondeo, hoc etiam argumentum solvendum à Scotistis. Quia Deus non solum formaliter non vult mala, sed ne quidem entitativè & identicè: ad quod salvandum formalis ipsorum distinctio nil confert. Quia hac non obitante, entitativè sive realiter verissimum est, quòd intellectus divinus sit voluntas, sine ulla distinctione reali. Si autem ad propositionem illam salvandam in sensu formali, non sufficiat, secundum Scotistas, identitas formalis: realis quoque identitas ad idem conformiter in suo sensu faciendum non sufficiet. Vera autem solutio, quantum spectat ad visionem & volitionem liberam Dei, discutienda est toto tractatu sequenti. Quod verò pertinet ad simplicem intelligentiam & complacentiam (quarum utraque in Deo necessaria est) res, meo quidem iudicio, difficultatem non habet. Ea namque est simplicissima Dei natura, ut per seipsam sit intelligentia omnis veri, sive bonum sit, sive malum: non sit autè, nec esse possit cōplacētia seu volitio alicujus mali, sed essentialiter volitio ipsius displicentiaque existat. Neque ulla hic pugna aut contradictio, si idem formalissimè à parte rei, quod est mali displicentia, sit veri intelligentia, & contrà. Utrique enim termini positivi, & neutri ullatenus inter se contrarii. Neque etiam hinc sequitur quod in Confirmationem assumitur. Illa enim simplicissima formalitas, in quam intellectio volitioque conveniunt, non est volitio seu complacentia respectu cujuslibet objecti: sed tantum respectu boni. Quia autem multa vera, quæ idcirco Deus intelligit, non sunt bona sed mala: ideo non omnia quæ intelligit, vult: sed quædam non vult & odit. Nec mirum est, idem respectu diversorum diversimodè se habere; uti ex Capite sequente amplius constabit.

*Demon-
strat om-
nium in-
telligen-
tia: sed nō
compla-
centia ni-
si bonorū.*

CAPUT VIII.

*Alter modus Contradictoria in Deo
salvandi.*

XXX. PRIOR modus erat per distinctionem rationis. Nec aliam ferè habet difficultatem quam quòd durissimum aliquibus videatur, ubi de veritate purè reali agitur, tot propositiones passim receptas aut distinguendas esse, aut etiam reformandas. Quamvis autem per tria priora Capita conati sumus ostendere, quam rectè & secundum rationem id fiat: ne tamen qui his fortè non acquiescent, necessitatem sibi impositam putent ad Formalitates vel distinctorum virtutem declinandi: alterum modum subjicimus, per quem propositiones contradictoriæ, saltem pleræque, salvari possint sine distinctione rationis; rejectâ nihilominus omni mediâ distinctione

atione. Is autem modus consistit in distinctione reali : non quidem directâ extremorum inter se (quam extra personas ad invicem relatas simplicitas divina non patitur) sed indirectâ connotatorum. Pro cuius explanatione,

Notandum 1. *Connotari* ex impositione vocis idem esse quod *consignificari*. Quid est significari. Jam tamen usus obtinuit, ut non quilibet termini qui unâ cum aliis significantur, dicantur connotati : sed ii tantum qui non æquè primò, sed secundariò : neque in recto, sed in obliquo consignantur. Quamvis autem tota hæc connotatio, si formaliter accipiat, sit in vocibus vel conceptibus : objectivè tamen est in rebus quæ dictis vocibus vel conceptibus correspondent. Solet verò connotatio, vel terminus connotatus, plerumque accipi objectivè, & ad plurima, sive in Philosophicis sive in Theologicis explicanda adhiberi. Sic Suarez, Hurtado, Arriaga alique bonæ Notæ Philosophi, secuti D. Thomam opusculo 48. in prædicamento *Ad aliquid* c. 2. & aliis in locis, Relationes prædicamentales constituunt in fundamento connotante terminum : & tamen defendunt, Relationes dari à parte rei ; v. g. unum ovum nemine cogitâre esse simile alteri ovo & dissimile carboni : Beatissimam Virginem independenter à conceptibus nostris esse Matrem Christi &c. Ne quis tamen in doctrina Relationum, haud apud omnes receptâ, difficultatem habeat : saltem passim admittitur, dextrum, sinistrum, suprà, infrà, vestitum, & alia ejusmodi, esse à parte rei ; & tamen vix sunt ulli à quibus aliter quàm per connotationes sive denominationes extrinsecas explicantur.

Not. 2. Omisiss aliis controversiis circa terminos connotatos, ac præsertim illâ, an pertineant intrinsecè ad connotantem quâ talem, an tantum extrinsecè : de quo plura dicenda in tractatu sequenti : de eo saltem inter omnes convenit, quòd connotatorum diversitas sit sufficiens ad Contradictoria salvanda. Idem enim ovum, quod est simile ut connotat alterum ovum, non est simile ut connotat carbonem. Quòd si ovo ut connotanti alterum ovum imponeretur nomen A, ut verò connotanti carbonem, nomen B: licet A & B significarent eandem entitatem in recto, propter illam tamen distinctionum connotationem in obliquo, A erit simile, B autem non erit. Sic etiam quomodocumque connotatio explicetur, Senarius semper est duplex respectu Ternarii, non verò duplex sed dimidius respectu Duodenarii : & nos statim suprà si connotemus terram, infrà si cælum. Urque exempla Theologica addamus: eadem secunda Persona est Filius, ut respicit sive connotat Patrem, non ut Spiritum sanctum: eademque visio Cœlites beat ut repræsentat Divinitatem, non quatenus simul, per eandem formalitatem, aliquas fortè creaturas representat.

XXXXI.

Quanta
ejus vis
ad salvandâ
Contradictoria.

sentar. Adeo verum est quod Logici ad formalem contradictionem requirunt, ut non solum cadat in idem, sed etiam secundum idem, live respectu ejusdem.

*Duplicis
generis
connota-
tiones in
Deo; alia
ad intra,
alia ad
extra.*

Nota 3. Duplicem connotationem distinctorum posse considerari in Deo, unam Deo extrinsecam, cujus termini connotati sunt extra Deum: alteram intrinsecam, cujus terminus est intra Deum ipsum. Prioris generis connotatio est, quâ Clementia v. g. sive Misericordia Dei, refertur ad beneficiendum: Justitia verò vindicativa ad puniendum. Alterius generis est, quâ divina Essentia, vel aliquod ejus Attributum, connotat hanc vel illam Relationem sive Personam. Quæ intrinseca connotatio eo perfectior & ad Contradictoria salvanda efficacior est, quod non per denominationes extrinsecas, sed per inprimam & maximè realem, identitatem cum eadem Essentiâ absolvatur. Longè enim plus est, & distinctioni propinquius, esse idem cum aliquibus inter se distinctis; quàm ea solum circumstantia, aut aliter sibi extrinseca, respicere. Quare etiam plus valet ad præ-

*Duplicis
item ge-
neris con-
tradictio-
ria Essentia-
lia & No-
tiona-
lia.*

standum illum distinctorum effectum, qui est contradictoria salvare. Majoris insuper claritatis causâ, distinguemus Contradictoria, in Essentialia, sic dicta quòd Essentiam, vel ejus Attributa ut omnibus Personis communia, concernant: & in Notionalia, quæ Proprietatem aliquam relativam respiciunt.

XXXXII

*Quomodo
Essentia-
lia possunt
salvari.*

Dico 1. Contradictoria purè Essentialia salvari in Deo possunt, per connotationem extrinsecam realiter distinctorum, aut certè non eorumdem, in rebus creatis. Ita Aureolus in 1. dist. 8. a. 6. & plerique Nominales: quibus ex Recentioribus serè consentiunt Hurtado & Arriaga. Potest autè hæc connotatio fieri variis modis, vel per viam causalitatis, vel per viam æquivalentiæ, vel per modum actus in ordine ad objectum, vel aliter. Priori modo Essentia divina prout connotat omne creabile, Omnipotentia est: ut sublevationem miseriæ, Misericordia: ut puniendâ delicta, Justitia. Altero modo eadem Essentia ut idem eminentissimè præstat quod omnis creabilis Ubicatio vel Duratio, est Immensitas vel Æternitas. Tertio modo illa eadem Essentia ut connotat hæc vel illa ideata, habet rationem hujus vel illius ideæ. Quia autem hæc connotata independentè ab omni distinctione rationis, atque adeo realiter differunt, ideo etiam simplicissimam entitatem divinam sufficienter, quatenus tantum extrinsecâ, distinguunt; ut quatenus iis substat, contradictoria à distinctione rationis independentia admitat.

XLIII.

Quamvis ad hanc conclusionem probandam sufficiat argumentum à pari, deductum ab exemplis relatis Notab. 1. & 2. addi tamen potest hæc ratio à priori; Id nempe quod absolute in seipso est unum & idem, non necesse

necessario esse idem respectivè in ordine ad quidvis aliud : sed posse pro
hujus diversitate diversum veluti officium gerere, aliamve denominationem
subire, prout termino congruet, ab eoque connotato determinabitur. *Ratio à
priori cur
per con-
notata
salvatur.*
Non enim omnes termini omnem rei virtutem, officium, aptitudinem
adæquant: sed multi deficiunt, ideoque res cum iisdem comparata, non
nisi inadæquatè vim suam prodit, atque denominationem à totali suæ
perfectiōis latitudine deficientem, ac veluti contractam & limitatam
fortitur. Sic Deus non connotando supplicia, sed solas miserationes, est
Misericors: quia per eas solas Misericordem se gerit, camque perfectiō-
nem exerit quam nomen Misericordiæ designat. Hanc quoque perfectiō-
nem, & non aliam, actus miserendi requirit. Quapropter concurrunt qui-
dem Iustitia cæteraque divinæ virtutes ad hunc etiam actum: sed idèò
tantum quòd Misericordia sint, non concursuræ nisi hæc essent, quantum-
vis cæteras suas perfectiōnes retinerent.

Dices 1. Saltem Intellectus & Voluntas divina non habent connotata
realiter distincta: Verum enim & Bonum, quæ sola ad rem facerent, non
differunt nisi ratione. Resp. neg. Assumptum. Licet enim verum & bonum
in genere non differant: bonum tamen divinum à vero realiter differt, sal-
tem in multis. Quia bonum divinum non est nisi honestum: Verum au-
tem etiam inhonestum ac indifferèntia complectitur. Sed quidquid sit de di-
stinctione connotatorum per modum obiecti: datur ea saltem per viam
æquivalentiæ. Essentia enim divina dicitur Intellectus, vel potius Intelle-
ctio, quatenus æquivaler intellectuioni nostræ: voluntas verò quatenus vo-
litioni. Differunt autem realiter nostra intellectio & volitio. Ut nihil hic di-
cam de via causandi seu principiandi ad intra: de quâ statim.

XLIV.

Dico 2. Contradictoria Notionalia salvari, serè omnia, possunt per
connotationem intrinsecam Relationum vel Personalitatum realiter di-
stinctarum. Id satis probatum Norab. 3. n. 41. superest ut exemplis declare-
tur. Primò itaque, *Filius procedit per intellectum, & non per voluntatem.*
quia Intellectus ut accipitur notionaliter, connotat generationem passi-
vam Filii: voluntas verò processionem passivâ Spiritus S. quæ cum sint proprie-
tates Filii & Spiritus S., differunt inter se realiter sicut ipsi. Quin etiâ cō-
notato, saltè aliquo, differunt ex parte principii ad intra: ut enim intellectus
est principium Filii, dicit seu connotat relationem solius Patris: ut verò vo-
luntas est principium Spiritus sancti, dicit seu connotat relationem Spi-
ritatoris, quæ etiam quiddativè est in Filio. Videantur D. Thomas 1. p. q.
36. a. 4. ad 1. & 2. & q. 41. a. 5. in c. & Commentatores ibidem. Deinde
Paternitas non communicatur Filio, essentia verò communicatur: quia Es-
sentia ut communicatur, connotat identicè relationem Filii, quam Pater-

*Modus
salvandi
Contra-
dictoria
Notiona-
lia.*

nitas eo modo non connotat. Ut enim notavimus suprâ n. 36. hæc communicatio non fit nisi per identitatem: sola autem Essentia, non verò Paternitas, est eadem cum Filio. Hujus porro connotati identici ratione, quod à Patre realiter differt, potest Essentia suscipere prædicatum communicationis, quod paternitas non suscipit. Utque alia exempla similiter solvenda præteream: *Verbum divinum per se immediate unitur humanitati Christi: Natura verò divina sic non unitur:* quia Natura identicè connotat Patrem & Spiritum sanctum realiter distinctos à Verbo, quos unio non attingit. In his itaque contradictoriis, unum semper extremum connotato aliquo alterum superat quod ab hoc realiter differt: ideoque juxta legem connotatorum, est capax, ut quod affirmatur de altero, de ipso ut huic connotato substat, negetur; vel contrâ.

XLV. Dixi in 1. Assertionem, *per connotationem realiter distinctorum, aut certe non eorumdem.* Quia non identitatem à distinctione differre, si alterum

Ad tollendam contradictionem sufficit non identitas connotatorum.

extremum non fuerit positivum, indicavi suprâ n. 20. Id autem in præsentī venire usui potest: ut scilicet per connotata salvemus contradictoria inter scientiam simplicis intelligentiæ quæ versatur circa creaturas posibles, & scientiam visionis quæ circa existentes. Nam creaturæ posibles differunt realiter ab existentibus: sed tantum non sunt eadem cum ipsis. Dixi item in 2. assertionem, *Contradictoria notionalia ferè omnia sic posse salvari.* Vidimus enim in hac disp. num. 34. hæc contradictoria, *Essentia est sanctorum una: Persona autem non sunt tantum una, sed tres,* non posse salvari nisi per distinctionem rationis. Ibidem autem n. 35. modum dedimus, juxta quem à parte rei, salvo toto Mysterio, evanescent hæc contradictoria, ideoque non egeant ut à contradicendo salventur.

XLVI. Sed tam contra illum modum, quàm contra ultimam assertionem, obijciens primò; id ipsum intelligi non posse, quomodo unum prorsus indi-

ss. Trinitatis mysterium non hic probandum, sed supponendum.

distinctum ab aliquo, per intimam tamen identitatem connotet aliqua distincta ab ipso: sive quo pacto Essentia divina omnino simplex & indistincta identificetur cum tribus Personis inter se distinctis. Resp. q. id non intelligimus, agnoscamus sublimitatem Mysterii & Intellectus nostri imbecillitatem. Trinitatis enim mysterium credi à nobis posse ac debere: elarè verò intelligi naturaliter non posse, ferè omnes cum D. Thoma 1. p. q. 32. Scholastici fatentur. Unde nec Scotistæ, tantum possunt tribuere distinctioni formali, aut alii virtuali vel eminentiali, ut eà admittat. Mysterium illud omninò clarum ac facile fiat. Vel hinc enim ejusmodi distinctiones redderentur admodum de falsitate suspectæ, quòd Mysterii tam ineffabilis difficultatem auferrent. Mysterio igitur, quamvis difficillimo, firmiter credito per Fidem, id solum Catholico agendum, ut solvat argumenta

con-

contraria, ostendatque ea nihil evincere contra veritatem Mysterii. Ad *id se credenda*
 quod legitime præstandum, ex ipsamet ejus obscuritate quasi fax accen- *argumē-*
 ditur. Obscurum quippe conceptuque difficile est, quomodo res una in *ta cōtra-*
 Substantia, sit in personis trina: sed id ipsum efficit, ut de illâ quatenus uni *ria ex sei-*
 Personæ identificatur, affirmare quid possis, quod de eadem ut aliam con- *pso dissol-*
 notat, sine contradictione neges. Id quoque efficit, ut substantivè & in *vit.*
 sensu reali de Essentia ut cum omnibus identificatur, prædicare nil possis,
 quod in eodem sensu suprâ pluribus explicato, Personis omnibus non
 conveniat.

Objicies 2. Hæc ratio solvendi contradictoria est eadem cum illa quam
 tenent Nominales, Arriaga & alii, à nobis refutati in præsentî disp. cap. 1.
 2.3. Resp. non esse eandem. Quamvis enim omnes rem eandem suppo-
 nant, scilicet mysterium SS. Trinitatis: haud eo tamen modo quo nos fa-
 cimus, id applicat ad contradictoria. Atque illi inprimis contra quos e-
 gimus c. 1. nullâ habent rationem ea salvandi, sed terminos divinos libe-
 rè sibi contradicere sinunt. Alii verò quos refellimus c. 2. formalem quidè
 contradictionem tollere satagunt, haud tamen per ullam distinctionem
 formalem aut veram, sed per solam virtutem vel æquivalentiam distincto-
 rum. Illi autem quorum opinionem discussimus cap. 3. in solo forsan lo-
 quendi modo à nobis dissident. Vitandæ tamen ambiguitatis causâ no-
 strum ibi prætulimus num. 18. utpotè claris ac receptis terminis constan-
 tem, nihilque fumentem, quod vel Mysterium, vel communes Logicorum
 regulæ apertè non dicent.

DISPUTATIO QUINTA.

DE DISTINCTIONE RATIO-
nis in Deo.

CAPUT I.

An divina perfectiones à parte rei indistinctæ saltem distin-
guantur ratione?



Requenter suprâ, ac præsertim in priori disputatione
 supposuimus, ea quæ in Deo identificantur à parte rei, *1.*
 distingui à nobis per rationem: hujus verò assertionem
 exinstituto, & uberiolem explicationem remisimus ad
 disputationem præsentem. Utramque igitur hîc dabi-
 mus, secuti naturalem ordinem pluribus Theologis usi-

tatum, quo prius remotis ab essentia divina majoribus distinctionibus ad minimam tandem, quæ est rationis, discutiendam descenditur.

Ut ad rem veniamus, experientiâ constat infinitam Dei perfectionem, quam hæcenus in se unam simplicissimamque ostendimus; instar multiplicis & compositæ intellectui nostro occurrere: cumque in Deo idem planè sit intelligere & velle, item esse justum & misericordem esse, offerri tamen ut plura, & aliter Deum objici sive repræsentari dum cogitatur intelligens aut misericors, aliter dum concipitur volens & justus. Neque id quispiam negat, aut negare potest. Sed inter Nominales aliosq; Theol. controvertitur: an propter differentes illos conceptus, sub quibus aliter atque aliter diviæ essentia nobis apparet, dici possit aut debeat, eam aliquo modo distingui seu differre: non quidem absolute & à parte rei, sed secundum quid, sive *per rationem*, utque alii loquuntur, *apprehensionem, cogitationem, conceptum*? Negant communiter Nominales, ut Occam in 1. dist. 2. Gabriel ibidem a. 2. Aliacensis & Marsilius q. 6. Major dist. 8. q. 1. Gregorius ibidem q. 2. a. 1. & 2. Aureolus dist. 45. Affirmant communiter Thomistæ, cæterique Theologi.

Dico. Divina essentia ejusque Attributa, uti & Relationes cum iisdem compositæ, differunt ratione. Ita Scholastici jam laudati: quibus adde Patres & Theologos Concilii Florentini, qui, sicuti vidimus disp. 3. cap. 2. sæpissimè in materiis fidei ibidem controversis illam rationis distinctionem; ipso etiam approbante Concilio, in Deo assèrunt aut supponunt. Id sufficit ad Deum distinguendum per rationem. Probat autem. Quia omne objectum quod à parte rei indistinctum, per operationem tamen intellectus tamquam distinctum apparet, ratione distinguitur: sed talia sunt objecta, quorum cõclusio meminit: Ergo. Minor, uti diximus experientiâ constat, ideoque nec à Nominalibus negatur; quippe qui diffiteri non possunt, aliter sibi objici Deum quando eum concipiunt ut Sapientem, aliter quando ut Justum &c. Tota ergo difficultas quâ movent est in Majore. Cui difficultati non satisfaciet, si dicamus id ipsũ quod in Majore exprimitur, & nihil aliud, intelligi per distinctionem rationis: dicent enim id fieri per abusum vocis *distinctio*. Utque id probent.

11. Obijciunt 1. Deum in se simplicem, apparere intellectui ut multiplicem, nihil aliud est, quàm per modum objecti terminare diversos conceptus. Id porro non sufficit ut dicatur distingui ratione. Quia per id solum quid

Quo quid constituitur per idem distinguuntur. distinguitur, per quod constituitur in esse. Atqui res simplex per multiplicem sui apparentiâ non constituitur in suo esse. Nihil quippe potest in suo esse constitui per aliquid sibi extrinsecum: sed tantum per seipsum aut aliquid sui. Noster autem conceptus, qui est tota ratio, cur Deus, vel alia res simplex, instar multiplicis videatur, est rei extrinsecus. Resp. dissimulatâ

Majore,

Majore, de qua pluribus infra, nego Minorem. Ad probationem, admitto Majorem. Vel enim unaquæque res est formaliter eadem aut distincta per seipsam: vel certe identitas aut distinctio entitatem consequitur, atque ad eam illam, tanquam radicem aut fundamentum, præsupponit. Sed nego rursus Minorem. Omnis namque cognitio, cum aliquo tandem modo, sit imago aut similitudo rei cognitæ, aliquid quoque esse ei confert, quod *objectivum, intentionale, representativum, apparens*, aut aliis nominibus æquivalentibus, famosissimè autem *Ens rationis* appellatur. Quare haud mirum, si aliquam interdum distinctionem proportionatam simul conferat aut addat. Pro cuius majore declaratione,

Not. 1. De imagine illa aut similitudine intentionali duas esse sententias. Prima Thomistis familiaris, vult utrâque esse tam perfectam, ut objectum in mente, cum eodem extra mentem existente à parte rei, conveniat univocè in essentia eadem, ac solum differat penes modum existendi, qui in mente est intentionalis, extra illam verò realis. E contrario Nominales, ac recentiores non pauci, volunt eandem similitudinem sive imaginem esse tam imperfectam, ut sæpissimè ab objecto plus quam genere differat: quippè quæ in intellectu creato sit essentialiter accidens de prædicamento Qualitatis, cum objecta sæpius sint substantiæ, aut ad alia prædicamenta pertineant. Unde inferunt cognitionem non nisi analogicè dici similitudinem objecti: hac nempe proportionem, quòd cognitione internâ haud minus nobis innotescat objectum, quam si illud antè oculos in perfecta sui imagine expressum intueremur.

Not. 2. Utramque sententiam conciliari faciliè posse, si quod asserunt Thomistæ, dicamus esse verum de cognitione in esse intentionali seu representativo; quatenus per eam hoc vel illo modo intellectui res obijciatur sive apparet: id, verò quod posterior sententia affirmat, esse verum de cognitione in esse physico seu entitativo; quatenus est forma quædam intellectum informans, & ad prædicamentum Qualitatis, certumque ejus genus ac speciem spectat. Nihil enim aliud est, cognitionem esse similitudinem univocam in representando, quàm representare objectum secundum essentiam quam verè in se habet, sive facere illud cognosci sicuti in se est. Quia in hoc ipso est quædam conformitas in representando, quòd cognitio taliter representet objectum, qualiter ipsam est: sicuti etiam est conformitas quædam inter res & verba, quando de illa loquimur, prout à parte rei se habet. Hæc autem in cognoscendo conformitas, & nihil aliud, est isthæc de qua agimus, intentionalis similitudo. Eandem verò cognitionem esse valde æquivocam, aut certè Analogam, in essendo, est, illam ipsam formam, quæ effectum illum formalem cognoscendi objectum

Quomodo
res consi-
tuatur in
esse per
rationem?

III.

Conci-
liantur
sententia.

sicuti

sicuti est, nobis confert, non esse ejusdem naturæ cum objecto : sed sæpe specie aut etiam toto genere ab illo differre. Horum posterius non negant Thomistæ : nec prius diffiteri alii possunt. Ut tamen melius conformitatem illam sive similitudinem apprehendamus,

IV.

*Expli-
tur am-
plius,
quales
verum i-
magines
sint nostri
conceptus*

Not. 3. Ad imaginem seu similitudinem formalem, qualis est cognitio, percipiendam manuduci aliquatenus nos posse ab imaginibus instrumentalibus & objectivis, quales sensibus proponuntur. Quamvis enim inter has quædam univocè convenient cum objectis quæ repræsentant ; ut filius cum suo patre, vel statua Cæsaris, in exterioribus saltem coloribus & lineamentis, cum Cæsare : aliæ tamen nullam ferè cum iisdem in essendo convenientiam habent ; cujusmodi sunt imagines emblematicæ seu hieroglyphicæ quæ signis corporeis, v.g. animalium aut florum, spirituales animi mores & affectus designant, ut leo piæ fortitudinem, lilium castitatem. Quales item sunt notæ Musicæ, quæ pauculis ductibus omnes vocum sonos modullosque depingunt : imò vulgaris Alphabeti characteres, qui atramento & calamo in charta notati, quid & quomodo loquendum, quid animo sentiendum, perfectissimè exprimunt, adeo ut ipsis visis ipsosmet affectus vel voces tibi cernere videaris. Mentis porro conceptus, de quibus hic agimus, si entitativè utque sunt reipsa, considerentur, non ad prius genus imaginum sed ad posterius accedunt : nihilominus quàm optimè & clarissimè repræsentant objectum. Id solum discriminis est, quod imagines objectivæ in rei repræsentatæ notitiam nos ducant mediante aliquo discursu, vel memoria ejus, quæ ex illis prius cognitis ad rem significatam cognoscendam transimus : imagines verò formales immediatè seipsis, quamvis incognitis, præstant, ut ab intellectu quem vitaliter informant, sua objecta cognoscantur.

*Quales-
cumque
sint, sal-
tem pos-
sunt pro
rebus re-
præsenta-
tis suppo-
ni. Et sic
eas di-
stinguere.*

Ut ab hisce prænotatis ad rem ipsam veniamus, qualiscumque tandem rei cognitæ imago sit cognitio, sive univoca sive analoga, clarum est quomodo illa possit pro re ipsa supponi : sic ut pari phrasi dicatur per illam res esse in mente, quæ vel Crucifixus dicitur esse in templo, & Cæsar in foro, collocatis ibi statuis eorum : vel potius in tali libro contineri feruntur tales cantiones vel historiz, contentis in eo earumdem notis. Quemadmodum autem, si plures statuz non materialiter tantum, ratione auti vel argenti ex quo constant, sed formaliter ratione figuræ ac signi, inter se differant, personæ quoque in iisdem expressæ differre dicuntur v. g. idem Cæsar hic esse senex ibi juvenis, hic miles alibi Senator : ita etiam per cognitiones in repræsentando diversas, earum objecta distinguuntur, atque unus & idem Deus hic Misericors, ibi Justus, alibi Omnipotens denominatur.

Sed

Sed urgebunt Nominales, ut solvatur ultima pars objectionis, quòd nihil possit in suo esse constitui, ideoque nec distingui, per aliquid sibi extrinsecum, cujusmodi est cognitio. Quod confirmari potest inductione factâ per alias mutationes extrinsecas, quæ circa rem fiunt. Neque enim ulla res fit eadem vel distincta, quòd videatur, ametur, moveatur, existat in diversis locis &c. Ergo neque eadem fiet vel distinguetur, quia eodem conceptu vel diverso intelligitur. Imò ne intrinsecæ quidem mutationes rem distinguunt: v.g. in lac inducitur albedo & dulcedo, per hoc tamen non distinguitur lac, sed tantum albedo & dulcedo inter se distinguuntur: Ergo à fortiori, res non distinguetur propter extrinsecos conceptus, sed tantum sequetur conceptus ipsos distingui. Resp. distinguendo Assumptum: Nihil potest in suo esse constitui & distingui per aliquid sibi extrinsecum quoad omnem modum essendi, sic concedo: per aliquid extrinsecum quoad aliquem tantum modum essendi, licet quoad alium modum sit intrinsecum, nego. Cognitio verò est rei extrinseca quoad unum tantum modum essendi qui est realis, non quoad omnem modum: ingreditur enim intrinsecè modum essendi intentionalem, eumque instar formæ constituit. Quare magna est differentia inter cognitionem & alias formas (exceptâ saltem visione) quarum conclusio meminit. Hæ enim sunt rebus extrinsecæ secundum omnem essendi modum, & per consequens distinguendi; cum non sint rerum imagines, neque reales neque intentionales. Fateor modum existendi quem res habet per notitiam creatam, esse admodum imperfectum & diminutum respectu existentie realis quam res habet in seipsa, adèd ut res non possit dici per illum esse simpliciter, sed tantum secundum quid, cum addito *intentionaliter, objectivè* &c. Similiter imperfectus ac diminutus est modus rem per conceptum distinguendi. Qualiscunque tamen fuerit is modus sicuti aliquod esse rei tribuit, ita aliquâ saltem ratione, quâ salvâ contradictoria possint, eam distinguit.

Per qua extrinsecas res possit constitui & distingui, per qua non?

Dixi paulò ante, magnam esse differentiam inter cognitionem & alias illas formas *exceptâ saltem visione*: nimirum externâ, de qua loquitur argumentum. Cum enim hæc sit vera cognitio & objecti imago, haud minus quàm visio interna, potest æquè atque hæc, objectum suum constituere in novo aliquo esse, & secundum illud distinguere. Idque experientia confirmat. Visus enim, si alterum oculum circa angulos premas, rem unâ, v.g. candelam, offeret tibi ut geminam: & si per vitrum triangulare, unum aliquem colorem intuearis, apparebit tibi mille aliis variegatus. Quæ candelæ geminatio & colorum varietas non est extra visum: sed pari modo per hunc suum esse differentiamque sortitur, quo alia entia per intel-

VI.

visio quoque externa objectum suum distinguit.

O

ctum.

ctum. Imò hæc sensibilia exempla, unius coloris v.g. ad eò distincti ac variegati in esse viso, commodissima sunt ut apprehendamus, quo pacto res una & simplex, v.g. Deus vel Angelus, apparere possit multiplex per intellectum : & quidem sine ullis formalitatibus à parte rei distinctis ; cum nemo in una candela vel colore multiplicet formalitates à parte rei, pro multitudine ac varietate quam in oculis intuentium vera objecta accipiunt.

*Quid Ens
rationis
simplici-
ter, siue
essentia-
liter?*

Sed obijciunt 3. Ergo ex Essentia divina ejusque Attributis facimus entia rationis. Quia damus illis per intellectum, aliquod esse intentionale seu objectivum, quod est rationis. Quid autem hoc est aliud, quam loco veri Dei Chimæram aliquam aut idolum sibi imaginari ? Resp. neg. consequ. Quia ens rationis simpliciter prolatur, non designat id quod accidentaliter obijciatur intellectui, cum alioquin existat vel existere possit à parte rei : sed quod essentialiter obijciatur, itæut nec habeat nec habere possit aliud esse, quàm quod obijciatur. Porro Deus ejusque Attribute, purè accidentaliter obijciuntur intellectui : cum habeant aliud esse ratum ac solidum, secundum quod existunt, & quidem necessariò à parte rei. Hinc patet quid sit dicendum ad probationem. Fatendum enim quod Deum ejusque Attribute concipientes, aliquod quoque esse intentionale seu rationis iis demus : sed quia hoc totum accidentale & extrinsecum est, quod aliud esse intrinsecum & reale præsupponit, idcirco Deum & ejus Attribute non denominat absolute, sed secundum quid, sive cum aliquo addito ; ut non aliter dici possint entia rationis, quam ut stant sub esse intentionali, ut intellectui obijciuntur, secundum esse conceptum, &c. Quod tamen intelligendum de Deo & attributis secundum substantiam suam. Ipse enim modus distinctionis potest dici rationis simpliciter : cum nullam distinctionem, actualem vel possibilem, sibi correspondentem in Deo habeat. An autem hæc interveniat aliqua fictio vel falsitas, videbimus cap. 4.

VII.

*Longè id
differt ab
ente
rationis
acciden-
tali.*

Obijciunt 4. Nullum ens rationis potest distingui realiter : Ergo nullum ens reale potest distingui ratione. Est enim paritas. Respondeo sub distinctione paulò antè explicatâ : Nullum ens quod est rationis essentialiter, potest distingui realiter, concedo. Quia cum essentialiter à ratione dependeat, non potest existere à parte rei, & per consequens nec unum ibi esse, nec multiplex. Nullum verò ens quod est rationis accidentaliter, potest distingui realiter, nego. Sic enim universalia omnia, tam generica quam specifica, cum sint quid unum per rationem, sunt tamen multa secundum rem. Quia genera in speciebus & species in individuis realiter multiplicantur. Quare potiori jure possumus retorquere argumentum, &

pro

pro nobis paritatem urgere. Cur enim Deus qui à parte rei est simplex, non possit accidentaliter per rationem distinguì: sicuti juxta receptissimam philosophiam, individua realiter multa, per rationem accidentalem adunantur in una specie, & multæ species in genere uno?

Obijciunt 5. Omnis illa diversitas conceptuum quos de Deo formamus, referri potest in sola connotata diversa: Ergo non arguit ullam rationis distinctionem in ipso Deo. Consequentia patet: quia distinctio connotatorum vel est extra Deum, vel si sit in Deo ipso, est realis Personarum, non autem solius rationis distinctio. Antecedens probatur ex toto cap. 8. disp. 4. Respondeo neg. Antecedens. Sub finem enim Capituli *Quid cõ-* num. 45. aliquam saltem propositionem dedimus, quæ sub iisdem termi-
ferat di-
stinctio
rationis
supra di-
stinctionē
per con-
notata. nis salvari non potest per sola connotata. Quòd si in cæteris plerisque, ut ibidem ostendimus, per diversa connotata contradictorius satisfacere possimus: alter satisfaciendi modus cum priore non pugnat, sed potius eum præsupponit pro ordinario fundamento. Idque insuper adfert, quod non solum in obliquo concipiamus quædam distincta, Deo sapius extrinseca: sed aliam quoque atque aliam perfectionem Deo intrinsecam distinguamus in recto; quod connotata non faciunt. Quæ distinctio in recto quos habeat alios usus, præterquam solvendi contradictoria, dicemus c. sequente, conclusione 2.

CAPUT II.

Quibus de causis distinguamus Deum per rationem?

Dico 1. Causa proxima hujus distinctionis est, quòd Deum in hac vita non cognoscamus immediatè per species proprias & quidditativas: *Causa*
proxima
distin-
guendi
Deū per
rationem sed mediatè per species alienas & accidentales. Est D. Bernardi verbote- nus citati disputatione 3. n. 28. ubi hanc vocum, & per consequens conceptuum multitudinem, quibus versamur circa Deum, refert in speculum & ænigma, per quæ in mortali hoc corpore divina cõtemplamur. Alludit ad illud Apostoli 1. ad Cor. 13. *Videmus nunc per speculum in ænigmate: tunc autem facie ad faciem. Nunc cognosco ex parte &c.* Quà postremà particulā *ex parte* quidni dicamus insinuari imperfectum illum & inadæquatum concipiendi modum, quo Deum in se simplicissimum in diversas formalitates veluti in partes distinguimus, & unam, alterā reliquā, apprehendentes ac prædicantes, implemus id quod Apostolus præmiserat: *ex parte cognoscimus, & ex parte prophetamus?* Ipsum verò speculum & ænigma, per quod hic Deum cognoscimus, non esse aliud quàm creaturas, quæ per sui species ad Dei notitiam nobis ingenerandam concurrunt, fa-

tis colligitur ex eodem Apostolo ad Romanos 1.v. 20. cum ait. *Invisibilia ipsius à creaturâ mundi, per ea quæ facta sunt, intellecta conspiciuntur, sempiterna quoque ejus virtus & divinitas.* Similem in sensum Scriptura præverat Sap. 13. v.5. à magnitudine speciei & creatura cognoscibiliter poterat *creator horum videri.* Quæ tamen magnitudo quantulla est si cum speculum Deo componatur? tamquam momentum statera & gutta rosis anteludat, *cani*: ut eodem libro dicitur cap. 11. vers. 23. Haud igitur mirandum si & quale? speculi instar convexi, Majestatem divinam seipsâ longè minorem repræsentet.

*Eadem
veluti
interpre-
tes Dei.*

Id porro quod Bernardus suprà similitudine speculi, idem in serm. fer. 2. Patch. *de duobus Discipulis euntibus in Emam*, declarat exemplo Josephi dissimulantis se apud Fratres Gen. 42. iisque loquentis per interpretem. Creaturæ namque pro hoc statu peregrinationis sunt veluti interpretes Dei, occultantis suam faciem, & beatum illud verbum prementis silentio, quod eum statim qualis in se est manifestaret. Interea Interpretum, aliis atque aliis linguis utentium, multitudo unicum illud ac simplicissimum Verbum, Deo proprium ac veluti nativum, distrahit in diversa, ac dissonantiâ propè Babylonicâ confundit. Mirro plures autoritates pro conclusione tam communi, idque solùm animadverto; Cum non solum D. Bernardus, sed ipse etiam Apostolus, imperfectam illam & diminutam rerum divinarum notitiam referat in cognitionem ænigmaticam Dei, à creaturis decerptam: aut malè aut saltem supervacaneè eam à Scotistis referri in formalitates diminutas à parte rei; quarum singulæ non perfectæ & totaliter, sed imperfectæ & velut ex parte Deum constituent.

IX.

*Species aliena in
repræsen-
tando imi-
tatur pro-
pria obje-
cta.*

*Mens nostra in
suis concep-
tibus simili-
bus gregi La-
bani.*

Ratio autem Assertionis est. Quia species accidentales & alienæ, illa objecta, quorum respectu alienæ & accidentales dicuntur, exprimunt semper juxta modum objectorum, quorum ipsæ sunt propriæ & quidditivæ. Cum igitur in creaturis, unde ad Dei cognitionem species mutamur, perfectiones quæ in Deo identificantur, invenimus distinctas: hinc etiam in Deo illas apprehendimus, ac si essent distinctæ. Simili de causâ Animam nostram, & Angelos, & Deum, quamvis corporis expertes, instar corporeorum nobis objicimus: quia species, quibus in eorum notitiâ ducimur, à rebus corporeis deciduntur. Et creatura omnis, etiam Angelica, naturali modo cognoscendi derelicta, in omni cognitione de Deo aliquid sapit creatum: quia eam omnem ex creaturis, tamquam cognoscendi principiis, petit. Adeo ut menti nostræ in suis conceptibus idem evenire videatur, quod Genesis 30. gregi Labani in suis. Ut enim oves, obrutu in virgas diversicolores defixo, maculosi velleris fetus concipiebant, suoque tempore pariebant: ita & mens nostra pro varietate objectorum,

etorum ex quibus præcognitis aliud quidpiam cognoscit, suam de illo notitiam inficit, variamque & sæpe rebus dissimilem gignit.

Confirmatur, & magis explicatur, expendendo duplicem viam. quâ x.
per creaturas adscendimus ad notitiam Dei. Prima est causalitatis: altera similitudinis. Si primam ineamus, Deum agnoscimus Misericordem quia miseretur, Iustum quia punit, Potentem quia creat, imò & Sapientem ac providum, quia huiusmodi perfectiones creaturis communicat: juxta illud Davidis Psalm. 93. *Qui plantavit aurem non audies? aut qui finxit oculum non considerat?* Cum autem effectus hi creati inter se differant, eorumque nullus divinam perfectionem adæquet, sed hæc omnes & singulos in infinitum excedat: ideo etiam species atque notitiæ inde decerptæ inter se differunt, & non nisi inadæquatè ac deficienter Deum repræsentant. Si insistamus alteri viæ, quæ est similitudinis, eo ducimur principio, quod est nobis veluti innatum, ut per rerum nobis familiarium & notarum imagines, apud animum nostrum depingamus ignotas. Sic qui mare non vidit, illud sibi imaginatur instar Rheni vel Scaldis aliquando cogniti, cujus solummodo ripas à conspectu removeat: & Tityrus ille Virgiliæ naturalis præbendæ diuina.
nus naturalem suam de Urbe Romanâ nondum visa sententiam exprimit hisce versibus.

*Urbem quam dicunt Romam, Melibææ, putavi
Stultus ego huic nostra similem, quò sæpè solemus
Pastores ovium teneros depellere fœtus.
Sic canibus catulos similes, sic matribus hædos
Noram: sic parvis componere magna solebam.*

Neque antè sententiam deposuit, quàm Romam invisens, experientiâ didicit, quòd

*tantum alias inter caput extulit Vrbes,
Quantum lenta solent inter viburna cupressi.*

Ex hoc igitur principio debemus perfectiones divinas instar distinctarum apprehendere, quia creaturæ omnes, quarum similitudine ducimur, ut sunt in se distinctæ, ita & distinctas species atque imagines animis nostris ingerunt. Quas quidem circa Deum ipsum clara experientia per visionem beatam, penitus abolebit in patria: hic verò utcumque, partim auctoritas, partim ratio, si non in primis apprehensionibus, saltem in assensu sive iudicio, apud peritiores emendat.

Ut in re sacra discursum hunc sacrâ quadam Allegoriâ concludam. Moyses Exodi 3. cum alios ignes non novisset quàm qui lignum sibi applicatum comburerent, obstupuit ad visionem hanc magnam quòd rubus arderet & non combureretur. Antehac enim non didicerat, aliter quàm ex

notis de incognitis arbitrari. Sed Dominus propius ad rubum accessurum inhibuit, & solvenda de pedibus calceamenta mandavit; Ut nempe de divinis judicaturus haud se rerum mortalium quantumvis usu inveteratarum involucris implicaret: sed animum ab harum præjudicio liberum ad ea sincerius æstimanda adferret. Id nobis, non solum in præsentī tractatu de Simplicitate divina, sed etiam in altero de Libertate imitandum: deponendæ ex animo multarum imperfectionum exuviæ ab objectis nobis familiaribus decerpæ, ac nudo veluti pede Diviniora attingenda.

X I. Dico 2. Remota & radicalis causa ejusdem distinctionis, pro hoc statu mortali, est natura nostra rationalis; quippe quæ per definitionem, compositionem, divisionem, discursum, ex notioribus ignotorum notitiam sibi parat. Id enim ut legitimè fiat universalioribus conceptibus, atq; adeò abstractionibus & distinctionibus rationis, est opus. Quia si omnes conceptus manerent æquè determinati ad notiora objecta, numquam ad ignotiora transferrentur. Exempli gratiâ, ut hanc qualemcumque Majestatis divinæ descriptionem legitimè formem, *Summum bonum*, non possum concipere *summum*, prout sensus offerunt in aliquo monte vel turri, nec *bonum* ut cum ulla creatura concretum: sed debeo utrumq; à particularibus subiectis, non solum inhæssionis, verum etiam prædicationis præscindere ac purgare: & sic tandem aptum erit, quod alicui conceptui de divinis formando deserviat. *Bonum hoc*, inquit Augustinus l. 8. de Trinit. cap. 3. & *bonum illud. Tolle hoc & illud, & vide ipsum Bonum si potes, ita Deum videbis*, Quæ ipsius boni segregatio, ac veluti extractio à particularibus bonis, non fit in hac vita nisi per conceptus præcisivos & distinctivos; qui deinde applicati Deo, ac inter se compositi, omnem illam varietatem differentiamque efficiunt, sub qua nobis in hac vita apparet.

Not. 1. Causam in hac conclusiōe expressam vocari remotam: alteram verò cujus in priore meminimus, proximam dici. Quia ultima radix cur per alienas species ad notitiam divinorum proficere possimus, est vis discursiva ut cætera addiscendi instrumenta, supra memorata, aut complectitur aut supponit. Absque hac virtute, supra sensus non saperemus, non divinorum tantum, sed omnium etiam spiritualium, imò & substantiarum, naturaliter ignari: & per consequens, species nostræ suis objectis sensibilibus affixæ, numquam ad altiora assurgerent. Quia autem hæc discurrendi virtus atque fecunditas à natura nobis inest: hinc objectorum, quæ novimus species, ad aliorum quæ ignoramus notitiam servire ac transferri possunt.

XII. Not. tamen 2. Species per quas Deum cognoscimus, non esse semper alienas

alienas formaliter & actu: sed saltem causaliter & virtute. Sæpius namque apprehendimus divina, nullius creaturæ notitiâ actu & formaliter expressa: sed nunquam ita apprehendimus, quin hunc, vel illum apprehendendi modum ad præviam objecti alicujus creati notitiâ, tanquam ad causam sic apprehendendi, referre possimus. Quemadmodum Logici docent nos quidem sæpius assentiri conclusioni ex præmissis deductæ, quamvis actu non reperamus præmissas: id tamen fieri in virtute præhabitarum præmissarum. Sicuti nihilominus hujusmodi conclusiones, licet actu à præmissis non pendeant, ob dependentiam illam virtualem, pro istarum diversitate sunt diversæ: ita & apprehensiones.

Ex dictis autem sequitur 1. Distinctionem rationis circa Deum, tam esse propriam statui Viatorum, ut nec in Deo intuentur seipsum, neque in Beatis eum clarè videntibus, habeat locum. In his enim cessant causæ Deum distinguendi: tum proxima, quia non mediâtè per species alienas intuentur Deum, sed immediâtè per seipsum, qui se mentiri non potest, ideoque nec distinctum offerre, ubi non distinguitur: tum remota, quia non per compositionem aut discursum, sed simplici intuitu eum cognoscunt. Quare eorum intellectus perinde se habet ad Deum, atque oculus nullo adulterino colore, figurâ densitate vel raritate, distantia, in se aëreque vitiatum, ad debitè illuminatum colorem; quem hoc casu sine fuco ullo aut vitio, planè ut in se est, repræsentari oportet. Egregiam D. Bernardi pro hac re sententiam retulimus loco citato sub initium capitis præsentis. Eodem facit, quod Apostolus ad verba ibidem relata addit: *Cum autem venerit quod perfectum est, evacuabitur quod ex parte est. Cum essem parvulus, loquebar ut parvulus, cogitabam ut parvulus, sapiebam ut parvulus. Quando autem factus sum vir, evacuavi quæ erant parvuli.* In cælo sanè missas faciemus, penitusque abolebimus omnes hæc cogitationes imperfectas, & tam nostro, quàm regularum quibus assuevimus, modulo commentas, aliosque animos divinæ Majestati, sicuti in se est, contemplantæ pares induemus.

Sequitur 2. Alias quasdam hujus distinctionis causas, quæ à plerisque adduci solent, aut esse superfluas, aut etiam falsas, nisi ad suprâ assertas revocentur. Una inter alias celebrior ac plausibilior est: quòd Dei perfectio infinita haud aliter se habeat in sui communicatione intentionali cum creaturis, quàm in reali: sicuti igitur non communicatur realiter nisi per partes, dando hisce esse, aliis vivere, aliis sentire vel intelligere, & ubi hæc conveniunt in eandem substantiam, ejus saltem potentias & virtutes distinguendo, ita nec intentionaliter se communicat, nisi per inadæquatos ac parciales conceptus, quorum uni imprimat sui imaginem tantum ut

Despe-
cibus
alienis
causal-
iter.

Beatis
dis-
tingunt
Deum
ratione.

XIII.
Non ad-
mittun-
tur alia
causa sic
distin-
guendi.

entis

entis, alteri ut Viventis, huic ut Sapientis, illi ut Misericordis, &c. Verum hæc ratio non est universalis: fallit enim in visione beata, quæ, licet sit creata, non tamen divisim & veluti per partes, sed simul & semel totum Deum, sicuti in se est, simplicissimè repræsentat. Restringeri ergo ratio debet ad communicationem intentionalem, quam Deus facit, non per se immediatè, sed per creaturas, ac species earundem. Hæ enim in repræsentando divina, sequuntur limitationem, quæ eorum perfectionem participant in essendo: & per consequens, sicuti nonnisi divisim & sparsim sunt ea omnia quæ Deus est simul & simplicissimè, ita nonnisi per varios & distinctos conceptus ea exprimunt. Hoc autem pacto coincidit hæc ratio in primam Conclusionem.

CAPUT III.

An distinctio rationis circa Deum sit præcisiva?

XIV. *Præcisio duplex, objectiva & ex modo concipiendi.* NOT. 1. Duplicem considerari posse præcisionem, unam objectivam, alteram penes modum concipiendi. Præcisio objectiva est, quando ex duobus inter se conjunctis ita cognoscitur unum, ut alterum per illam cognitionem nullo modo attingatur: quemadmodum in ligno duorum pedum, ita possum videre unum pedem, ut nullatenus videam alterum licet cum illo connexum, aut hominis capite tenus aquis immerfissic intueor caput, ut nullo modo per visionem verfer circa reliqua membra. Tunc namque partes illas extra visionem conjunctas propriè præscindendo, ac veluti divido in esse viso, assumendo unam ad visionem, & alteram relinquendo. Præcisio verò penes modum concipiendi tunc datur, quando cognitio terminatur quidem ad totum objectum, ita ut nihil ejus relinquat incognitum, saltem sub aliqua ratione: verum ex modo attingendi non commensuratur objecto, sed in ejusdem expressione vel deficit vel abundat. Pro exemplo defectus facit visio, quæ vesperi attingimus colorem, vel ex loco remoto: tunc enim visus eum quidem exprimit ut colorem, sed ejus speciem, sitne ruber an cæruleus, non distinguit. Exemplo abundantia serviet id cujus meminimus cap. 1. n. 6. quando scilicet vitio organi, aut medii per quod species transmittuntur, contingit

Et geminum Solem, & duplices se ostendere Thebas.

XV. NOT. 2. Objectum; quantum hac attinet, posse sumi dupliciter. 1. *in esse rei*, quod habet independentè à ratione nostrâ: 2. *in esse intentionali* secundum quod intellectui repræsentatur sive apparet. De hac autem representatione & apparentia, in ordine ad cognitionem abstractivam (de quali hic agitur) duæ sunt sententiæ. Una illam (si præsertim per species alienas

alienas formetur) ponit formaliter in aliquo ente rationis sive idolo , quod sit medium inter objectum in esse rei , & inter ejus cognitionem; quodque hanc, per quam fit, sic objectivè terminet, ut tamen pro ulterio- ri illo ac reali objecto supponat. Ita ex antiquis Occam in 1. dist. 2. q. 1. & Ariminenſis ibidem distinctione 3. ex recentioribus verò, inter alios lucu- lentius Julius Cæſar Recupirus tom. 1. in 1. p. l. 2. q. 2. §. 4. & l. 3. q. 6. §. 4. & 5. Altera ſententia, rejecto ente illo ficto & medio, docet, illam om- nem repræſentationem ac relucentiam objecti , quantumvis abſentis aut improporcionati , conſiſtere formaliter in cognitione ipſa: quæ pro- pter has illaſve ſpecies unde gignitur, ejus ſit naturæ, ut intellectui eam vi- taliter elicienti, rem ipſam hoc vel illo modo videri ſeu apparere faciat ; non efficienter , medium aliquod ens rationis cauſando , ſed in genere cauſæ formalis. Quæ poſterior ſententia communior eſt, & nobis in Phi- loſophia magis placuit, & adhuc placet. Ne tamen apud Lectorem, priori forſan opinione præoccupatum , aut longiorem de Ente rationis diſſer- tationem alieno loco inſtituere, aut difficultatem præſentem indeciſam relinquere debeamus; ſed ſequi quiſque poſſit ſententiam quam libuerit; juxta utramque id de quo agimus reſolvemus.

Dico 1. Nulla rationis diſtinctio in Deo , ullum prædicatum ab altero xvii. ſecum identificato , præſcindit ex parte objecti *in eſſe rei*. Hæc conſeſſio utriq; parti ſupra diſſentientium vel eſt, vel eſſe debet communis, ſup- poſita doctrinâ diſputationum præcedentium; quòd inter ejusmodi præ- dicata non detur ulla diſtinctio à parte rei , ne quidem minima, ſive for- malis ſive virtualis, ſive alio nomine veram diſtinctionem importante ap- pelleretur. Ex hac enim Hypotheſi illa prædicata non habent plures forma- litates à parte rei, quarum una poſſit ad intellectum aſſumi & juſque noti- tiam terminare, reliq; & non terminante altera; cùm omnis pluralitas in aliqua tandem diſtinctione fundetur. Deberet igitur una eadeſque ſim- pliciſſima formalitas attingi & non attingi; in quo eſt implicantia, cùm i- dem ſecundum idem contradiſtoriorum non ſit capax.

Nulla
ratio idē
à ſeipſo
præſcin-
dit in eſſe
rei.

Confirmatur ex celebri dicto Philoſophi, quod ex 9. Metaphyſicorum citari ſapius ſolet: *in ſimplicibus aut totum attingitur, aut totum ignoratur*. Id enim haud ita intelligendum , quaſi de Deo, Angelis, punſto, aliisq; ſimplicibus, non poſſimus conceptus inadæquatos vel aliter imperfectos formare: id namque vel ſola experientia reſellit. Sed quòd hæc imperfe- ctio vel inadæquatio non ſe teneat ex parte rei circa quâ verſatur cognitio, quaſi eam non attingamus ſecundum omnem perfectionem quam habet, & aliquam tantum ejus particulam apprehendamus : verum ex parte in- tentionalis imaginis, aut modi concipiendi, deficientis in exprimendo ab illa perfectione, quam in eſſendo res obtinet.

Explica-
tur cele-
bre dictū
Philoso-
phi.

XVII. Dixi de *predicatis invicem identificatis*. Quæ enim in Deo realiter differunt, sive in recto ut Personæ divinæ, sive in obliquo, ut Essentia connotans has vel illas Personas, à fortiori conformiter different atque præscindunt per rationem, saltem judicativam: quâ v. g. dicatur, Patrem in Divinis non esse Filium, aut Essentiam ut connotat Filium communicari, non verò Paternitatem, juxta dicta disp. 4. c. 6. 7. 8. An verò similiter differant per rationem apprehensivam, disputari solet 1. p. q. 12. a. 7. Quidquid de illo dicetur, non erit contra Assertionem, quæ de penitus identificatis tam in recto quàm in obliquo procedit. Quare assertio sumit strictè distinctionem rationis, pro ea quæ solius rationis est: non latè pro illa quæ præterea distinctionem quandam realem involvit aut præsupponit.

Præcisio divinorum in esse intentionali medio, parum spectat ad Theologum. Dico 2. Sive inter prædicata divina fiat præcisio ex parte *objecti in esse intentionali, quod mediat inter cognitionem & rem*, sive non fiat. parum Theologi interest Medium enim illud objectum non est Deus, sed ens aliquod rationis, sive idolum ab intellectu cōfictum, quod pro Deo supponitur. Quamobrem sive simplicius, ideoque perfectius illud mens effingat, sive magis compositum & imperfectum, nihil inde perfectionis vel imperfectionis redundat in Deum: haud magis quàm ex sensibili imagine, quæ ad captum nostrum, per plures vel pauciores partes, aut rudioribus vel elegantioribus lineamentis Deum adumbrat. Quid, obsecro, refert ad perfectionem Angeli, si quis eum in tabula exprimat per solam aliquam faciem alatam aut per integrum juvenem alatum? Scitur enim neutrum cōvenire Angelo propriè & per se, sed Metaphoricè & in aliena imagine. Multo minus refert ad perfectionem Majestatis divinæ, quo pacto eam sibi quis repræsentet in ente purè ficto per rationem: hoc enim multo longius, non à Deo solùm, sed à quolibet etiam ente vero ratoque distat, quam picta tabula ab Angelo.

XVIII. Sed objicies: Deus non solùm est summum ens, verùm etiam summum cogitabile sive intelligibile, ut ex sententia D. Bernardi aliorumque Patrum, imò Scripturâ ipsâ, ostendimus disp. 2. cap. 2. sed ut sit summum intelligibile, non debet tantùm realiter à parte rei, sed etiam intentionaliter in intellectu esse summè perfectus: Ergo debet etiam esse summè perfectus ex parte entis illius medii: per hoc enim pro statu hujus viæ intellectum nostrum informat. Debet igitur ens illud medium esse summè simplex absque ulla compositione intrinsecâ: ut enim vidimus cap. citato, cæteris paribus omne simplex compositum melius est. Responderi possêt distinguendo Minorem: debet Deus esse summè perfectus intentionaliter, in intellectu circa eum versante immediatè & intuitivè sicuti est, concedo:

cedo: mediatè & abstractivè, sic nego. Undè solummodò sequitur, summam illam perfectionem intentionalem debere Deo competere in intellectu Beatorum, ac præsertim suipsius, quo summam suam perfectionem comprehendit: non autem in intellectu Viatorum. Quia tamen etiam Viatores debemus Deum summè perfectum concipere, univèrsaliùs respondetur, concessâ Majore & Minore, negando Consequentiam. *Quomodo Deus summum intelligibile*
Deus enim ut sit summè perfectus intentionaliter, non debet necessariò ex parte cujusvis conceptus, etiam medii, esse summè perfectus: sed sufficit id ei convenire ex parte conceptus ultimati, pro quo tandem ens illud medium, tanquam ultimò significato, supponit. Quo pacto est summè perfectus, atque adedò simplex, licet objectum illud medium imperfectum atque compositum sit: quia potest nihilominus Deum summè perfectum repræsentare, & pro eo supponi; simili ferè ratione quâ voces ex sua parte imperfectæ multisque modis compositæ summam Dei perfectionem repræsentant, pro eaque supponuntur.

Dico 3. Secluso illo ente objectivo & ficto, omnis præcisio quam per rationem facimus circa Deum, se tenet penes modum concipiendi: qui licet versetur circa totum Deum ex parte rei cognitæ, haud cum tantum in repræsentando adæquat, sed tali ratione exprimit, *Defenditur præcisio ex modo concipiendi.*
si tantum aliquid Dei & non totum attingeret. Sequitur ex ante dictis. Cùm enim distinctio rationis aliquam ejusdem præcisionem importet: hæc verò non se teneat ex parte objecti *in esse rei*, juxta dicta conclusione 1. & huc impertinens sit præcisio objecti in esse *illo medio & ficto*, juxta conclusionem 2. superest ut tota hæc præcisio referatur in modum concipiendi, cum ipso conceptu nostro formali identificatum. Qui propter similitudines & species à divina perfectione deficientes, ipse quoque ab ejusdem expressione deficiat: ideoque unum aliquid exprimat, v.g. Omnipotentiam aut Misericordiam, cæteris prout aliis conceptibus & nominibus substant, veluti reclusis aut dissimulatis. Existimo autem supervacaneum esse Autores pro hac opinione citare: cùm distinctio *inter rem conceptam sive significatam, & modum concipiendi aut significandi* (in qua Assertio fundatur) celeberrima sit apud D. Thomam & Thomistas omnes: ut videre est apud D. Thomam 1. p. q. 13. a. 3. in corp. & q. 7. de Potentia a. 5. in c. & ad 2. & apud Vasquez 1. p. disp. 22. c. 6. n. 18. & disp. 121. c. 5. n. 18. & apud alios passim.

Confirmatur & magis declaratur. Quia consulendo experientiam, quam de nostris divinarum perfectionum præcisionibus habemus, nihil aliud deprehendere possumus, quàm quod aliquando ita apprehendamus Deum, ut ex vi apprehensionis istius nihil nobis explicetur quàm quòd *XX.*

Explicatio potentia & non sapientia non arguit præcisio. sit Omnipotens : aliquando aliter , ut ex vi conceptus id tantum nobis constet, quod sit Sapiens aut Misericors, & sic de cæteris. Hæc autem experientia optimè salvatur sine omni præcisione objectiva , seu vera seu ficta. Quia non statim quando aliquod objectum attingimus, de omnibus constat, quæ sunt eadem formaliter ex parte objecti. Definitio sanè ex parte objecti eadem est cum definito: quot nihilominus vident hominem , colorem, lumen , & definitiones eorum ignorant? Cujus ratio est , quod scientia, licet versetur circa objectum , non tamen consistat in illo ipso, sed in actibus intellectualibus , qui objectum nobis explicant, & hoc vel illo modo scientifico declarent. Ut autem non omnia nomina, sed certa quædam , vim habent hoc vel illud explicandi & scientificè declarandi : ita etiam non omnes conceptus, sed certi ad hoc à naturâ apti , similem vim obtinent. Et quemadmodum prolato nomine *Omnipotens*, & reliquis silentio pressis, nihil inde intelligo nisi quod sonat: à cæteris verò ita præscindo, ut nisi aliunde sim instructus, prorsus nesciam sitne aliud aliquid cum Omnipotentia identificatum , nec ne: ita etiam licito vitaliter conceptu qui huic nomini responderet.

XXI.

Id ultimum contra arguentes declaratur.

Sed dices i. Per nomen vel conceptum Omnipotentia, explico mihi Omnipotentiam divinam, Justitiam verò aut Misericordiam non explico: Ergo in Deo est aliquid quod explico, & aliquid quod non explico: Ergo datur aliqua distinctio aut saltem præcisio in Deo. Alioquin unum planè & idem mihi explicarem & non explicarem : in quo est contradictio. Respondeo dist. Antecedens. Non explico Justitiam aut Misericordiam, quantum est ex parte rei conceptæ, sic nego. Etenim Justitia divina ex hac parte haud minus Omnipotentia est quam Omnipotentia ipsa : quare quando explico Omnipotentiam , necesse est ut etiam Misericordiam, quantum est illa parte, conformiter explicem. Non explico autem Justitiam aut Misericordiam quoad modum specialem concipiendi, quem nomen Justitiæ aut Misericordiæ designat, sic concedo. Non enim idem modus concipiendi designatur per hæc nomina , qui per Omnipotentia nomen. Unde negatur consequentia, quòd detur aliquid & aliquid, & per consequens præcisio, ex parte objecti: quia tantum sequitur quòd ex modo concipiendi detur aliquid & aliquid , & ipsi formales conceptus ab invicem differant & præscindant. Ad probationem, concedo unum planè & idem explicari & non explicari: sed non explicatione eadem verum diversâ: explicatur enim eo conceptu qui in nostra mente responderet voci *Omnipotens*, non autem eo qui in eadem vocibus *Justus* aut *Misericors* resp. Quamobrem cessat hic omnis contradictio. Ad hanc enim non sufficit ut quidvis dicatur & negetur de eodem: sed requiritur ut idem de eo-

de eodem affirmetur & negetur. Prædictæ autem explicationes non sunt eadem: sed specie diversæ. Sicuti de eadem nive non possum sine contradictione asserere & negare albedinem; sed possum hanc affirmare & negare dulcedinem: ita etiam non possum de eodem objecto divino affirmare conceptum explicativum omnipotentia, & hunc negare; possum tamen simul negare conceptum Iustitiæ explicativum.

Urgebis 1. Interdum explicato uno, non tantum non explico alterum, sed etiam ignoro & circa illud erro, positivè; ut si quis Gentilis demonstrans scientiæ Deum esse omnipotentem, ejus providentiam aut libertatem inficietur: Ergo hic saltem sit aliqua præcilio ex parte rei cognita. Quia nō possum idem scire & ignorare. Resp. neg. conseq. Ad probationem dicendum ut prius: me quidem non posse idem scire & ignorare secundum eundem conceptum, posse tamen secundum diversos. Ut enim huic applicem exemplum n. 20. insinuat: quot rustici sciunt hominem sub conceptu definiti, quem sub conceptu definitionis ignorant? Et tamen ex parte objecti nulla hic distinctio est. Inde quidem, quod de homine sciam definitum, aut de Deo omnipotentiam: definitio verò sit objectivè eadem cum definito, sicut etiam Providentia cum Omnipotentia Dei: inde, inquam, manifestè sequitur, quod objectum definitionis aut providentiæ, non ignorem totaliter & adæquatè. Quia hoc saltem scio de animalis rationalis objecto, quod sit homo, aut de divinæ Providentiæ objectivè sumptâ, quod Omnipotentia sit. Sed cum eo consistit ignorantia partialis; non partialitate objecti, sed scientiæ. Totum igitur hominem quem scio quâ definitum, ignoro secundum definitionem: totumque Deum quem scio Omnipotentem, ignoro quâ providentem, etiam Omnipotentiam ipsam. Quare jam dicta colligendo in unam regulam: quandoque in Deo, aut in alia re simplici, unum aliquid scio vel ignoro; omnia scio vel ignoro, quia in Deo, ubi non obviat Relativa oppositio, & absolute in cæteris, unum sunt omnia: sed hæc omnia scio vel ignoro scientiæ vel ignorantia conformiter sumptâ. Quæ si fuerit totalis & adæquata, suum oppositum penitus excludet: si verò partialis vel inadæquata, cum aliqua parte sui oppositi consistit. Quæ tandem est genuina explicatio dicti Aristotelici supra relati n. 16.

Urgebis 2. Nihil prorsus est, cur conceptus hac potius ratione quam alia explicet objectum, nisi quod objectum sit tale secundum se, cui hæc potius ratio quàm alia conveniat, & quod proinde aliquo modo abstrahat ab alia ratione. Resp. alias esse causas, quæ peti possunt ex cap. 2. Quod videlicet hic conceptus per alienas species formetur, quæ ex priorum

XXII.

*Quomodo
idem sciri
possit sub
uno con-
ceptu, &
ignorari
sub altero*

objectorum similitudine aut analogiâ, solam potentiam v.g. nobis insinuent, non Providentiam aut aliud attributum. Quare non mirum, si Deum mihi non explicem nisi ut Omnipotentem, quia species aliter explicandi non habeo, vel si habeam, eas in præsens non applico. Quod quomodo ulterius ad modum discurrendi reducatur, ibidem diximus.

XXIII. Dices 2. Præcisio illa formalis quæ in actu intellectus consistit, necessario habet aliquam objectivam pro objecto : non fictam per rationem ; hanc enim saltem non necessariam duximus Assertionem 2. ergo veram : ergo in objecto à parte rei datur aliqua præcisio , quod repugnat dictis in conclusione 1. Respondeo negando Antecedens. Illa enim præcisio formalis non respicit ullam præcisionem objectivam (saltem in recto , ut hîc à connotatis abstrahamus) sed objectum simplicissimum, quod ex solo modo concipiendi præscindit. Facit igitur præcisionem quasi in actu exercito : nullam verò denotat in actu signato. Nec ipsum objectum ut formaliter præcisum , cognoscitur per actum præscindentem : sed per alium reflexum. Eo ferè pacto, quo ex probabiliori sententia in Philosophia docuimus, nostros conceptus quibus Universalia , aut alia entia rationis fabricamus, circa nullum ens rationis versari ; sed circa entia purè realia & singularia : ex modo autem ea attingendi, universale, aut aliud ens rationis, primò constituere; quod per alios actus cognoscendum relinquunt.



CAPUT IV.

An & quomodo Divina perfectiones invicem includant? Vbi de earumdem compositione.

Multi recentiores qui in Conclusionibus Capitis prioris nobiscum sentiunt, terminis quibusdam utuntur, quos ob peculiarem difficultatem adhibere hactenus non placuit. Dicunt enim quando unum Attributum divinum cognoscimus explicitè, cognosci etiam Essentiam & omnia cætera Attributa: sed implicitè, quatenus inclusa in priori. Imò Molina, Suarez, Granadus, Recupitus, Josephus Augustinus alique, contra Vasquez, Fasolum, Gillium, pro mutua ista Divinarum perfectionum inclusione longum & acre certamen suscipiunt. Apud antiquos Scholasticos quæstionem hanc sub istis saltem terminis *implicitè* & *explicitè* agitam vix invenies. Semper autem, ut candidè fatear, in illis terminis aqua mihi hæsit. Vidi enim & illos iis uti qui præcisiones objectivas rejiciunt, easque tam fictas quàm veras: in quorum sententia, quid est unum Attributum in alio, aut simul omnia in Essentiâ includi? Si idem, quod unum esse aliud formaliter à parte rei: cur, obsecro, postquam pro forma-
 ••••• identitate Attributorum longissimam quæstionem contra Scotistas definiverunt, adhuc disputant de inclusione? Pro resolutione,

Notandum, nomen inclusionis aut implicationis, à rebus materialibus ad spirituales translatum. Quid autem in materialibus sit includi aut implicari, sensu melius demonstratur quàm verbis. In Metaphysicis verò inclusio seu implicatio, in hoc consistit: quòd unum sit aliquid alterius, nempe intrinsecè & quidditivè, & non totum ipsum. Tunc enim dicitur in ipso implicari seu includi. Sic anima quæ est aliquid hominis, sed non totus homo, dicitur includi in homine: homo autem non dicitur in seipso includi, quia ipse est totus homo. Et in numeris, minor includitur in majore v.g. ternarius in quinario: ipse verò numerus major, v.g. quinaris, seipsum non includit. Denique haud minus alibi, quàm in utroque Jure verissima est regula illa 8o. in 6. *In toto partem non est dubium contineri.* Unde colligitur omne inclusum debere aliquo modo distingui ab includente, vel ut partem à toto, vel certè ut quid inadæquatum ab adæquato: esse enim aliquid totius, & non totum ipsum, aliquam ab eodem distinctionem supponit.

Dico 1. Propriè loquendo nulla perfectio divina in altera secum identifi-
 ••••• catâ includitur aut implicitè ex parte objecti involvitur *in esse rei*. Pr. Quia
 ••••• nulla

XXIV.

*Quid sit
in aliquo
includi
aut im-
plicari?*

Inter divina in vicem identificata, non datur inclusio à parte rei. nulla perfectio divina, sive sit essentialis, sive attributalis aut personalis, est à parte rei aliquid alterius perfectionis secum identificata, & non tota ipsa: nulla enim, vel minimo genere distinctionis, ab altera secum identificata distinguitur ex natura rei; quod tamen requiritur ut ita sit aliquid ipsius, ut simul non sit ipsamet tota. Idque ex terminis antè expositis videtur certum & clarum, supponendo tantum doctrinam in superioribus disputationibus traditam, quâ omnis vera propriaque distinctio à parte rei, inter perfectiones mutuo identificatas, refellitur.

XXV.

Nec ideo tamen illa in vicem excludunt à parte rei.

Dices. Saltem ens à se infinitum, cæteraq; quæ per modum transcendentiû in Deo concipimus, includuntur in Deitate & Attributis à parte rei: Ergo aliqua perfectio divina in altera secum identificata, includitur à parte rei. Antecedens probatur. Quia ejusmodi prædicata non excluduntur à parte rei ab Essentia & Attributis: Ergo à parte rei includuntur. Non enim datur medium inter *excludi & includi*, & per consequens, ipsa negatio inclusionis pro exclusione habenda. Respondeo neg. Antecedens. Ad probationem, concessio Antecedente, nego consequ. Datur enim medium inter *excludi & includi*: scilicet *esse ipsummet totum*. Id enim, ut suprà vidimus, non includitur in seipso, quia non est pars aut quasi pars sui ipsius: neque à seipso excluditur, quia propter adæquatam identitatem quam secum habet, multo magis, utque sic loquar, interius secum connectitur, quàm ulla pars, aut quasi pars, cum suo toto. Unde & minus à seipso excluditur. Nam exclusio negat omnem interiorem connexionem, sive illa sit partis sive totius. Ens itaque à se, actus purus, infinitus, aliaque prædicata divina, nec includuntur in divina essentia, nec ab ea excluduntur à parte rei: sed sunt ipsa tota essentia, absque ullâ distinctione à parte rei. Neque scienti terminos, & propriè accipienti, ulterior difficultas superesse hîc potest. Semper autem egi de divinis perfectionibus inter se identificatis: in sanctissima enim Trinitate ut Relationes inter se non identificatas importat, potest admitti inclusio à parte rei: duæ enim Personæ includuntur in tribus & una in duabus; sicuti numerus, aut quasi numerus, minor in majore includitur.

Inclusio vel exclusio, in esse intentionali medio; parum ad Theologiam pertinet:

Dico 2. Quod attinet ad objectum illud medium in esse intentionali, hic iterum parum Theologi refert, sive quid ex ejus parte dicatur includi sive non. Est eadem ratio quæ conclusionis 2. in cap. præcedenti; Quod ens illud medium non sit Deus ipse, sed signum aliquod à ratione constitutum, pro Deo supponens, cujus disquisitio pertinet ad Logicum, sicuti disquisitio vocû, quâvis pro Deo supponentium, ad Grammaticum spectat. Optarem tamen Theologiam ab ejusmodi figmentis liberam, postquam jamnobiles Philosophi, non pauci, ab ejusmodi mentis nostræ abortibus suam

suâ scientiâ tantò inferiorem, exemerunt. Equè nimirum per denominationes vel connotationes extrinsecas, sive ab actibus intellectus sive à rebus aliis desumptas, omnia Theologus atque Philosophus, explicabit.

Dico 3. Quæ divina prædicata invicem includunt, id non aliter faciunt (si à Relationū numero de quo ad Assertionem primam, & à ficto idolo, de quo in 2. abstrahamus) quàm ex parte conceptus formalis sive modi concipiendi. Probat. Quia ex hac solùm parte inveniri aliquid potest, quod intrinsecè & quidditative pertineat ad totum, & non sit totum ipsum. Sic enim ad definitiones, aut quasi definitiones formales, quas de divina essentia vel attributis formamus, pertinent intrinsecè plures conceptus. Horum uno quid exprimitur per modum generis (sive verè sit genus sive non) altero per modum differentiae: ex utroque autem, aut sæpe pluribus, conflatur integra definitio formalis. Atque hæc tandem est, in qua illorum singuli per modum partium includuntur. Exempli causâ, Æternitatem divinam Boëtius definit, quod sit *Interminabilis vita tota simul & perfecta possessio*. Hic omnes illi conceptus qui prædictis verbis respondent, simul accepti totalem definitionem Æternitatis constant; quæ definitio conceptum Vitæ, conceptum Interminabilis, ac tandem reliquos singulatim sumptos, veluti partes involvit.

Notandum 1. Inclusionem hanc formaliter sumptam, habere locum in solis conceptibus complexis, cujusmodi sunt definitivi aut descriptivi: quia soli hi conceptus ex partibus formalibus constant. In simplicibus vero, sive incomplexis conceptibus (quales definitio correspondent) sicuti non invenitur formalis distinctio, ita nec inclusio formalis: sed tantum fundamentalis sive potentialis, quatenus simplices illi conceptus possunt resolvi in complexos, instar definiti in definitionem. Quia tamen definitio & definitum invicem æquivalent & pro eodem accipiuntur: hinc perinde ducitur, sive in aliquo sub oratione definitiva quid dixeris includi, sive sub nomine definiti. In quem sensum æquivalentem exponendi Auctores, qui cum in aliis huc spectantibus nobiscum sentiant, sapius tamen dicunt hæc vel illa in Æternitate aut in divina Essentia includi, quamvis nomine tantum incomplexo eam exprimaunt.

Quam doctrinam ut ad rem præsentem specialiùs applicemus, omnia Dei Attributa tam ejus Essentiam quàm se invicem includunt in sua definitione adæquatâ: quippe quæ debeat exprimere totum illud esse, quod formaliter & quidditative iis convenit à parte rei; ad hoc autem ea omnia spectant. Quapropter si adæquatè definire volueris sapientiam Dei, ut nempe Divina, Deoque propria existit: dicere & exprimere debes eam esse Essentiam, Bonitatem, Omnipotentiam, Æternitatem, Relationes, &c.

Q

teraque

teraque omnia quæ in Deo cum Sapientia identificantur; alioqui non exprimes omnem formalitatem, seu quidditatem quæ ei convenit à parte rei. Cumque ea expressio communiter fiat per conceptus distinctos, hinc Dei Sapientia eos omnes in totali sua definitione includit. Similiter discurrendum de cæteris inter se identificatis in Deo. Ne tamen in singulis eadem inutiliter repetantur, usus obtinuit ut Attributa cæteraque divina non tam adæquatè definiantur: sed præcisè secundùm illos conceptus quibus inter se differunt, cæteris qui sunt omnibus communes, potiùs sub-intellectis quàm expressis. Quod in singulis ostendere non est hujus instituti, sed ad proprias primæ Partis quæstiones pertinet.

XXVII. Not. 2. Quod diximus de inclusione divinarum perfectionum, applicari posse ac debere ad earundem compositionem. Equè enim aliqua distinctio ad compositionem requiritur atque ad inclusionem. Quid

*Quid cõ-
positio?*

namque est compositio, nisi plurium simul positio, atque concursus, ad quid unum constituendum? Quia igitur inter prædicata divina quæ invicem identificantur, nulla est distinctio sive pluralitas ex parte rei conceptæ: hinc nulla etiam ex eadem parte compositio est. De compositione verò vel simplicitate idoli istius intentionalis, haud pluris refert quid sentias, quàm de præcisione aut inclusione ejusdem, ut aliquoties diximus. Restat igitur ut omnis in divinis compositio se teneat penes conceptus formales, sive modos concipiendi, eosque complexos: nam hi soli inter se distincti unam aliquam divinarum definitionem, aut descriptionem, simul ponunt. Quæ compositio intrinsecè & formaliter in sola mente concipientium existens, extrinsecè Deum ejusque Attributa, uti diversis conceptibus inter se convenientibus cognosci, ita & per rationem componi denominat. Scio à multis negari omnem compositionem, etiam rationis, in Deo. Sed hi potissimum negant illam quæ concipitur ex parte objecti,

aut quæ constat ex vero genere aut differentiâ: non autem eam quæ

sic per solum concursum plurium conceptuum formalium,

sive habeant rationem generis aut differentiz sive

non. Hanc autem compositionem solam

pro præfenti admitti-

mus.



CAPUT

CAPUT V.

An distinctio rationis in Deo involvat falsitatem?

NOT. 1. Distinctionem rationis esse duplicis generis. Una est positiva, quâ unum extremum concipitur cum aliqua repugnantia identitatis cum altero : sive cum repugnantia formali quæ est ipsa privatio identitatis : sive cum fundamentali, quæ est rei entitas ut privationem hanc infert. Altera distinctio est præcisiva, quâ res concipitur, nec ut eadem cum altera, nec ut quidquam habens huic identitati repugnans : sed secundum se præcisè. Utraque rursus vel est completa sive perfectæ, quando utrumque extremum in ratione existens, cum præsupponatur idem, offertur velut distinctum v.g. cum simul cogito de Justitia & Misericordia Dei : vel est incompleta, utque sic loquar, inchoata, quâ videlicet unum tantum extremum intellectui objicitur, de altero autem non cogitatur. Distinctio enim, cum vel relatio quædam sit, vel illius instar se habeat, non reperitur completè nisi inter duo extrema, incompletè verò in singulari est.

Not. 2. Falsitatem aliam esse formalem, aliam causalem seu occasionalem. Formalis consistit in solo iudicio, quo aliquid objecto tribuitur quod ei non convenit, aut quod ei convenit detrahitur : ut rectè exprimit Aristoteles 6. Metaphys. cum ait, *verum quidem affirmationem habet in falsum composito, negationem in diviso, falsum autem huius partitionis contradictionem*. Causalis verò falsitas est, quæ ob aliquam veri similitudinem præbet causam vel occasionem iudicio falso. Eam describit Aristoteles 5. Metaph. c. 2. dicendo, *res esse falsas, quæ sunt aptæ apparere quæ non sunt, aut quales non sunt* : quo sensu aurichalcum dicitur falsum aurum, quia cum aurum non sit, habet tamen similitudinem auri. Atque hæc falsitas (quæ melius fallacia diceretur) habet etiam locum in simplici apprehensione : deque ea intelligendus Aristoteles, cum in libris de Animâ, ipsis etiam sensibus, qui non iudicant sed simpliciter apprehendunt, circa quædam objecta & in certis circumstantiis falsitatem adscribit. Alioquin nihil apud eum vulgatius, quàm in nullo conceptu inesse falsitatem ; quem per *esse* aut *non esse* (quod proprium est iudicio) ad alterum non referas. Sic enim habet in Antepredicamentis : *omnis affirmatio aut negatio aut vera aut falsa esse videtur. At nullum eorum quæ incomplexè dicuntur, aut verum est aut falsum*. Et 1. Peritern. c. 1. *Hippocentaurus aliquid quidem significat : at nondum est verum est aut falsum, nisi esse aut non esse additum, aut simpliciter, aut respectu temporis fuerit*.

Dico 1. Distinctio rationis in Deo, sive sit positiva sive præcisiva, sive completa sive incompleta ; non est falsa formaliter. Probat.

Quia

Quia

*Ideoque
nec in di-
stinctione
rationis
ibi sistendo.*

Quia hæc distinctio non fit, aut certè fieri non debet, per iudicium, sed per simplices apprehensiones: quas esse falsitatis expertes docet Aristoteles suprà, & alibi sæpius, ut 3. de Animâ cap. 6. ubi ait, *falsitas in compositione semper consistit*, & ex instituto lib. 9. Metaph. cap. 12. Cui doctrinæ constanter adhæret D. Thomas diversis in locis: ut 1. p. q. 13. art. 12. ad 3. ubi intellectum nostrum formantem compositionem in Deo, purgat à falsitate, quòd licet rem simplicem intelligat *compositam* (atque adeò distinctam) non tamen ita ut intelligat *eam esse compositam* vel distinctam. Et clariùs eadem p. q. 8. a. 1. ad 1. ubi notat, quòd abstrahere contingit dupliciter: uno modo per cõpositionem & divisionem, sicuti cum intelligimus aliquid non esse in alio vel esse separatũ ab eo: alio modo per simplicitatē, sicut cũ intelligimus unũ, nihil cõsiderando de alio. Hinc verò infert, *abstrahere per intellectum ea qua secundum rem non sunt abstracta*, secundum primum modum abstrahendi non esse absque falsitate, sed in secundo modo abstrahendi per intellectum *qua non sunt abstracta secundum rem, non esse falsitatem*. Et paulò post solvit ordinarium argumentum, quòd intellectus sit falsus qui intelligit rem aliter quàm sit, atque id verum esse, *si ly aliter referatur ad rem intellectam; tunc enim intelligit rem esse aliter quàm fit: non esse autem verum*, si ly aliter accipiat ex parte intelligentis; est enim absque falsitate quod alius sit modus intelligentis in intelligendo, quàm modus rei in essendo. Similia habet q. 7. de Potentiâ a. 6. in c. & 3. Metaph. le. 7. sub finem. Fateor D. Thomam hic præcipuè agere de distinctione præcisivâ non positivâ: idèò fortassè quòd solâ illâ putaverit utendum in divinis; non alterâ, urpotè si non falsâ, saltem fictâ & vanâ. Eadē tamen est ratio de positiva distinctione, dummodo intra terminos puræ apprehensionis cõsistat, nulloq; iudicio ad rem conceptâ referatur eiq; attribuat.

XXX.

*Id præci-
puè elu-
cet in di-
stinctione
præcisivâ*

Confirmatur & declaratur 1. in distinctione præcisivâ, quam nos etiam solam ad divina explicanda adhibendam censemus. Quia actus sic præscindens non fallitur circa rem ipsam. Revera enim in Deo est Sapientia vel misericordia quam attingit: imò multò verius quàm in creaturis, utpote imparticipata & infinita, omnisque alterius Sapientiæ vel Misericordiæ prima causa. Nec fallitur in modo præcisionis. Quia ut in scholis obtinuit commune Proverbium, *Abstrahentium non est mendacium*. Cui conformis est reg. 44. iuris in 6. *Is qui tacet non facitur: sed nec utique negare videtur*. Quisquis autem utitur distinctione præcisivâ, is eo modo unum exprimit, ut à cæteris planè abstrahat, & quodam mentis silentio nihil de illis aut fateatur aut neget. Dicat quis voce, *Deus est Omnipotens*, & nihil aliud addat: nemo illum accusare poterit quòd neget providum, aut laudare quòd Misericordem affirmet: neutrum enim facit, sed in Omnipotentia

tentia sistit. Et Græcis in Concilio Florentino pro Spiritus sancti processione à solo Patre, allegantibus illud Joan. 15. *Spiritus qui à Patre procedit*, constanter à Latinis optimèque responsum est: unum ibi asseri quod à Patre procedat, taceri processionem à Filio; neque ideo hanc negari, sed aliunde affirmandam vel negandam relinqui. Similiter ergo dum mens secum loquens, Deum Omnipotentem sic enuntiat, ut per illum saltem actû nihil cogitet de cæteris, nō est damnāda erroris circa cætera: sed ab aliqua potiùs veritate commendanda; Quippe quæ non ipsi solum Omnipotentia quoad rem conceptam, sed cæteris quoque ut sunt eadem cum Omnipotentia, conformis existat.

Confirm. 2. In distinctione positiva, quæ nempe non habet se indifferenter ad identitatem, sed aliquid ipsi oppositum repræsentat. Quia etiam sensus aliquid interdum videri faciunt, quod ut sic visum, aliter positivè se habet quàm res ipsa: ut cum unicam candelam geminant, aut baculum rectum, mediâ sui parte immersum aquæ, exhibent ut curvum. Et tamen ex plerorumque Philosophorum sententiâ, omnes sensus sunt expertes falsitatis formalis. Quia scilicet aliud non agunt quàm ut tale visum menti simpliciter offerant, penes quam sit iudicium ut pro vero approbet vel non. Annotaveram pridem hanc in rem sententiam Augustini ex lib. 3. contra Academicos cap. 11. quam deinde vidi observatam à R. P. Sforzia Pallavicino lib. 2. de Bono cap. 27. & tam ibi quàm cap. sequenti, Commentatione perquam argutâ illustratam. Summa Augustini est: visa isthæc prorsus vera esse, quia rem sic faciunt apparere, uti in illis rerum circumstantiis debet; Quod si mens ultra apparentiam sensibilem, ipsismet rebus eas quæ videntur condiciones adscribat, ipsius erit error non sensuum. *Noli*, inquit August. *plus assentiri, quàm ut ita tibi apparere persuadeas, & nulla deceptio est.* Haud aliter, siquæ ex rerum creaturarum quibus utimur, speciebus positiva distinctio appareat in Deo: apparere tantum dicamus, & non esse à parte rei, atque erimus ab omni falsitate & deceptione immunes.

XXXI.

*Sed etiam
in positi-
vâ habet
locum.*

Confirmatur 3. expendendo conditiones distinctionis completæ quæ utroque extremo constar, & incompletæ quæ altero tantum. Ut enim ab hac incipiam, similis ea est visioni, qua eminus vel sub obscuro lumine objectum aliquod intueor, ita ut agnoscam coloratum aut figuratum in genere, nullam tamen speciem coloris aut figuræ distinguam. Ea quippe visione exprimitur mihi color, sed differentia latent, ideoque color præscinditur à differentiis. Haud aliter nos qui teste Eliu apud Job cap. 37. *invenimus Deum procul*, utpotè per creaturas longè ab ipso in perfectione distantes, subinde sub una tantum ratione, v. g. Sapientis aut Omnipotentis,

XXXII.

Declaratur à simili.

tis, gloriosam ejus Essentiam explicamus: cæteris, quantum est ex vi istius conceptus, ita latentibus, ut discernere non possimus. Altera verò distinctio, cujus vi ex una re efficiuntur duo extrema, similis est visioni candelæ, in casu cujus sæpe meminimus, quo unica cum sit, propter oculum re-
 tortum apparet duplex. Sic namque perfectio divina, cum sit una & simplex, menti nostræ nimium circa ipsam per creaturas distracta, ut multiplex objicitur: eo tamen discrimine, quod candela duplicetur per repræsentationem quasi solo numero distinctam, divina verò perfectio offeratur intellectui sub duplici apparentia veluti specie differenti; cum hinc ut Sapientia v.g. illinc ut Justitia reluceat. Quemadmodum autem neutra visio est formaliter falsa, quia non renunciat intellectui de objecto quod sic se habeat à parte rei, sed tantum quod sic appareat: ita ne nec falluntur distinctiones intellectuales circa rem simplicem, quia ultra hanc apparentiam nihil concludunt.

XXXIII. Dico 2. In omnibus hisce modis distinguendi divina, invenitur aliqua falsitas causalis sive occasionalis. Conclusio hæc aliâ probatione non eget quàm experientiâ: multi enim, iique non vulgares, sed docti & subriles, ex distinctione intentionali divinorum Attributorum, intulerunt formalem eorumdem differentiam à parte rei, ut vidimus disp. 3. alii virtutalem formalem æquivalentem, de qua disp. 4. Utramque autem esse falsam ibidem ostendimus. Experimur quoque in sensibus, quàm facile ex eo quod apparet, falsò quid concludatur de eo quod est. Sic Epicurus & Protagoras solem ferme pedalem asseriebant, quod tantillus oculis videretur. Et hodie non pauci colores apparentes autumant veros, quantum vis excitatis debilioris ac magis fluxæ: quia verorum speciem præ se ferunt, ut aurichalcū auri, & vitrum unionis seu gemmæ.

Ei facile Adverte tamen, quod sicuti circa objecta sensuum, in apparentia intentionali prudentiores non sistunt: sed ex aliis principiis & argumentis veritatem indagant, eoque pacto erroris periculo cavent, ac tandem, non obstante apparentia contraria, Veritatem latentem eruunt, & detracta veluti larva, in apertum producunt. Ita & D. Thomas aliique Scholastici, quos in hac materia præ cæteris sapere existimamus, apparenti divinorum Attributorum multitudini, differentiaque majorem quàm de hac ipsa apparentia fidem non habent, & ex aliis principiis suprà deductis, summam illorum identitatem, tam formalem quàm realem venantur. Addam aliquid quod ex ipsomet Augustino Pallavicinus suprà egregie observat; Geometra qui novit qua specie magnitudinis moles adeo distans conspici debeat, tantum abest ut tantillam apparentiam transferat ad veram solaris corporis quantitatem: ut vel ex ipsa parvitate in talibus circum-

cum stantiis apparente, velut ex ungue leonem, aut Gigantem ex pollice, immensam propè ejusdem corporis molem scientiâ assequatur. Pari ratione peritioribus Theologis intentionalis Attributorum multitudo adeò non imponit, ut vel ex illa ipsâ summam eorumdem identitatem à parte rei conficiant. Ille erroris aut vitii oculos argueret, si Solis adeo diffusi globum ampliorem depingerent. Hi similiter creaturarum incusarent fidem, si per sui speculum perfectiones divinas indistinctas offerrent.

CAPUT VI.

*An & quomodo hac distinctio rationis vindicetur à Vanitate ?
sive an in Deo habeat aliquod fundamentum ?*

ET si vanum sæpe accipiat pro falso vel mendace : frequenter tamen ^{XXXIV.} accipi etiam solet pro inani vel inutili, cujus nullum est fundamentum vel usus. Quo posteriori sensu illæ cogitationes dicuntur vanæ, quæ com-^{Quid} mentitiæ vel chimericæ sunt, absque vero aliquo solidoq; objecto ad cu-^{vanitas} jus scientiam conducant, sive simul sint falsæ sive non. Atque hoc sensu ^{conce-} Vanitatem sumimus in præsentī, secuti Aegidium Romanum in 1. dist. 2. q. 2. aliosque antiquos : nam Recentiores sub aliis ferè terminis hanc Quæ-^{tionem} tionem proponunt, An scilicet distinctio rationis quâ circa Deum versamur, habeat fundamentum in objecto; vel, An isthæc distinctio sit rationis ratiocinatæ, an tantum ratiocinantis?

Dico 1. Distinctio rationis quâ versamur circa Deum, non est vana, sed ^{vindica-} habet rationabilem usum. Probatur. Quia si hæc distinctio conducatur ad ^{tur ab eâ} Deum melius intelligendum, non poterit dici inutilis & vana. Nullum enim objectum excogitari potest, ad quod rectè percipiendum cogitationes nostras utiliùs referamus, quàm Deus ipse qui prima Veritas est, & objectiva Beatitudo. Sed verum est Antecedens. Immediata enim ratio cur Deum in se simplicissimum, nostrorum conceptuum multitudine & varietate distinguamus, est hæc: quòd pro statu hujus viæ per plures illorum, atque omnes simul, multo clariùs & explicatiùs divinam Essentiam apprehendamus & penetremus, quàm tantum per unum vel pauciores eorumdem. Ergo & consequens est verum.

Confirmatur. Quia Theologi passim atque Philosophi, max-^{XXXV.} gnâ Analogiam & consensionem agnoscunt inter Mundum *visibilem* qui est à parte rei, & Mundum *intelligibilem* qui in mente versatur. ^{Mundi} Porro Deus in Visibili Mundo tot rerum Genera Speciesque distinxit ^{visibilis} haud frustra & vanè, sed ad manifestandam gloriam suam : ut nempe ^{consensio} à magni- ^{cum in-} telligibili.

à magnitudine speciei & creatura (ut aliàs retulimus ex Sap. 13) *cognoscibiliter posset Creator horum videri.* Ergo nec inutiliter & vanè, in Mundo nostro intelligibili, tot intentionales species, & actuales Divinorum notitiarum, multiplicantur: cum eundem finem, qui est major Dei gloria, omnes spectent; eam nimirum quæ in clariori notitia Essentiæ divinæ, ejusq; Attributorum consistit.

Explicatur fundamētū distinguendi Deum per rationem.

Dico 2. Fundamentum dictæ distinctionis est, partim divinæ perfectionis plenitudo, partim nostrarum specierum & conceptuum defectus. Quia plenitudo illa præstat, ut quidquid perfectionis à conceptuum nostrorum multitudine attingitur, id verè, sublati imperfectionibus, Deo insit: specierum verò nostrarum conceptuumque imperfectio, sive defectus, est in causa, cur per singulos tota illa perfectio exprimi non possit; ideoque non otiosum ac vanum, sed utile imò necessarium sit, ad Deum melius intelligendum plures species & conceptus conjungi. Plenitudo igitur perfectionis divinæ fundat veritatem conceptuum, ut quod per illos exprimitur, reipsa conveniat Deo: multitudo verò conceptuum efficit, ut intellectus noster tantam perfectionem magis adæquet.

XXXVI. Ulteriorem hujus rationem dedimus cap. 2. Quòd pro præsentī statu Deum haud aliter cognoscamus quàm per species creaturarum: quarum singulæ cum valde imperfectè & inadæquatè Divinitatem participant, plures verò, atque adeo universæ, multo perfectius; hinc etiam singulæ, species valde imperfectè Divinitatis repræsentativas ex se gignunt, plures verò, atque universæ repræsentativas perfectiùs. Multiplicandæ ergo species si Deum melius nobis repræsentari velimus: & per consequens multiplicandæ cognitiones quæ speciebus respondent. Cum autem illæ à creaturis valde diversis decerpantur, diversimodè quoque expriment Deum, & sic intentionaliter distinguant: hinc tandem ad Deum melius intelligendum, diversis distinctionibus rationis, aut certè præcisionibus uti oportet.

Regula discernendi distinctionē fundatā à non fundatā.

Dico 3. Regula itaque, quæ rationis distinctionem fundatam à non fundatā in divinis discernimus, est hæc: ut ea omnis & sola habeatur fundata, cujus extrema propriè ac formaliter Deo conveniunt, horum verò intentionalis differentia ad eum melius intelligendum nobis aliquid confert. Quorum alterum si desit, quæcumque rationis distinctio circa Deum versabitur, non erit fundata quæ *rationis ratiocinata* dici solet: sed sine fundamento, quam *rationis ratiocinantis* vocamus. Sequitur ex priori conclusione, utque ad exempla specialiùs applicetur, cum fundamento distinguimus in Deo intellectum à voluntate, quia res per utrumque nomen significata, non virtualiter vel per metaphoram, sed formaliter & maximè

maximè propriè est in Deo, imò formalius magisque propriè quàm in ul-
lis creaturis: utque experienciâ constat, multo clariùs ac perfectiùs Deum
cognoscimus, si eum intelligamus intelligentem & volentem simul, quàm
si sub altero tantùm conceptu. Ex adverso vanè ac sine fundamento di-
stingues in Deo caput, manus, brachia, digitos, propriè accipiendos; distin-
ctio enim cùm sit entis modus, supponit esse: atqui ejusmodi non sunt
propriè in Deo. Vanè quoq; intellectu divinum semel concipies ut prædi-
catum & iterùm ut subjectum, & sic eum à seipso distinctum de seipso
prædicabis: quia per duos hosce conceptus non intelliges Deum meliùs
quàm per unum eorum; si tamen in illo exemplo non verba tantùm sed
etiam conceptus multiplices, quod in medio relinquo, cùm exempli cau-
sâ sufficiat probabilibus uti.

Eadem porro regula applicati facilè poterit ad omnia cætera quæ solâ XXXVII
cognitione distinguimus extra Deum. Quam sequendo, ad rationem ra-
tiocinantem pertinebunt illæ quarum sæpe meminimus, fallaciæ sensuum
geminantium candelam, aut sub adulterinis coloribus & figuris rem ex-
hibentium: quia vel illa quæ ibi apparent non sunt in re, ut colores Iri-
dis aut turris remoræ figura, vel ad rem meliùs capiendam ac penetran-
dam nihil penitus conducunt, ut ejusdem candelæ geminatio per oculum
distortum. E contrariò, distinctio intentionalis ejusdem hominis in Ani-
mal & Rationale, est rationis ratiocinatæ: quia essentia hominis minùs
bene intelligitur solo conceptu animalis, aut solo rationalis, meliùs autem
explicatur per utrumque simul. Attributorum porro divinatorum distinctio
huic posteriori est similis non priori, meritoque rationis ratiocinatæ dici
potest; quòd ratio nostra per varias Divinitatis similitudines & impro-
prias imagines ratiocinando discurrens, in illis tandem perfectionibus
Deo propriè convenientibus, veluti discussus jam fundati clausulâ ac ter-
mino conquiescat.

Hinc sequitur, fundamentum hoc ex veritate objectiva ac meliori e-
jus explicatione desumptum, adeò sufficere, ut pro distinctione rationis
fundanda non debeamus ulteriùs ad ullas distinctiones objectivas, sive
formales Scotistarum, sive aliorum virtuales confugerè. Sic enim, licet
Cæli, Terra, & omnia quæ iisdem continentur, per tot rerum genera ac
species enarrent gloriam Dei ejusque perfectiones annuntient, idque haud
inutiliter & vanè, sed cum maximo fundamento: haud ideo tamen pro il-
lorum varietate, apud ipsos etiam Scotistas, Divinæ formalitates multi-
plicantur. Et sæpe aliàs rei in se prorsus indistinctæ, aliarum varietas & di-
stinctio ad alia officia utilissimè subservit: ut in homine uni eademque a-
nimæ compositio & Symmetria tot membrorum & organorum; ut nihil

*Ad fun-
damentū
dictæ di-
stinctionis
nulla est;
opus di-
stinctionis
objectivæ*

R

dicam

dicam de distinctione potentiarum & multitudine specierum ac habituum. Quia videlicet rei superioris virtutem, quantumvis indivisibilem, una aliqua inferior non adæquat, sed earum pluribus est opus. Ita nec unus tantum mortalium conceptus adæquat vim intentionalem
: & gloriam Dei. Ad quam hæc dicta, sufficiant pro
priori Tractatu.



TRACTA.

TRACTATUS SECUNDUS

DE LIBERTATE
DIVINA

DISPUTATIO PRIMA.

DE NATURA VOLUNTATIS
DIVINÆ

CAPUT I.

An detur in Deo voluntas per modum potentiae: an tantum per modum purissimi actus?

Suppono in Deo esse Voluntatem; quod est de fide ex Pl. 134. *Omnia quaecumque voluit Dominus fecit*, ad Romanos 9. *cujus vult miseretur*, & aliis centenis Scripturae locis. Ratione id probari à Theologis solet in 1. dist. 45. & 1. p. q. 19. a. 1. ut ex ratione intellectivi quod non potest à volitivo sejungi, ex ratione perfectionis simpliciter, ex vita perfectissima, summa felicitate, aliisque Deo convenientibus & necessario cum voluntate connexis. Sed hic ubi superfluum foret quaestionem praesentem tam altè repetere, iis praetermissis, de sola natura seu quidditate voluntatis divinae, non omnia quidem quae locis jam citatis tractantur, sed aliqua tantum attingemus, quae ad divinam libertatem explicandam, tanquam ad scopum quo Tractatus hic spectat, necessario aut valde utiliter praetelliguntur. Hujusmodi est quaestio quam praesentis capituli titulus praefert.

1.

Circa quam constat in primis, non dari in Deo voluntatem per modum potentiae realiter distinctae ab actu essentiali & immanente. Ita docent Theologi omnes contra Graecos quosdam Palamitas, quorum errorem refert Petavius Theologicorum Dogmatum tom. 1. lib. 5. cap. 11. Probatur autem sufficienter ex dictis tract. 1. disp. 2. de simplicitate divina, cui

R 2

repugnat

repugnat omnis realis distinctio intra Deum, exceptis solummodo differentis Personarum; utpote quæ compositionem vel aggregationem iuffert, utramque simplicitati oppositam, ut ostendimus eodem tract. disp. 1. c. 1. Longè quoque verisimilius est, Voluntatem divinam ab actu suo immanente non distingui formaliter ex natura rei, sicuti eam cum Scoto distinguunt Scotistæ, nominatim Smising tom. 1. in 1. p. tract. 3. disp. 3. q. 1. p. 1. ex principiis quæ de intellectu pariter ab intellectione distincto tradiderat eodem tract. disp. 2. q. 1. à n. 9. usque ad 19. Pro qua majori verisimilitudine faciunt omnia quibus in priore tractatu distinctionem formalem impugnavimus totâ disp. 3. Id denique quod docet Arriaga tom. 1. in 1. p. disp. 24. sect. 2. intellectiōnem divinam esse actum primum sive principium aut radicem volendi, non solum ratione nostrâ, sed etiam virtualiter à parte rei, refellitur ex iis quæ diximus eodem tract. 4. c. 2. contra illam Arriagæ distinctionem virtuales.

*Nec per
modum
radicis
volendi.*

II.

*Incom-
moda ex
hac ra-
dice.*

Notandum, aliis etiam de causis hanc ejus doctrinam displicere. Quod enim est principium volitionis quatenus volitio est, idque non solum remotum (quale in multorum sententia est natura intellectu prædita) sed immediatum ac proximum, est propriè ac formaliter voluntas in actu primo. Hoc enim nomine propriè ac formaliter denotatur tale principium. Intellectio igitur divina erit propriè ac formaliter Dei voluntas in actu primo. Quod licet Arriaga admittat suprâ n. 7. & clariùs disp. 44. sect. 3. n. 29. non videtur tamen admittendum. Quia ut omittam intellectiōnem in rebus creatis solum præluere volitioni, eique ostendere obiectum, non autem in illam influere, præsertim per modum voluntatis: inde sequeretur Filium æternum æquè propriè ac formaliter generari per voluntatem in actu primo, atque per intellectiōnem. Consequens videtur falsum: quia sic Verbum difficulter distingues ab Amore. Quidquid enim proximè procedit per voluntatem quâ talem, procedit per modum Amoris: nec tantum si à volitione in actu secundo procedat, sed etiam, ac multo magis, si à voluntate in actu primo, ut probat exemplum amoris creati. Consequentia verò, licet in principiis nostris negari facile possit, confugiendo ad distinctionem rationis, vel connotatorum, vel modi procedendi: non video tamen quomodo possit negari in sententia præfati Authoris, cui ad propositionem illam, *Filius procedit per intellectum & non per voluntatem*, à contradictione salvandam, distinctiones illæ non sufficiunt; sed necessaria videtur distinctio virtualis intrinseca, ut latissimè prosequitur disp. 42. Qualem tamen distinctionem inter intellectiōnem & voluntatem in actu primo, ipse nullam admittit. Semper igitur & pari modo erit verum, quod Filius per voluntatem in actu primo, & quod per intellectiōnem procedat.

Hiscè

An per
modum
potentia
indistin-
ctus ab
actu.

Hiscē igitur modis potentiam aliquam volitivam in Deo collocandi re-
jectis, restat controversia, an nullo alio pacto illa possit admitti in Deo;
ne eo quidem, ut sit tam realiter quàm formaliter, & omni alio modo à
parte rei eadem cum suo actu, nec aliter ab hoc differat quàm per ratio-
nem? Hoc autem pacto admittendam affirmant plurimi ex Thomistis qui
pro se citant D. Thomam 1.p.q. 41.a. 4.ad 3. ubi ait, *respectu actuum essen-*
tialium volendi & intelligendi salvari rationem potentia secundum modum
intelligendi; Arubal item 1.p.q. 19.a. 1.c. 2. & 3. Granados ibidem disp. 1. &
plures alii. Negat ex antiquis Aureolus in 1. dist. 35.a. 3. ex recentioribus ve-
rò Fasolus 1.p. q. 19. a. 1. & Valentinus de Herice 1.p. disp. 12. cap. 1. qui se
referunt ad pariter dicta de intellectu divino, ac citant D. Thomam ex lib.
1. contra Gentes c. 82. ante medium, ubi ait, *Non oportet aliquam poten-*
tialitatem in divina voluntate ponere, & 2. contra Gentes c. 10. *Intellectus*
& voluntas in Deo non sunt ut potentia, sed solum ut actiones. Alii, inter
quos Suarez in Metaphys. disp. 30. sect. 15. n. 13 satis ambigè loquuntur,
putantque sublatà distinctione à parte rei inter potentiam & actum, vix
superesse controversiam nisi de nomine. Quibus cùm assentiar, explicabo
priùs terminos, & pro eorum differentia diversas assertiones subjiciam.
Ubi enim de solis vocibus quæritur, nihil ferè ultra distinctionem & ap-
plicationem terminorum, est agendum.

Alia po-
tentia Phy-
sica, alia
Logica.

Notandum ergo nomine potentia intelligi posse, vel physicam, vel
Logicam. Physica potentia dicit principium elicivum vel receptivum a-
licujus actus, quale est in materia respectu formæ, & in forma respectu
suarum operationum. Logica potentia nihil aliud est quàm non repug-
nantia sive possibilitas essendi. Potest autem hæc, vel præcindere ab actu,
ut sit in universalibus respectu particularium: vel actum negare, ut in pu-
rè possibilibus: vel esse conjuncta cum actu, ut in rebus existentibus; imò
& necessariis, videlicet Deo ipso. His namque omnibus non repugnat ef-
fe, sive simul concipiantur esse sive non. Potest item utramque potentiam
quæ verè ac propriè detur à parte rei, imitari aliqua conficta per rationem
sicuti entia rationis sunt quædam umbræ ac inania simulachra verorum
entium.

Alia iſtè
vera alia
cōficta per
rationem

Omnis
potentia
physica
volendi
remove-
tur à Deo

Dico 1. Volitio divina est actus tam purus, ut in ordine ad eam nulla
detur reipsa potentia physica, ne solà quidem ratione distincta. Est Au-
reoli, utque existimo in re communis cum cæteris Theologis, dummodo
nomen potentia physica eo sensu sumant quem ei proprium annotavi-
mus. Nemo enim est eorum, qui in Deo, quem merito habent actum un-
dequaque purissimum, admittat aliquam receptibilitatem, aut inter præ-
dicata essentialia elicentiam, à parte rei. Quin ipsi etiam Scotistæ qui alii

de causis Attributa divina, ac speciatim voluntatem & volitionem necessariam, formaliter distinguunt, studiosissimè tamen cavent, ut id omne quod inter illa potentialitatem aliquam activam vel passivam sapit, penitus removeant. Adeo certum apud omnes est, Deum Opt. Max. sicuti est Actus purissimus essendi, ita esse & intelligendi & volendi, & in cæteris omnibus.

*Regula
predicã-
di quid
propriè de
Deo.*

Dices 1. Posse dari potentiam physicam ab imperfectionibus eliciendi & recipiendi abstractam, & sic Deo tribui: sicuti multa alia quæ in creaturis imperfectum quid sonant, ab omni eo expurgata, secundum meram perfectionem conveniunt Deo. Respondeo, ea omnia quæ ab imperfectionibus pura propriè & formaliter tribuuntur Deo, debere absque illis servare conceptum sibi essentialem & proprium: nam quomodo alioquin verè ac propriè possent competere? Haud magis sanè quàm res absque sua essentia, aut exclusa definitione definitum. Atque ita fit in Sapientia, Bonitate, Misericordia cæterisque perfectionibus divinis. Etiam si enim has abstrahas ab imperfectione accidentis, dependentis, aliisque quibus in creaturis implicantur: adhuc retines aliquid iis proprium per quod ab omnibus aliis differant, ut scientiam rerum sublimium, amorem sublevandæ alienæ miseriæ &c. At si potentiam physicam à ratione principii elictivi & receptivi exemeris, nihil erit reliquum quod propriè ac formaliter potentia physica dici queat. Nam solum retinebis ens, substantiam, vivens, intellectivum, volitivum, quæ sonant quidem aliquam capacitatem Logicam sive non repugnantiam ad volendum, saltem identicè: sed non physicam potentiam, quippe quæ essentialiter sit principium eliciendi aut recipiendi volitionem.

v.

*Identitas
sola non
purgat
imperfe-
ctionem.*

Dices forsitan 2. Omnem imperfectionem eliciendi aut recipiendi quam potentia physica involvit, purgari sufficienter per identitatem omnimodam à parte rei inter ipsam & actum, cum sola distinctione rationis. Sed contrà. Identitas à parte rei numquam potest purgare imperfectionem essentialem ac propriam identifierum, sed potius augere. Ut enim perfectionis est per identitatem possidere id quod perfectum est, atque esse Sapientiam, verbi gratià longè magis præstat quàm eam habere: ita imperfectionis, identifierum imperfectis, & longè pejus est ea esse, v.g. errorem aut peccatum, quàm solum recipere. Utque exemplo clariore utar, multò imperfectior foret anima nostra si in se foret corporea, quàm sit modò quando corpori unitur. Quapropter quando agitur de aliquo admittendo intra Deum per identitatem, non negligendus proprius illius conceptus, quasi qualiscumque is fuerit parum intersit, omniaque sint salvanda per summam identitatem: sed conceptus proprius pri-

mu

mum ac seorsim examinandus, an quid Deo indignum contineat. Hoc vero comperto, numquam debet identificari cum Deo. Et alioqui quidvis quantumvis imperfectum possemus formaliter prædicare de Deo, v.g. esse corporeum, animale, opinionem, errorem, omnesque horum imperfectiones excusare per summam identitatem cum aliis perfectionibus, reliquâ solum distinctione rationis. Porro potètia physica, secundum proprium ac formalem conceptum seorsim examinata, semper involvet imperfectiones ante dictas aliasque quæ inde consequuntur, ut entis participati, limitati, compositi & similes: longè igitur absit ab identitate divina.

Adde specialem esse difficultatem in ratione principii identificanda cum actu; quam tamen rationem omnis potentia essentialiter importat. Inter principium enim & actum intercedit essentialis relatio, sicuti inter causâ & effectum, & cõsequenter distinctio proportionata statui, vel reali vel rationis, in quo principium constituitur. Idque adeò verum est, ut hinc merito, Ecclesia realem distinctionem personarum divinarum contra Sabellianos probaret, quod ex scripturis constaret Patrem esse reale principium Filii & ambos Spiritus sancti. Quod si ratio principii, aut potentie realis, salvari posset per distinctionem rationis, aut per aliquam formalem aut virtutalem à parte rei, elideretur tota vis hujus argumenti. Nam possent Sabelliani, admissâ ratione principii & processionum realium, eaque per minores illas distinctiones salvatâ, realem nihilominus identitatem Personarum defendere.

Dices 3. In multis scripturæ locis non volitio tantum sed etiam voluntas tribuitur Deo; Atqui hæc sonat potentiam non actum. Resp. neg. Min. Usitatissimum enim est, non Ciceroni tantum (de quo parum laborandum) sed sacris litteris, ut per *voluntatem* significetur *actualis volitio*, ut Gen. 27 ubi Jacob parenti, *voluntas Dei fuit ut citò occurreret mihi quod volebam*, & alibi. Sicuti etiam per intellectum non facultas tantum intelligendi sed ipse etiam actus sapientissimè designatur, ut Ps. 118. *Da mihi intellectum sed & scrutabor legem tuam*, & Psal. 135. *Qui fecit cælos in intellectu*, summâ scilicet arte & sapientiâ actuali. Quod si alicubi voluntas aut intellectus (de quibus in præsentī semper eadem ratio) non pro actu sed potentia sumatur, & applicetur Deo: id non fit propriè sed metaphoricè, & more humano, juxta conclusionem tertiam mox subjungendam.

Dico 2. Ad omnem nihilominus volitionem divinam datur potentia Logica. Patet ex terminis suprâ explicatis. Quia nulla est, aut esse potest, Dei volitio, quin sit possibilis habeatque non repugnantiam essendi: quod significari per terminum *potentia Logica* ex communi sententiâ suprâ diximus. Neque hæc potentia repugnat Actui puro, dummodo non sit aut possit

Principium distinguendum ab actu.

VI.

Voluntas nomen non potentiam tantum designat sed & actum.

Admittitur in Deo potentia Logica volendi.

possit esse conjuncta cum privatione actus; quod huic potentiae non est essenziale. Nullo quoque modo pugnat cum Simplicitate, cum possit esse ejusdem ad seipsum. Unumquodque enim ita potest esse sicuti est, & ab omni actu ad hanc potentiam optima est consequentia. Hæc denique est quæ reperitur tam in ipsamet divina volitione respectu sui, quam in aliis quæ eam ratione nostra antecedunt, ut intellectione, Entē à se, aliisque Dei prædicatis. Cum enim hæc omnia absque ulla distinctione à parte rei sint ipsamet volitio, habent quoque non repugnantiam ad eandem. Sed quia hæc potentia tam latè patet, non sufficit ut omnia quibus convenit dicantur voluntas. Quis enim in rebus creatis qualitatem, aut alium conceptum genericum, eo titulo voluntatem appellabit, quod non habeat repugnantiam ut sit voluntas? Necesse præterea est, ut quod dicitur voluntas tanquam potentia, habeat aliquam rationem principii ad volendum, pro ut etiam supposuimus supra n. 2.

VII.

*Permis-
titur
quoque
potentia
per ratio-
nem con-
fissa.*

Dico 3. Potentia physica per rationem confissa, non est quidem necessaria, permitti tamen ac servire etiā potest, pari jure quo tam de Deo quam de aliis rebus nobis ignotis, entia rationis aut conceptus alieni permittuntur. Pro parte prioris assertionis videri possunt, quæ diximus in priorē Tractatu disp. 5 cap. 4. assertionē 2. Nec ulla sanè necessitas talem potentiam in Deo concipiendi apparet: cum facile possimus divinam intellectiōnem ac volitionem, per modum actuum independentium, & à se ac per se subsistentium, nobis repræsentare. Pro altera parte, præter modum loquendi Doctorum ac in primis D. Thomæ supra citati n. 3. facit consuetudo nobis familiaris, concipiendi objecta per se nobis ignota, instar aliorum melius perspectorum, atque adeo res divinas instar creaturarum, de quo pluribus egi in priorē tract. disp. 5. c. 2. Quia autem intellectiōnes, & volitiones creatæ, ad aliquod semper principium earum elicitivum, ac receptivum, referuntur: hinc etiam divinæ cum simili habitudine nobis occurrunt.

*Præfer-
tim in
primis
apprehen-
sionibus.*

Notandum tamen primò, Id quod jam diximus maximè habere locum in apprehensionibus primis adhuc rudibus & impolitis, quas immediatè aut propinquè à creaturis decerpimus. Cæteræ enim possunt, ac debent, per varios discursus ita limari ac perfici, ut primæ conclusioni ac veritati conformiores, divinam intellectiōnem ac volitionem improductas, ac irreceptas & per se subsistentes, repræsentent: sicuti & Relationum conceptum, qui primò accidentale quid refert à creaturarum similitudine desumptum, sic tandem expolimus, ut in Deo substantiale quid ac personale designet. Ita fecit D. Thomas supra, quando voluntati divinæ, cui juxta primum apprehendendi modum quandam rationem potentiae tribuerat,

tribuerat, alibi per puriorem conceptum, rationem omnem potentiz negat.

Notandum. 2. Apprehensiones illas quæ voluntatem divinam tanquam physicam potentiam animo objiciunt, non ens verum sed rationis & chimericum objicere. Implicat enim, rationem physicæ potentiz in ordine ad actum essentialem (de quo solo hic agimus non de notionali) cum divina simplicitate componi. Quod etiam agnoscere videtur D. Thomas suprà ubi illam vocat *potentiam rationis ac potentiam secundum modum intelligendi ac significandi*. Potest tamen fortè illud ens rationis, per modum alieni aut metaphorici conceptus, pro ente verò ac reali supponi: ut ex quorundam sententia retulimus in priore Tractatu disput. 5. cap. 3. num. 15.

Not. 3. Maximum hinc elucere discrimen inter conceptum hujus Potentiz, & divinæ Sapientiz, Bonitatis, Justitiæ aliarumque divinarum perfectionum conceptus. Hi enim pro principali objecto, quod exprimunt in recto, habent rem veram ac solidam, quæ Deo conveniat à parte rei; cui secundariò tantum addunt aliquem modum solius rationis, nempe distinctionem vel præcisionem. At conceptus Potentiz pro toto suo ac primario objecto exhibet aliquid fictum per rationem. Hinc nemo nisi impiè dicet Divinam Sapientiam, Bonitatem, Misericordiam esse tantum rationis aut secundum modum significandi; quod tamen D. Thomas paulò ante relatus, de ista Potentia meritiò affirmavit. Hinc etiam, sicuti & suprà observavimus, per conceptus magis limatos atque exactos quos paulatim de divinis formamus, evanescit tandem tota illa potentia: at aliæ istæ perfectiones quanto magis nostros de Deo conceptus perficimus, tantò veriores & solidiores in eodem apparent. Hinc denique volendi potentia apprehendendo fabricata, judicando destruitur: quia affirmamus non esse reverà in Deo apparentem illam potentiam. Sed aliæ Perfectiones quas apprehensio offert, per judicium approbantur: excepto tantum modo distinctionis aut præcisionis; quem earum substantiæ extrinsecus ab intellectu nostro accidere constat, ideoque nihil eidem officere. Quod semel annotasse sufficiat contra quorundam importunitatem: qui quòd in Deo, ommissis formalitatibus aut virtualitatibus, aliqua per modos concipiendi, & si ita velis, rationis entia, explicemus, putant illicò, sed injurià, nos Deum quendam rationis, & huic conformia Attributa comminisci. Absit hoc. Quidquid enim fides, vel recta ratio, dicat reipsa competere Deo, eidem tribuimus: sed in rationis nostræ commenta aut defectus referimus apparentes quasdam imperfectiones circa Deum. Haud aliter quàm Optices periti, Solis puritatem à quorundam calumniis vindicantes, eas quæ

VIII.

*Quàm
longè ab
istis entibus
ratio
nis distent
vera Attributa?*

inesse videntur, maculas, non in solem, sed circumerrantia quædam corpora conjiciunt.

CAPUT VI.

Satisfit recentioris cujusdam argumentis.

IX. **S**cripto priori Capite incidi in Tomum secundum Julii Cæsaris Recuspi, quem de Deo Uno, pari cum primo eruditione, in lucem emisit. Ibi lib. 1. q. 2. per 4. capita disserit, an & quomodo intellectus per modum potentia, in Deo habeat locum: Sumit autem potentiam pro principio actus intelligendi, & contra Aureolum, Herice, Fasolum statuit *tamquam certissimum*, quò deo sensu detur in Deo potentia intellectiva, idque septem solidissimis, ut ait, rationibus demonstrat. Videtur verò id intelligere de potentia aliqua vera, & plus quàm Logica: quodque docet de Intellectiva, cupit etiam, & consequenter, intelligi de Volitivâ. Operæ pretium igitur erit rationes ejus breviter proponere, & quâ dictis priori cap. sunt contrariæ, refutare.

Primò igitur arguit; si in Deo non dentur Intellectus & Voluntas per modum potentiarum, vera erit hæc propositio, *Deus non est intellectivus & volitivus*, & hæc, *in Deo non est intellectus & voluntas*. Consequens est contra Scripturam, & communem modum loquendi Patrum & Scholasticorum. Consequentia probatur, quia dicta nomina potentiam designant, non actum. Confirmatur. Non sunt Synonyma in Deo, *intellectus intelligit*, & *intellectio intelligit*, aut, *voluntas vult*, & *volitio vult*: imò posterior pars in sensu formali est falsa. Ergo saltem est fundamentum distinguendi ratione in Deo intellectum ab intellectione, voluntatem à volitione. Respondeo negando primam consequentiam. Et si enim Deus non sit intellectivus & volitivus per modum potentia: est tamen per modum actus substantialis, eodemque sensu dantur in eo intellectus & voluntas. Hæc enim nomina non restringi ad potentiam, ostendimus priore cap. n. 6. Sic etiam Æternitas divina est durativa æternum, & in rebus creatis, unio materiæ & formæ est unitiva, & modus ubi ubicativus: non per aliquam potentiam physicam ad durandum, uniendum, ubicandum, quamvis solâ ratione distinctam: sed vel per potentiam Logicam, de qua in priori capite concl. 2. vel in genere physico formalissimè seipsis sine ulla potentia; quippe quæ in ipso actuali exercitio durandi, uniendi, ubicandi essentialiter consistant. Ad Confirmationem, admitto illas propositiones non esse Synonymas, si intellectus & voluntas accipiantur ut præcédunt

à Deo

*Deus
quomodo
volitivus?*

à Deo & creaturis: si verò ut contrahuntur per esse divinum, erunt propo-
 sitiones Synonymæ, & abæ pariter veræ. Verissimæ quippe & formalissimæ
 sunt propositiones in quibus de subiecto prædicatur essentiale exercitum
 in illius conceptu inclusum, ut, *unio uniat, ubicatio ubicat, sessio reddit se-*
dentem. Similis autem est propositio, qua de intellectu & voluntate divi-
 nâ prædicatur intelligere & velle. Neque quidquam illis deest ad forma-
 liter intelligendum & volendum: cum non sint accidentia, sicuti intel-
 ligationes & volitiones nostræ, sed substantiæ immateriales & subsisten-
 tes; ideoque idoneæ ut formale intelligendi & volendi exercitum eas
 non tantum *ut quo*, sed etiam *ut quod* intelligentes ac volentes denomi-
 net.

Arguit secundò. In Deo est verus ac physicus conceptus potentia generativæ ad intra: Ergo & potentia intellectivæ. Antecedens patet ex D.

Th. 1. p. q. 41. a. 4. & communi Theologorum. Consequentia probatur ex
 paritate rationis. Quòd si dicamus disparitatem esse, quòd potentia gene-
 rativa sit ad terminum distinctum, nempe Verbum: potentia verò intel-
 lectivâ, si in Deo daretur, deberet esse ad terminum secum penitus eum-
 dem; Urgetur ulterius, quòd detur in Deo potentia, non tantum ad Ver-
 bum, ac processionem passivam cum Verbo identificatam, sed etiam ad
 generationem activam, quæ à potentia non differt nisi per rationem.
 Respondeo concessio Antec. neg. conseq. Disparitas est illa ipsa quam ar-
 gumentum tangit; Quòd potentia generativa, saltem formalis & comple-
 ta, habeat omnia requisita ad rationem physicæ potentia. Est enim prin-
 cipium realiter productivum alicujus termini, nempe Verbi, à Paternita-
 te quæ dictam potentiam ultimò complet, realiter distincti: idque suffice-
 re ad conceptum potentia supra annoravimus. Sed intellectus divinus
 non est tale principium respectu intellectiōis essentialis: hanc enim esse
 penitus improductam, & irreceptam, ipse quoque Recupitus fatetur. Ad
 instantiam de potentia ad generationem activam, negamus dari in Deo
 potentiam physicam ad hanc generationem. Potentia enim generativa
 Verbi est seipsa formaliter generatio activa subsistens, sine ullo respectu
 physicæ potentia ad generationem activam, sed cum solo respectu ad pas-
 sivam generationem & Verbum. Neque habitudo ad actionem est de ra-
 tione potentia, nisi quando hæc quoque ab illa differt, ac procedit sal-
 tem *ut quò*: uti contingit in actionibus separabilibus à potentia, ideoque
 distinctis, qualis non est generatio divina.

*Cur po-
tentia ge-
nerativa
detur in
Deo. Quid
intellecti-
vum?*

Arguit tertio. Ratio principii intellectivi & volitivi potest in Deo de-
 purari ab omni imperfectione: Ergo est perfectio necessariò ponenda in
 Deo Consequentia patet, quia Deus in se complectitur omnes perfectio-
 nes

*Potentia
intellecti-
va ne-
quit pur-
gari ab
imperfe-
ctionibus*

nes puras. Antecedens probatur. Quia actualis intellectio, & volitio, pos-
sunt in Deo deputari ab omni imperfectione, quam in creaturis invol-
vunt, ut ab imperfectione dependentia ab objecto, subiecto & causâ ef-
ficiente: cur non similiter potentia? Respondeo neg. Antecedens. Ad pro-
bationem, nego paritatem. Actualis enim intellectio & volitio, præcis
imperfectionibus, adhuc retinent conceptum sibi essentialem ac pro-
prium, quod sint perceptio vel amor objecti: sed si à potentia intellectiva,
& volitiva, tollantur imperfectiones eliciendi & recipiendi actum, ni-
hil remanet proprium nomini potentia, ut pluribus diximus capite primo
num. 4.

XII.

*Essentia
divina
non est
Attribu-
torum prin-
cipii nisi
per ra-
tionem.*

Quarta ejusdem Authoris ratio est: si datur in Deo conceptus principii
respectu aliarum perfectionum absolutarum, potest etiam dari respectu
intellectionis & volitionis. Sed verum est Antecedens: quia Essentia divi-
na dicit rationem principii, saltem virtualis, respectu Attributorum, &
hæc, quâ talia, important virtualem quamdam emanationem ab Essentia.
Ergo & consequens debet esse verum. Pro responsione dissimulemus pri-
mum particulam *virtualis*, quæ hâc non nisi tenebras offundit: & licet
antea egimus de potentia physica formali, nec tantum virtuali, ita concipi-
amus argumentum procedere de principio formali Attributorum. Quo
sensu permittam Majore, distinguo Minorem: Essentia respectu Attributo-
rum dicit rationem principii quæ revera reperiatur in Deo, sic nego: quæ
configatur ab intellectu formante ens rationis, sic concedo. Quæ do-
ctrina est ipsiusmet Recupini in primo Tomo l. 3. q. 6. à n. 3. ubi verissimè
docet, ad concipiendam essentiam ut radicem & cæteras perfectiones ut
Attributa formaliter, non sufficere distinctionem præcisivam, quæ absque
ente rationis fieri potest: sed requiri distinctionem positivam, quâ com-
paretur Attributum cum Essentia, ut cum principio à quo ipsum emanet.
Quæ distinctio positiva & comparativa est ens rationis & chimericum,
idque ut ipse Author explicat, propter tria: *primò quia id quod est idem
concepitur ut non idem: secundo quia id quod est principium, concipitur per
modum principii: tertio quia id quod est omnino per se, concipitur per mo-
dum adjacentis in alio. Quæ omnia impossibilia sunt, & non entia, & si ap-
prehendantur per modum entia, jam recipient esse objectivum rationis.* Si
hæc ab Authore dicta de Essentia & Attributis, applicentur ad poten-
tiam intellectivam, vel volitivam, & actum, evincunt aliquam potentiam
rationis (qualem permittimus Capite primo, Assertionem tertiam) non autem
veram potentiam eamque physicam à parte rei, qualem ibidem negavit
Assert. 1.

De potentia & principio virtuali multa dici possent: sed quia fere sunt

extra

extra rem præsentem, ubi de formali agimus, videri poterunt quæ de virtuali distinctione diximus in priore Tract. disp. 4. cap. 2. & 3. Unde hæc colliguntur, dandam in Deo virtutalem potentiam intellectivam & volitivam, si per illam significetur virtus causandi similem potentiam formalem in creaturis, aut quædam æquivalentia cum simili potentia creatâ, aut eminentia supra eamdem. Quia Deus & causare formalem volendi potentiam potest, & per suam volitionem actualem eminentissimè præstare quæ nos per potentiam & actum. Cæteroquin haud apparet, quo vero sensu potentiam virtutalem accipere, & ad quidnam formale & actuale (sicuti in omni virtuali facere oportet) eam reducere possimus. Nisi forsitan Author non tam voluerit virtutalem potentiam ponere in Deo, quàm formalem, eamque tantummodo virtualiter distinguere ab actu: sicuti in Deo ponit formalem Misericordiam, quâvis tantum virtualiter à Iustitia distinctam. Sed tunc vel nulla vera & intrinseca distinctio denotabitur, & consequenter nec vera erit potentia: vel coincidet cum formali distinctione Scoti, ibidem refutatâ.

XIII.
Quid dicendum de principio virtuali?

Quinta ratio est, quòd absque imperfectione admittatur in Deo intellectio prior volitione: Ergo similiter admitti poterit prioritas potentia: intellectiva, & volitiva, ad intellectionem & volitionem. Resp. 1. neg. Conseq. Ut enim diximus supra num. 6. ad rationem potentia: physicae non sufficit quavis prioritas, sed opus præterea est vi aliquâ productivâ vel receptivâ, quam non dicit intellectio respectu volitionis, etsi supponatur prior quàm volitio. Resp. 2. neg. Antec. si agatur de aliqua prioritate vel minimâ à parte reistrici enim, juxta dicta in priori Tractatu disp. 3. & 4. nulla vel minima distinctio inter intellectionem & volitionem divinam datur à parte rei, ita nec prioritas. Idem quippe seipso nequit esse prius. Quòd si agatur de prioritate rationis, hæc non potest salvare potentiam physicam à parte rei: imò nec rationis, nisi aliqua causalitas rationis accedat. Quòd si fiat, potentiam rationis quæ hinc consurgat, non negamus.

Prioritas non sufficit ad potentiam physicam.

Sextum argumentum Author petit ab actibus Dei libenis, ad quos Dei voluntas pro aliquo priori rationis est indifferens, pro posteriori verò se determinat ad unum: Atqui pro illo priori indifferentiâ, voluntas non est in actu: Ergo in potentia ad actum, & sic datur in Deo potentia & actus. Sed miror Authorem hac ratione tamquam solidissimâ niti, qui l. 2. q. 9. e. 2. docet libertatem, atque adeo indifferentiâ divinam non cadere supra volitionem & nolitionem ut sic, sed supra hos actus ut efficaces: per hanc verò efficaciam nihil intrinsecum Deo addi, ne quidem ratione distinctum, sed solam effectiorem extrinsecam. In hac igitur sententiâ,

XIV.

Libertas divina nullam dicit potentiam ad intra.

quam ut probabiliorem amplectemur disp. 3. non datur in Deo indifferentia, prioritas, potentia ad actus liberos quatenus dicunt aliquid Deo intrinsicè, sed quatenus connotant aliquid extra Deum. Quæ potentia cum sit eadem cum Omnipotentia divina, & solas creaturas respiciat, est extra controversiam præsentem, ubi de sola potentia ad actum Deo intrinsicè, & qua talem, disputatur.

Septimum atque ultimum argumentum ducitur ex ratione Vitæ divinæ, quæ aliter definiri nequit, quàm *per immanentiam actus in principio vitali*. Cum ergo Deus vivat vitam intellectivam, debet in ordine ad hujus actus, qui sunt intellectio & volitio, supponi in Deo aliquod principium. Nec ad vitam sufficit, actum esse intrinsicè abique connotatione principii: quia sic Omnipotentia, Æternitas, Immenfitas essent actus vitales; Deo enim intrinsicè sunt. Ita fere Recupitus. Sed contrà. Negamus in definitione vitæ ut Deo & creaturis est communis, involvi vitale principium: rursus quia Vita Divina (essentialitè intelligo, quidquid dicatur de notionali) debet esse improducta, sive à se, abique ullo principio: tum etiam quod in bona definitione non possit repeti definitum; alioqui maneret æquè obscura atque illud. In principio autem vitali repetitur vita: hoc saltem non est illà clarius. Melius ergo vitam definimus per *sui motum ab intrinseco*: motum, inquam, vel physicum vel intentionalem: ab intrinseco, autem, sive per processionem sive per identitatem. Quo sensu convenit tam vitæ Divinæ quàm creatæ. Etsi enim Deus se non moveat physicè, sicuti viventia creata: movet se tamen intentionaliter, id est, cognoscit & vult. Nihil enim aliud motu illo intentionali denotatur, quàm tendentia in obiectum: quam habet quicumque id percipit vel amat. Quamvis item Deus motum hunc in se non producat, ut creaturis proprium est, cum tamè intimè secum identificat. Per Æternitatem autem & Immenfitatem (quidquid fuerit de Omnipotentia, fortè eadem formaliter cum voluntate) quamvis pariter identificatas, non vivit, quia illæ quæ tales nullum dicunt motum, ne quidem intentionalem. Ecce quomodo optimè sibi constet Vita divina, sine ulla potentia vel principio: quomodo item Attributa vitalia à non vitalibus distinguat. Quod postremum *Immanentia in principio* non præstat: nam sic manent, ex sententia Recupiti relatà n. 12. Æternitas & Immenfitas in divina Essentia tamquam principio virtuali: & tamen de se non sunt vitales.

Definitur Vita in communi.

Distinguuntur Attributa vitalia à non vitalibus.

—(o)—

CAPUT

CAPUT III.

De voluntatis Divinae objecto, specificatione, motione &c.

XV.

Serviet hoc caput ad cognoscendam omnimodam volitionis Divinæ independentiam ab objecto; Quæ quantum conferat ad ejus libertatem explicandam, ex sequentibus disputationibus apparebit. Nolim autem hic hære in questione quam veluti obscurissimam latè tractat Valentinus de Herice in 1. p. tract. 1. disp. 4. c. 1. An Deus circa omnia quæ intelligit vel amat, versetur à parte rei tamquam circa objecta, an solummodo tamquam cognoscibilia vel amabilia? Quod posterius magis probatur in divina scientia & amore sui ipsius. Quia in his id quod cognoscitur vel amatur est idem cum cognitione & amore, saltem secundum aliquas formalitates: objectum autem sonat aliquid à cognitione ejus vel amore distinctum. Sed in hoc nolim hære, utpote quod majorem de nomine quàm re ipsa quæstionem involvat. Fateor enim nomen objecti derivatum ab aliquo à cognitione distincto, quale sensibus, ac præsertim oculis observari consuevit: cui derivationi conformem significationem si retineret, non posset propriè applicari Deo, ut seipsum cognoscat vel amat. Sed quod in aliis nominibus usu venit, ut ultra id unde derivantur, significationem suam extendant, hic etiam comperio; ut nempe apud probatos Auctores id omne quod cognoscitur vel amatur, objecti nomine denotetur, sive à cognitione distinguatur sive non. Ac sanè in hac significatione proprium quid est quod eo nomine significari commodè queat. Cumque usus communior significationem hanc probet, admittemus deinceps divinam voluntatem, non tantum creaturas, sed etiam divinitatem, atque adeò seipsam habere pro objecto, id est pro eo quod amat. Deum namque tam seipsum quam creaturas amare, hic tamquam ex Scriptura certum, ac naturali etiam ratione manifestum suppono.

*Quid ob-
jectum?*

Hoc posito, alia quædam, de quorum veritate, aut certe proprietate magis ambigitur, ad finem initio propositum, breviter resolvemus, aut saltem explicabimus. Quidam enim nimis scrupulosè Divina ex humanis metientes, quæ in horum objectis inveniunt, volunt etiam quomodolibet ad illorum objecta transferre. Hinc quia vident actus creatos versari circa objecta à quibus specificantur, individuantur, determinantur, moventur, reflectuntur, & nescio quæ non alia patiuntur: omnia hisce similia quarunt in Deo, & de objecto divinæ voluntatis (uti etiam intellectus) specificatione, determinatione, motu, disputationes satis prolissas contexunt.

Sed

XVI. Sed dico primò. Si propriè & ex parte rei conceptæ loquamur, divina voluntas, seu potius volitio, à nullo penitus objecto specificatur, determinatur, individuatur intrinsecè. Est in re ipsa communis, ac ratio est certa & clara. Quia quod à nullo accipit suum esse intrinsecum, non potest ab aliquo ullam ejus speciem, determinationem intrinsecam, aut individuationem accipere: hæc enim omnia pertinent ad ipsummet esse intrinsecum. Atqui ens divinum & absolutum, quale est omnis divina volitio, à nullo propriè & à parte rei accipit suum esse intrinsecum: est enim omni modo à se, à nullo penitus principio dependens. Non potest igitur ab aliquo objecto specificari, determinari, individuari propriè & à parte rei.

*Nullum
propriè
specificat
aut de-
terminat
volitionē
divinam*

Confirmatur. Quia objectum specificativum, aut determinativum, vel esset extra Deum, & sic creatum: vel intra illum, & sic increatum. Absit autem ut aliqua perfectio divina specificationem suam aut determinationem intrinsecam debeat ferre acceptam enti cuiquam aut objecto creato; Cùm enim nihil cogitatione nostra tam exile sit intra Deum, quin à parte rei sit Deus ipse: nihil quoque intrinsecum posset Deus debere alicui creaturæ, nisi seipsum creaturæ deberet. Quod procul dubio esset omnia evertere, & Ens primum in secundum commutare. Neque etiam pro objecto propriè & à parte rei specificante aut determinante assignari rationabiliter potest quidpiam increatum; Quia inter specificans & specificabile, sicuti etiam inter determinans & determinabile debet esse distinctio. Nihil quippe seipsum per seipsum specificat vel determinat: nisi admittere velis idem secundum idem fore prius & posterius; quod contradictionem involvit. Porro volitio divina à nullo increato objecto, vel minimùm, in sua entitate distinguitur à parte rei.

XVII. Dices 1. Omnem hanc specificationem & determinationem intelligi seclusis imperfectionibus causalitatis, & distinctionis, cum quibus in creaturis conjungitur. Initio enim admisimus posse sic intelligi objectum ut creatas omnes imperfectiones excludat: cur pariter specificatio, determinatio, individuatio non possint? Resp. Si dicat imperfectiones secludantur, nihil fore reliquum quod propriè per illa nomina significari possit. Id autem in usu vocabulorum, nisi fuerit Metaphoricus, cavendum esse, animadvertimus cap. 1. num. 4. Alia est ratio in nomine objecti, quod propriè omne cognoscibile & volibile comprehendit, prout ante notavimus.

Dices 2. Probarissimi tamen Auctores, atque inter illos D. Thomas, aliquando illas voces respectu divinæ intellectiois & volitionis usurpant: ut cùm dicunt specificativum & determinativum intellectiois vel volitionis divinæ non esse quid creatum, sed solam Veritatem vel Bonitatem increa-

increatam. Resp. Omisissis fortè pauculis, D. Thomas aliique primarii, quoniam id faciunt, vel non agunt de objecto specificatio aut determinatio ex parte rei conceptæ, sed ex solo modo concipiendi: quo sensu admitti illa locutio potest, eo planè pacto, quo potentiam physicam posse in Deo admitti diximus cap. 1. assert. 3. vel non loquuntur propriè in sensu positivo quem verba sonant, sed impropiè in sensu negativo; ut solum significent divinam volitionem à nullo specificari aut determinari, sed omnem determinationem ac speciem, vel quasi speciem, quam habet, habere per essentiam suam increatam. Idem ferè est sensus quo Deus dicitur *Ens à se*, & apud aliquos ex Patribus *sui causa*: non positivè per aliquam causalitatem vel influxum in seipsum, sed per esse suum necessarium quod prorsus careat omni causâ.

Dico 2. Si item propriè & ex parte rei conceptæ procedamus, nullum datur motuum respectu Voluntatis Divinæ. Probatur. Quia sicuti causa ad effectum, ita & motuum, ordinem dicitur essentialem ad mobile. Atqui nihil Deo intrinsicè est mobile: hæc enim apud omnes tam Theologos, quàm Philosophos receptissima est descriptio Dei, *Primus motor immobilis*; Quidquid autem est Deo intrinsicè, est ipsemet Deus. Nec satisfacies, si dicas, motuum quidem non dari ad motum aliquem realem in Deo (id enim repugnaret descriptioni jam relatæ) sed ad motum intentionalem, qui juxta dicta cap. 2. num. 14. in actibus intelligendi & volendi consistit. Quia si rem attentius consideremus, in idem redit, siue ad motum realem qui à dictis actibus nostrâ ratione præscindat, siue ad intentionalem formaliter cum iis eundem, aliquod in Deo motuum admittas.

Notandum enim, hos actus, quantumvis dicantur intentionales quòd in objectum tendant, esse tamen æquè reales, atque est æternitas, immensitas, vel aliud quidpiam in Deo, cui ea tendentia secundum proprium conceptum non competit. Sicuti etiam nostræ intellectiones & volitiones, licet ob dictam causam dicantur intentionales, haud minus tamen reales, quàm lux, calor aliæque qualitates existunt. Quapropter non potest ab aliquo objecto moveri divina volitio quæ intentionalis est, nisi simul moveatur quæ est realis. Id namque prædicatum includitur in cognitione & volitione divinâ, & omnem ejus rationem pervadit. Motus itaque intentionalis admittendus quidem in Deo, sed is tantum qui sit undique à se, absque ullo principio vel objecto movente: sicuti cap. 1. ostendimus, non dari in Deo alium actum essentialem quàm sine potentia.

Confirmatur. Quia motio finis, quantum est ex hujus parte, non est nisi intentionalis: ex sententia tamen D. Thomæ 1. p. q. 19. a. 5. c. sub finem,

T

& q.

Hinc nec ratio finis afficit intrinsecè Deum. & q. 23. a. 5. c. sub initium, & ex communi aliorum, nullus actus Divinus quatenus Deo intrinsecus est, potest ab aliquo moveri finaliter: Ergo nec poterit quidquam aliud tamquam sui motivum propriè dictum respicere, tamen si supponatur id tantum esse intentionale motivum. Est enim par ratio: ea scilicet quam paulò ante insinuavimus; quòd in mobili realitas formaliter cum intentione conjungitur, ideoque debeat etiam in movente causa realis, sive efficiens, conjungi cum fine. Unde insuper fit, ut quod propter esse suum increatum, excludit omnem causam efficientem, id ipsum nec finalem, nec aliam intentionalem admittat.

XIX. Pro eadem conclusione urgeri præterea possunt argumenta, quæ n. 16. adduximus proprio. Cùmque eadem objectiones contra utramque moveantur, eodem quoque modo solvantur. Si autem id quod improprie, licet usitatè, Voluntatis divinæ motivum dicitur, velimus magis proprie efferre, utamur voce *objecti*, seu *volubilis propter quod*: quod idem potest dici ratio, congruentia, aut etiam *objectum formale volendi*. Sic Deus qui omnia propter semetipsum operatur, & per consequens vult, est objectum propter quod ejus volitio in creaturas tendit: sive est ratio & objectum formale volendi creaturas, hæc verò materialia objecta. Est autem objectum formale dicatur proprie motivum respectu nostrorum actuum: non tamen Divinorum. Sicuti etiam licet nostrorum respectu habeat rationem finis: in ordine tamen ad Divinos actus intrinsecè & entitative spectatos, uti paulò ante vidimus, illam non obtinet.

Dei quoque volitio proprio à fine pendet in sui connotato. Quæ autem utraq; conclusione diximus, semper limitavimus ad actus Divinos secundum entitatem, sive formalitatem Deo intrinsecam: possunt enim habere & de facto habent motivum, specificativum, determinativum, imò & propriam causam finalem, ratione connotati Deo extrinseci; per quod, ut disp. 3. dicemus, in esse libero complentur. Idem de causa voliti seu effectus, non autem voluntatis Divinæ, docet D. Thomas locis citatis n. 18. quorum postremo hæc in rem nostram luculentissimè; *Nullus fuit ita insana mentis, qui diceret merita esse causam divinæ predestinationis ex parte actus predestinantis. Sed hoc sub questione vertitur, utrum ex parte effectus predestinatio habeat aliquam causam*; scilicet meritorium adeoque morale ut sequentia loquuntur. Quare plures vocat, quòd respectu actus divini, ut est Deo intrinsecus, deus ex parte nostræ causæ moralis, eaque meritoria. Id enim D. Thomas cum aliis plurimis tam aperte negat. Argumentum autem, quo velut evidenti, id probat, nihil evincit. Est autem hoc, quòd bonis operibus nostris prævisis allicimus seu excitemus Deum, ut habeat intrinsecè talem voluntatem, ex qua præ-

deat præmii effectus. Id refutabimus disp. 2. & 3. ac ostendemus, nos quidem movere Deum ad dandum atque etiam volendum præmium : sed non ad habendum in se aliquid, quod absque meritis nostris non haberet. Absit ut per merita vel demerita nostra Deum ipsum novis formalitatibus intrinsecis cumulemus. Nihil illi serimus aut metimus : sed tantum nobis.

Dico 3. Propriè denique, & ex parte rei conceptæ, loquendo, Voluntas Divina supra seipsam non reflectitur. Hæc conclusio usui inferiùs veniet: hic autem probatur. Quia nihil propriè reflectitur supra seipsum, sed inter reflexum & reflectens aliqua distinctio necessariò intercedit, sicuti etiam ordo prioris & posterioris; ut vel ipsi termini, & corporeæ reflexionis similitudo, demonstrant. Atqui ex parte rei conceptæ nulla est distinctio in Voluntate divinâ, nulla quoque prioritas: Ergo nec reflexio. Verissimum quidem est quòd divina volitio seipsam velit (sicuti & intellectio divina seipsam intelligit) & sic seipsam habeat pro objecto: sed utrumque fit æquè primò ac directè, sine ulla reflexione. Nec dicas ad reflexionem sufficere quòd detur cognitio propriæ cognitionis aut volitio suæ volitionis : reverà enim id ad illam non sufficit, sed insuper requiritur, ut prioris ac distinctæ detur.

Quomodo autem Actus divinus possit seipsum habere à parte rei pro objecto, & tamen à seipso non distingui à parte rei, facillè colligitur ex ante dictis. Nullo etenim argumento argui potest aliqua distinctio inter actum & objectum, nisi quatenus ille saltem mediâtè ab objecto procedat, & sic ab eodem specificationem quamdam, determinationem, aut aliam quampiam motionem patitur. Quod cum in solis actibus creatis habeat locum, non in Divinis: hinc etiam illi soli, non vero Divini, aliquam inter se & objectum distinctionem deposcunt. Idem à fortiori dicendum de objecti prioritate ad actum : quippe quæ non in alio quàm quadam causalitate vel processione fundetur.

Hic iterum dixi *propriè & ex parte rei conceptæ*. Quia si impropriè, & juxta modum concipiendi à rebus creatis desumptum, de actibus Divinis velimus loqui, poterimus iis non unam tantum reflexionem, sed millenas ac infinitas tribuere : quemadmodum multi Auctores faciunt, qui alioquin nobiscum de eorum actuum simplicitate à parte rei indistinctâ consentiunt; ac inter cæteros magis disertè & operosè Granadus 1. p. tom. 1. contr. 2. tract. 1. disp. 4. Non video tamen cui fructui aut bono, illum infiniti labyrinthum ingredi Theologi debeamus, ut solum explicemus aliquot entia rationis, quæ ex nostro concipiendi modo fabricamus circa Deum. Detur in illis reflexio, eaque finita aut infinita, Dei quidem nihil

in esse videntur, maculas, non in solem, sed circumerrantia quædam corpora conjiciunt.

CAPUT VI.

Satisfit recentioris cujusdam argumentis.

IX. **S**cripto priori Capite incidi in Tomum secundum Julii Cæsaris Recupiti, quem de Deo Uno, pari cum primo eruditione, in lucem emisit. Ibi lib. 1. q. 2. per 4. capita disserit, an & quomodo intellectus per modum potentie, in Deo habeat locum? Sumit autem potentiam pro principio actus intelligendi, & contra Aureolum, Herice, Fasolum statuit *tamquam certissimum*, quod eo sensu datur in Deo potentia intellectiva, idque seipsum solidissimis, ut ait, rationibus demonstrat. Videtur verò id intelligere de potentia aliqua vera, & plus quam Logica: quodque docet de Intellectiva, cupit etiam, & consequenter, intelligi de Volitivâ. Operæ pretium igitur erit rationes ejus breviter proponere, & quæ dictis priori cap. sunt contrariæ, refutare.

Primo igitur arguit; si in Deo non dentur Intellectus & Voluntas per modum potentiarum, vera erit hæc propositio, *Deus non est intellectivus & volitivus*, & hæc, *in Deo non est intellectus & voluntas*. Consequens est contra Scripturam, & communem modum loquendi Patrum & Scholasticorum. Consequentia probatur, quia dicta nomina potentiam designant, non actum. Confirmatur. Non sunt Synonyma in Deo, *intellectus intelligit*, & *intellectio intelligit*, aut, *voluntas vult*, & *volitio vult*: imò posterior pars in sensu formali est falsa. Ergo saltem est fundamentum distinguendi ratione in Deo intellectum ab intellectuione, voluntatem à volitione. Respondeo negando primam consequentiam. Et si enim Deus non sit intellectivus & volitivus per modum potentie: est tamen per modum actus substantialis, eodemque sensu dantur in eo intellectus & voluntas. Hæc enim nomina non restringi ad potentiam, ostendimus priore cap. n. 6. Sic etiam Æternitas divina est durativa æternum, & in rebus creatis, unio materie & forme est unitiva, & modus ubi ubicativus: non per aliquam potentiam physicam ad durandum, uniendum, ubicandum, quamvis solâ ratione distinctam: sed vel per potentiam Logicam, de qua in priori capite concl. 2. vel in genere physico formalissimè seipsis sine ulla potentia; quippe quæ in ipso actuali exercitio durandi, uniendi, ubicandi essentialiter consistant. Ad Confirmationem, admitto illas propositiones non esse Synonymas, si intellectus & voluntas accipiantur ut præcendant à Deo

*Deus
quomodo
volitivus?*

à Deo & creaturis: si verò ut contrahuntur per esse divinum, erunt propo- *Divina*
 sitiones Synonymæ, & abæ pariter veræ. Verissimæ quippe & formalissimè *volitio*
 sunt propositiones in quibus de subiecto prædicatur essentialiter exercitium *seipsa*
 in illius conceptu inclusum, ut, *unio unit, ubicatio ubicat, sessio reddit se* *formali-*
ter vult,
sicut u-
nio unit,
 dentem. Similis autem est propositio, qua de intellectu & voluntate divi-
 nâ prædicatur intelligere & velle. Neque quidquam illis deest ad forma-
 liter intelligendum & volendum: cum non sint accidentia, sicuti intel-
 ligationes & volitiones nostræ; sed substantiæ immateriales & subsisten-
 tes; ideoque idoneæ ut formale intelligendi & volendi exercitium eas
 non tantum *ut quo*, sed etiam *ut quod* intelligentes ac volentes denomi-
 ner.

Arguit secundò. In Deo est verus ac physicus conceptus potentia generativæ ad intra: Ergo & potentia intellectivæ. Antecedens patet ex D. Th. 1. p. q. 41. a. 4. & communi Theologorum. Consequentia probatur ex paritate rationis. Quòd si dicamus disparitatem esse, quòd potentia generativa sit ad terminum distinctum, nempe Verbum: potentia verò intellectiva, si in Deo daretur, deberet esse ad terminum secum penitus eundem; Urgetur ulterius, quòd detur in Deo potentia, non tantum ad Verbum, ac processionem passivam cum Verbo identificatam, sed etiam ad generationem activam, quæ à potentia non differt nisi per rationem. Respondeo concessio Antec. neg. consequ. Disparitas est illa ipsa quam argumentum tangit; Quòd potentia generativa, saltem formalis & completa, habeat omnia requisita ad rationem physicæ potentia. Est enim principium realiter productivum alicujus termini, nempe Verbi, à Paternitate quæ dictam potentiam ultimò complet, realiter distincti: idque sufficere ad conceptum potentia supra annotavimus. Sed intellectus divinus non est tale principium respectu intellectiōis essentialis: hanc enim esse penitus improductam, & irreceptam, ipse quoque Recupitus fatetur. Ad instantiam de potentia ad generationem activam, negamus dari in Deo potentiam physicam ad hanc generationem. Potentia enim generativa Verbi est seipsa formaliter generatio activa subsistens, sine ullo respectu physicæ potentia ad generationem activam, sed cum solo respectu ad passivam generationem & Verbum. Neque habitudo ad actionem est de ratione potentia, nisi quando hæc quoque ab illa differt, ac procedit saltem *ut quo*: uti contingit in actionibus separabilibus à potentia, ideoque distinctis, qualis non est generatio divina.

Cur po-
tentia ge-
nerativa
detur in
Deo. Unde
intel-
lectiva?

Arguit tertio. Ratio principii intellectivi & volitivi potest in Deo depurari ab omni imperfectione: Ergo est perfectio necessariò ponienda in Deo Consequentia patet, quia Deus in se complectitur omnes perfectio-

XI.

*Potentia
intellecti-
va ne-
quit pur-
gari ab
imperfe-
ctionibus*

nes puras. Antecedens probatur. Quia actualis intellectio, & volitio, pos-
sunt in Deo depurari ab omni imperfectione, quam in creaturis invol-
vunt, ut ab imperfectione dependentiæ ab objecto, subiecto & causâ ef-
ficiente: cur non similiter potentia? Respondeo neg. Antecedens. Ad pro-
bationem, nego paritatem. Actualis enim intellectio & volitio, præcisus
imperfectionibus, adhuc retinent conceptum sibi essentialem ac pro-
prium, quod sint perceptio vel amor objecti: sed si à potentia intellectiva,
& volitiva, tollantur imperfectiones eliciendi & recipiendi actum, ni-
hil remanet proprium nomini potentia, ut pluribus diximus capite primo
num. 4.

XII.

*Essentia
divina
non est
Attribu-
torum prin-
cipii nisi
per rati-
onem.*

Quarta ejusdem Authoris ratio est, si datur in Deo conceptus principii
respectu aliarum perfectionum absolutarum, potest etiam dari respectu
intellectionis & volitionis. Sed verum est Antecedens: quia Essentia divi-
na dicit rationem principii, saltem virtualis, respectu Attributorum, &
hæc, quæ talia, important virtutem quamdam emanationem ab Essentia.
Ergo & consequens debet esse verum. Pro responsione dissimulemus pri-
mum particulam *virtualis*, quæ hæc non nisi tenebras offundit: & sicuti
antea egimus de potentia physica formali, nec tantum virtuali, ita concipi-
amus argumentum procedere de principio formali Attributorum. Quo
sensu permittam Majorem, distinguo Minorem: Essentia respectu Attributo-
rum dicit rationem principii quæ revera reperitur in Deo, sic nego: quæ
configatur ab intellectu formante ens rationis, sic concedo. Quæ do-
ctrina est ipsiusmet Recupini in primo Tomo l. 3. q. 6. à n. 3. ubi verissime
docet, ad concipiendam essentiam ut radicem & cæteras perfectiones ut
Attributa formaliter, non sufficere distinctionem præcisivam, quæ absque
ente rationis fieri potest: sed requiri distinctionem positivam, quæ compar-
retur Attributum cum Essentia, ut cum principio à quo ipsum emanet.
Quæ distinctio positiva & comparativa est ens rationis & chimericum,
idque ut ipse Author explicat, propter tria: *primò quia id quod est idem
concipitur ut non idem: secundo quia id quod est principium, concipitur per
modum principii: tertio quia id quod est omnino per se, concipitur per mo-
dum adjacentis in alio. Quæ omnia impossibilia sunt, & non entia, & si ap-
prehendantur per modum entia, jam recipient esse objectivum rationis.* Si
hæc ab Authore dicta de Essentia & Attributis, applicantur ad poten-
tiam intellectivam, vel volitivam, & actum, evincunt aliquam potentiam
rationis (qualem permittimus Capite primo, Assertionem tertiam) non autem
veram potentiam eamque physicam à parte rei, qualem ibidem negavi-
mus Assert. 2.

De potentia & principio virtuali multa dici possent: sed quia sese sunt
extra

extra rem præsentem, ubi de formali agimus, videri poterunt quæ de virtuali distinctione diximus in priore Tract. disp. 4. cap. 2. & 3. Unde hæc colliguntur, dandam in Deo virtutalem potentiam intellectivam & volitivam, si per illam significetur virtus causandi similem potentiam formalem in creaturis, aut quædam æquivalentia cum simili potentia creatâ, aut eminentia supra eamdem. Quia Deus & causare formalem volendi potentiam potest, & per suam volitionem actualem eminentissimè præstare quæ nos per potentiam & actum. Cæteroquin haud apparet, quo vero sensu potentiam virtutalem accipere, & ad quidnam formale & actuale (sicuti in omni virtuali facere oportet) eam reducere possimus. Nisi forsitan Author non tam voluerit virtutalem potentiam ponere in Deo, quàm formalem, eamque tantummodo virtualiter distinguere ab actu: sicuti in Deo ponit formalem Misericordiam, quâvis tantum virtualiter à Justitia distinctam. Sed tunc vel nulla vera & intrinseca distinctio denotabitur, & consequenter nec vera erit potentia: vel coincidet cum formali distinctione Scoti, ibidem refutata.

Quinta ratio est, quòd absque imperfectione admittatur in Deo intellectio prior volitione: Ergo similiter admitti poterit prioritas potentia: intellectivæ, & volitivæ, ad intellectionem & volitionem. Resp. 1. neg. Conseq. Ut enim diximus supra num. 6. ad rationem potentia: physicae non sufficit quævis prioritas, sed opus præterea est vi aliquâ productivâ vel receptivâ, quam non dicit intellectio respectu volitionis, etsi supponatur prior quàm volitio. Resp. 2. neg. Antec. si agatur de aliqua prioritate vel minimâ à parte reitsicuri enim, juxta dicta in priori Tractatu disp. 3. & 4. nulla vel minima distinctio inter intellectionem & volitionem divinam datur à parte rei, ita nec prioritas. Idem quippe seipso nequit esse prius. Quòd si agatur de prioritate rationis, hæc non potest salvare potentiam physicam à parte rei: imò nec rationis, nisi aliqua causalitas rationis accedat. Quòd si fiat, potentiam rationis quæ hinc confluat, non negamus.

Sextum argumentum Author petit ab actibus Dei liberis, ad quos Dei voluntas pro aliquo priori rationis est indifferens, pro posteriori verò se determinat ad unum: Atqui pro illo priori indifferentia, voluntas non est in actu: Ergo in potentia ad actum, & sic datur in Deo potentia & actus. Sed miror Authorem hac ratione tamquam solidissimâ niti, qui l. 2. q. 9. c. 2. docet libertatem, atque adeo indifferentiam divinam non cadere supra volitionem & nolitionem ut sic, sed supra hos actus ut efficaces: per hanc verò efficaciam nihil intrinsecum Deo addi, ne quidem ratione distinctum, sed solam effectiorem extrinsecam. In hac igitur sententiâ,

XIII.

Quid dicendum de principio virtuali?

Prioritas non sufficit ad potentiam physicam.

XIV.

Libertas divina nullam dicit potentiam ad intra.

quam ut probabiliorem amplectemur disp. 3. non datur in Deo indifferentia, prioritas, potentia ad actus liberos quatenus dicunt aliquid Deo intrinsecum, sed quatenus connotant aliquid extra Deum. Quæ potentia cum sit eadem cum Omnipotentia divina, & solas creaturas respiciat, est extra controversiam præsentem, ubi de sola potentia ad actum Deo intrinsecum, & qua talem, disputatur.

Septimum atque ultimum argumentum ducitur ex ratione Vitæ divinæ, quæ aliter definiri nequit, quā *per immanentiam actus in principio vitalis*. Cum ergo Deus vivat vitam intellectivā, debet in ordine ad hujus actus, qui sunt intellectio & volitio, supponi in Deo aliquod principium. Nec ad vitam sufficit, actum esse intrinsecum absque connotatione principii: quia sic Omnipotentia, Æternitas, Immensitas essent actus vitales; Deo enim intrinsecæ sunt. Ita fere Recupitur. Sed contrā. Negamus in definitione vitæ ut Deo & creaturis est communis, involvi vitale principium: tūquā vita Divina (essentialit̃ intelligo, quidquid dicatur de notionali) debet esse improducta, sive à se, absque ullo principio: tū etiam quod in bona definitione non possit repeti definitum; alioqui maneret æquè obscura atque illud. In principio autem vitali repetitur vita: hoc saltem non est illā clarius. Melius ergo vitam definimus per *sui motum ab intrinseco*: motum, inquam, vel physicum vel intentionalem: ab intrinseco, autem, sive per processionem sive per identitatem. Quo sensu convenit tam vitæ Divinæ quam creatæ. Etsi enim Deus se non moveat physicè, sicuti viventia creata: movet se tamen intentionaliter, id est, cognoscit & vult. Nihil enim aliud motu illo intentionali denotatur, quā tendentia in objectum: quam habet quicumque id percipit vel amat. Quamvis item Deus motum hunc in se nō producat, ut creaturis proprium est, cum tamē intimè secum identificat. Per Æternitatem autem & Immensitatem (quidquid fuerit de Omnipotentia, fortè eādē formaliter cum voluntate) quamvis pariter identificatas, non vivit, quia illæ quæ tales nullum dicunt motum, ne quidem intentionalem. Ecce quomodo optimè sibi constet Vita divinæ, sine ulla potentia vel principio: quomodo item Attributa vitalia à non vitalibus distinguat. Quod postremum *Immanentia in principio* non præstat: nam sic manent, ex sententia Recupiti relatā n. 12. Æternitas & Immensitas in divina Essentia tamquam principio virtuali: & tamen de se non sunt vitales.

Definitur Vita
in communi.

Distinguuntur
Attributa vitalia à non
vitalibus.

os(o)s

CAPIT

CAPUT III.

De voluntatis Divinae objecto, specificatione, motione &c.

XV.

Serviet hoc caput ad cognoscendam omnimodam volitionis Divinae independentiam ab objecto; Quæ quantum conferat ad ejus libertatem explicandam, ex sequentibus disputationibus apparebit. Nolim autem hîc hære in quæstione quam veluti obsecutissimam latè tractat Valentinus de Herice in 1.p. tract. 1. disp. 4. c. 1. An Deus circa omnia quæ intelligit vel amat, versetur à parte rei tamquam circa objecta, an solummodo tamquam cognoscibilia vel amabilia? Quod posterius magis probat in divina scientia & amore sui ipsius. Quia in his id quod cognoscitur vel amatur est idem cum cognitione & amore, saltem secundum aliquas formalitates: objectum autem sonat aliquid à cognitione ejus vel amore distinctum. Sed in hoc nolim hære, utpote quod majorem de nomine quàm re ipsa quæstionem involvat. Fateor enim nomen objecti derivatum ab aliquo à cognitione distincto, quale sensibus, ac præsertim oculis observari consuevit: cui derivationi conformem significationem si retineret, non posset propriè applicari Deo, ut seipsum cognoscat vel amat. Sed quod in aliis nominibus usu venit, ut ultra id unde derivantur, significationem suam extendant, hîc etiam comperio; ut nempe apud probatos Auctores id omne quod cognoscitur vel amatur, objecti nomine denotetur, sive à cognitione distinguatur sive non. Ac sanè in hac significatione proprium quid est quod eo nomine significari commodè queat. Cùmque usus communior significationem hanc probeat, admittemus deinceps divinam voluntatem, non tantum creaturas, sed etiam divinitatem, atque adeò seipsam habere pro objecto, id est pro eo quod amat. Deum namque tam seipsum quam creaturas amare, hîc tamquam ex Scriptura certum, ac naturali etiam ratione manifestum suppono.

*Quid ob-
jectum?*

Hoc posito, alia quædam, de quorum veritate, aut certè proprietate magis ambigitur, ad finem initio propositum, breviter resolvemus, aut saltem explicabimus. Quidam enim nimis scrupulosè Divina ex humanis metientes, quæ in horum objectis inveniunt, volunt etiam quomodolibet ad illorum objecta transferre. Hinc quia vident actus creatos versari circa objecta à quibus specificantur, individuantur, determinantur, moventur, reflectuntur, & nescio quæ non alia patiuntur: omnia hisce similia quarunt in Deo, & de objecto divinæ voluntatis (uti etiam intellectus) specificatio, determinatio, motio, disputationes satis prolixas contexunt.

Scd

XVI. Sed dico primò. Si propriè & ex parte rei conceptæ loquamur, divina voluntas, seu potius volitio, à nullo penitus objecto specificatur, determinatur, individuatur intrinsecè. Est in re ipsa communis, ac ratio est certa & clara. Quia quod à nullo accipit suum esse intrinsecum, non potest ab aliquo ullam ejus speciem, determinationem intrinsecam, aut individuationem accipere: hæc enim omnia pertinent ad ipsummet esse intrinsecum. Atqui ens divinum & absolutum, quale est omnis divina volitio, à nullo propriè & à parte rei accipit suum esse intrinsecum: est enim omni modo à se, à nullo penitus principio dependens. Non potest igitur ab aliquo objecto specificari, determinari, individuari propriè & à parte rei.

*Nullum
propriè
specificas
aut de-
terminas
volitionē
divinam*

Confirmatur. Quia objectum specificativum, aut determinativum, vel esset extra Deum, & sic creatum: vel intra illum, & sic increatum. Absit autem ut aliqua perfectio divina specificationem suam aut determinationem intrinsecam debeat ferre acceptam enti cuiquam aut objecto creato; Cum enim nihil cogitatione nostra tam exile sit intra Deum, quin à parte rei sit Deus ipse: nihil quoque intrinsecum posset Deus debere alicui creaturæ, nisi seipsum creaturæ deberet. Quod procul dubio esset omnia evertere, & Ens primum in secundum commutare. Neque etiam pro objecto propriè & à parte rei specificante aut determinante assignari rationabiliter potest quidpiam increatum; Quia inter specificans & specificabile, sicuti etiam inter determinans & determinabile debet esse distinctio. Nihil quippe seipsum per seipsum specificat vel determinat: nisi admittere velis idem secundum idem fore prius & posterius; quod contradictionem involvit. Porro volitio divina à nullo increato objecto, vel minimum, in sua entitate distinguitur à parte rei.

XVII. Dices 1. Omnem hanc specificationem & determinationem intelligi seclusis imperfectionibus causalitatis, & distinctionis, cum quibus in creaturis conjungitur. Initio enim admisimus posse sic intelligi objectum ut creatas omnes imperfectiones excludat: cur pariter specificatio, determinatio, individuatio non possint? Resp. Si dicat imperfectiones secludantur, nihil fore reliquum quod propriè per illa nomina significari possit. Id autem in usu vocabulorum, nisi fuerit Metaphoricus, cavendum esse, animadvertimus cap. 1. num. 4. Alia est ratio in nomine objecti, quod propriè omne cognoscibile & volibile comprehendit, prout ante notavimus.

Dices 2. Probatissimi tamen Auctores, atque inter illos D. Thomas, aliquando illas voces respectu divinæ intellectiois & volitionis usurpant: ut cum dicunt specificativum & determinativum intellectiois vel volitionis divinæ non esse quid creatum, sed solam Veritatem vel Bonitatem increa-

increatam. Resp. Omisissis fortè pauculis, D. Thomas aliique primarii, quos <sup>Quota-
men sen-
su Auto-
res sic lo-
quantur?</sup> tates id faciunt, vel non agunt de objecto specificatio aut determinatio ex parte rei conceptæ, sed ex solo modo concipiendi: quo sensu admitti illa locutio potest, eo planè pacto, quo potentiam physicam posse in Deo admitti diximus cap. 1. assert. 3. vel non loquuntur propriè in sensu positivo quem verba sonant, sed impropiè in sensu negatio; ut solùm significant diuinam volitionem à nullo specificari aut determinari, sed omnem determinationem ac speciem, vel quasi speciem, quam habet, habere per essentiam suam increatam. Idem ferè est sensus quo Deus dicitur *Ens à se*, & apud aliquos ex Patribus *sui causa*: non positivè per aliquam causalitatem vel influxum in seipsum, sed per esse suum necessarium quod prorsus careat omni causâ.

Dico 2. Si item propriè & ex parte rei conceptæ procedamus, nullum ^{XVIII.} datur motuum respectu Voluntatis Diuinæ. Probatur. Quia sicuti causa ad effectum, ita & motuum, ordinem dicit essentiali ad mobile. Atqui <sup>Nullum
item ob-
jectu Deū
propriè
mover.</sup> nihil Deo intrinsecum est mobile: hæc enim apud omnes tam Theologos quam Philosphos receptissima est descriptio Dei, *Primus motor immobilis*; Quidquid autem est Deo intrinsecum, est ipsemet Deus. Nec satisfacies, si dicas, motuum quidem non dari ad motum aliquem realem in Deo (id enim repugnet descriptioni jam relatæ) sed ad motum intentionalem, qui juxta dicta cap. 2. num. 14. in actibus intelligendi & volendi consistit. Quia si rem attentius consideremus, in idem redit, siue ad motum realem qui à dictis actibus nostrâ ratione præscindat, siue ad intentionalem formaliter cum iis eundem, aliquid in Deo motuum admittas.

Notandum enim, hos actus, quantumvis dicantur intentionales quòd in objectum tendant, esse tamen æquè reales, atque est æternitas, immensitas, vel aliud quidpiam in Deo, cui ea tendentia secundum proprium conceptum non competit. Sicuti etiam nostræ intellectiones & volitiones, licet ob dictam causam dicantur intentionales, haud minus tamen reales, quàm lux, calor alique qualitates existunt. Quapropter non potest ab aliquo objecto moveri divina volitio quâ intentionalis est, nisi simul moveatur quâ est realis. Id namque prædicatum includitur in cognitione & volitione divinâ, & omnem ejus rationem pervadit. Motus itaque intentionalis admittendus quidem in Deo, sed is tantum qui sit undique à se, absque ullo principio vel objecto movente: sicuti cap. 1. ostendimus, non dari in Deo alium actum essentiali quàm sine potentia.

Confirmatur. Quia motio finis, quantum est ex hujus parte, non est nisi intentionalis: ex sententia tamen D. Thomæ 1. p. q. 19. a. 5. c. sub finem,

T

& q.

deat præmii effectus. Id refutabimus disp. 2. & 3. ac ostendemus, nos quidem movere Deum ad dandum atque etiam volendum præmium : sed non ad habendum in se aliquid, quod absque meritis nostris non haberet. Absit ut per merita vel demerita nostra Deum ipsum novis formalitatibus intrinsecis cumulemus. Nihil illi serimus aut metimus : sed tantum nobis.

Dico 3. Propriè denique, & ex parte rei conceptæ, loquendo, Voluntas Divina supra seipsam non reflectitur. Hæc conclusio usui inferiùs veniet: hinc autem probatur. Quia nihil propriè reflectitur supra seipsum, sed inter reflexum & reflectens aliqua distinctio necessàriò intercedit, sicut etiam ordo prioris & posterioris; ut vel ipsi termini, & corporeæ reflexionis similitudo, demonstrant. Atqui ex parte rei conceptæ nulla est distinctio in Voluntate divinâ, nulla quoque prioritas: Ergo nec reflexio. Verissimum quidem est quòd divina volitio seipsam velit (sicuti & intellectio divina seipsam intelligit) & sic seipsam habeat pro objecto: sed utrumque fit æquè primò ac directè, sine ulla reflexione. Nec dicas ad reflexionem sufficere quòd detur cognitio propriæ cognitionis aut volitio suæ volitionis : reverà enim id ad illam non sufficit, sed insuper requiritur, ut prioris ac distinctæ detur.

Quomodo autem Actus divinus possit seipsum habere à parte rei pro objecto, & tamen à seipso non distingui à parte rei, facillè colligitur ex ante dictis. Nullo etenim argumento argui potest aliqua distinctio inter actum & objectum, nisi quatenus ille saltem mediàtè ab objecto procedat, & sic ab eodem specificationem quamdam, determinationem, aut aliam quampiam motionem patitur. Quod cum in solis actibus creatis habeat locum, non in Divinis: hinc etiam illi soli, non vero Divini, aliquam inter se & objectum distinctionem deposcunt. Idem à fortiori dicendum de objecti prioritate ad actum : quippe quæ non in alio quàm quadam causalitate vel processione fundetur.

Hic iterum dixi propriè & ex parte rei conceptæ. Quia si impropriè, & juxta modum concipiendi à rebus creatis desumptum, de actibus Divinis velimus loqui, poterimus iis non unam tantum reflexionem, sed millenas ac infinitas tribuere : quemadmodum multi Auctores faciunt, qui alioquin nobiscum de eorum actuum simplicitate à parte rei indistinctâ consentiunt; ac inter cæteros magis disertè & operosè Granadus 1. p. tom. 1. contr. 2. tract. 1. disp. 4. Non video tamen cui fructui aut bono, illum infiniti labyrinthum ingredi Theologi debeamus, ut solum explicemus aliquot entia rationis, quæ ex nostro concipiendi modo fabricamus circa Deum. Detur in illis reflexio, eaque finita aut infinita, Dei quidem nihil

*Theologia quā-
sum fieri
potest ab
entibus
rationis
expedienda*

interest, ac parum etiam nostrā, ut pluribus hīc diximus capite primo ad Concluf. 3. & in præcedenti Tractatu disput. 5. cap. 3. conclus. 2. & cap. 4. concl. 2. Modos quidem concipiendi imperfectos pro statu hujus viæ libenter admittimus, utpote pro eodem pernecessarios ut divina percipiamus: sed ad hoc sufficiunt imperfecti negativè aut præcisivè, pro quibus non est opus Ente rationis: imperfecti verò positivè licet pro primis apprehensionibus tolerari possint, debent tamen deinde judicio tolli. Servire hi videntur instar lignearum subtractionum, quibus fornix, donec coalescat, incumbit; sed quæ eo jam perfectæ ac consistente, subducantur & abjiciantur. Sed quemadmodum reperiuntur Architecti, qui absque ejusmodi fulturis & armamentis, fornices struant: ita & Theologi, semotis illis rationis figmentis, poterunt fortassis Theologiam construere, & quasvis ejus veritates sustinere. Quod si omnes, & juxta omnium caput, non possint, saltem iis pro rudimento, non operis quod moliantur fundamento, juvantur.

CAPUT IV.

*Brevis digressio de Libertate in
genere.*

XXII.

*Præsentis
tractatus
difficultas
supponit,
liberum
difficile
ferre de
voluntate.*

SI vera esset opinio, quam dudum à scholis proscriptam Neoterici nonnulli in easdem revocare hūc anno conati sunt: Liberum esse idem quod voluntarium, ejusque rationem consistere, non in quadam volendi indifferentiā oppositā necessitati, sed in spontanea inclinatione quæ solùm excludat violentiam sive coactionem; haud foret opus longius produci præsentem Tractatum. Paucis enim verbis Divina libertas expdieretur, dicendo, omnem Dei voluntatem, ab omni vi & coactione, prorsus esse immunem. Nihil enim à seipso violentiam patitur: quippe quæ in sua definitione passim vulgatā, principium extrinsecū unde interatur, involvat. Quodnam autem principium invito Deo prævalere, eumq; reluctan-tem sibi subpicere queat? Quamvis igitur creata voluntas (quod tamen cum D. Thoma 1. 2. q. 6. 2. 4. meliores Theologi negant) in propriis actibus à potentiore causa violentiam subiret: non posset tamen Divina huic unquam succumbere. Verū enim verò aliam libertatis definitionem præfens controversia; adeò in scholis celebrata supponit: quā nempe voluntas non à coactione solùm seu violentiā liberetur, sed etiam à necessitate simplici, seu determinatione ad unum; ita ut possit omnibus ad utrumque requisitis, vel velle vel nolle pro libito possit. Hinc namque ori tur difficultas illa, quam in hac vita explicari vix possè Theologi agnoscunt; quo modo isthæc ad utrumlibet potestas, cum Divinā simplicitate & immutabilitate consentiat.

Eandem

Eandem itaque definitionem libertatis in præfenti tractatu supponam, & ex innumeris qui pro ea faciunt Auctoribus, unum solum producam Gregorium Ariminensem Augustinianum, jure olim Doctoris Authentici nomine in Academia Parisiensi insignitum. Is in 1. dist. 10. a. 2. ubi disputat, An Pater & Filius producant liberè Spiritum S., an necessariò: e-jusdem prorsus opinionis meminit, quam Neoterici profitètur, & ex iisdè principis collectæ, nempe D. Augustini sententiis malè intellectis. Sed eâ rejectâ, utpote *ab usu Sanctorum & Philosophorum & Doctorum*, ut ait, *alienâ*, alteram Libertatis notionem, ut non Philosophis tantum, sed Sanctis, ac præferim Augustino, probatam amplectitur ac tuetur, hanc videlicet: *Librum est, quod positis omnibus ad agendum requisitis: ita ut possit agere, non necessario agit, sed in ejus potestate est ut agat & non agat.* Rectè autè observat, licet evidens sit aut facile esse possit, dari ejusmodi agentia, quæ quando possunt quid agere, id omittant, & quando possunt omittere, agant: quod tamen hisce proptiè, & non alijs, nomen Libertatis conveniat, probari non posse nisi per auctoritatem. Quam autem auctoritate id probet & quomodo contraria ex D. Augustino argumenta dissolvat, operæpretium erit referre: valebunt enim contra opinionem hac ætate recoctam, quibus Vir ille doctissimus, & si quis alius, doctrinæ Augustinianæ per studiosus, eandem tunc forsitan in scholis recenter exortam, profligavit, & ne sub Augustini latrâ latius propagaretur, per duo serè sæcula obtinuit.

XXIII.

*Antiqua
& vera
definitio
libertatis*

Primò itaque quia in naturalibus, cujusmodi est libertas, loquendi proprietates præcipuè penes Philosophos est, hanc libertatis notionem præcipuè ex Arist. probat. Is enim 9. Metaph. text. Com. 10. inter agentia naturalia, & rationalia sive libera, id discrimen constituit; quòd quando illa agere possunt, id est, omnia ad id requisita in promptu habent, locum quoque sive approximationem, necesse sit ut agant: agentia verò libera, illis omnibus positis, adhuc possunt non agere. Cujus rationem reddit, quòd priora agentia sint determinata ad unum: alia autem *factiva contrariorum*; non quòd possint contraria facere simul, sed quòd simul potentiam ad faciendum obtineant, utrum autem faciant, sit penes ipsorum arbitrium sive electionem. Quæ est brevis ac vera paraphrasis textus citati, ut legenti patebit. Citat item Gregorius ex 2. Phys. textum Com. 49. & alii alios complures, ut ex 3. Ethicorum cap. 4. & 5. ubi Aristoteles liberum sæpius explicat per id *quod in nobis est situm, quodque in nostra est potestate*, & maxime ex eodem libro Capite septimo, ubi, quid in nobis situm inque nostra sit potestate, declarans: *quas, inquit, res agere*

XXIV.

*Probat
ex Philo-
sopho.*

T 3

in nobis

in nobis situm est, easdem non agere possumus: & quas non agere in nobis situm est, earumdem quoque agendarum potestas nostra est. Videantur reliqua in hoc Capite aded manifesta, ut nec adversarii diffiteri possint ita sensisse Philosophum: sed ab hujus prophano iudicio, ad sacratiora Sanctorum Patrum, ac præsertim Augustini, oracula appellent.

XXV.

Et ex D.
August.

Verum neque Christianos Doctores aliter de vera ac propria libertate statuisse, idem Gregorius, eodemque loco, duorum omni exceptione majorum testimoniis convincit. Prima sunt ipsius, de quo maximè controvertitur, Augustini l. 3. de lib. arbit. cap. 1. Ubi inter motum lapidis tendentis deorsum, & voluntatis superioribus disertis inferiora deligentis, id discrimen agnoscit: quod lapis *in potestate non habeat suum motum, animus verò, dum non velit, non ita moveatur.* Atque hinc infert, lapidi naturalem esse suum motum, voluntati verò voluntarium: quod hinc eum pro libero sumere, quæ hanc sententiam ibidem procedunt & sequuntur manifestè declarant. Idem rursus toto ferè cap. 3. Libertatem necessitati opponit, & sub finem, de voluntate, *quia, inquit, est in potestate, libera est nobis. Non enim est nobis liberum, quod in potestate non habemus.* Quomodo autem nihil dicamur habere in potestate, nisi quod indifferenter facere possumus vel omittere, vidimus apud Aristotelem suprâ. Atque ipse Augustinus se in hoc sensu verbum illud accipere satis ostendit, quando cap. prius citato, motus sui potestatem ideo lapidi negat, quod eum cohibere non possit: quando item altero capite ait, *nihil aliud esse in potestate nisi quod cum volumus facimus.* Ex modo enim communiter loquendi id solum in voluntate nostram ut causam refertur, quod illa sensu ante dicto in potestate habet: alia quæ ex actibus necessariis, atque aded in voluntate nostra non positis, sequuntur, quantumvis ab illa procedant, non tollent tamen in eam referri simpliciter, sed in principium vel objectum à quo movetur voluntas. Sic Apostolus motus inordinatos, sed primò primos, in concupiscentiam refert: & passim Theologi bonos affectus indeliberatos, quamvis à voluntate pendeant, non huic tamen adscribunt, sed gratiæ Dei. Plura alia, & quædam evidentiora D. Augustini testimonia eundem in sensum adferri possent: sed intra Gregorianæ doctrinæ limites me contineo. Qui alia desiderat, consulere poterit Dionysium Peravian Theologicorum Dogmatum tom. 1. l. 5. cap. 3. n. 9. sed præcipuè tom. 3. de Opificio sex dierum, lib. 4. per totum.

XXVI.

Et ex D.
Damas.

Alter testis à Gregorio appellatus, est D. Joannes Damascenus l. 2. Orthodoxæ fidei cap. 25. & sqq. ubi ex proposito (sicuti etiam suprâ Augustinus) liberi arbitrii naturam indagat. Et capite quidem 25. docet, hominem quo-

quorundam saltem operum suorum auctorem esse, eaque in arbitrio suo ac potestate habere: alioqui frustra ei deliberandi facultatem tributam fore. Capite verò 26. disertissimè affirmat, *in nostrâ potestate esse ea qua liberum est facere vel non facere.* Quæ deinde non ultrò solum & sponte fieri ait, sed etiam ex consilio & deliberatione: hanc autem de iis solum rebus suscipi, quæ peræquè in utramque partem contingere possunt, veluti *moveri & non moveri, impetum facere & non facere, appetere ea qua minime necessaria sunt & non appetere, cæteraque in quibus & virtutis & vitii munus versatur.* Denique c. 27. eam inter bruta & homines differentiam ponit, quod bruta naturam non ducant, sed ab ea ducantur ac gubernentur, & proinde quamprimum aliquid appetiverint, ad actionem ruant; homo contrâ, utpote rationis particeps, naturam potiùs ducat quàm ab ea ducatur, ideoque etiam cum aliquid appetit, vel appetitum comprimere ac coercere, si velit, vel ipsi obsequi possit. Quæ per se clarissima ulteriori declaratione non egent.

Hinc infert Author, definitionem Libertatis, quam dederat, esse legitimam, & sic nihil respectu ejusdè posse simul liberum & necessarium esse. Quia implicat contradictionem, aliquem quid ita in potestate habere, ut omnibus necessariis ad agendum constitutis, ponere illud possit vel oppositum ejus, & simul ad alterum ponendum necessitate constringi. Potest tamen idem entitativè principium, quod necessitate rapitur ad unum, indifferenti libertate duci ad alterum. Neque enim idem principium debet respectu omnium servare eundem modum agendi. Quo pacto occurrat argumentis Adversarii ex D. Augustino petitis, præsertim cap. 105. Enchiridii, ubi dicitur, Beatorum voluntatem non ideo libero destitui arbitrio, quod peccare non possit, atque hæc ratio additur; *Neque enim culpanda est voluntas, aut libera dicenda non est, quâ Beati esse sic volumus, ut esse miseri non solum volumus, sed nequaquam pro suis velle possimus.* Hinc namque inferebat Adversarius, necessitatem respectu ejusdem principii & actus, rectè consistere cum libertate. Sed respondet Ariminensis, Augustinum non dicere, Voluntati esse liberam volitionem beatitudinis aut nolitionem infelicitatis; verùm voluntatem quâ necessariò volumus beatitudinem, esse liberam ad multos alios actus, ad quos nulla eam necessitas impellit. Quâ ratione Voluntas quoque Beatorum, licet non possit peccare, liberrimè tamen circa alia versatur quæ peccata non sunt. Porro voluntatem hic sumi ab Augustino, non pro actu volendi, sed pro principio ejus, idem Gregorius evidenter probat ex iis quæ proximè sequuntur: *sicut ergo nunc etiam anima nostra nolle infelicitatem, ita tunc nolle iniquitatem semper habitura est.* Nostra quippe anima non est sua volitio, sed vel potentia vel radicale principium ejus.

XXVII.

Nihil respectu ejusdem potest simul esse liberum & necessarium;

Sed bene respectu diversorum.

Idem tantum intendit D. August. contrâ al. legatus.

Nisi forte
minus
proprie
liberta-
tem acci-
piat.

Quæ responsio procedit accipiendo libertatem propriè & scholasticè, ut opponitur necessitati naturali. Quia tamen Gregorius alias libertatis & necessitatis acceptiones tradiderat supra dist. 6. q. 1. a. 1. inter quas una erat quâ libertas opponitur servituti, & non tam designat certum agendi modum, quàm agentis statum: hinc ait, secundum illam aliter responderi posse, ac iterum dici; D. Augustinum loco citato agere de libertate oppositâ servituti peccati, quæ libertas procul dubio, tâto est major in voluntate, quanto hæc à peccato remotior est. Cum autem voluntas longius ab eo removeatur per bene agendi necessitatem & impotentiam peccandi: hinc per eam isthæc libertas non tollitur, sed confirmatur & crescit. Quem sensum haud leviter suadent Augustini verba quæ priorem sententiam proximè antecedunt: *multo quippe liberius est arbitrium, quod omnino non poterit servire peccato.*

CAPUT V.

*An Deus amet creaturas
possibiles?*

XXVIII. **S**uppono primò, creaturas possibiles nihil esse extra suas causas & intellectum, sed posse aliquid esse extra, id est nullam securam contradictionem, si extra causas & intellectum ponantur. Absit autem ut *extra causas* accipiamus tam materialiter & crasse, quasi causæ eos effectus, qui in ipsarum sinu aut visceribus latebant, jam veluti pariant, & localiter expellant: *extra* n̄ hîc aliud non designat, quàm diversitatem in essendo; quâ nimirum creaturæ, quæ in suis causis non habebant aliquid esse proprium, sed alienum: nempe ipsarummet causarum; jam harum virtute accipiant proprium esse, per quod non ab aliis tantum rebus, sed à suis etiam causis distinguantur. Pari modo explicandam existimo possibilitium existentiam extra intellectum; quod scilicet quæ in intellectu nullum habebant esse, nisi vel intellectiois ipsius, vel aliquid objectivum, sive apparens, ex intellectione resultans; extra illum propriâ quadam entitate gaudeant, quæ nec intellectio sit, nec objectivè tantum appareat.

Suppono secundò. Quamvis aliqui dixerint, creaturis possibilibus id ipsum quod possint existere, convenire à se, per solam non repugnantiam terminorum: longè tamen verius est, totum hoc quod per posse existere denotatur, suo modo dependere à Deo; adeo ut nisi Deum præsupponeret, omni suâ possibilitate, sive non repugnantia amisâ, in Chimæram degeneraret. Destrueretur enim prædicatum omnibus creaturis possibilibus intrinsicè & essentialiter, *entis participati sive ab alio*, & per consequens, limit-

Ensupponit
possibile
nihil
est extra
causas.

Quid significatur
per
esse extra
causas?

Quid per
esse extra
intellectum?

Quid possibile
possibile
sit esse extra
causas habet
à Deo.

limitati, mutabilis, aliisque imperfectiōibus obnoxii: absque quib⁹ haud magis esse vel concipi potest quævis essentia creabilis, quàm homo sine rationali. Non debemus igitur eâ ratione philosophari, quasi creaturæ à se habeant quoddam aptæ ex suo nihilo emergere, & tantum ut id fiat actum, manum Omnipotentis implorent: sed quoddam sua omnia, etiam aptitudinem & non repugnantiam qualemcumque, debeant Deo. Ut semi-Pelagianum est, aliquod gratiæ initium asserere ex nobis quasi ex nobis: ita quid semi-Manichæum (salvâ tamen probabilitate contrariæ opinionis) sapere videtur, si quid ad existendum utile, cujuscumque est non implicantia terminorum, alteri quam Deo debeamus.

Hæc positis, duæ circa principalem quæstionem sunt sententiæ. Sua-
 rez enim tom. 2. Metaphysicæ, refert, & satis probabilem ducit opinionem
 quorundam, quoddam omnis Dei amor tendat in existentiam rerum, saltem
 conditionatam, ideoque nullus detur vel dari possit circa purè possibilis
 quæ ad existendum nullatenus referuntur. Eandem absolutè defendunt
 Theophilus Raynaudus in naturali Theologia dist. 8. q. 2. a. 2. n. 65. Car-
 melitæ Salmaticenses de voluntate Dei disp. 5. Joannes à S. Thoma ibi-
 dem, sive ad q. 19. 1. p. disp. 4. a. 6. qui pro se alios citant Sed aliquo saltem
 amore Deum prosequi purè possibilis docet Vasquez 1. p. tom. 1. disp. 79.
 cap. 2. & plerique Recentiores sequuntur, qui pro se allegant antiquiores.
 Procedit autem quæstio, non de amore efficaci, sed simplicis complacen-
 tiæ; quo voluntas solummodo testetur suam aliquam erga objectum in-
 clinationem sive affectum, tametsi non velit illud existere. Qualem com-
 placentiam esse possibilem, quidquid Salmaticenses contradicant, plures
 Theologi affirmant, imò experientia probat. Nos enim sæpè aliqua obje-
 cta, de quorum existentia à parte rei exercitâ vel exercenda non cogita-
 mus, nobis placere sentimus. Exempli gratiâ, Architecto placet pulcherri-
 mum palatium, atque ad omnes artis regulas exactum, quod animo tan-
 tum suo simpliciter proponit, absque ulla verisimilitudine quoddam ullus o-
 peram unquam aut sumptus præstiturus sit, quibus id construatur. Et quis
 dubitat, quin multæ Rerum publicarum formæ Politicis, innumeræ
 machinarum species Mathematicis arrideant, quas in ordine possibilium
 semper manusuras probè norunt? Ut sua Resp. Platoni, Utopia Moro, Cy-
 rus Xenophonti, Archimedi illud vulgatum; *Da ubi pedem figam, & ter-
 ram movebo.*

Dico. Dei voluntas potest amore aliquo prosequi creaturas posibles. XXX.
 Est Authorum secundæ sententiæ, quorum non pauci id probant ex Scrip-
 tura, quæ disertè testatur Deum velle *omnes homines salvos fieri*, & pecca-
 tores ad pœnitentiam converti; cum tamen multorum salus vel pœniten-

ria, numquam facta vel futura, intra entis possibilis terminos maneat. Sed quia Suarez alique, contra quos agimus, profitentur se loqui de purè possibilibus, quæ ad nullum de ipsorum futuritione decretum, ne quidem conditionatum, revocantur; omnium verò salus vel penitentia sub aliqua saltem conditione à Deo decreta appareat; hinc huic argumento non insistemus.

Quia possunt iam ipsi quam nobis offerri non bona.

Aliter itaq; & universaliùs pbr. Quia tùm omnis volùtas, tùm præsertim infinita, potest ferri in bonù quod ipsi intellectus proponit. Ut enim propositio veri aliò nō spectat, quàm ut intellectus illi assentiat, ita nec propositio boni quàm ut voluntas id amet. Ergo Dei voluntas, quæ nō solum volùtas est, sed etiam infinita, poterit amare creaturas posibles. Has nāq; intellectus divinus ipsi proponit ut bonas. Quia dubitari non potest quin actu existentes sint bonæ: teste enim Scripturâ Gen. 1. *Vidit Deus cuncta quæ fecerat, & erant valde bona.* Cùm autem omnis hæc bonitas quæ actu existentibus convenit, sit possibilis, debet quoque per scientiam possibilem proponi. Exempli causâ, bona Deoque gloriosa est Incarnatio quando jam existit, bonum quoque est, Deoque honestum verâ dicere, promissa servare, misereri: tota autem illa gloria & honestas tam clarè & distinctè Deo objicitur in statu possibili, atque si illam actu existentem cerneret. Alioqui daretur, aut dari posset, aliquid actu existens, quod non esset possibile, aut quod Deum quidquid est possibile penetrantem lateret.

XXXI.

Bonum, ut unum & verum transcendit existentiam terminum.

Confirmatur 1. Quia Philosophi communiter Enti, etiam abstractissimò, ut ab actuali & possibili præscindit, tres tribuunt passiones, Unum, Verum, Bonum. Quas inter, sicuti Verum est idem cum intelligibili, aut certè cum illo inseparabiliter cohæret, ita & bonum cum appetibili. Quibuscumque igitur inferioribus convenit Ens, necesse est easdem passiones convenire; ideoque & Enti possibili, cum hoc Enti ut sic sit subiectū. Nec quisquam negat quin duæ priores possibilibus conveniant: Angelus enim possibilis est unus & verus, utque talis intelligitur scientiâ simplicis intelligentiæ. Par ergo est, ut & bonitatem illis tribuamus, ob quam idem Angelus terminet amorem simplicis complacentiæ.

Possibilia sunt etiâ obiectum voluntatis efficaciæ.

Confirmatur 2. Si creaturæ posibles possint esse obiectum voluntatis efficaciæ, qua Deus eas velit producere, multo magis terminare poterunt simplicem erga se affectum. Sed verum est Antecedens. Scientia enim quæ Deum dirigit in decreto efficaci & productione creaturarum, non est visionis, etsi id velint plerique Thomistæ. Sed simplicis intelligentiæ, ut communius defendunt cæteri Theologi, atque ex adversariis Suarez & Raynaudus, qui etiam ostendunt id esse conforme D. Thomæ. Videtur saltem

saltem magis consentaneum rationi, ut scientia quæ facientem dirigit, & ad faciendum impellit, non ostendat rem existentem & factam, sicuti ostendit scientia visionis; sed aptam existere, & hoc vel illo modo causari, quod ad simplicem intelligentiam pertinet. Hæc porro scientia solum versatur circa objectum possibile: sicuti & illa quæ præluet cuicumque desiderio aut intentioni finis. Nam si hunc repræsentaret & non tantum ut possibilem, sed ut actu obtentum: jam non excitaret sui intentionem seu desiderium, sed fruitionem ac gaudium. Creaturæ igitur possibles voluntatis efficacia sunt objectum; licet non nisi ut existentes, ejus effectus evadant.

Obijciunt primò. Nihil potest amari nisi bonum: sed ens purè possibile **xxxii.** nec est nec fuit nec erit unquam bonum: Ergo non potest amari. Quod si dicamus distributionem in minori positam non esse adæquatam, sed addi debere, nec potest esse bonum; Reponunt, sic quidem significari aliquid boni ex parte Divinæ potentia quæ potest illud producere: sed nihil extra illam, sive distinctum ab ipsa; nisi merè factum sive apparens, quatenus boni instar apprehenditur, quod verè bonum non est. Cujusmodi apprehensio licet possit cadere in creatum intellectum qui Chimæras sibi sæpius fingit, haud tamen in Divinum ab omni fictione alienissimum.

Respondeo negando consequentiam: sicuti neganda est in simili formâ, si loco voluntatis sumamus intellectum, & *verum* pro *bono*, atque inde colligamus ens possibile nõ posse intelligi, quia nec fuit, nec est, nec erit unquam verum. Vitium utriusque est quod in argumento tangitur: *Plura bona quod nempe verum & bonum in minori non distribuuntur pro tota sua latitudine: nam præter verum & bonum quod aliquando est vel erit, datur etiam verum & bonum purè possibile, sicuti ante ostendimus. Et quis neget plura bona esse Deo possiblea quàm sint facta vel fient? Redargueret eum erroris illud Domini nostri apud Marcū cap. 14. Pater omnia tibi possiblea sunt, transfer calicem hunc à me. Illa sanè calicis translatio, quæ nunquam facta, vel futura, remansit in numero merè possibleium: suâ nihilominus bonitate Christum ad sic orandum pellexit. Quo etiam exemplo refelluntur cætera quæ in objectione adduntur. Nam translatio calicis Patri possibleis, quam ut sibi bonam Dominus appetebat, non erat divina potentia: frustra enim pro hac orasset, frustra pro eadem se retulisset ad arbitrium Dei, verbis quæ sequuntur *sed non quod ego, sed quod tu*. Fuit igitur aliquid extra potentiam Dei, sive ab eadem distinctum, non quidem actu sed potentiâ; quæ potestas ut redigeretur in actum, oratio spectabat. Nec erit, opinor, qui in isto possibleium conceptu, mentem ejus*

Plura bona possiblea, quàm sint facta vel fient.

Nec illa tantum bona bonitate potentia, vel errore intellectus.

qui Veritas erat, ullius erroris aut illusionis accuset. Quod si Christus ut homo, qui tot scientiarum generibus instructus omnem creaturæ possibilis rationem comprehendebat, eam sibi extra Dei potentiam sine ullo errore objecit, eaque ratione, ut sua bonitate ad aliquam saltem sui complacentiam, voluntatem permoverit: quidni idem de Divino intellectu cum proportionem asseramus?

XXXIII. Obijciunt secundò. Quod omni bonitate caret, non potest ut bonum concipi & amari absque errore: atqui omni ea caret ens purè possibile; nihil enim habet entitatis, & per consequens nec bonitatis. Confirmatur. Quia omne bonum est ab actu, sicuti & malum ab ejus privatione. Hæc quippe est causa, cur Philosophus materiam formâ destitutam numeret inter turpia & mala, quâ forma, quâ caret, sit ejus actus. Sed etiam existentia est actus possibile: ergo hæc, quamdiu illâ caret, non in bonis sed malis habenda. Respondeo distinguendo Minorem. Ens possibile omni bonitate caret actu à parte rei, concedo: potentiâ, nego. Atque idem dicendum de entitate. Quare non potest sine errore concipi aut amari ut bonum actu à parte rei: sed potest ut bonum possibile. Id autem sufficit ut sit objectum complacentiæ & amoris. Ad confirmationem, notanda est differentia valde magna inter potentiam quæ convenit materiæ in ordine ad formam, & inter eam quam habet ens possibile in ordine ad existentiam. Prior enim potentia est physica ad aliquid à se distinctum: altera est Logica, ejusdem ad seipsum, in ordine ad diversum statum. Est igitur, materia carens forma sit turpis, mala, & inamabilis: ens tamen possibile, sive existentia destitutum, non erit tale. Quia materia in omni statu distinguitur à forma: ens verò possibile non distinguitur à seipso existente; sed totam illam entitatem, pulchritudinem, bonitatem habet possibiliter, quam haberet actu si extra causas poneretur. Melius quidè hæc concipiuntur, si juxta opinionem quam veriore existimo, existentiam non distinguamus actu ab essentia rei: adhuc tamè subsistent ea distinctione supposita. Nam ipsa quoque existentia possibilis est. Quare sistendo in ordine possibile, æquè possumus concipere essentiam cum sua existentia, ac sine illa: & consequenter cum omni sua pulchritudine & bonitate, & sic saltem conceptam à magis. Sicuti materia licet sit turpis sine forma, quia tamen etiam forma possibilis est, potest cum hac concipi, ut intra ordinem possibile constituit elegantissimum compositum possibile: quod utique facimus quando hominem possibilem concipimus.

Alia potentia materia ad formam: alia entis possibile ad existentiam.

XXXIV. Obijciunt tertio. Nihil voluntati potest placere sub ratione mali: Ergo nec creaturæ possibiles quâ tales. Ut sic enim dicunt rationem mali: nempe carentiam existentie realis, quâ nihil pejus potest creaturis accidere. Nemo

Nemo quippe dubitat quin grande illis inferendum sit malum, si post existentiam aliquamdiu habitam penitus annihilentur. Hinc non posset Deus evidentiùs testari suum erga illas odium, quàm semel existentes in nihilum redigendo. Pejus autem apparet relinqui semper in nihilo, quàm existendi beneficio aliquamdiu habito, deinceps privari. Odii itaque objectum creaturæ possibiles esse possunt. non complacentiæ & amoris.

Resp. concesso Antec. neg. conseq. Ad probationem, negamus creaturas possibiles quæ tales, dicere quid mali. Elto enim, nihil pejus possit illis evenire quàm semper privari existentia: hanc privationem creaturæ possibiles non dicunt. Quia tantùm dicunt posse existere: ad quod non pertinet privatio existendi (sicuti nec ipsamet existentia actu exercita) sed illa tantùm prædicata creaturarum, cum quibus si producantur, contradictionem non involvent. Imò si rem attentius expendamus, isthæc privatio ita est extra possibilitatis conceptum, ut si illam in hac involvas, possibilitatem destruas: nihil quippe potest produci atque existere ut componitur cum existentia privatione, sed ut hanc abjicit, & ad formam oppositam transit. Quidquid igitur mali privatio isthæc inferat, non poterit per hoc destrui bonum quod intra suum conceptum pura possibilitas claudit, idcoque nec per illud everti simplicis complacentiæ objectum.

Bona possibilia, quæ talia nihil dicunt mali.

Adverte, hæcenus tantùm argumenti gratia fuisse permissum, privationem illam esse malam, aut si velint, pessimam creaturis possibilibus. Re ipsa verò mala propriè non est, ac multo minus pessima. Ad malum quippe propriè dictum non sufficit quævis carentia boni: sed illa tantùm quæ est boni ante possessi, aut aliàs debiti. Talis autem non est carentia existentia respectu possibilium: quippe quæ nec ab illis quæ talibus possessa sit, neque iisdem ullo jure debeat. Vnde alia hinc ratio quàm annihilationis: hæc enim & existentiam ante possessam à rebus aufert, & aliquo modo debitam; saltem ratione materiæ primæ, cui connaturale est, postquam semel producta est, perpetuò conservari. Quod si petant, quid ergo pejus rebus possibilibus fieri aut optari possit, quàm omnem existentiam iis denegari? Respondetur, illud non quidem fieri, sed optari pejus posse, ut quæ possibiles sunt, impossibiles fiant.

XXXV.

Quid propriè malum

Ad quem verò Divinæ voluntatis affectum privatio existentia in purè possibilibus spectet, non est hujus loci pluribus discutere. Illud hinc observasse sufficiat, quod non spectet ad odium aut displicentiam possibilitatis ipsius; sed si ad aliquod odium, hoc sit aliorum malorum vel inconvenientiù quæ ex illis aliquando existentibus sequerentur, Quamvis pertineat etiam possit ad aliorum complacentiam vel amorem, sive divinæ Lib-

Non privantur existentia in odium possibilitatis.

bertatis & dominii in creaturas, sive creaturarum aliquando existentium quibus aliarum consortium noceret, sive ipsarum etiam rerum possibiliū. Cum enim Veritate teste Matth. 26. bonum fuisset Judæ *si natus non fuisset homo iste*: quidni possit Deus similis boni intuitu, creaturas aliquas in statu possibilitium relinquere, sicuti Judam potuit?

CAPUT VI.

An Deus possibilia amet necessariò, an liberè?

XXXVI.

Accipimus hîc liberè juxta definitionem Libertatis traditam & probatam cap. 4. ut nempe dicit indifferentiam ad utrumlibet. Quo sensu amorem possibilem, quem in Deo admittit, liberum asserit Ambrosius Machinus 1. p. disp. 40. sect. 2. & plures pro opinione hac refert Didacus Ruiz de voluntate Dei disp. 6. sect. 1. Sed Vasquez priore capite citatus, ipse Ruiz, Fasolus, Granadus, Alarcon, Arriaga, aliique communius, dictum amorem quo bona cuncta possibilia simpliciter Deo placent, malunt esse necessarium, uti & plures Antiquiores apud eosdem. Idque intelligunt de necessitate omnimoda: non solum quoad speciem actus, ut odisse non possit; sed etiam quoad exercitium, ita ut Deus nequeat possibilia non amare.

Deus necessariò amat possibilia.

Altera hæc sententia videtur priori præferenda. Facilis & clara ejus probatio est, si supponatur, amorem Dei liberum, cum ex parte amantis contingens esse non possit, exigere necessariò aliquam contingentiam in objecto; prout sequentibus disputationibus ostendetur. Nulla quippe contingentia reperitur in creaturis pro statu merè possibili: quia tam necessariò sunt posibles, ut hujus oppositum contradictionem involvat. Quare vel nullus Dei amor, vel certè non liber, sed omninò necessarius erga illas versabitur. Quorum postremum à nobis tenendum, postquam priori capite admisimus posse Deum eas prosequi aliquo saltem amore. Sed quia Divinæ Libertatis per objectivam contingentiam explicatio supponet ex parte conclusionem præsentem, ne in circulum eamus, aliis hîc argumentis utendum.

XXXVII

Probatum ex infinitate volitionis Divinæ.

Primò itaque probatur ex infinita perfectione Volitionis Divinæ. Ad hanc enim æquè spectat, modo convenienti versari circa omne quod supponitur bonum, atque ad intellectum infinitum, circa omne verum; vel ad Æternitatem aut Immenstatem, complecti omne tempus & locum. Cum igitur possibilia supponantur bona, sicuti vidimus Capite præcedente num. 30. & 31. iisque conveniat amor simplicis complacentiæ: necesse

cesse est, ut hoc amandi modo Volitio divina se ad omnia porrigat. Pone vel unicam veritatem, quæ fugiat divinam intelligentiam, vel unicum locum aut tempus, ad quæ Immensitas vel Æternitas se non extendat; & Infinitatis gloriam iisdem detraxeris. Nec video quomodo tueri hanc possis in divina voluntate, si vel unicum bonum possibile ejus complacentiæ subducas. Alia est ratio in amore efficaci, qui objectum sibi proportionatum non supponit sed facit. Cum enim Deus non debeat, imò nec possit omnia facere: non debet quoque omnia amare efficaciter, ut pluribus prosequemur cap. sequenti. Simile quid videmus in Intellectu divino, Immensitate, Æternitate, quorum infinitas necessariò tantum complectitur objecta omnia vel terminos aliunde suppositos: non est autem necesse, ut ad eorum infinitatem salvandam quidquam fiat de novo, v.g. nova aliqua veritas contingens ad salvandam infinitatem Divini intellectus; aut aliquod tempus vel locus, ad quæ Æternitas ac Immensitas sese actu extendant.

Confirmatur. Quia voluntas in genere, cum sit propensio in bonum, non potest bonum aliquod repudiare; nisi vel propter limitationem, quoddam totam suam vim circa unum exhauriat: vel propter exclusionem alterius boni, siue malum aliquod adjunctum, aut in objecto aut in exercitio actus, cuius odium non consistat cum illius boni amore; Alioquin ipsa sibi adversaretur, idem secundum idem appetendo & recusando. Sed Dei voluntas non est limitata, neque bona possiblea ullum aliud bonum excludunt, neque quidquam inferunt mali. Quia bonum possibile cum altero possibili non pugnat: alioqui neutrum illorum foret possibile. Quamvis verò multos defectus aut imperfectiones possibleas habeat conjunctas: hæ tamen in statu purè possibili, nec nocent, nec talem displicentiam creant, quæ cum simplici bonorum complacentia conciliari non possit. Quia siquam inferant displicentiam, ea quoque, ut paulò post videbitur, est inefficax & simplex. Nulla autem est pugna inter simplicem complacentiam boni, & simplicem displicentiam mali conjuncti: sed tantum inter volitiones & nolitiones efficaces; quæ solæ bona & mala inter se committunt, cum statum actualem, in quo invicem adversantur, respiciant. Debet igitur Dei voluntas actu amare omne possibile bonum.

Et ex voluntatis propensione in bonum, cui non obstat malum.

Possiblea invicem non offi- ciunt.

Probatur 2. Unicuique connaturaliter inest quædam propensio in res suas, quæ nempe ortum ab ipso ducunt. Hinc enim Philosophi causas etiã purè naturalibus tribuunt innatum quemdam appetitum ad suos effectus, nec est bestia quæ sætus suos, aut parens qui liberos non amet; nisi quid extra ordinem naturam pervertat. Quin inò Deus ipse, licet non necessariò quidquam extra se faciat aut conservet, de his tamen quæ jam fecit, quatenus

xxxviii.

Quisque sua connaturaliter diligit

quatenus opera sua sunt, necessariò gaudet. Placent nimirum Soli sui radii & rivuli fonti, utque quilibet seipsum, ita & sui participationem ac similitudinem diligit. Ut autem initio vidimus, bona possibilia quidquid habent bonitatis, aut potiùs possunt habere, non à seipsis habet vel possunt, sed à Divina bonitate, imitando illam & participando: etsi non imitatione aut participatione physica & actuali, sed Logica & possibili. Connaturale igitur est ut placeant Deo, atque adedò necessarium: nihil quippe potest impedire Deum ab aliquo sibi connaturali. Atque ipsi etiam adversarii, ut plurimùm, tribuunt Deo erga bona possibilia inclinationem quandam innatam, eamque necessariam: quidni pariter tribuamus elicitam? Hæc namque cognoscentibus propria, magis Deum decet, quàm altera cum rebus inanimatis communis. Accedit quodd inclinatio prædicta respondere debeat Omnipotentia cui inest; Ostendemus autem cap. 8. hanc non esse extrahendam extra ordinem vitæ: sed in ipsa voluntate divina, eaque actuali collocandam. Quapropter & isthæc inclinatio debet esse vitalis, inque aliquo actu voluntatis consistere. Alius porro actus huic proprius non assignabitur, quàm simplex complacentia suprà explicata.

XXXIX. Confirmatur. Quia cum Deus sit ens summè necessarium, oportet ut intrinseca quæ ei tribuimus, quantum fieri potest, necessaria asseramus: sic enim, & vix aliter, enti necessario identicè congruent. Neque instantia de actibus Dei liberis, ulteriùs quàm fides dicat, vel ratio convincit, extendi debet. Sed absque ullo inconvenienti possumus amorem Dei erga possibilia necessarium tueri, ut solutione argumentorum constabit. Ergo. Accedit quodd communi Sæctorum & Theologorum consensu, attributa Misericordiæ, Justitiæ, Liberalitatis, & similia quæ creaturas concernunt, sint omnino necessaria in Deo. Hæc autem in alio collocari commodè non possunt, quàm in propensione quadam infinita ad miserationes, largitiones & vindictas possibiles. Quæ propensio cum sit in voluntate divina, in eaque se non habeat per modum potentia, sicuti ostendimus in præsentia disp. cap. i. neque etiam per modum habitus, quippe quem æquè, aut multo magis, quàm potentiam divina perfectio excludit: reliquum est, ut sicuti paulò ante diximus, sit in Dei voluntate per modum actus. Qui quidem non omnia isthæc objecta efficaciter velit: sed simplici solum amore in ea tendat; quæ est illa ipsa complacentia, quam probandam suscepimus.

Obijciunt primò. Creaturæ possibiles sunt finitæ bonitatis: ergo non possunt necessitatem imponere voluntati Divinæ. Nam si voluntas nostra quæ est virtutis finitæ, possit resistere cuilibet motioni finiti boni, quanto

quanto magis divina? Respondeo concedendo consequentiam. Neque enim necessitas amandi bona possibilia voluntati divinæ imponitur ab objecto, quod sicut vidimus cap. 3. concl. 1. & 2. eam propriè non specificat aut movet, multo minus necessitat: sed illi à seipsa inest. Quippe quæ infinitam suam perfectionem, ac propensionem in omne bonum de quo causando non agitur, sistere seu reprimere non potest; ideoque non tam ab eo trahitur quàm suo pondere in id fertur. Bonum autem possibile à sui causalitate, sicuti & ab existentia à parte rei exercenda, præscindit. Debet igitur Dei voluntas amore simplici prosequi bonum omne possibile; nisi non tam huic, quàm sibi metipsi, quod fieri nequit, eam resistere dicamus. Alia est ratio in voluntate creata, quæ est perfectionis finitæ, ideoque multorum alioquin amabilem amore, tam à seipsa liberè, quam aliunde privari potest. Breviter itaque: voluntas Dei, licet non necessitetur ex parte objecti ad amorem possibilem, ob infinitatem tamen quam habet in ratione volitivi, necessitatur ad eum quasi subjektivè: sed voluntas creata tam objectivà necessitate circa bonum finitum, quam subjektivà circa quodlibet caret. Sic etiam Deus ob solam suam Immensitatem loca omnia implet non ob aliquam horum attractionem aut illecebram: quamvis creaturæ per hanc illamve ad certa loca ducamur. Et intellectus Divinus ob suam quoque infinitatem, non ob objectorum vires ac motionem (quæ in creaturis habet locum) verum omne complectitur.

Not. tamen, nativam creaturæ voluntatis inclinationem in bonum, ita ^{XXXX} quoque cum objecto consentire, ut sicuti insinuavimus num. 37. semper debeat tractionem ejus sequi, nisi malum aliquod apprehensum illius impetum sistat: malum, inquam, non purè possibile, de quo tanquam parum ad nos pertinente, non tantopere laboramus, sed aliquo modo futurum aut præsens; si non in objecto, saltem in actuali attentione vel intentione circa illud, quæ ob limitationem potentiz, vires alio melius impendendæ distrahantur. Hinc non semper diligimus bona possibilia, etiam si voluntati proponantur: præterquam in motibus primis, qui illam mali propositionem anteverrunt. Idque rursus assertionem nostram confirmat: nulla enim complacentia possibilem, sicuti nec scientia, Deum à melioribus distrahit, aut aliud quidpiam incommodi illi infert. Idcirco, etiam deliberatissimè, debet perinde versari circa bona possibilia, quamvis finita: sicuti nos per motus illos, qui mali propositionem præoccupat, circa eadem versamur.

Obijciunt secundò. Si Deus necessariam habeat complacentiam omnis boni possibilis: Ergo habebit simul complacentiam contradictoriorum. Consequens videtur absurdum. Consequentia probatur. Quia non tan-

X

tùm

*An Deo
simpliciter
creans co-
tradictio-
ria.*

tum entia, possibilia sunt & bona, sed etiam negationes eorundem. Nam potest Deus has æquè atque illa efficaciter velle. Respondeo negando consequentiam quidquid sit de absurditate consequentis, quæ difficulter probabitur; Quamvis enim absurdum, imò impossibile sit, velle efficaciter contradictoria: non tamen simplici, erga ea complacentiâ duci. Sicuti non est absurdum, intellectum in contradictoria ferri per simplices apprehensiones: licet non possit simul iis assensum præbere. Sed quidquid de eo fuerit, consequentiam nego. Mundus enim possibilis, & mundi negatio possibilis, invicem non contradicunt: sed tantum *mundus possibilis, & non possibilis*, sive impossibilis, *mundus*. Quæ duo prædicata, cum simul non sint vera, ideoque nec bona (mundus namque impossibilis quid plane fictum atque chimæricum est) ideo nec debent, nec possunt Deo simul placere.

XXXX I. Obijciunt tertio. Si Deus amore simplicis complacentiæ feratur necessarii in bona possibilia: Ergo etiam odio simplicis displicentiæ in mala possibilia. Hoc autem non videtur admittendum. Quia sic nullus esset homo, vel Angelus, qui non esset apud Deum amoris & odio. Nullus enim est aut esse potest, qui non possit facere multum boni & mali: etiam si, non dicam Deiparam, sed ipsam Christi naturam humanam contemplemur. Quis autem dicat, aut Deiparam, aut humanam Christi naturam, esse alicui odio apud Deum: aut Judam & Luciferum amoris? Resp. concedendo conseq. Ideo enim hæcenus egimus de possibilibus bonis, ut mala possibilia alteri Divinæ voluntatis affectui servaremus, qui non est nisi displicentia simplex, & similibus argumentis Deo possibilis, imò necessarius comprobatur, quibus bonorum possibilitium amor; excepto argumento secundo num. 38. Malorum enim, ac præsertim culpæ, possibilitas non est referenda in Deum tamquam originem, sed ut cum D. Augustino lib. de vera Religione cap. 19. & cum D. Fulgentio de Fide ad Petrum, aliisque Patribus Sapientiores Theologi docent, *in nihilum nostrum*. Quare eo nomine placere Deo non debent, quo possibilia bona: sed ex adverso potius displicere. Ad probationem in contrarium, nego id sequi in terminis illis absolutis, in quibus, *esse, homo, Angelus*, pro reali & actuali supponunt: quamvis sequatur in terminis restrictis secundum esse possibile. Nullus quippe est homo vel Angelus, qui secundum statum possibilem, non terminet aliquam simplicem complacentiam vel displicentiam. Sed cum hoc consistit, quòd secundum statum actualem, tam suæ substantiæ quam suorum actuum, aliqui homines & Angeli. Ut Christus Dominus, Deipara, Michael Deo toti placeant, sine ulla vel minima maculâ vel nœvo. Hunc verò statum actualem, & amorem Divinum ei corresponden-

tem,

*Hand id-
cò tamen
creatura
existentes
displicent
Deo.*

rem, Scriptura & Patres considerant, quando illorum puritatem, ac sanctitatem, Deo in omnibus gratam atque amabilem commendant: non autem possibilem statum, & huic soli proportionatos affectus.

Notandum, rationem huic argumento haud multum dissimilem olim XXXXII
fuisse familiarem Pelagianis. Hic enim, ut aliquam invenirent causam, cur Deus aliquos ex parvulis prædestinaret, salvandos per gratiâ baptismi, alios verò reprobaret, decessuros in culpa originali, fingeant eum hic habere delectum operum bonorum & malorum, non quæ fecissent aut facturi essent absolute, sed quæ facerent sub conditione si vitam diutius protraherent; atque aliis in horum pœnam vitam tollere sine baptismo aliis in illorum præmium gratiam baptismi, in eaque perseverantiam donare. Sed è contrario D. Augustinus alias inter rationes quibus istum errorem confutat, hanc sæpius urget: quod nemo sit præmio aut pœnâ dignus, propter opera bona vel peccata *qua nulla sunt aut erunt.* Sed refutatur ex D. Augustino.
quæque nec fecit nec umquam facturus est. Idque evidentiſſimum cenſet, ut non debeat ulterius in controversiam vocari: ut videre est apud eundem in epist. 105. paulò ante finem, lib. de Prædest. SS. cap. 13. lib. de Dono perseverantiæ cap. 10. & lib. 1. de Anima & ejus origine cap. 12. Eadem autem ratio locum habet in præſenti. Opera enim bona vel mala quæ tantum sunt possibilia, *nec nulla sunt, nec erunt*: neque homo qui re ipsa existit illa fecit, nec unquam facturus est. Non debent igitur in hujus laudem vel vituperium, præmium vel pœnam, amorem vel odium verti.

Nec refert, quòd idem Petrus qui est possibilis, ponatur actu: quia non XXXXIII.
idcirco ponuntur actu omnia ejus accidentia possibilia: sed multa in nihilo suo remanent, ideoque Petrum actu existentem non tangunt. Unde nec ad eum spectat complacentia vel displicentia simplex, quam in statu possibili accidentia terminant. Atque idem, quantum existimo, dicere debent Adversarii, admittentes Divina decreta circa objecta conditionata: ut faciunt Salmaticenses tract. 3. de scientia Dei disp. 9. §. 3. & Joannes à S. Thoma tom. 1. in 1. p. disp. 20. a. 2. Nam inter hæc decreta, alia etiam se habent per modum amoris & complacentiæ: alia per modum displicentiæ & odii. Si ergo petatur quomodo objectum quod absolute Deus odit, ei placeat sub conditione, vel contrà: haud meliori modo satisfacient, quàm dicendo, alium esse statum existentiae conditionatae, alium absolute: illum multo latius patere quàm hunc, ideoque prædicata quæ priori conveniunt, cum hoc non converti. Idem ad ipsorum argumentum applicetur, & solum erit. Nam status possibilium est magis diversus à reali, & latius patet quàm futurorum sub conditione.

X 2

Adde,

Adde, quòd status possibilem, quàm talium, maxime necessarius sit, & nihil intra se contingens admittat. Ex quo fit ut amor qui purè possibilem est, debeat quoque versari circa sola necessaria nec quidquam liberum sive contingens complecti queat. Non potest igitur se extendere ad Judam, vel Luciferum, ut existunt actu. Quia sic non sunt objecta necessaria sed contingentia, ac proinde ad alteram amoris speciem pertinent, de qua capite sequenti. Quare nec Judas, quatenus existens, poterit ullatenus ab eodem formaliter amore, Deo carus seu dilectus denominari: sicuti nec Deipara à simplici odio peccati possibilem, Deo exosa aut ingrata.

CAPUT VII.

An Deus liberè amet creaturas existentes?

XLIV.

*Duplex
amor &
libertas
circa crea-
turas exi-
sentes.*

PRO hujus resolutione, distingui debet duplex amor creaturarum existentium, & duplex libertas. Primus amor est operativus & efficax, qui productionem vel conservationem creaturarum ordine naturæ antecedit: alter est simplex & inefficax, quæ jam productas aut conservatas supponit, ac nostra etiam ratione consequitur. Hic se habet per modum gaudii de creaturis jam existentibus, juxta illud Prophetæ ps. 103. *Latabitur Dominus in operibus suis*: ille per modum intentionis, vel desiderii, practicè tendentis ut existant, de quo Ps. 134. *Omnia quacunque voluit Dominus fecit in cælo & in terra*, & ad Ephesios 1. *qui operatur omnia secundum consilium voluntatis suæ*. Quod verò spectat ad libertatem: alia est immediata quæ convenit actui secundum se, ut volitioni indifferenter elicitæ: alia est mediata, quæ non convenit actui nisi in sui causa vel objecto, vel aliquo alio quod supponit; sicuti liberè video, quia liberè apertio oculos, aut applico ius librum, quamvis hisce suppositis nequeam visionem cohibere.

*Amor o-
perativus
est Deo li-
ber & ple-
rumque
immedi-
atus.*

Dico 1. Omnis Dei amor erga creaturas qui est operativus & efficax, est liber, ac plerumque immediatè. Est de fide ex plurimis testimoniis Scripturæ. Multi hoc allegant ut in terminis formalibus expressum, *Deus ultionum liberè egit*; sed docti Interpretes liberè ibi accipiunt pro manifestè, confidenter, sine timore vel acceptione personarum; nemine resistente. Quo postremo sèsu dicitur liberè grassari ignis vel aper, quâdo nemo obstat & impetum coarctet. Alia suppetit, eaq; efficacia, in terminis æquivalentibus, ut Danielis 3. *Ecce Deus noster què colimus, potest eripere nos de camino ignis ardentis & de manibus tuis, ô Rex, liberare. Quod si noluerit, notum sit tibi quòd Deos tuos non colimus*: ubi tres Viri conjiciendi in fornacem, consentitur Deum posse ipsos eripere, vel non eripere, prout voluerit: & quidem

quidem cæteris omnibus eodem modo constitutis, ut loco tempore, fornace, furore Regis & ministrorum. Quam esse genuinam notam libertatis, patet ex dictis cap. 4. Præterea 1. ad Cor. 12. inquit Apostolus: *hac autem omnia operatur unus atque idem spiritus, dividens singulis prout vult* id est, ut S. Ambrosius 1. 2. de Fide ad Gratianum interpretatur, *pro libera voluntatis arbitrio, non pro necessitatis obsequio*. Ac vulgò etiam dicimus quid facere prout volumus, quando liberè & pro arbitrio facimus. Ad quod Divinæ libertatis arbitrium, plura alia contingentia sacræ litteræ referunt, ut cap. 9. ad Rom. *cujus vult miseretur, & quem vult indurat*. Quo præterea capite voluntatis ejusdem dominium & ad utrumlibet potestas, declaratur exemplo figuli, *ex eadem massa facientis aliud quidem vas in honorem, aliud in contumeliam*,

Eodem facit locus suprà allegatus de consilio Divinæ voluntatis. Ut enim optimè notat D. Thomas 1. p. q. 19. q. 3. *quod operamur ex consilio voluntatis, non ex necessitate volumus*. Electio quoque passim à Philosophis inter actus voluntatis liberæ numeratur: illam autem Deo tribuit Apostolus ad Ephes. 1. cum ait: *Elegit nos in ipso ante mundi constitutionem*. Pluribus ex Scriptura recensendis abstineo, cum in hoc tractatu propositum mihi sit, non tam Divinam libertatem, modò minimè controversam, asserere; quàm aliquem magis probabilem eam explicandi modum. Videri illa poterunt apud Scholasticos in 1. dist. 43. & 44. & 1. p. q. 19. ac præsertim apud Didacum Ruiz de Voluntate Dei disput. 7. & Petavium Theolog: *Libertas Dei probant miracula & opificium Mundi*. Dogmatum tom. 1. l. 5. cap. 4. ubi præterea referuntur autoritates Sanctorum Patrum. Quorum etiam aliqui veritatem hanc deducunt ex miraculis quæ aliquando Deus supra naturam operatur: ex his enim apparet Deum non semper agere ut naturam, sed cum dominio in eam ac libertate; ut quando ignem Babylonicum impedivit ne combureret tres pueros, ac similiter feras ne devorarent Danielelem. Addi his & similibus potest opificium mundi, quod cum instanti potuisset absolvi, pro Divino arbitrio productum est per sex dies, eoque in quibusdam ordine, qui non naturam sed divinum arbitrium pro ratione haberet: ut quando Deus primo die lucem condidit ante solem ac sidera, & rursus die tertio ante eadem omnem herbam virentem, primum denique hominem ex limo terræ, & ex ejus costa mulierem.

Quod spectat ad rationem; displicet in Occam & Gabriele in 1. dist. 43. q. 1. a. 2. sub finem, quòd doceant, Divinam libertatem fide quidem credendam, naturali autem ratione efficaciter probari non posse. Id inquam, displicet: quia plures rationes naturales, exque non infirmæ, Deum esse causam liberam creaturarum evincunt. Celebris est ratio D. Th. quam

loco suprâ citato petit ex natura divina ad omnem beatitudinem sibi sufficientissimâ absque ullis creaturis, juxta illud Prophetæ ps. *Dixi Dominus Deus meus es tu, quoniam bonorum meorum non eges*: non est ergo ei necessarium, ut quidquam extra se efficaciter velit seu operetur. Sicuti nec homines aliquid nobis necessarium ducimus, absque quo beatitudine seu fine nobis proposito possumus frui. Liberè igitur ac gratiosè potentiam suam & bonitatem in creaturas diffundit. Aliæ Angelici Doctoris rationes videri poterunt 1. contra Gentes Capite 81. & 82. & Quæstione 23. de Veritate art. quarto. Duas his addam.

XLVI.

*Ac primò
ex supremo Dei
dominio
in crea-
turas.*

Prima sit. Dominium libertatem in se continet, vel supponit. Est enim potestas disponendi perfectè de re aliqua pro arbitratu: ita ut qui illâ gaudet, possit rem conservare, vastare, consumere, donare, prout ipsi placuerit, sine cujusquam injuria. Quæ potestas ad tam multa indifferens, cum cæteris omnibus eodem modo se habentibus, pro solius Domini hoc præ illo volentis arbitrio determinetur, argumento est, dicto arbitrio congruere totam definitionem libertatis cap. 4. traditam. Hinc etiam non aliis quam libertate præditis, ut communis est sententia, convenire dominium potest. Lumen autem naturæ dictat, Deum esse supremum Dominum creaturarum; nec tantum dominio jurisdictionis sed etiam proprietatis. Hujus tituli gloriâ Deo deferunt quotquot aliquè agnoscunt, in eoq; servitutem suam, cultum, religionem, sacrificia fundant. Eodem igitur lumine constat Deum liberum esse: non quidem in ordine ad se, cum sui non sit Dominus, sed in ordine ad creaturas efficiendas, conservandas, mutandas, destruendas.

*Deinde
ex possibili-
tate rerum.*

Altera ratio juxta definitionem libertatis paulò ante relatam, desumi potest ex possibilitate rerum. Si namque, ut definitio fert, isthæc voluntas sit libera quæ potest velle, cum possit nolle, vel contra: Dei profeçdò voluntas dici debet liberrima, quæ ex infinito cumulo possibilium voluit tam multa existere, quibus poterat in perpetuum omnem existentiam denegare; longè verò plura in nihilo suo reliquit, cum pari existendi beneficio donare ea posset. Etenim quæ ex possibilibus facta sunt vel fient, nullum habet prædicatû sibi essentiale quod sit necessariò cum existentia connexum: quæque ex iisdem nec facta sunt, nec fient unquam, nullum intra suam notionem prædicatum claudunt, quòd repugnet existentia. Quæ enim sequeretur contradictio, si plures quàm aliquando futuri sint, crearentur Angeli, homines, animantes, vel integri etiam mundi? Ambo igitur creaturarum possibilium genera sunt de se indifferentia ad utramque partem oppositorum. Jam porrò non fides tantum dictat, sed naturalis etiam Philosophia demonstrat, quòd ipsa sese ad alterutram partem determi-

terminare non possint : sed hoc spectet ad causam aliquam efficientem, s ac ipsum tandem Deum in cuius potestate, atque adeò voluntate situm sit, ut possibilia aliquando existant vel non, & hæc potius, quàm alia. Adde, hoc loco, tempore, modo, magnitudine, numero, cum his qualitatibus & aliarum rerum combinationibus: nam etiam ad hæc indifferenter plerumque se habent. Dei itaque voluntas, quæ tot opposita tamque infinita, determinandi potestatem habet, infinitâ quoque libertate gaudet: & hinc amor de quo agit Assertio, efficax dicitur quod per illum determinatio hæc fiat, jure optimo liber denominatur.

Dixi in eadem assertione, amorem ibi descriptum, liberum esse *plerumque immediatè*. Quia interdum est vel esse potest liber tantum mediata, ut quando cum uno objecto immediatè libero alterum tam essentialiter coheret, ut sequi debeat, ac per nullam potentiam separari possit. sicuti cum Dei promissione absoluta, & ad omnes circumstantias determinata, executio ejusdem. Posita enim promissione, impossibile est Deum non præstare rem promissam. Quia teste Apostolo ad Hebr. 6. v. 11. promissio divina est una inter duas illas res immobiles, *Quibus impossibile est mentiri Deum*. Mentiretur autem, seu falleret, si rem promissam non efficeret. Non datur igitur aliqua potestas ad eam non efficiendam posita promissione; & per consequens nec indifferentia ad faciendam. Ad unum namque oppositorum hæc dari non potest, nisi data potestate ad alterum. Quare superest ut haud aliter Deo liberum sit rem taliter promissam facere, quàm quatenus liberum fuit non sic promittere. Isthæc autem libertas est tantum mediata, prout initio descripsimus. Plura exempla suggerent qui putant, in rebus creatis quasdam dari realiter aut modaliter ab invicem distinctas, mutuo tamen inseparabiles, ut relationem Patris à correlatione filii, aut certe utramque à præsupposito fundamento: nam & hic, positâ re unâ, est planè necessarium poni alteram; ut & positâ materiâ aliquam formam, dato corpore ubicationem, darâ denique prædeterminatione physicâ quorundam Thomistarum, actum prædeterminatum. Sed quia horum aliqua falsâ, cætera valde incerta sunt, in priori exemplo, quod est fidei, acquiescamus. An fortè, & quomodo ad illud reduci debeat exemplum constantiæ in servandis decretis, videbimus disp. 4. cap. 1. n. 2. & seqq.

Dico 2. Nullus amor creaturarum existentium qui eas non producit, sed supponit jam productas, est in Deo liber immediatè: sed tantum mediata, quatenus ex priori amore efficaci & libero, eas Deus produxit. Ultima hujus conclusionis pars satis constat ex conclusione priori. Pars verò prima iisdem argumentis probatur, quibus in cap. præcedente ostendimus, *Amor creaturarum existentium, sed non operativus non est Deo liber nisi mediata.*

XXXXVII

Amor operativus interdum non est liber nisi mediata.

XLVIII.
Amor creaturarum existentium,

sed non operativus non est Deo liber nisi mediata.

simplicem amorem bonorum possibilem non esse Deo liberum. Quòd inprimis id facit, quod num. 37. petebamus ex infinitate Amoris divini, necessariò se extendentis ad omne id quod ita supponitur bonum, ut de eo causando non agatur: sic enim supponitur creatura jam existens. Quòd item juxta dicta num. 38 amor ille sit Deo connaturalis, & quia inefficax, cum nullo alio amore, vel malorum fortè conjunctorum odio, repugnantiàm habeat: quare nulla est ratio eum cohibendi. Ut hic etiam præteream, quòd existentia creaturæ jam supposita, & sic necessarià ex hypothefi, desit connotatum contingens liberi amoris.

Probat Confirmatur ex Scriptura, quæ non tantùm loco sub initium hujus capitis citato, sed alibi etiam, hanc veritatem insinuat, ut Genesis 1. *Viditque Deus cuncta quæ fecerat, & erant valde bona:* ubi post Dei opera jam effecta, ideoque per visionem proposita, sequitur approbatio quædam bonitatis ipsorum; non per intellectum (quæ frustra esset post totius bonitatis comprehensivam visionem) sed voluntatis, per complacetiàm in iisdem. Unde etiam graviores Interpretes hæc verba, *erant valde bona*, ejusdem sententiæ esse volunt cum his, *placuerunt valde*: Huc etiam spectant quæ dicuntur Sap. 11. v. 25. *Diligis enim omnia quæ sunt, & nihil odisti eorum quæ fecisti*: ubi *sunt & fecisti* innuunt, amorem de quo Sapiens agit, non esse antecedentem qui creaturas faciendas respiciat: sed consequentem, qui circa jam factas versetur. De antecedente amore potiùs intelligenda quæ immediatè sequuntur: *Nec enim odians aliquid constituiisti aut fecisti*. Ac si diceret: haud mirum Tibi placere jam facta, quæ non ex odio sed puro amore fecisti. Solemus quippe iis gaudere perfectis, ad quæ faciendâ, mero amore ducti sumus.

XLIX. Nec dicas, amorem quidem aliquem inde colligi, quo Deus sua opera prosequatur: sed non necessarium: sicuti namque liber ipsi erat amor ex quo faceret, ita etiam quo complectatur jam facta. Id, inquam, ne dicas; Agi enim ibidem de necessario amore, duo persuadent. Primum est, quòd Scriptura ad omnia Dei opera eum extendat. Quæ enim sunt Deo libera non omnibus, quantumvis capacibus, conceduntur sed aliquibus, ut vel hinc Divinæ libertatis ac beneficentiæ argumentum capiamus. Sic non omnia quæ fieri possunt, Deus facit: nec omnibus ejus capacibus suam gratiam indulget. Quid dico gratiam? Non omnes homines omnibus membris sensibusque instructi: imò nec ullum animal, vel mixtum vel elementum assignaveris; quod in Divinæ libertatis, sive causantis sive permittentis, indicium, aliquam vicissitudinem, & proprietatum, etiam connaturaliter debitum, in aliquo saltem individuo, mutationem nõ subeat. Quomodo ergo tam universalis Dei amor erga creata omnia, nullo profus ex-

cepto,

cepto, si liber foret, ex Scriptura constaret? Maximè cum Deo rationes non decissent, cur si aliter fieri posset, quibusdam saltem creaturis, Luciferò v.g. & Judæ negaret illum suum amorem. Alterum quod necessitatem hanc suadeat, colligitur ex loco posterius allegato, ubi communis amoris hæc ratio adfertur; *Nec enim odians aliquid constituisi aut fecisti.* Deus namque nihil ex odio facere potest. Quia *velle bonum* est amare, & non odisse: nihil porro facere Dominus potest, cui aliquod bonum, saltem existentie, faciendo non velit: ergo nec quicquam quod ex amore non faciat; & per consequens à Scriptura insinuat, quod jam factum, aliquo etiam pacto non amet.

Adde, quædam tandem bona ex hypothese quòd existant, esse objecta necessaria complacentie divinæ: ut Unionem hypostaticam, gratiam justificantem, studium Caritatis & cæterarum virtutum, majorem Dei gloriam. Nemo sanè est qui Deum norit, quin se ipsi eorum studio placitum intelligat: sicuti è contrario, subitum certam ejus displicentiam atque offensam, si vitia aliaque quæ cedunt in divinæ Majestatis contemptum sectatus fuerit; etiam si de nulla Dei lege arbitraria, seu positiva, sit instructus. Ut hujus complacentie necessitatem, more nostro quo vulgò capiatur, Dominus exponat: Canticorum 4. v. 9. *fatur, à Sponsa ejusmodi donis ornata, cor suum vulnerari;* & cap. 6. *averte, inquit, oculos tuos à me, quia ipse me avolare fecerunt.* In Hebræo est, Genebrardo interprete, *prævaluerunt mihi*: quasi à Sponsa patiat, vim amoris ac vulnera, quæ conspectu ejus pulchritudine, declinare non possit. Et quorsum alioquin, tot ibidem admirationes & exclamationes: *quàm pulchra es, amica mea, quàm pulchra es? Oculi tui columbarum &c.* Absque aliquo sanè affectu, coque non penitus libero, sed objectis aliquatenus debito, dici ea seriò vix possunt. Deo quidem est liberum, bona jam dicta aliis donis vel præmiis cumulare, & quidquam aliud, præter id quod jam videt existens, de iisdem statuere: sed ex hypothese quòd existant, simpliciter saltem ac necessariò placent. Quodque de iis diximus quæ in bonis creatis sunt maxima, ad quævis etiam alia, quantumvis minima, debet transferri. Non enim certorum bonorum magnitudo aut pondus, eam amoris necessitatem divinæ voluntati imponit, nisi ut suprà ex Canticis, per metaphoram loquamur: nam quid ex rebus creatis est magnum apud Deum, coram quo, teste Isaia cap. 40. *Gentes quasi stipula strula, & quasi momentum stare reputata sunt, & Insula quasi pulvis exiguum?* Sed ipsamet infinitæ Bonitatis indoles, in omnia bona, de quibus causandis non agitur, pro eorum ordine & conditione, naturalissimè se inclinat.

Quæ porro toto hoc capite diximus de complacentia siue amore divi-

Y

no, re-

L.
Quædam
salutis obje-
ta creatis
terminant
necessari-
um Dei
amorem.

- LI. no, respectu bonorum, applicari ferè possunt ac debent ad divinam displicentiam seu odium, respectu malorum. Omne igitur odium practicum seu efficax eorumdem, est Deo liberum immediatè: displicentia verò simplex est proximè necessaria, ex hypothesi quòd mala existant; sed est libera remotè, quia liberum est Deo permittere vel impedire hanc hypothesim.

Diffinitio de amore bonorum, applicatur ad odium malorum.

Amor præsentis boni. Et odium mali non convertitur cum gaudio & dolore.

Sed duplex differentia inter bona & mala hîc obiter observanda. Prima, quòd per amorem practicum bona accipiant ut sint: per odium verò practicum mala nequeant causari à Deo; id namque non esset odisse sed diligere mala, quod in Deum non cadit respectu malorum culpæ, quæ hîc nomine *malorum* simpliciter intelligimus. Quare per practicum odium mala solummodo possunt impediri, dissuaderi, prohiberi, destrui, eorumque authores puniri: quæ omnia & singula Deo immediatè sunt libera. Altera differentia est, quòd complacentia divina in bonis jam existentibus, sit propriè gaudium (quippe quod nihil à Deo alienum contineat) Displacencia verò præsentium malorum non sit tristitia aut dolor; cujus Deum penitus expertem summa ejus beatitudo reddit. Differt quidem displicentia circa malum jam existens à displicentia circa idem possibile: non tamen per differentiam tristitiæ, nisi in subiecto ejus capace; sed per aliam innominatam. Quemadmodum & amor boni præsentis, in subiecto & gaudio incapace (quale est voluntas damnatorum) per similem differentiam distinguitur. Suprà tamen amorem boni præsentis & gaudium pro eodem accepimus: quia de subiecto utriusque capace sermo erat.



CAPUT VIII.

An Dei potentia sit formaliter eadem cum voluntate eiusdem?

Hic non agimus de potentia ad volendum, de qua satis dictum c. 1. LII.
neque de potentia ad actus notionales, Generationem scilicet & Spirationem divinam: sed de Potentia productiva ad extra, à qua omne ens creatum in fieri & conservari dependet. Suppono autem cum communiori sententia, hanc potentiam per conceptum, saltem explicitum, distingui ab Essentia divina, & inter Attributa computari. Substantia enim, ac præsertim divina, nõ constituitur primò per respectum ad extrinsecam, sed absolutè in se: divina autem potentia vel revera dicit respectum ad creaturas, vel absque illo nobis explicari non potest. Id quod nunc ^{Statua} quaeritur est; an Attributum divinæ potentiae sit peculiare ac à cæteris distinctum: non quidem formaliter à parte rei (quod satis refutatum in priore Tractatu) sed ratione nostra? an verò cum aliquo aliorum per eandem coincidat: ac speciatim cum Attributo voluntatis divinæ? Hæc namque quaestio aliquid etiam lucis dabit explicandæ Libertati divinæ, ut disp. 3. videbitur. <sup>quaestio-
nis.</sup>

Celebris hæc est sententia Durandi in 1. dist. 38. q. 1. tria ex parte Dei requirentis, ad productionem creaturarum, Intellectum ut dirigentem, ^{Varia} Voluntatem ut inclinantem & inducentem, ^{sententia.} Potentiam ut exequentem. Hanc autem solam vult esse causam immediatam creaturarum: duas autem priores solùm concurrere mediare. Illum enim numerum atque ordinem causarum reipsa experimur in quovis artifice creato: debemus igitur utrumque transferre ad Deum secundum rationem. Durandum sequuntur Suarez disp. 30. Metaph. sect. 17. Ambrosius Machinus 1. p. disp. 51. sect. 2. & inter plures recentiores Arriaga tom. 1. in 1. p. disp. 40. sect. 1. E contrario Molina 1. p. q. 25. a. 1. disp. 2. Vasquez ibidem, disp. 102. c. 3. Smising tom. 1. de Deo uno, tract. 3. disp. 7. n. 26. & sqq. Stephanus Bubalus de Angelis q. 54. a. 5. §. 1. & sqq. nullam potentiam ab intellectu & voluntate distinctam, in ordine ad creaturas, agnoscunt in Deo, ac pro se citant Scotum, Ferrariensem, Cajetanum. Sed Granadus tom. 2. in 1. p. in appendice de Omnipotentia Dei disp. 2. Joannes à S. Thoma 1. p. q. 26. a. 2. & alii, mediam ineunt viam, non distinguentes Dei potentiam ab eius intellectu & voluntate per aliquam formalitatem completam & adæquatam: sed tantum per incompletam, quatenus potentia voluntati addit rationem principii.

LIII. Omnibus his sententiis favet S. Thomas 1.p. q. 25. a. 1. ad 4. argumentum: duplicem enim ad illud adhibet responſionem. Unam pro prima ſententia, hiſce verbis: *dicendum quod potentia non ponitur in Deo ut ali- quid differens à ſcientia & voluntate ſecundum rem, ſed ſolum ſecundum rationem, in quantum ſcilicet potentia habet rationem principii exequentis id quod voluntas imperat, & ad quod ſcientia dirigit.* Alteram deinde reſponſionem in aliarum favorem ſubjungens, *vel dicendum*, inquit, *quod ipſa ſcientia vel voluntas Divina ſecundum quod eſt principium effectivum, habet rationem potentiæ.* Quam quia poſteriore putant aliqui ex mente Authoris præferendam priori. Sed cum leve id ſit indicium in ſermone diſjunctivo: nobis ſufficiat utramque opinionem pari ſaltem apud illum eſſe loco. Poſtremam reſolutius defendit S. Bonaventura in 1. diſt. 45. a. 2. q. 1. ait enim, Deum *in quantum voluntas eſt*, eſſe cauſam rerum. Quod ibi probat ex S. Dionyſio. Et intrà id refert, non in modum tantum agendi, ſed in virtutem; *Deo enim velle eſt poſſe.*

*Aſſirma-
tiva, cer-
to modo
tempera-
ta, præ-
feritur.*

*Snadetur
autorita-
te SS. Pa-
trum.*

Dico. Potentia Dei non eſt Attributum diſtinctum à voluntate divina, ſed in aliquam ejus formalitatem, etiam per rationem, coincidit. Eſt Authorum ſecundæ ſententiæ, contra Authores primæ, & facile conciliatur cum tenentibus tertiam, ut intrà apparebit. In ſenſum conſclusionis optime explicatur quod à Scriptura de Deo dicitur Apocal. 4. v. 11. *tu creaviſti omnia, & propter voluntatem tuam erant, & creata ſunt*: notant enim Interpreteres, propter ibi ſumi pro per, quæ particula cauſalitatem effectivam designat. Sed quia citata verba alium etiam ſenſum ferunt: efficaciùs pro nobis faciunt SS. Patres, quorum verba refert Petavius tom. 1. Theologi- corum Dogniatum lib. 5. cap. 8. Clariffima ſunt illa Clementis Alexandri- ni in Protreptico, ubi de Deo loquens, ſolà, inquit, *voluntate operatur, & ejus ſolum velle factum eſſe conſequitur.* Ambroſius quoque l. 5. Comment. in Lucam, ſub initium ait: *Voluntas Dei poteſtas eſt.* Urque conſtet, cum ſic loqui in ſenſu formali, inde inferre, quod qui unius voluntatis Trinitatem aſſerunt, unius utique aſſerant poteſtatis. Quæ conſequentia in ſenſu i- dentico non valeret: ut facile animadvertet qui ex identitate unius Vo- luntatis divinæ cum Relationibus, harum in Trinitate unitatem inferre tentaverit. Idem confirmant quæ addit: *nihil medium eſt inter opus Dei & præceptum, quia in præcepto eſt opus.* Quod autem præceptum reſerat ad voluntatem, quæ de hac immediate præcedunt veriſimile reddunt. Sed quamvis præceptum ad intellectum præcticum pertineret, adhuc tamen verba citata potentiam executricem intellectu & voluntate poſteriore excluderent. Plures præterea cum Petavio obſervant, Auguſtinum ubique de Voluntate Dei & Potentia loqui tanquam iſdem formaliter: ideoque

Volun-

Voluntatem divinam constituere rei, cuiusque primam & summam causam, imò ipsammet ejus naturam & necessitatem, ut videre est lib. 3. de Trinitate cap. 4. & 21. de Civit. cap. 8. & lib. 6. de Gen. ad litteram cap. 15. Eiusdem mentis fuisse D. Bernardum indicant hæc ejus verbal. 5. de Considerat. sub finem; *Quid est Deus? Voluntas omnipotens, benevolentissima virtus.* Utrique ex Ethnicis aliquid addamus: Parmenides & Hesiodus amorem posuerunt ut Principium in entibus, atque idem Heraclitus & Zoroaster asseruerunt de Igne, qui est symbolum amoris: quia ex Dei voluntate (quæ secundum dicta cap. primo. non est potentia ad amorem, sed *sufficiens amor*) tanquam ex immediato principio, creata omnia oriuntur. *Philosophus quodammodo.*

- Probatur autem primò. Quia nomine Potentiæ hîc intelligimus principium creaturarum, non remotum aut radicale (quod per me licet, ex nostro concipiendi modo in Divina essentia constituatur) sed proximum ac formale: idque præterea non tantum intentionaliter directivum (quod cum communi sententia intellectui concedimus) sed physice effectivum. Hoc autem in aliquam formalitatem referendum, quæ ratione etiam nostra intra Divinæ voluntatis ambitum contineatur. Quia omnium consensu intra hunc habet locum, non simplex solum & inefficax complacentia (qualem esse in Deo circa possibilia, ostendimus cap. 5.) sed efficax etiam volitio, quæ vim aliquam habeat, ut ea in actum deducat. Alioquin Dei voluntas intra suum conceptum longè concederet voluntati creatæ, quæ aliquos saltem habet actus efficaces, quorum vi, quæ non existerunt, suum esse accipiant: falsa quoque esset Scriptura, quæ loco supra citato, & alibi, creaturarum existentiam Voluntati divinæ tanquam causæ adscribit. Hæc autem vis, quam efficax voluntas, supra simplicem complacentiam, intra suum conceptum importat, videtur esse illud ipsum principium quod investigamus. Quia non est nova vis intentionalis, quæ feratur in creaturas producibiles tanquam objecta: in eas namque ut sic, sufficienter fertur complacentia simplex, de qua supra. Debet igitur esse physica quædam vis, quæ præterea easdem respiciat ut effectus, ideoque rationem potentiæ ad eas habeat. *LIV. Probatur ex efficacia Voluntatis divina.*

Dices 1. Quod in Deo habet rationem potentiæ, naturaliter ac prorsus necessariò, non autem liberè, ei inest. Deus namque, licet non necessariò extra se producat quæ potest, sic tamen omnia potest, ut nequeat non posse. Atqui volitio efficax non est necessariò in Deo: sed liberè, ita ut potuerit non esse. Ergo. Confirmatur ex D. Thoma 1. p. q. 25. a. 5 ad 1. ubi docet, Deum quidem aliquid facere quia vult, *non tamen ideo posse quia vult, sed quia talis est in sui natura.* Propter hoc argumentum Vasquez supra *LIV. Obiectio contra probationem.*

cap. 4. n. 13. Potentiam collocat in Voluntate divina, non ut est actus, sed ut facultas volendi. Verum haud ideo confugiendum ad hanc facultatem seu potentiam, quam ob alias rationes negavimus cap. 1. Melius concessâ Majore, distinguitur Minor: volitio efficax in actu 2. non est necessariò in Deo, saltem quoad aliquam terminationem vel habitudinem, sic concedo: volitio efficax in actu primo, sic nego: Etsi enim volitio divina non necessariò conjungatur cum actuali exercitio suæ efficaciz in creaturas: habet tamen, & quidem necessariò, sufficientem virtutem, quâ eae efficere possit. Porro potentiam productivam creaturarum constituimus in volitione efficaci, non ut tali in actu 2. sed ut in actu 1. Quomodo autem efficacia in actu primo coincadat in Deo cum Libertate in actu primo: efficacia verò in actu 2. connotativè compleat libertatem ejusdem in actu 2. explicabimus disp. 3. à c. 3. Atque hinc faciliè defenditur verissimum dictum D. Thomæ pro objectione confirmanda allegatum. Divina enim efficacia in actu 1. Voluntatem divinam in actu 2. liberam, naturaliter antecedit: ut pluribus prosequemur disp. citatâ cap. 8. & vel jam patet ex dictis cap. sexto, quòd complacentia possibile, cum qua intra formalitatem voluntatis hanc efficaciam identificamus, sit Deo connaturalis & necessaria; quod namque in Deo necessarium est, actus ejus liberos præcedit.

LVI.

*Altera
objectio
citra proba-
tionem*

Dices 2. Non datur potentia formaliter eadem ad actum immanentem & transeuntem: potentiz enim distinguuntur per actus. Sed efficax Dei volitio est immanens, & efficientia creaturarum est transiens: ergo non datur potentia formaliter eadem ad divinam volitionem & efficientiam creaturarum: ergo non per idem per quod Deus vult immanenter, potest transeuntem operari. Respondeo dissimulatâ Majore, & admissâ Minore, concedendo 1. consequentiam. Quia ut paulò ante insinuavimus ex præsentis disp. c. 1. Volitio divina quâ immanens est, ita à seipsa subsistit, ut nulla potentia, ne quidem ratione distincta, ad eam derur. Haud igitur ad utrumque actum, sed ad solum transeuntem, est in Deo potentia: quam vis hæc formaliter in actu vitali & immanente consistat. Quare nego 2. consequentiam. Quòd si pro illa urgeas, actum immanentem non posse transeuntem operari: negabimus Assumptum. Quia actus immanens, præsertim divinus, est perfectior transeunte: hinc non repugnat, ut componatur cum illo virtus eum causandi. Immo & Angeli secundum probabiliorem sententiam per solos actus suæ voluntatis movent exterius corpora: cur autem in homine aliter fiat, & eâ quidem de causa quæ in Deo habere locum non possit, mox videbitur.

Probatur

Probatur enim conclusio 2. Tota ratio cur in nobis potentia exequens distinguatur à voluntate, est hæc ; quòd Anima nostra cum natura sua sit forma corporis , non nisi medio corpore ut instrumento effectus corporeos operetur. Quod ut connaturaliter faciat, debet organa corporis per aliquam potentiam sibi aptare ac veluti animare, ut oculos per visum , & aures cæteraque sensoria per facultates sibi correspondentes : ac per consequens, totum corpus quo utitur ut instrumento motionis localis, per aliquam potentiam moventem seu exequentem. Cùm ergo Deus non indigeat corpore aliove instrumento ad operandum: frustra illi præter suam voluntatem , aliam facultatem exequentem tribuamus; sicuti & Angelis, eandem ob causam.

Confirmatur ex variis imperfectionibus Deo indignis , quas potentia illa à voluntate formaliter distincta secum adfert. Nam primò id habet servile, quòd suo pte nutu nihil agat aut possit: sed omnia alieno imperio, nempe voluntatis à se distinctæ. Deinde per hunc agendi modum ad causam instrumentalem accedit, cujus est propriè , non movere nisi motam. Tertio non videtur Deum decere, ut totum aliquod Attributum, ex nostro etiam concipiendi modo , referatur ad creaturas , absque alio usu, quàm quod iis se impendat. Id autem fit, si potentia executrix à voluntate differat: non verò si cum ea formaliter identificetur. Si namque differat, totum ejus officium erit producere, conservare , mutare , destruere res creatas : quæ quamvis ad Deum referantur velut ultimum finem, hæc tamen relatio non pertinebit ad Potentiam formaliter, sed ad Attributum voluntatis distinctum. Si verò potentia sit eadem cum voluntate , unâ prorsus eadèq; formalitate, quâ in creaturas tender, in Deum tanquam finè collimabit. Erit hoc pacto Theologica seu Divina, non solùm subjektivè, sed etiam ex primario sive formali objecto: cùm alioqui nihil nisi creatum respiceret; quia hoc solùm sub executionem cadit. Melior sanè est Potentia ex objecto formali Theologica , quàm non : ideoque juxta regulam Scripturæ, priori tract. disp. 2. n. 5. & alibi, relatum, Deo tribuenda.

Dices; Quotiescumque reperimus aliqua à parte rei distincta in rebus creatis , fundamentum habemus distinguendi ea per rationem in Divinis. Sed volitionem efficacem, & potentiam executivam , reperimus distinctas à parte rei in creatis. Ergo. Respondeo, ad Majorem illam Quotiescumq; , ut sit vera, debere supponi, ea de quibus agitur, secundum proprium ac formalem conceptum esse in Deo; Alioquin oporteret in Deo aliquid extra se operante, per rationem eamq; fundatam, distingui animam, corpus, caput, brachium, digitos: quia hæc omnia in homine, aliquid extra se moliente, distinguuntur realiter. Quòd si dicas, id quod petitur, in

argu-

*Probatio
2. ex inu-
tilitate
potentia
à volun-
tate di-
stincta.*

LVII.

*Item ex
variis im-
perfectio-
nibus,
quæ Deū
nō decant.*

*Quando
distinctio
realis in
creaturis
arguit di-
stinctionē
rationis
in Deo?*

argumento supponi: quia tam Volitio efficax, quàm Potentia executiva, propriè & formaliter reperiuntur in Deo; Tunc negandum est Assumptum pro secunda parte. Potentia enim executiva propriè & formaliter accepta, est instrumentalis potentia, & Voluntati moventi serviliter subiecta: qualem ob sui imperfectionem, non dari propriè in Deo, hætenus contendimus. Si verò istes, vim ab argumento non fieri in nomine *potentia executiva*, sed loco hujus poni posse *effectiva*: tunc in argumento negabitur Minor. Vidimus namque num. 54. volitionem humanam, si sit efficax, esse eandem realiter cum aliqua saltem vi effectiva: sicut & Angelicam num. 56. Quidni ergo dicamus, Volitionem divinam esse etiam ratione eandem cum aliqua virtute efficiendi: atque adeò cum omni, quippe quæ ratione suæ infinitatis, ad certum genus efficientiæ limitari non possit?

Adde, ne tum quidem, quando utrumque extremum propriè ac formaliter convenit Deo, & semper in creaturis differt à parte rei, præberi universum sufficiens fundamentum, ut in Deo distinguatur per rationem. Sic enim propriè ac formaliter Deo conveniunt substantia & intellectio, & hæ semper in creaturis realiter distinguuntur: nec tamen in Deo per rationem fundatam distingues; nam ejus intellectio, non reipsà tantum, sed etiam per rationem substantia est. Similiter se res habet in personalitate & paternitate: quas in rebus creatis distinctas, ratio omnis ratiocinata unit formaliter in Deo. *Ratiocinata*. inquam: nam sicut in hisce exemplis, ita & in Voluntate ac Potentiâ divina admitti potest distinctio *rationis ratiocinantis*: ente quodam rationis ad rerum creatarum similitudinem effectio per intellectum, quod à Deo maximè distinctum, pro ejus tamen Potentia aliove Attributo supponat; quemadmodum alibi, ac præsertim c. 18 & 2. præsentis Tractatus, in similibus notavimus. Universum quidem constat, quod in priore docuimus, disp. 5. c. 2. species rerum creatarum realiter distinctarum esse causam, cur ea quæ in Deo identificantur, apud nos differant ratione: attamen nō semper ratiocinatæ; sed tunc tantum, quando ea concurrunt quæ ad hoc genus distinctionis requisivimus disp. proximè citatâ c. 6. concl. 3.

LVIII.

Probant alii conclusionem, quòd Amor quo Deus, non seipsum solum sed creaturas etiam possibiles prosequitur, sit principium immediatè productivum Spiritus sancti. Id enim argumento est, vim productivam haud esse extraneam Amori, eamque, cum ad terminum illum infinitum producendum sufficiat, multo magis fore parem creaturis quibusque efficiendis. Sed huic rationi non insistam, quòd cum D. Thoma 1. p. q. 36. a. 4. ad 1. & 2. verisimilius existimem; Principium proximum spirandi esse propriè;

proprietatem Spiratoris, utpote quæ sola distinguatur à Spiritu S. quod ad rationem principii proximi necessarium duco.

Aliud igitur, ac tertium, argumentum esto. Si in Deo ponatur potentia *Probatio* executiva à Voluntate formaliter distincta, debet illa per voluntatem, *3. ex spe-* eamque liberam, applicari & determinari ad opus: simili modo, quo po- *ciali im-* tentia nostra motiva applicatur. Alioqui vel nihil ager, vel simul omnia *plicansia* quæ potest: cum ipsa, utpotè necessaria, seipsam ad unum è multis deter- *ejusmodi* minare non queat. Necesse igitur erit, ut aliqua Dei volitio libera, ratione nostra præcedat quamlibet actionem divinæ potentia, utpotè hanc applicans ad agendum. Fieri autem non potest, ut aliqua volitio Dei libera concipiatur prior omni actione divinæ potentia. Quia nihil potest esse vel concipi prius connotato suo essentiali: videbimus potè totà disp. 3. ab omni volitione Dei libera essentialiter connotari aliquam actionem ad extra, quæ proinde à potentia Dei executiva procedat. Cessat verò hæc difficultas, si Dei potentiam, & voluntatem ejus liberam, constituamus eandem formaliter. Tunc enim non indiget priori applicante vel determinante (imò ex veriori sententia, eo ipso quo libera, omne illud excludit) sed ipsamet seipsam applicat agendo, & vim infinitam, quam in manu veluti sua habet, ad hunc vel illum effectum, uti placet, determinat. Pluribus, quæ hîc breviter dicta, prosequemur & declarabimus tota disputatione citata.

Præter objectiones ante propositas, una & apud adversarios præcipua est: quòd illa saltem distinguantur ratione, quorum unum aliter concipitur quàm alterum; Ut enim diximus tract. 1. disp. 5. cap. 1. in hoc, & non alio, distinctio rationis consistit. Negari autem non potest, quin aliter concipiamus voluntatem divinam, aliter Omnipotentiam. Illam namq; concipimus ut tendentem intentionaliter in objectum: hanc verò ut realiter in effectum. Illam ut indifferentem versari, etiam circa ea quæ effici non possunt, ut circa Essentiam & Attributa divina: hanc ut restrictam ad sola factibilia. Illam denique ut convenientem hominibus tantum & Angelis: hanc etiam cum Sole & igne, aliisque ratione destitutis communem.

Sed pro horum & similium solutione sola ferè verba conclusionis n. 53 *LIX.* positæ sufficient, si debitè expendantur. In illa enim non negamus, voluntatem divinam secundum aliquid sui ratione distinguì à potentia: sed tantum asserimus hanc coincidere, etiam per rationem, in aliquam formalitatem voluntatis divinæ: in eam scilicet à qua efficax denominatur. Vo-

luntas itaque divina per rationem differt ab Omnipotentia, primò quòd *Potentia non est per rationem* voluntas, est Amor divinæ Essentiæ, Attributorum, cæterorumque non *eandem cū voluntate adæquatur.* facti-

*Sed in ali-
quam e-
jus forma-
litatem
coincidunt.*

factibilem. Deinde, quæ est amor simplex & inefficax possibilem ut sic : non quidem positivè quasi efficaciam excludat, sed præcisivè quasi ex se illam non dicat. Tertio quæ est gaudium de creaturis jam productis. Sub hac igitur sola formalitate Omnipotentia est, quæ est voluntas in actu primo efficax, accedente ad amorem simplicem possibilem, virtute ea causandi: virtute, inquam, non voluntati secundum rationem extraneâ, sed intra ejus latitudinem intrinsicè comprehensâ. Efficax namque voluntas, & includit amorem quo objectum simpliciter placet, & virtutem quæ simul efficere illud possit. In quo differimus à sententia Adversariorum, qui virtutem hanc volunt esse extra totam lineam voluntatis, & Attributum prorsus distinctum constituere. Simile quid cum nostra sententia in omni causâ, etiam naturali, observo. Omnis enim causa, cum habitudine ad effectus posibles, vim quandam eas producendi conjungit. Et prior quidem habitudo si præcisè sumatur est simplex & inefficax: utpotè quæ possiblem quæ talia, saltem physicè, non producat. At vis conjuncta, quæ causam in sua ratione essentiali ultimò complet, efficaciam tribuit, quæ innata erga possiblem inclinatio in rem ipsam deduci possit.

LX.

*Admitti
potest dif-
ferentia
includen-
su & in-
clusi.*

Hinc sequitur, cum Autoribus tertiæ sententiæ relatis num. 52. admitti posse, voluntatem & potentiam divinam inter se differre tamquam includens ab incluso, sive ut quid adæquatum & completum ab inadæquato & incompleto. Ac primò quidem ex parte voluntatis ipsius: hæc enim latius patet quam potentia, ac in multa tendit respectu quorum potentia non est; licet hanc etiam intra rationem suam includat. Deinde ex parte Omnipotentia, comparatæ cum amore simplici possibilem. Hunc enim includit Omnipotentia, eique addit vim effectivam eorundem: non distinctam ab amore, sed quæ eum ita modificet, ut possiblem quæ amar, etiam amando efficere queat; illâ ferè ratione, quæ causæ creatæ per innatam suam propensionem in effectus posibles, possunt illos causare, & nos per actus imperantes, simul amamus imperatos posibles, & simul eos efficimus & procuramus. In forma igitur, ad argumentum num. 58. concessâ Majore, distinguitur Minor: aliter concipitur voluntas divina in tota sua latitudine quam potentia concedo; aliter secundum formalitatem actus efficacis, nego. Sic enim concipitur ut restricta ad factibilia, nec solum intentionaliter, sed etiam realiter in illa tendens.

* *

DISPU-

DISPUTATIO SECUNDA.

DISCVTIVNTVR DIVERSÆ
sententiæ de Actibus libe-
ris Dei.

CAPUT I.

*Proponitur difficultas, & cujusdam
responsio.*

Difficultas hæc est una ex gravissimis totius Theologiæ, pa-
rum apud Veretes ventilata, si paucos, ut Aureolum & Gre-
gorium Ariminensem exceperis : sed magnis studiis apud
Recentiores. In eo autem consistit; quòd, (ut ante aliquo-
ties insinuatum) actus Dei si liber sit, potuerit non esse in
Deo, inò ejus loco inesse actus oppositus, quo nolit v.g. creare hunc mun-
dum, quem liberè voluit creare. Illo autem concessio, videntur multa ab-
turda inferri. Ut primò contingentia Deo intrinseca, contra entis increati
necessitatem; secundò distinctio volitionis actualis à voluntate, & cum ea
compositio, contra divinam simplicitatem; tertio ratio potentix & actus,
contra perfectionem actus puri. Quæ aliaque pluribus expendemus cap.
sequenti, contra Cajetanum, qui difficultate propemodum obrutus, plus
quàm oportet ei expediendæ indulgit.

Inter alios Theologos Vasquez 1.p. disp. 80. cap. 1. fatetur, quæstionem
esse perobscuram & perdifficilem: in qua mens humana, tametsi quid non
sit certâ ratione consequi valeat, quid tamen sit, plenè assequi non possit.
Suarez verò disp. 30. Metaph. sect. 9. num. 35. postquam dixerat quod ve-
rissimum est, facilius hîc esse quam liber Authorum sententiam impugna-
re, quàm aliquam probè defendere aut explicare, non veretur confiteri
nihil se invenire quod satisfaciat, & se modum quo Actus liber Deo con-
veniat non capere. Similia habent Molina, Fasolus, Ruys, Smiling, Grana-
dus, Joannes à S. Thoma & alii. Conantur hi tamen aliquid dicere in quo
licet ingenium non acquiescat, minorem tamen difficultatem majoremq;
verisimilitudinem inveniat. At Arriaga tom. 1. in 1.p. disp. 28. num. 1. & 92.
ingenuè fatetur, se ne quidem apparenter explicare posse hoc mysterium,
ideoque aliorum sententias hîc tantùm refellit, nullâ verò suam adstruit.

II.

*Theologi
tamen est
aliquid
probabile
de iisdem
proferre.*

Nos plurium exemplo, postquam ea confutaverimus, quæ in alienis opinionibus aut falsa aut minùs probabilia deprehendimus, nostram deinde disputationem proximâ proponemus ac tuebimur : quæ licet mansura sit opinio, procul distans à demonstratione; haud omni tamen (quantum Deo juvante confidimus) probabilitate & verisimilitudine carebit.

Est aliquid prodire tenus, si non datur ultra, multoque satius est ad Divinorum lucem caligare cum noctuis, quam cum talpis oculos claudere; Maximè cum Philolophus alicubi affirmet, modicam illam minusque certam cognitionem, quam de objectis adeò sublimibus consequimur, alteri rerum inferiorum, quantumvis exploratæ, scientiæ multum præponderare. Non plus quidem sapiendum quàm oportet sapere: hortante tamen Apollolo, sapiamus ad sobrietatē; *parati semper ad satisfactionem omni poscenti nos rationem, de ea qua in nobis est, fide & spe.*

Notandum 1. Id eo magis in præsentitendum, quod à modo explicandi actus Dei liberos, aliæ complures Theologicæ quæstiones eæque gravissimæ pendeant: quemadmodum videbimus disp. 4. & 5. Nisi igitur circa illum modum fixi quidpiam statuerimus, aut alibi in incertum vagari, aut pariter ignorantia tenebris nos involvere, & non unis tantum Athenis *Ignoto Deo* aras erigere oportebit. Cum verò etiam illi qui hîc ignorantiam profitentur, ibi Paulo aliquo interprete, & non arcana verba è tertio cælo proferente, sed invisibilia Dei per ea quæ facta sunt exponente, aliquid se scire aut probabiliter conicere existiment: cur idem in præsentit non conemur?

III.

*Distinctio-
rum
virtus ad
contradi-
ctoria, si
nullibi, hic
serviunt.*

Norandum 2. Resolutionem hanc non fore tam difficilem, si supponatur doctrina Arriagæ, quam in Mystério Trinitatis ab eo traditam retulimus in priori Tractatu disp. 4. cap. 2. nimirum, Deo propter suam infinitatem & eminentiam competere, ut salvet contradictoria sine ulla distinctione, per solam identitatem quæ habeat virtutem sive æquivalentiam distinctorum. Huic enim conformiter dicere possemus, Deum eodemmet actu formalissimè quo jam voluit creare mundum, potuisse nolle eum creare: quòd hic actus, propter similem infinitatem & eminentiam, æquivalet actibus distinctis, eorumque vim habeat. Eo tamen discrimine, quòd æquivalentia distinctorum, quâ dictus Author in isto mysterio contradictoria salvat, conveniat Deo simul ac conjunctim: illa verò, de qua in præsentit agitur, non possit Deo competere nisi disjunctivè; quia nequit simul velle & nolle producere mundum, sed vel hoc vel illud. Quod tamen discrimen prædictæ responsioni potius faver: nam multo magis poterit quid disjunctivè suscipere opposita quàm simul. Imò in priori nulla sæpe est pugna oppositorum: cum sæpe sit in altero.

Dices;

Dices; Modum hunc respondendi jam esse refutatum ab Arriaga disp. illa 28. sect. 4. & duabus subsectionionibus. Respondeo non esse eundem modum. Quia ibi tantum refutat, & solidè ac doctè, Recentiores illos, qui Libertatem divinam explicare conantur per virtualem distinctionem alterius generis: quæ nempe inter duo extrema intercedat, quorum unum ab altero separabile sit. Non verò refutat eos, qui uti voluerint virtute seu æquivalentia distinctorum secundum unam eandemque formalitatem, sicuti ipse suprà utitur. Quia posito quòd eadem formalitas quæ jam est volitio mundi potuerit esse nolitio, argumenta Arriagæ vim suam amittunt: ut quòd impossibile sit, aliquid esse in Deo quod potuerit in eo non esse, vel contrà. Nihil enim huic contrarium sequitur ex virtute distinctorum. Nam idem semper & necessariò est in Deo, sed idem illud non est necessariò volitio mundi, cum propter æquivalentiam distinctorum, sine ulla partitione in extrema, aut diminutione suæ identitatis, potuerit esse nolitio mundi. Eadem animadversio ad alia argumenta facilè applicabitur.

Hinc autem colligo præfatum Authorem qui hypothesim admittit ut *IV.* veram, non debuisse in præfenti ignorantiam profiteri: sed potuisse pari *Qui alibi* probabilitate ac verisimilitudine, quâ per istam æquivalentiam alia my- *illam ut* steria divina exponit, rem de quâ hîc agitur definire. Nobis verò, quibus *probabilè* isthæc virtus distinctorum, seu cum iis æquivalentia (quæ ad vera contra- *admittit,* dictoria sine vera distinctione salvanda sufficiat) minimè probatur, imò *potest &* loco suprà citato chimærica apparet, eam viam ingredi non licet. *hic eâ* *probabi-* *liter uti.*

Alia igitur tentanda: utque inter tam diversas verisimi-
liorem teneamus, singulæ prius
explorandæ.



CAPUT II.

Examinatur sententia Cajetani.

*Cajetani
opinio de
Actibus
liberis
Dei.*

NOta est omnibus sententia Cajetani 1. p. q. 19. a. 2. §. *Ad hoc potest*, & a. 3. & alibi, breviter quidem sed discretè asserentis, actum liberum esse perfectionem in Deo: non quidem simpliciter & absolute, sed voluntariam & omninò liberam; quæ est conditio diminuens, & significat suum oppositum non esse imperfectionem. Simul autem admittentis hanc perfectionem, eò quòd libera sit, potuisse non esse in Deo; quamvis ex suppositione quòd semel fuerit in Deo, non possit desinere esse, propter Dei immutabilitatem. Et sanè hæc sententia tollit difficultatem quæ præcisè moveri potest ex parte libertatis: plures tamen alias vel pares vel graviores incurrit. Ob quas cæteris Theologis ferè omnibus displicet, & à multis graviore etiam censurâ perstringitur. Nos præcipua argumenta, ob quæ saltem improbabilem ac rejiciendam putamus, brevissimè proponemus.

v.

*Refuta-
tur pri-
mò ex
simplici-
tate divi-
na.*

Primum est. Si quæ perfectio libera possit non esse in Deo, & quidem à parte rei independentè à fìctione nostra, ut Cajetanus supponit, oportet eam à Deo distingui à parte rei. Lumen enim naturæ dicat, quòd idem à seipso nequeat abesse, sed tantum ab alio. Impossibile v. g. est hominem non esse hominem, quamvis possit non esse niger aut mulieus: quia hæc differunt ab homine, homo autem à seipso non differt, ideoque seipso carere non potest. Nullatenus autem admittendum est, perfectionem aliquam, sive necessariam sive liberam, inesse Deo ab eoque distingui à parte rei: qualiscumque demum, sive major sive minor, ea distinctio fuerit. Hinc enim clarè inferitur aliqua compositio in Deo, eaque conformiter à parte rei: quæ quo pacto evertat simplicitatem, quam tamen fides & ratio Deo debitam evincunt, ostendimus in priore Tractatu disp. 1. 2. & 3. Harum quoque postremâ, cap. 3. & 4. viam obstruximus effugiis quorundam, distinctionem à parte rei cum omnimoda simplicitate conciliare nitentium, sive negando distinctorum unionem, sive potentiam & actum: ac vidimus, quomodo inter prædicata absoluta, distinctione admixta, unio negari atque potentia non possit: aut si negetur, gravius incuratur absurdum multoque magis simplicitati oppositum; scilicet Deum consistere intrinsecè ex aggregatis per accidens, sine ulla eorum identitate & unionè.

Confirmatur magisque declaratur. Omnes prorsus admittunt, non solum

hūm essentiās rerū , sed etiā differentias individuales tam necessarias *idem a seipso ab-*
 atque invariabiles esse , ut per nullam potentiam homo possit vel potue- *esse non*
 rit irrationalis esse , aut Petrus non esse Petrus sed Paulus. Cujus ratio a *potest.*
 priori alia non dabitur , quā quod unaquæque res supponatur eadem
 cum sua essentiā & ratione individuali: idem autem ex vi nominis & pri-
 mi sui conceptus , semper & necessariò est idem secum , ideoque ut à sei-
 pso , ita & à sua essentiā & ratione individua deficere non potest. Unde
 ulterius , siquid contingens & variabile in re quāpiam observent , id statim
 colligunt non esse idem cum illa re sed ab ea re diversum. Atque hinc na-
 ra distinctio partium , proprietatum , accidentium , & locus iste Aristoteli-
 cus 7. Topicorum cap. 1. *Præterea si possit alterum sine altero esse non erit i-*
dem. Hinc Augustinus lib. 6. de Trinitate cap. 6. colligit , in unoquoque
 corpore aliud esse magnitudinem , aliud colorem , aliud figuram : *quia pos-*
est diminutâ magnitudine manere idem color & figura , & colore mutato
manere eadem figura & magnitudo. Simili argumento D. Bernardus ser.
 80. in Cantica rectitudinem , sive justitiam , ab anima distinguit ; *quando-*
quidem eâ etiam non existente , anima manet. Quamvis denique distinctio *Separabi-*
 aliqua realis dari possit sine extremorum separabilitate , ac de facto detur *litas si-*
 inter relationes divinas : communiter tamen pro certissimo indicio di- *gnum in-*
 stinctionis realis , habita semper fuit separabilitas realis , quā nempe unum *fallibile*
 realiter existat , alio non existente. Ex quibus sequitur perfectionem libe- *distin-*
 ram , quæ ex Cajetani sententia potest abesse à Deo , non esse eandem cum *ctionu.*
 essentiā & ratione individua ejus. Neque id negat Cajetanus , quamvis in
 terminis non exprimat. Illo autem concessio , ea omnia quæ inde contra
 Dei simplicitatem suprà intulimus , vim suam habent : ad stipulante quoq;
 Augustino suprà , cum ex assertâ magnitudinis & coloris differentia à cor-
 pore , sic infert : *per hoc multiplex convincitur natura corporis simplex au-*
tem nullo modo.

Alterum argumentum est ; Quod nulli perfectioni , quæ admixtam ha- *VI.*
 bet imperfectionem , detur locus in Deo : alioquin Deus non esset ens o- *Refuta-*
 ptimum & perfectissimum , quam tamen gloriam ei debere , ex Scriptura *tur se-*
 aliisque ostendimus Traët. 1. disp. 2. cap. 2. Atqui perfectio libera à Cajeta- *cundò ex*
 no asserta habet admixtam imperfectionem. Magna quippe imperfectio *Eni Di-*
 est contingentia in esse , aut certè ne de nomine contingentia discepte- *vini ne-*
 mus , indifferentia ad esse , ita ut quid per essentiam suam non magis dicat *cessitate.*
 esse quā non esse ; atque adeò quantum est ex parte essentia , possit sem-
 per relinqui in nihilo. Hæc sanè conditio est , ob quam cæteræ imperfe-
 ctiones creaturis conveniunt , quod non sint essentialiter suum esse : sicuti
 è contrariò in Deo prima radix cæterarum perfectionum est hæc , quod
 sit à

sit à se, sive, quod eodem redit, per suam essentiam existat. Libera porro perfectio quam in Deo adstruit Cajetanus, habet admixtam contingentiam seu indifferentiam prædictam; ut ex supra allegatis constat.

Neque imperfectionem hanc purgat, quòd ex hypothefi existentiae semel habitæ, non possit unquam eam amittere: quia ad imperfectionem sufficit, quòd possit illà carere absolute. Quin imò, quantum hinc imperfectio minuitur, & liber Dei actus suora res alias evehitur quæ existentia semel habità pro divino arbitrio exui possunt: tantum ex altera parte imperfectio crescit, & creaturis possibilibus idem actus concedit; quòd semel vel pro unico momento non existens, ac si in chimærarum classem transisset, per nullam unquam potentiam possit existere, sed in æterno nihilo debeat sepeliri. Ut omittam, posità distinctione volitionis liberæ à substantia Divina, difficulter probari posse æternitatem ejusdem, ut disp. 4. videbimus.

VII.

*Tertio ex
puritate
Dei. ni-
hil intra
se admit-
tentis
præter
seipsum.*

Tertio argumentari possumus ex Tractatu priori, disp. 2. cap. 1. & seq. Quòd secundum Sanctorum placita & rectam rationem nihil intra se habere possit Deus, quod non sit ipse. Quidquid igitur intra Deum est, debet esse Deus, & per consequens Ens à se, ac penitus necessarium & invariabile. Quæ conditiones minimè conveniunt actui libero Cajetani: ideoque is actus quam minimè intra Deum collocandus. Quomodo autem idem ille actus non sit Deus, sed à Deo differat à parte rei, vidimus in primo argumento; idque vel solum sufficit ut non dicatur esse ens necessarium & à se, ne plura ejusmodi entia, & sic plures Deos, admittere cogamur. Sed præterea ex ipso suæ libertatis cōceptu necessitatem hujus actus ultrò destruit Cajetanus; cum fateatur eum ita esse in Deo, ut potuerit non esse. Simili pacto evertit rationem Entis à se: hoc enim ex prima sua ratione sive essentia *Est*, ideoque haud magis existentia, quàm proprià suà ac essentiali ratione destitui potest.

*Quid-
quid est,
vel Deus
est, vel
creatura,
abque
ullo me-
dio.*

Unde consequenter deducetur argumentum quartum; Quòd videlicet actus liber prout Deo intrinsecus, sit mera creatura. Hactenus enim Theologi omne ens adæquate distribuerunt in Deum & creaturas: entia verò media, quæ Semideos non ineptè vocabimus, Poetarum fabulis permiserunt. Quare nec SS. Patribus in controversia cum Artianis dubium unquam fuit, quin Verbum Divinum, si negaretur Deus, illicò in censum creaturarum veniret. In Concilio quoque Rhemenfi D. Bernardus cum Episcopis Gallicanis credit ac confiteretur, *nullas omninò res, sive relationes, sive proprietates, sive singularitates, & alia hujusmodi, adesse Deo quæ sint ab æterno, & non sint Deus*. Quia scilicet negando hæc esse Deum, creatura-

ras esse fieri oporteret : quas tamen, quidquid sit de possibili, reipsâ in tempore creatas Fides dicit. Quàm magna autem illius Confessionis sit autoritas, quantumque excedat opinionem Arriagæ tom. 1. disp. 28. sect. 5. num. 84. ostendimus in priore Tractatu disp. 2. cap. 1. Quomodo item extendatur ad actus liberos, contra opinionem ejusdem Arriagæ num. 85. satis patet ex illis verbis, *& alia hujusmodi*. Quamvis enim de his actibus specialis controversia cum Gilberto non fuerit, visum tamen est in Confessione fidei omnem, etiam in similibus, errandi ansam auferre.

Sed præter autoritates prædictas, ipsa ratio Actus illos à Cajetano assertos creaturas fore demonstrat. Quid enim deest? cum ex nihilo prod-
 eant, aut certè ex sui indifferentiâ ad esse & nihil, ne fortè in priore nihilo, per æternitatem excluso, vis fiat. Si dixeris actionem creativam deesse, e-
 vertes in actum immediatè libero rationem voluntarii & vitalis : is enim gentem,
 voluntarius aut etiam vitalis non erit, nisi sit ab intrinseco, vel per proces-
 sionem, vel per identitatem. Cum porro in opinione Cajetani, volitio
 Dei libera non sit ab intrinseco identicè, ut ostendimus in primo argu-
 mento: superest ut per aliquam actionem, sive distinctam sive secumiden-
 tificatam, ab intrinseco procedat. Et quomodo alioquin Deo liber foret
 hic actus? Ad hoc sanè requiritur, ut non suâ tantum sponte existat, & ve-
 luti quodam fato prosiliat, aut concursu atomorum : sed ex determina-
 tione divinâ. Non apparet autem quomodo possit Deus liberè determi-
 nare illum actum à se distinctum, nisi eum producat. Sola denique con-
 tingentia in esse, sive ad illud indifferentia, quam habent creaturæ, e-
 vincit eas non posse existere nisi creentur : idem ergo evincet in Actibus
 liberis Dei, si pariter contingentes atque indifferentes in esse suo fue-
 rint.

Maneat itaque Actum Dei liberum, quicumque ab ipso à parte rei di-
 stinctus fuerit, creatum fore. Deum porro velle per actum sibi intrinse-
 cum & creatum, est absurdum ex terminis, ut pluribus ad hoc demon-
 strandum non sit opus. Quamvis qui plura desiderat, applicare huc facillè
 possit ea omnia quæ Tract. 1. disp. 2. c. 5. diximus de divina simplicitate
 relativa, ut excludit compositionem cum accidentibus. Verisimile porro
 est, hæc aut similia incommoda atque absurda, quæ divinorum contin-
 gentia secum adfert, considerata fuisse à Scoto & pluribus ejus sectatori-
 bus: ideoque eos qui inter necessaria Dei prædicata formalem distinctio-
 nem à parte rei defendunt: sollicitè cavisse ne formalitatem aliquam libe-
 ram seu contingentem, intra eum admitterent; Imò, ut vidimus in eodem
 Tract. disp. 3. c. 5. per hoc præcipuè formalem suam distinctionem ab im-
 perfectionibus de quibus agitur, vindicare conantur, quòd inter extre-

A a

ma mu-

ma mutuò inseparabilia intercedat. Quare etiam ubi de actibus Dei liberis agunt, formalitatibus omiſſis, aliam viam eos explicandi ineunt, ut ostenderetur disp. seq. cap. 3. Unde magis mirandum est, Cajetanum, qui in Opusculo de Ente & essentia cap. 12. formalem Scoti distinctionem inter divinas perfectiones necessarias refutat (ubi tamen paucioribus difficultatibus est obnoxia) hic vel eam, vel etiam majorem, tolerare in liberis, ubi longè plura & graviora incommoda infert.

CAPUT III.

*De quibusdam sententiis affinis
opinionis Cajeta-
ni.*

IX.

*Opinio
explicans
Liberta-
tem per
extensio-
nes libe-
ras, sed in
distinctis*

PROPTER facilitatem quam prior opinio adfert ad explicandam Divinæ libertatis intrinsecam indifferentiam, multi fuerunt conati difficultates contra eam obiectas superare, & dictam opinionem, si non tam crudam, ut eam Author proposuit, saltem mitigatam defendere. Cum verò animadverterent, id in eadem præcipuè notari, quòd actus liber addat Deo perfectionem intrinsecam; quam superiora argumenta, aut iisdem similia, à Deo distinctam, ideoque imperfectione permixtam, & creaturam evincant, ob quam præterea compositio & potentialitas invehatur in Deum; hinc studuerunt, vel id quod Actus liber intrinsecè Deo addit, perfectionem negare, vel expressè (quod Cajetanus non fecit) indistinctam asserere. Inter hos Fonseca l. 7. Metaph. cap. 8. q. 5. sect. 4. & 5. Salas in 1. 2. tract. 3. disp. 1. sect. 8. Navarretus & alii docent, per actum liberum Dei, ad ejus esse & velle necessarium nihil intrinsecum addi, præter extensionem quandam liberam, sive modum aliquem non necessarium sic vel sic se habendi in ordine ad creaturas. Quæ extensio seu modus licet sit perfectio, non tamen specialis & distincta à perfectione necessaria Dei: sed illa ipsa sic se liberè ad creaturas extendens, sive sic vel sic in ordine ad eas se habens. Id illustrent exemplo divinarum relationum, quæ ipsius quidem Essentiæ perfectionem includunt: sui tamen ratione perfectione nullâ adferunt, sed id solum quo Personæ ad invicem referuntur: Eaquæ similitudo tanto plausibilior foret, si vera esset sententia Cajetani, Relationes divinas solum esse reales quoad *esse in*, non verò quoad *esse ad*. Nam sic conformiter dici posset, extensiones illas liberas non esse reales nisi realitate essentiæ cui per identitatem inessent; additâ nihilominus intrinsecâ habitudine ad creaturas, sicuti relationes addunt habitudinem ad Personas.

Nihil,

Nihil, vel parum, à priori sententia distant, qui actus Dei liberos constituant in liberis formalitatibus, respectibus, terminationibus, determinationibus, tendentiis, applicationibus ad creaturas: dummodo eas ponant similiter indistinctas & adæquatè intrinsecas Deo. Nihil enim refert, siue extensionem liberam, siue terminationem aut aliter appellaveris. Quin etiam ipsummet Suarez disp. 30. Metaph. sect. 11. à num. 35. idem in re ipsa sentire existimo, quando velle Dei liberum idem omnino pronuntiat cum voluntate ejus necessaria in essendo, sed liberà in denominando, siue tribuendo hunc vel illum effectum formalem. Quid enim interest inter voluntatis necessariæ liberam extensionem vel terminationem, & inter ejusdem voluntatis liberam denominationem seu effectum formalem? Nisi forè extensio siue terminatio, utpote simplicior, minus præjudicium creet simplicitati divinæ, quàm effectus formalis, qui majorem differentiam & compositionem sonat? Modos hoscè differendi Recentioribus prævit Gregorius Ariminensis in 1. dist. 45. q. 1. a. 1. ubi refutatis aliorum opinionibus, ipse tandem in ea conquiescit; Quod velle Divinum, ejusque habitudo ad creaturas, non sint contingentia, sed simpliciter necessaria in suo esse: non necessariò tamen, sed contingenter, sint volitio hujus creaturæ & habitudo ad eandem: ita ut eadem prorsus entitas, quæ jam in Deo est volitio mundi, potuerit non esse volitio ejusdem, sed nolitio, quamvis simpliciter loquendo non potuerit non esse. Similiter potuit non esse habitudo, utque alii loquuntur, extensio, terminatio, determinatio ad hunc mundum, & potuit non conferre denominationem, siue effectum formalem, volendi hunc mundum, salvâ omnimodâ necessitate in essendo simpliciter.

Sed dico: Nihil Deo intrinsecum, siue extensio, siue terminatio & habitudo, siue denominatio & effectus formalis dicatur, potest eâ saltem parte quâ intrinsecum est, esse Deo liberum siue contingens. Est Authorum citandorum pro opinionibus sequentibus, & probatur. Quia ut priori capite & locis ibi citatis ostendimus, nihil potest Divinæ essentia esse intrinsecum, nisi per summam identitatem cum eadem. Impossibile autem est, ut aliquid idem cum Deo, sit liberum aut contingens. Sic enim Deus & posset, vel certè potuisset, non esse id quod est, & similiter posset vel potuisset esse quod non est. Jam namque est extensio, terminatio, habitudo ad mundum, item denominatio objectiva, siue effectus formalis volentis mundum: cum autem sit hæc omnia liberè & contingenter, potuisset hæc non esse, sed extensio, terminatio, denominatio opposita; & quidem secundum sua intrinseca tantum. Quia verò Authores citati id ultro admittunt, non est immorandum ulteriori declarationi ejusdem.

*Alia idè
conantes
per termi-
nationes,
tendentias
& indistinctas.*

*Refutatur
tamen, ex
summa
necessitate
intrinseca
Entis
Divini.*

sed ostendendum quàm id sit inconveniens, imò absurdum & impossibile, ut ens aliquod, ac præsertim Deus, possit in seipso identicè istam subire essendi varietatem.

*Vi Deus
est neces-
sarius
qui est, i-
ta & ha-
bitudo,
qua est.*

Primò igitur id repugnat Scripturæ Exodi 3. v. 14. ubi Deus id nomen tanquam maximè proprium sibi vindicat, *Ego sum qui sum*, & iterum, *Qui est misit me ad vos*. Quod de esse intrinseco, & eoque necessario & quidditativo, tam à SS. Patribus quàm aliis Commentatoribus communiter explicatur. Porro Deus non esset eo sensu *Is qui est*, si aliquid liberum & contingens intra se admitteret. Jam enim Deus est intrinsecè, & substantialiter, & quidditativè (nullum enim accidens intra se admittit) hæc extensio seu terminatio ad creaturas, hæc item denominatio vel effectus formalis: potuisset autem non esse hæc extensio, sed opposita, & per consequens, non *esse qui est*. Dedisset Moyses Deo nomen, quod designasset extensionem seu denominationem liberantis Israel ex Ægypto, quidditativè Deo convenientem, eo tempore quo mittebat Moysen: id sanè nomen non congruisset Deo, qui sicuti poterat, aliter de Israelitis statuisset, sed aliud fuisset imponendum: non secus quàm nomen Petri non congruit Paulo; quia Petrus intrinsecè & substantialiter designat hæcceitatem oppositam ei quam significat Paulus.

XII.

*Utque
non est
possibilis
alius
Deus, ita
nec alia
ejus ha-
bitudo in
seipso.*

Secundò id repugnat manifestæ rationi. Hæc enim dicitur non esse possibiles plures Deos, vel solo numero distinctos. Contrarium autem videtur sequi ex sententiâ quam oppugnamus. Quia præter Deum cui intrinsicè identificatur extensio ad hunc mundum, & effectus formalis eum efficaciter volentis, est possibilis Deus cum quo identificetur extensio ad negationem mundi, & effectus formalis eum nolentis. Hic autem Deus ad minimum numero differet à priori. Quia ad hanc differentiam sufficit, ut unus vel minimum quid secum identificeat, quod non alter: etiam si cætera cum illo communia habeat: sive item minimum illud sit aliqua perfectio sive non. Utque ad exemplum individualis differentiæ, quo jam aliquoties sumus usi redeamus; Hæc differentia quam hæcceitatem vocamus, juxta multorum sententiam non est formaliter perfectio: sed modus quidam intrinsecus, qui aliud rebus non conferat, quàm quòd inter se differant & numerabiles fiant. Quem etiam modum extensionem quamdam, vel terminationem, ad hoc tempus, hanc quantitatem, aliaque accidentia, juxta Thomisticam sententiam appellare possemus. Et nihilominus, cum hæcceitas Petri differat ab hæcceitate Pauli, tota quoque essentia Petri, quæ unam & non aliam sibi identificat, etiam usque ad ultimum entis gradum numero differt. Ergo à pari, extensiones aut denominationes liberæ, sive sint veræ perfectiones sive non, sufficient tamen ut essen-

essentia quæ cum una identificatur, sit diversa ab essentia quæ tantum cum altera.

Hinc etiam eliditur quorundam responsio, dicentium differentiam illam minimam esse, ideoque Deum per illam non dicendum differre absolute, sed tantum secundum quid, videlicet secundum extensionem aliquam. Elto enim, sit minima differentia: Deum tamen cum quo identificatur faciet absolute differre. Nonne enim omnium minima est differentia numerica? Attamen Petrus & Paulus, & toti, & absolute per eam differunt. Primâ quoque fronte exigua admodum differentia apparet, Spiritum sanctum qui procedit à Patre & Filio, non à Filio procedere sed à solo Patre: nihilominus communior veriorque Theologorum sententia obtinet, casu illo impossibili, non fore eundem Spiritum sanctum cum eo qui nunc est, sed diversum; quia scilicet non identificaret secum eandem processione passivam quam nunc habet. Quid minimum denique videri posset respectu Dei, muscam unam quæ jam possibilis est, impossibilem reddi. Docti tamen Theologi, qui respectum ad possibilia Deo adæquatè intrinsicè statuunt, consequenter tenent, eo quoque impossibili casu fore alium numero Deum, quo vel una musca contradictionem involveret. Quamquam, quid minimum in Deo censeri potest? Quidquid enim in ipso est, per hoc statim imbibit rationem Entis à se, & per eam in omni genere perfectionis infinitum, ac Deus ipse evadit; adeo ut deesse Deo non possit, nisi ipse Deus sibi quodammodo desit.

Obijciunt. Relatio Patris aut numero aut quasi numero in Deo differt à Relatione Filij, & tamen utraque cum eadem Essentia identificatur: Ergo similiter extensiones aut denominationes videntis vel nolentis creaturas, licet inter se differant, aut certè eadem non sint, poterunt identificari cum eadem essentia divina. Responderi posset, difficultatem Mysterij illius quod naturalem intelligentiam tam Angelorum quàm hominum excedit, non debere transferri ad Libertatem divinam; quæ cum naturaliter omnibus innotescat, modum quoque aliquem explicandi magis connaturalem exigit, ne Mysteria sine necessitate multiplicemus. Absit ut vel minimâ notâ perstringam Viros sapientissimos, contra quos agitur: Lego tamen apud Ecclesiasticum cap. 21. v. 21. *Scientia insensati inenarrabilia verba*, & Proverbiorum cap. 14. v. 6. *Doctrina prudentium facilis*. Præstat igitur, ut relictis, quantum fieri potest, ineffabilibus Mysteriis, faciliora sectemur. Sed quidquid de hoc fuerit: non ob solam difficultatem Mysterij, sed ob aliam specialem rationem, exemplum SS. Trinitatis huc transferri non potest.

*Hami-
nus diffi-
ciles. quā
habitudi-
nes supra-
dicta.*

Notandum enim, quod hīc arguimus, aliud non esse, quā identificatiōem illam contingentem & liberam, ob quam res possit non esse id quod est, & id esse quod non est: inter essentia autē & relationes Divinas, nulla est identificatio contingens & libera: sed quaecumque est, maximē necessaria est. Neque enim Deus potest non esse Pater, & Filius, & Spiritus sanctus: sed pari necessitate quā est Deus, in tribus illis Personalitatibus identicē subsistit. Quare nulla hinc potest deduci non-identitas, aut aliteras, Divinæ essentia in ordine ad seipsam, sicuti ex identificatione libera potest. Quod si per impossibile contingeret, Relationes omnes, vel earum aliquam à Deo abesse: tunc eadem cum extensionibus liberis ratio foret. Neque enim esset idem Deus qui tunc per impossibile restaret; sed saltem numero, si non specie distinctus; ut passim Doctores, & plerique, etiam ex illis contra quos agimus, docent. In eo denique cardo vertitur: non an plura inter se distincta, cum uno tertio eadem esse possint, quod est proprium ss. Trinitatis: sed an sit vel fuerit possibile, vel unum, vel plura, ab aliquo cum quo identificantur, se jungi. Id enim nobis æquē impossibile apparet, atque idem ullo casu à seipso se jungi. Quare ad argumentum concessio Antec. negamus consequentiam. Ratio disparitatis est jam data.

XIV.

*Habitu-
dines ista
sunt con-
tra pri-
mū prin-
cipium.*

Porro ratio à priori pro secundo hoc argumento, videtur tandem reduci ad primum principium. *Quodlibet est vel non est*, sive, *Non potest idem simul esse & non esse*: contra quod sententia Adversariorum delinquit. Jam enim, ut meritò admittunt, idem planè est Deus volens liberè hunc mundum, qui esset nolens: simul tamen non est idem; Quia idem esse non potest, nisi habeat eadem omnia prædicata intrinseca & substantialia seu quidditativa: hæc autem non habet. Tale enim Dei nolentis prædicatum, est extensio seu terminatio ad negationem mundi, sive ipsa denominatio aut effectus formalis nolendi, ut iidem docent. Hoc porro prædicatum non habet Deus volens mundum. Non est igitur idem qui esset nolens: cumque nihilominus supponatur idem, nec nisi idem esse possit, est simul & non est idem; Quod erat probandum. Idem insuper esse nequit qui alius est. Est autem alius qui vel unum habet prædicatum substantiale diversum: cuiusmodi rursus est extensio seu denominatio volentis, si cum nolente comparatur.

Addi his potest; Quod qui liberè quid vult vel facit, debeat ita esse ad utrumque indifferens, ut in potestate ejus sit se ad alterutrum determinare. Concipi autem nequit quomodo id fiat in Deo per extensiones vel habitudines purè & adæquatè identificatas cum ipso. Nihil enim potest in potestate sua habere, vel ut sit, vel ut sit hoc aut illud. Quia hīc non agitur de pote-

potestate, vel indifferentia purè Logica, & aliunde determinabili: sed de physica, quam ipse determinet qui libertate gaudet. Quæ potestate ut quis se determinaret ad suum esse, siue in genere, siue ad hoc vel illud: oportet ret cum esse antequam esset, aut certè antequam esset hic vel ille. Id autem impossibile esse constat. Quòd verò suppositis prædictis extensionibus, in Dei potestate versari deberet, ut vel esset absolutè, vel certè hic aut ille, ex ante dictis satis colligi potest. Deberet namque esse in potestate ipsius, ut esset hæc vel illa extensio, habitudo, denominatio: quod ibidem ostendimus liberè, seu contingenter, fieri non posse, nisi sit hic Deus vel ille. Quia idem planè est, rem aliquam in seipsa variari, atque in aliquo quod idem penitus cum ipsa est.

Cumque hæc pertineant ad secundum inconueniens ex contraria sententia deductum: pro tertio eoque palmari adferri potest, quod *horribile absurdum* non immeritò vocat Joannes à S. Thoma, nimirum aliquid quod entitativè est Deus, potuisse esse nihil: & è contrario, aliquid quod jam nihil est, potuisse esse Deum entitativè. Attingit id Aureolus in 1. dist. 47. propos. 1. & 4. ac clarè deducitur ex contraria opinione. Jam enim extensio, siue determinatio libera, ad hunc mundum; siue effectus formalis eum volendi, est Deus entitativè. Illa autem extensio, cum sit Deo libera, potuisset non esse in Deo: quo casu fuisset nihil. Neque enim alibi extra Deum substitisset. Ex opposito, extensio libera ad negationem mundi jam non est, atque adeo nihil est: potuisset tamen esse aliquid, idque Deo entitativè intrinsecum, & sic ipsemet Deus. Absurdum autem quod hinc sequitur vel ex terminis patet. Jure huc applices verba Apostoli 2. ad Cor. 6. *Quæ societas luci ad tenebras?* Quæ participatio entis summè necessarii cum contingenti? aut quæ conventio Entis quod à se omnia est, cum ente quod nihil est de se?

Ad hæc aliqui respondent, extensiones vel denominationes liberas, quas Deo tribuunt, non distingui re: sed sola ratione. Sed hæc responsio nihil facit ad rem præsentem. Hic enim non quærimus, an, vel quomodo extensiones vel denominationes contingentes debeant à Deo distingui: de hoc enim satis egimus capite præcedenti num. 5. sed quid ex illis à parte rei indistinctis, quales à suis Authoribus asseruntur, legitimè sequatur? Revera quidem distingui debet à Deo quidquid contingens est, & si ponatur Deo intrinsecum, ea omnia incommoda contra perfectionem & simplicitatem ejus infert, quæ ibidem deduximus; quæque communiter Theologi inferunt, si Deum instar creaturarum, per formam aliquam à se distinctam, intelligere aut velle statuamus. Sed graviora, meo quidem judicio, sunt incommoda, atque absurda, quæ infert contingentia cum Deo identi-

ut nihil se determinat ut sit, ita nec ut sit hæc vel illa, intrinseca habi-

Grande absurdum, id quod est Deus potuisse esse nihil, vel contrarium

Indistinctio imperfecti non elevat sed gravat.

identificata, atque indistincta: utpotè quæ totam ejus essentiam omniaq; intrinseca prædicata intimè penetret, utque sic loquar, pervadat, eoque pacto, ipsa etiam contingentia reddat. Tanta sanè est Dei perfectio, ut nihil contingens, aut aliter imperfectum, intra se admittat per internam informationem: quanto minùs aliquam contingentiam, quæ per se imperfectionem sonat, intra se recipiet per identitatem?

XVI.
Præclu-
duntur
effugia.

Respondent alii, extenuando illas extensiones & denominationes liberas: quòd ut ratione à Deo differunt, non sicut aliquid completè & absolute; sed tantùm incompletè & secundùm quid. Sed ut argumenta priora vim suam habeant, sufficit extensiones illas esse aliquid à parte rei, idque contingens, sive completum sive incompletum: quo solo admissio, sequitur Deum qui id secum identificat, fore contingentem. Non enim à solis completis formalitatibus: sed etiam ab incompletis, res est ac denominatur talis vel talis, ut substantia ens per se à perfeitate; quæ tamen nihil est completum, ut differt ab ente. Sed pluribus contra ejusmodi responsa, aut potius effugia, agemus capite quinto. Hæc interim valere etiam possunt contra responsionem initio insinuatam, de realitate essentia, sive quoad *esse in*, non habitudinis, sive quoad *esse ad*. Nam

hæc ipsa habitudo, sive *esse ad*, est aliquid à parte rei, non confectum ab intellectu, & Deo adæquatè intrinsecum; ut ex eorum contra quos agimus sententia suppono.



CAPUT

CAPUT IV.

De sententia Aureoli.

Sententiis prius recensitis, quæ actum Dei liberum adæquatè & totaliter ponunt intrinsecum Deo, opponuntur illæ, quæ eum aliquo modo constituunt in effectu vel actione creata. Has inter celebrari solet sententia Aureoli in 1. dist. 47. q. un. a. 1. & seq. quem altissimè, ut par est, de Deo sensisse, & acutissimè ejus libertatem explicasse existimat Valentinus Eri-ce in 1. p. Tract. 2. disp. 16. cap. 9. & 10. è contrario Arriaga disp. 28. sect. 1. §. 2. arbitratur, vix ullum hac in parte minus bene sensisse de Deo, pluribusque & efficacioribus contra se argumentis locum præbuisse. Vaquez verò 1. p. tom. 1. disp. 80. cap. 2. Arubal ibidem disp. 54. cap. 3. Julius Cæsar Recupitus de Deo Uno parte 2. lib. 2. cap. 2. & alii, quædam hîc in Aureolo laudant & sequuntur, alia notant & relinquunt. Pro quorum ratione ac merito discernendis, operæpretium erit totam Authoris præfati sententiam compendio indicare.

*Varia de
cajudi-
cia.*

Primò itaque remover à Deo omnem formalitatem & habitudinem intrinsecam: quæ sit contingens seu libera, ita ut potuerit non esse in Deo. Quidquid enim est in Deo, *illud est necessarium simpliciter & absolute, cum sit ipsemet Deus, quidquid autem est Deus, de necessitate absoluta est Deus.* Unde præterea remover à Deo omnem intrinsecam determinationem ad producendas creaturas: si namque hæc poneretur in Deo, creaturæ non producerentur liberè, sed absolute necessario. Nam quidquid necessario sequitur ex aliquo necessario absolute, & ipsum absolute necessarium est: sed Deo determinatè volente productionem mundi, necessario & absolute sequitur ejus productio. Alioquin Dei voluntas determinata posset frustrari.

*XVII.
Preponi-
tur per
partes &
explica-
tur.*

Quare 2. nullam voluntatem Deo intrinsecè tribuit in ordine ad creaturas, nisi simplicis cujusdam complacentiæ; *in quantum sibi complacet in sua essentia, & per consequens in omni entitate creabili & creata.* Hæc enim complacentia est immutabilis, & necessaria absolute: nec ex illa determinatur Deus ad producendum vel non producendum; sed eam habet indifferentem atque æqualiter, siue creaturæ producantur siue non. *Non habet autem aliquod velle quo appetat intrinsecè, aut optet vel concupiscat, aut quomodocumque aliter moveatur ad hoc ut habeatur non habitum, vel fiat non factum.* Tale quippe velle & ex priori argumento impossibile est Deo, & etiam aliunde repugnat ejus nobilitati. Quod postea magis explicans ait, ad Divinam nobilitatem spectare, ut non sui tantum respectu,

*Removet
à Deo o-
mnem de-
termina-
tionem
intrinse-
cam ad
extra.*

*Admit-
tit solam
simplicem
compla-
centiam.
in crea-
tura.*

sed etiam creaturarum, versetur in perpetua quiete & gaudio: non autem in ullo motu, expectatione & desiderio.

Quomodo tamen salvet productionem liberam? Docet tamen tertio, Deum creaturas producere voluntariè & liberè, quia complacenter producit, & cum dominio ac potestate, ita ut possit eas non producere. Quam vim dominativam, seu potestativam, ponit in ratione Deitatis; & hinc probat ad libertatem sufficere, quod Philosophus 9. Metaph. text. 15. & 6. Ethic. in principio, doceat; ideo voluntatem nostram liberè agere, quòd cum dominio ac potestate agat. Id tamen discrimen, inter nostram voluntatem ac Divinam, assignat: quòd nostra non dominetur in creaturas exteriores, nisi mediante actu interiori, quo se ad exteriora inclinet atque determinet: sed voluntas divina (aut potius ipsa, mer simplicissima ratio Deitatis, in quam ut immediatum principium productionem omnium refert) habeat omnia exteriora in sua potestate immediatè, ita ut absque interiori motu prævio, possit ea producere vel non. Idque ait esse majoris perfectionis.

XVIII. Id illu- stras ex- plicis. Quarto ad hæc illustranda duplex adfert exemplum. Unum petit ab igne, in cuius potestate si esset, stuppâ præsentè, ignire & non ignire: haud dubium est quin liberè causaret ignem, etiamsi se non determinaret intrinsecè per aliquem actum priorem. Quærenti quoque, cur ignis stuppam incenderet cum posset non incendere, responderetur aptissime; quia habet utrumque in sua potestate, vel etiam, quia vult; non quòd velle exprimeret aliquem actum, determinantem, sed secundum plenitudinem potestatis. Alterum exemplum non à casu impossibili defumit, uti prius: sed ab indifferentia voluntatis nostræ, in ordine ad primos suos actus liberos. Nam hos quoque voluntas dicitur producere liberè & quia vult: eo tamen loquendi modo non designatur prior aliquis actus voluntatis (ne in infinitum procedatur) sed solum dominium, & quidam modus potestativus. Vnde, inquit, tali modo respondendi magis causa excluditur, & questio repellitur, quàm causa detur. Sensus enim responsionis est, quòd actus ille est in pleno dominio voluntatis, & ideo non est querenda causa, quare voluntas eliciat talem actum, nisi quia ita vult, hoc est, quia illud est in suo dominio & potestate. Quod deinde applicat conformiter ad voluntarias, seu liberas actiones divinas.

Quid apud An- reolum voluntas efficax. Quintò tandem hinc Aureolus resolvit, quænam sit in Deo voluntas efficax cui resisti non possit? Aitque nullam rationem activitatis, seu efficaciz, inesse ulli Divinae volitioni intrinseca: quia Deus per hanc solum sibi complacet in sua Bonitate & in omni participante eam, Complacencia autem, seu delectatio, habet se per modum spiritualis quietis: ideoque non est motiva seu activa ad extra, sicuti voluntas efficax esse debet. Totam igitur

igitur rationem Divinæ efficaciz ponit in *voluntate Dei extrinsecâ*, id est, in Essentia ejus, ut habet rationem Omnipotentiz seu Potentiz executivæ, cum indifferenti dominio seu potestate supradicta. Quæ Potentia propter illud dominium, ac plenitudinem potestatis, nullo determinante intrinseco amplius eget: sed immediatè se determinat, & in actu secundo efficacem reddit, per ipsammet operationem extrinsecam; *Qua cum impediri non possit, manifestum est*, inquit, *quòd voluntas Dei efficax, hoc est, plenitudo dominis in operationem prodians, impediri non possit, sed semper impleatur.* In ordine quoque ad operationem, seu determinationem extrinsecam, à potestate indifferenti profectam, non autem respectu aliqujus inclinationis, aut motionis intrinsecæ, explicat, quomodo conveniat Deo liberum arbitrium.

Cumque hæc sit summa istius sententiæ, ut nostrum de illa iudicium promamus; Placet in ea, quòd à Deo proscribat omnem formalitatem intrinsecam, quæ sit contingens, sive non necessaria: id enim faciendum, *Quadam placens in ea sententia.* contra aliorum opiniones antea ostendimus toto cap. 2. & 3. Placet præterea quod Aureolus hinc infert; Deum ad extra operaturum, non debere se priùs inclinare, ac determinare intrinsecè, ad operandum. Optimè namque idem Auctor demonstrat, operationem quæ hinc sequeretur necessariam fore, utpote cum determinatione penitus necessaria necessariò connexam. Unde insuper probo, Deum se liberè & immediatè determinare per operationem ad extra: hæc enim sola potest Deo esse contingens. Et quantum ad hoc præcisè, placet comparatio voluntatis nostræ, determinantis se liberè ad primos suos actus. Approbo denique, in Deo secundum prædicata purè intrinseca considerato, non esse ullum actum formaliter efficacem, sive per modum concupiscentiæ & desiderii, sive aliter: sed tantùm infinitam delectationem quam habet de seipso, & complacentiâ simplicè circa creaturas possibiles. Unde cum eodem Authore colligo, ad voluntatem Dei efficacem cui resisti non possit, requiri operationem ad extra. Atque in hisce, Aureolum præclarè de Deo sensisse existimo, cum Erice supra citato, eaque omnia pluribus explicabo ac probabo disp. 3.

Sed in Aureoli sententia valde displicet, quòd Dei libertatem revocet ad ejus essentiam sive potentiam, ratione nostra à voluntate distinctam. Id, inquam, displicet: tum propter argumenta quibus in disp. 1. cap. 8. probavimus Potentiam divinam ratione eadem cum voluntate: tum propter hoc speciale; Quòd Scriptura insinuet, Deum non tantùm liberè producere creaturas, sed etiam liberè velle: ut Ps. 113. *Omnia quaecunque voluit, voluntate distinctâ.* *Sed displicet, quòd libertatē revocet ad formam.*

centiæ. Nam hæc fertur in omnia possibilia; Atqui Deus non fecit omnia possibilia: falsum ergo est, eum fecisse omnia quæ voluit hac voluntate. Quare pro veritate dictorum verborum defendenda, admitti debet in Deo alia voluntas eaque libera, & ad eas solû creaturas quas efficere voluit, restricta: sicuti etiam pro veritate aliorum testimoniorum, ut Psal. 17. *Salvum me fecit quoniam voluit me*, & Elther 13. *non est qui tua possit resistere voluntati*, ut expendenti patebit. Porro Aureolus, licet in sententia sua utcumque explicet quomodo Deus liberè extra se agat, non tamen quomodo liberè velit: quia ex ejus mente potentia per quam Deus agit, neque est formaliter voluntas, neque à voluntate formaliter applicatur aut determinatur ad agendum. Nec satisfacit Auctor, dicendo, potentiam illam dici voluntatem, ejusque operationes voluntarias, quod operetur potestativè ac dominativè: quia hæc acceptio voluntatis ac voluntarii non est propria, sed metaphorica; quæ solummodo fundetur in aliqua similitudine aut analogia cum modo agendi, qui convenit voluntati. Sacræ autem literæ non debent absque necessitate sumi Metaphoricè.

XX.

*Nec aptè
adducit
exemplū
ignis, nec
potentia
volitiva.*

Hinc etiam exemplum ignis ab Aureolo productum, non est satis aptum ad explicandam libertatem divinam. Nam posito, quod in potestate ignis esset ignire & non ignire; ignis quidem liberè causaret ignem, non tamen liberè vellet; cum in igne nulla supponatur voluntas, imò nec cognitio, quam tamen etiam ad omne voluntarium Philosophi requirunt. Dei autem libertas non est tantum liberè causantis: sed insuper liberè volentis. Adde quod ipsummet exemplum contradictionem involvat: dominium enim, sive libertas, tam à Philosophis quam Theologis asseritur proprietas voluntatis; ideoque implicat, id suæ potestatis, seu liberum esse, quod non est volitivum. Quare hoc etiam ex capite Aureolus displicet, quod potestatem indifferenter agendi, seu libertatem, voluntati divinæ eripiat, & alteri formalitati, quæ non est volitiva, adscribat. Nec alterum exemplum voluntatis nostræ cum primis suis actibus comparatæ, veritati per omnia quadrat. Quia voluntas nostra, cum non sit formaliter volitio, sed solum potentia volitiva, ideo primum suum actum propriè ac formaliter non vult, sed producit ac recipit. Voluntas verò divina, quia non est tantum potentia operativa ad extra, sed etiam formalis volitio, & infinitus omnium amor: hinc non tantum creaturas efficit, sed etiam formaliter amat; ut pluribus diximus disp. 1. cap. 8. & sequenti disp. iterum attingemus. Verum quidem est, quod voluntas nostra primos quoque actus liberos dicatur elicere quia vult: sed vel hæc volitio non debet referri ad ipsos actus (quasi hos velit voluntas) verum ad eorum obiecta,

cōta, quæ propriè vult: vel ea locutio non est sumenda in sensu proprio ac formali, at improprio & interpretativo; quòd voluntas ita se gerat, actum liberum, etiam primum, eliciendo, ac si per alium actum vellet eum elicere. Deus autem propriè & formaliter vult, tam creaturas quas producit, quàm primam etiam productionem earum.

Tandem, ac consequenter, in Aureolo displicet, quòd non admittat propriè in Deo amorem aliquem, seu volitionem efficacem: sed tantùm metaphoricè, quatenus potentia executiva aliquid ad extra denominativè efficiens, vocatur voluntas. Id quippe iisdem refellitur testimoniis Scripturæ, quibus suprà ostendimus; volitionem aliquam liberam, eamque propriè dictam, dari in Deo. Hanc enim ut liberam, ita & efficacem, eadem Scripturæ verba convincunt. Quibus addere possumus ea omnia loca Scripturæ & Patrum, quibus in materia de Incarnatione & divina gratia, tam Christi adventus, quàm nostra salus: non in simplicem aliquam ac necessariam complacentiam: sed in efficacem, Deoque liberam dilectionem ac misericordiam, refertur. Ut Joan. 3. *Sic Deus dilexit mundum ut Filium suum Unigenitum daret*, & ad Rom. 9. *Cujus vult miseretur & quem vult indurat*: ubi ne dubium sit agi de misericordia efficaci, statim subditur, *voluntati ejus quis resistet?* Et alibi passim similia occurrunt. Verum quidem est, nullam dilectionem aut volitionem in Deo dari, quæ sit formaliter efficax secundùm sola intrinseca Deo, ut suprà insinuavimus, & tam quoad efficaciam quàm quoad libertatem, pluribus ostendimus disputatione sequenti: sed cum eo conciliandum, quòd propriè & simpliciter detur in Deo amor efficax creaturarum, saltem cum extrinsecis connotatis, ut ibidem ex professo probabitur. An autem is amor dicendus sit desiderium necne, resolvemus disputatione 4.
ubi de aliis Divinæ voluntatis affectibus.



CAPUT IV.

*De connotatis liberorum Actuum
Dei.*

XXII.

*Aureolis
sententia
quomodo
superanda;**Varii id
tentant
per Con-
notata.*

Ostendimus priori capite, nec in omnibus, quæ de actibus Dei liberis differit, probandum Aureolum, nec in omnibus rejiciendum: sed ejus sententiam ita temperandam, ut Deus, omni contingentia intrinsecâ à se remotâ, vero nihilominus ac proprio amore, eoque efficaci ac libero, creaturas prolequatur. Quam temperiem et si Arriaga, ibidem citatus, impossibilem ducat, ideoque erga Authorem offensior, notâ eum leviore perstringat: Vasquez tamen, Arubal, Recupirus, ibidem citati, possibilem censent; si cum simplici complacentia Deo intrinseca, quædam connotata extrinseca jungamus, earumque operationum, per quas seorsim libertatem divinam salvare Aureolus nitebatur. Quam etiam viam ex Antiquis inierunt Authores gravissimi citandi disp. 3. cap. 3. ubi eandem amplectemur: ex Recentioribus verò sequuntur quamplurimi, ut Alarcon in 1. p. de voluntate Dei disp. 4. cap. 8. & sequentibus, Granadus de eadem, tract. 3. disp. 5. sect. 3. Ambrosius Machinus tom. 1. in 1. p. disp. 41. sect. 3. Carmelitæ Salmanticenses de voluntate Dei disp. 7. dub. 7. §. 4. Franciscus Amicus tom. primo Cursus Theologici disputatione 14. sect. 3. & alii, quorum nonnulli ipsum etiam Suarez in eandem opinionem propensum ostendunt.

*Duplex
modus u-
tendi Cō-
notatis.*

Notandum tamen; Quamvis illis omnibus id sit commune, quòd ad omnem volitionem Dei liberam, præter amorem Dei necessarium, requirant aliquem effectum, vel actionem ad extra, per modum connotati: in hoc tamen discrepant, an connotatum illud creatum intrinsecè constituat actum divinum in esse libero, an solum extrinsecè terminet habitudinem ejus. In *esse libero*, inquam: illi namque omnes unanimiter profitentur, actum Dei liberum per nihil creatum constitui intrinsecè in *esse actus*. Porro connotatum creatum actui Dei libero, etiam quâ tali, esse planè extrinsecum, ex supra citatis apertius tradunt Machinus, Suarez, Alarcon: cæteri verò vel controversiam hanc non tangunt, vel dictum connotatum intra divinæ libertatis, sicut & efficaciz, denominationem involvunt. Ut autem constet utram partem potius sequi possimus.

XXIII.

Dico. Connotata contingentia Deoque extrinseca, ad Libertatem ejus explicandam nihil vel parum conducunt, nisi ingrediantur conceptum atque essentiam libertatis. Probatum primò. Quia libertas in genere dicit

dicit intrinsecè & essentialiter quandam contingentiam, quæ necessitati *is prae-*
 opponatur, ut constat ex dictis disp. 1. cap. 4. Debet igitur intra essentiam, *rendus*
 atque conceptum libertatis divinæ, aliqua tandem assignari forma, aut *qui ea in-*
 formalitas, quæ non sit necessaria, sed contingens. Hæc autem non potest *trinscè*
 esse Deo intrinseca: alioqui de illa rediret tota difficultas quam supra con- *intra li-*
 tra opinionem Cajetani & affines movebamus. Restat igitur ut formalis *bertatem*
 tas contingens, quæ est intra conceptum libertatis, ponatur in aliquo *involuit.*
 quod sit extra Deum; & sic divina libertas, non illa tantum quæ cum Deo
 identificantur, sed alicujus etiam creaturæ connotatum intra se clau-
 dat.

Respondent primò, prædicatum illud contingens non esse aliquam *Nec suf-*
 formam aut formalitatem: sed solam connotationem, quæ nullo intrin- *ficit con-*
 seco addito vel dempto, sed facta tantum variatione termini extrinseci, *notatio*
 possit esse vel non esse in Deo. Sed contrà. Connotatio illa non est merus *practica*
 conceptus vel vocabulum: sed aliquid reale existens à parte rei. Neque e- *à conno-*
 nim Deus est liber, quòd cōtingenter à nobis concipiatur vel denomi- *tato.*
 tur: sed quòd à parte rei ipsi conveniat quidpiam contingens; per quod
 cæteris requisitis, reverà & independentèr à nostris vocibus atque con-
 ceptibus, liberè velit. Ipsa igitur connotatio, per quam volunt alias formas
 vel formalitates contingentes à Deo excludere, est aliquid intra Deum
 contingens, & cum saltem seipsam Deo addat, aliquid sanè addit iisdem
 argumentis obnoxium, quæ contra perfectionem liberam Cajetani, vel
 extensionem Fonseca, vel aliorum terminationem, habitudinem, effe-
 ctum formalem, supra objecimus.

Respondent secundò. Connotationem illam esse quid contingens *XXIV.*
 quoad *esse ad*, quia est connotatio termini contingentis: non tamen quo-
 ad *esse in*, quia nihil contingens ponit in Deo. Sed hoc dicendi modo vel *Occurri-*
 à sententia sua discedunt, vel novis se laqueis implicant. Peto enim, an *tur effu-*
esse ad ingrediatur intrinsecè conceptum actus liberi an non? Si non: dent *gio per-*
 ergo aliud quidpiam contingens, quod actum in esse libero intrinsecè *se ad &*
 constituat. Sin ita: rursus peto, sitne *esse ad* Deo intrinsecum, nec ne? Si in- *esse in.*
 trinsecum, instauratur tota difficultas de forma aliqua contingentem Deo
 intrinsecà, ac præterea pars negativa responsionis per sui contradictoriū
 evertitur: sin extra Deum, id planè est quod contra ipsos Assertio nostra
 contendit.

Notandum, Quosdam in hac controversia, quando his aut similibus *Alia ver-*
 argumentis premuntur, effugia quætere per verborum ambages, & à con- *borum di-*
 notatione transilire ad *habitudinem* vel *respectum*, ab hoc ad *terminatio-*
 nem, *extensionem*, *denominationem*, *effectum formalem*, & nescio quæ non *vertitur.*
duntur.
alia

alia vocabula. Sed prudens Theologus non sinet sibi verba dari: quando non satisfecerint per *connotationem*, rogabit eos, quid amplius vel minus significarum velint per *habitudinem*, *effectum formalem* &c. Nullam notabilem differentiam, uti arbitror, producent. Ut igitur absque ambagibus, facillique compendio res transigatur: cuncta illa vocabula, materialiter diversa, sed significatione eadem, petet redigi ad unum; de quo cæterorum vim comp'etente, urgebit, an dicat ens verum, an fictum? an necessarium an contingens? si contingens: an intra vel extra Deum? Sic autem cum quicum agit, vel secum sentientem & amicum inveniet, vel hostem jam in lucem productum facilius impugnet.

XXV.

*Regula
discernē-
di intrin-
seca rei.*

Probatur secundò. Id quo præcisè addito res est, quoque solo sublato non est, pertinet intrinsecè ad essentiam rei: Atqui additis solis connotatis Deo extrinsecis, est in Deo volitio libera, iisque solis sublati, ea in Deo non est. Ergo connotata extrinseca pertinent intrinsecè ad essentiam volitionis liberæ: Consequentia est legitima. Minor ab iis omnibus admittitur, qui ne quidpiam intra Deum contingens devorare cogantur, ad connotata isthæc extrinseca recurrunt. Major ferè ex terminis constat. Nihil enim unicuique rei magis intrinsecum quam suum esse: & consequenter quàm id, ratione cujus præcisè absque omni alio, illud esse accedit vel decedit. *Præcisè*, inquam: res enim incipit quidem esse per causas extrinsecas, efficientem scilicet ac finalem, & suo etiam modo per conditiones requisitas, earumque defectu esse definit; quamvis nec causæ nec conditiones prædictæ ingrediantur essentiam rei. Sed per neutras solas, siue *præcisè*, res incipit vel definit: at semper, quia aliud quoddam esse ab iisdem dependens acquirit vel amittit. Exempli causâ, aqua fit calida accedente igne, eoque sublato definit esse calida: haud ideo præcisè quòd ignis aquæ adsit vel desit: sed quòd ignis virtute, alia quædam forma producat in aqua, quæ reddat eam calidam; ideoque ignis non pertinet intrinsecè ad esse calidum. Ipse autem calor, ejus est naturæ, ut se solo *præcisè* aquam cui unitur reddat calidam: adeò ut si igne non præsentem uniretur aquæ, hæc nihilominus esset calida: ideoque meritò ad esse intrinsecum, aquæ ut calidæ, spectat.

XXVI.

Dicunt, hæc locum habere in Absolutis, non in Relativis aut Connotativis, & instantiam adferunt ex probabili, ac jam satis communi, Philosophorum sententiâ; Quòd Relatio prædicamentalis nihil addat fundamento, præter terminum extrinsecum: qui tamen non constituat intrinsecè Relationem. Hæc namque est ad terminum: cumque terminus non sit ad seipsum, hinc terminum non involvit. Ajunt autem actum Dei liberum esse quid relativum seu connotativum, & idcirco alias ab absolutis regulas

regulas sequi. Sed qui sic respondent, malè inter ea distinguunt, ubi quo- *Habet en-*
 ad præsentem quæstionem omnimoda paritas est. Quemadmodum e- *locum et-*
 nim nihil absolutum, aliquo solo posito, accipit esse, eoque solo sublato, *iam in Re-*
 esse perdit, nisi id pertineat intrinsecè ad ejus essentiam absolutam: ita ni- *lativum.*
 hil respectivum, aliquo præcisè habito vel amisso, est vel non est, nisi id sit
 de ejus essentia respectiva. Quapropter Hurtado disp. 5. Metaph. Ariaga
 disp. 1. 2. Logicæ, Gonzalez parte 2. Logicæ disp. 5. q. 6. qui omnes docent
 per Relationem prædicamentalem nihil addi fundamento intrinsecum,
 sed solum terminum extrinsecè coexistentem (quippe quo posito, atque
 omni alio præciso, detur Relatio, & quo vel solo sublato, non detur) op-
 timè & consequentissimè profitentur, terminum ad Relationem se non
 habere instar meræ conditionis, sed essentiam ejus ingredi instar partis
 constituentis. Pro qua sententia D. Thomam opusculo 48. tract. 5. c. 2. &
 alios complures ex Veteribus citant. Ad rationem contrà objectam, ne-
 gant Relationem totaliter & adæquatè esse ad terminum: cum sit ea
 quæ solum fundamentum referat ad terminum, sive quod in idem redit)
 cum termino connectat; etsi terminum ad seipsum non referat.

Ratio porrò paritatis fundatur in primo principio, *Quod idem secun-* *XVII.*
dum idem non possit esse & non esse: quod æquè locum habet in ente re- *Viposè*
 spectivo seu connotativo, atque in absoluto; cum primum principium u- *fundata*
 tramque illam Entis differentiam transcendat. Ac sanè si vel semel admit- *in primo*
 tatur, idem secundum idè posse esse & non esse quid respectivum aut con- *principio.*
 notativum: eandem v.g. albedinem secundum eandem entitatem, esse & *quod o-*
 non esse similitudinem: similiter quis diceret in absolutis, eandem entita- *mnia vñ*
 tem secundum idem posse esse albedinem & non albedinem, & Petrum *scendit.*
 hodie esse hominem, & cras secundum eandem entitatem non esse homi-
 nem. Ea quippe primorum principiorum est natura, ut in uno negata, in
 aliis fidem non inveniant; cum non ratione materiæ, sed ratione formæ
 naturali lumine comprobatur, debeant persuaderi. Si autem paries secun-
 dum eandem albedinem nequeat esse similis & non similis: clarum est
 quòd similitudo debeat aliquid addere albedini. Quod cum in sententia
 de qua agimus, non sit modus aliquis medius inter utrumque Relationis
 extremum: restat ut sit alterum illud extremum, quod priori junctum, non
 album solum sed etiam simile reddat. Idque applicando ad rem præsen-
 tem, cum Deus secundum idem nequeat velle & nolle: in sua autem vo-
 luntate intrinsecè nullam differentiam, qualemcumque tandem, admit-
 tat, debet hæc assignari in extrinseco objecto.

Probatum tertio ex axiomate in scholis receptissimo, *Vnumquodque per*
id constituitur in suo esse, per quod primò differt ab alio. Cum enim ab alio

Altera regula ad idem propositum. sic non differat nisi per id quod est, debet prima rei differentia pertinere ad esse rei: idque universalis inductio per differentias genericas, specificas, individuales ostendit; quæ haud ob aliam rationem, quàm jam dictam, sunt de essentia generis, individui, speciei. Sed in explicanda Dei libertate, connotata extrinseca nulli serè sunt usui, nisi ut per hæc liberum Dei decretum, creandi v.g. hunc mundum, differat primò ab alio, scilicet ab opposita voluntate non creandi. Nam si quis priorem aliquam differentiam Deo intrinsecam, inter ejus decreta excogitare ac defendere posset, ad extrinseca connotata minimè confugeret; quippe quæ speciales difficultates disputatione sequenti proponendas secum trahant. Qui igitur ad finem jam expositum prudenter voluerit connotatis uri, debebit ea intra libertatis conceptum essentiamque completi. Quod quâ ratione sine ullis absurdis facere queat, eadem disputatione videbitur.

CAPUT VI.

*An ætænalis libertas Deo addat
ens aliquod rationis vel
morale?*

XXVIII. **E**Runt fortassis qui sese è priorum sententiarum difficultatibus emer-
suros existiment, si in explicanda libertate, nihil prorsus reàle Deo
addant, sive intra sive extra eundem: sed aliquid tantùm rationis vel mo-
rale. Utrumque enim absque ullo divinæ simpliciter cæterarumque per-
fectionum præjudicio, addi Deo vel demi, quàm facillimè potest: quan-
doquidem Entia rationis, & moralia, rem physicè non afficiunt, & per
consequens nec immutent. Pro Ente autem rationis, Patronos adsciscere
sibi poterunt, ex Thomistis Capreolum, Ferrariensem, Hispalensem, ex a-
liis Molinam 1.p.q. 19.a. 2. disp. 2. & Vasquez ibidem disp. 80. num. 6. & q.
14.a. 15. sub finem, qui liberam Dei tendentiam ad creaturas passim expli-
cant per respectum seu habitudinem rationis. Pro ente autem morali du-
cem invenient Ferdinandum de Salazar in defensione immaculatæ Con-
ceptionis cap. 24. sect. 3. n. 47. & sqq.

*Nullum
ens ratio-
nis ingre-
ditur Li-
bertatem
Dei.*

Dico primò. Actus Dei liber non includit in se ullum ens rationis.
Hæc assertio de ente formali rationis, sicuti loquitur, intellecta, est tam
certa & clara, ut probatione vix egeat. Quia omne ens rationis formaliter
habet solùm esse objectivum per intellectum: sed nullus actus Dei li-
ber secundùm aliquid sui est hujusmodi: Deus enim quicquid vult, reipsâ
vult, independentèr à nostris figmentis. Quòd si dicant, ens illud ratio-
nis quod ad actum Dei liberum constituendum concurrir, non pendere
ab in-

ab intellectu nostro, sed Dei solius: præterquàm quòd communiore sententia repugnabunt, cæntenti fabricam ejusmodi commentorum Deo prorsus indignam: illud certè absurdum incurrit; Quòd sic Dei libertas, non in voluntatem ejus, ut Scriptura præeunte, Doctores communiter docent, sed in intellectum referenda sit. Etenim intellectus, non verò voluntas, fingit entia rationis: quæ juxta hanc sententiam Deum in cæteris indifferentem, ultimò determinant, ut hæc vel illa velit, ideoque in suo principio libertatem supponunt. Non opus est pluribus in confutanda sententia, quam non existimo in eo sensu formali quem oppugnamus, Authoribus citatis placuisse, sed in alio fundamē-
tali.

Notandum enim: Quia voces non significant res nudas, sed ut conce-
pibus nostris substant: hinc sapius fit, ut ex communiore modo concipiendi, rebus nomina imponamus, & sic aliqua quæ realiter existunt, entia rationis denominemus, quia per modum talium illa solemus concipere: ut privationes, entia moralia, denominationes extrinsecas v. g. tenebras, esse Prætozem vel Regem, esse visum, amatum, honoratum. Quo loquendi genere nolumus significare, ea esse quid fictum & ab intellectu nostro dependens: sed præbere communiter fundamētum alicujus figmenti, sub quo illa concipere, deque iis loqui soleamus. Concipimus enim tenebras per modum nigredinis in aere, & extrinsecam denominationem instar relationis reciprocae consurgentis in re denominata; cùm tamen sola forma denominans referatur ad rem v. g. visio ad parietem, non autem vicissim res ad formam v. g. paries ad visionem. Doctores igitur allegati hunc loquendi modum sequentes, quando per habitudines rationis actus Dei liberos exponunt, eas similiter accipiunt pro aliquo reali fundamēto. Quidquid verò alii pro fundamēto supponant, Vasquez certè disp. 80. cap. 2. num. 6. ad denominationes seu connotationes extrinsecas se refert: quas constat dari à parte rei antecedenter ad conceptus nostros. Idem facit quæst. 14. art. 15. sub finem: ut merito eum suprà Capite quarto pro sententia ibidem proposita citaverimus.

Adde, hinc etiam de simili aliquo fundamēto ab Authoribus illis ad-
misso prudenter præsumi: quòd foret alioquin opinio nimis absurda, & ne dicam Theologo, sed homine quoque illiterato indigna: id scilicet sibi persuadere, quòd omnibus cæteris tam in Deo quàm circa ipsum penitus immutatis, possimus nos callis nostris subventaneisque conceptibus reddere eum quidvis volentem, cùmq; Dei voluntas omnipotens sit, quidvis molientem & producentem. O deliria potentissima & thau-
maturga!

*Altera
regula ad
idem pro-
positum.*

sic non differat nisi per id quod est, debet prima rei differentia pertinere ad esse rei: idque universalis inductio per differentias genericas, specificas, individuales ostendit; quæ haud ob aliam rationem, quàm jam dictam, sunt de essentia generis, individui, speciei. Sed in explicanda Dei libertate, connotata extrinseca nulli ferè sunt usui, nisi ut per hæc liberum Dei decreretur, creandi v.g. hunc mundum, differat primò ab alio, scilicet ab opposita voluntate non creandi. Nam si quis priorem aliquam differentiam Deo intrinsecam, inter ejus decreta excogitare ac defendere posset, ad extrinseca connotata minimè confugeret; quippe quæ speciales difficultates disputatione sequenti proponendas secum trahant. Qui igitur ad finem jam expositum prudenter voluerit connotatis uti, debebit ea intra libertatis conceptum essentiamque complecti. Quod quâ ratione sine ullis absurdis facere queat, eadem disputatione videbitur.

CAPUT VI.

*An actualis libertas Deo addat
ens aliquod rationis vel
morale?*

XXVIII.

ERunt fortassis qui sese è priorum sententiarum difficultatibus emer-
suros existiment, si in explicanda libertate, nihil prorsus reale Deo
addant, sive intra sive extra eundem: sed aliquid tantùm rationis vel mo-
rale. Utrumque enim absque ullo divinæ simpliciter cæterarumque per-
fectionum præjudicio, addi Deo vel demi, quàm facillimè potest: quan-
doquidem Entia rationis, & moralia, rem physicè non afficiunt, & per
consequens nec immutent. Pro Ente autem rationis, Patronos adsciscere
sibi poterunt, ex Thomistis Capreolum, Ferratiensem, Hispalensem, ex a-
liis Molinam r.p.q. 19.a. 2. disp. 2. & Vasquez ibidem disp. 80. num. 6. & q.
14.a. 15. sub finem, qui liberam Dei tendentiam ad creaturas passim expli-
cant per respectum seu habitudinem rationis. Pro ente autem morali du-
cem invenient Ferdinandum de Salazar in defensione immaculatæ Con-
ceptionis cap. 24. sect. 3. n. 47. & seqq.

*Nullum
ens ratio-
nis ingre-
ditur Li-
bertatem
Dei.*

Dico primò. Actus Dei liber non includit in se ullum ens rationis.
Hæc assertio de ente formali rationis, sicuti loquitur, intellecta, est tam
certa & clara, ut probatione vix egeat. Quia omne ens rationis formali-
ter habet solùm esse objectivum per intellectum: sed nullus actus Dei li-
ber secundùm aliquid sui est hujusmodi: Deus enim quidquid vult, reipsâ
vult, independentè à hostis figmentis. Quòd si dicant, ens illud ratio-
nis quod ad actum Dei liberum constituendum concurrir, non pendere
ab in-

ab intellectu nostro, sed Dei solius: præterquàm quòd communiore sententia repugnabunt, cæntenti fabricam ejusmodi commentorum Deo prorsus indignam: illud certè absurdum incurrit; Quòd sic Deiliberitas, non in voluntatem ejus, ut Scriptura præeunte, Doctores communiter docent, sed in intellectum referenda sit. Etenim intellectus, non verò voluntas, fingit entia rationis: quæ juxta hanc sententiam Deum in cæteris indifferentem, ultimò determinant, ut hæc vel illa velit, ideoque in suo principio libertatem supponunt. Non opus est pluribus in confutanda sententia, quam non existimo in eo sensu formali quem oppugnamus, Authoribus citatis placuisse, sed in alio fundamentali.

Notandum enim: Quia voces non significant res nudas, sed ut conce-
 pibus nostris substant: hinc sæpius fir, ut ex communiore modo concipiendi, rebus nomina imponamus, & sic aliqua quæ realiter existunt, entia rationis denominemus, quia per modum talium illa solemus concipere: ut privationes, entia moralia, denominationes extrinsecas v. g. tenebras, esse Prætozem vel Regem, esse visum, amatum, honoratum. Quo loquendi genere nolumus significare, ea esse quid fictum & ab intellectu nostro dependens: sed præbere communiter fundamentum alicujus figmenti, sub quo illa concipere, deque iis loqui soleamus. Concipimus enim tenebras per modum nigredinis in aere, & extrinsecam denominationem instar relationis reciproca: consurgentis in re denominata; cùm tamen sola forma denominans referatur ad rem v. g. visio ad parietem, non autem vicissim res ad formam v. g. paries ad visionem. Doctores igitur allegati hunc loquendi modum sequentes, quando per habitudines rationis actus Dei liberos exponunt, eas similiter accipiunt pro aliquo reali fundamento. Quidquid verò alii pro fundamento supponant, Vasquez certè disp. 80. cap. 2. num. 6. ad denominationes seu connotationes extrinsecas se refert: quas constat dari à parte rei antecedenter ad conceptus nostros. Idem facit quæst. 14. art. 15. sub finem: ut merito eum suprà Capite quarto pro sententia ibidem proposita citaverimus.

Adde, hinc etiam de simili aliquo fundamento ab Authoribus illis ad-
 misso prudenter præsumi: quòd foret alioquin opinio nimis absurda, & ne dicam Theologo, sed homine quoque illiterato indigna: id scilicet sibi persuadere, quòd omnibus cæteris tam in Deo quàm circa ipsum penitus immutatis, possimus nos cassis nostris subventaneisque conceptibus reddere eum quidvis volentem, cùmq; Dei voluntas omnipotens sit, quidvis molientem & producentem. O deliria potentissima & thau-

turga! Haud jam mirarer Ethnicis quibusdam venisse in mentem, ut Christiana miracula in vim imaginationis referrent: si habitudines rationis à nobis confictæ in Divinam voluntatem tantum possint. Absit igitur ut hanc sententiam viris doctis tribuamus. Nihilominus, prærequisito adhuc fundamento, illum eorum modum loquendi non probō; qui rem non explicat, sed novis tenebris inutiliter involvit. Quid enim juvat entia rationis velut araneorum telas prætexere, quas subverti oporteat & amoveri è conspectu, ut tandem Veritas, siquæ in fundamento latet, apparere possit? Mittamus quærere modum quo actus Dei liberos apprehendimus, quem esse imperfectum, & multis fortè figmentis obnoxium, satis constat: ac porius indagemus, quomodo illi se habeant à parte rei.

XXX.

*Quid de
Ente mo-
rali?*

Dico 2. Idem actus non rectè explicatur per ens morale. Quamvis enim id non sit fictum, ut ens rationis, sed suo modo verè existat in rebus: alia tamen incommoda cum ficto communia secum trahit; Idque inprimis, quòd omne ens morale debeat habere physicum fundamentum, nisi fortè in merum ens rationis degeneret. De hoc autem fundamento quæritur, sitne necessarium an liberum? si primum: & ens morale quod ex eo resultat, necessarium erit, Sin alterum: jam Dei libertas per ens morale cōstitui nequibit, cujus resultantiam ipsamet fundet, ideoque præcedat. De ipsa quoque, ut priore, tota difficultas erit expedienda, cujus solius gratiâ ens illud morale est inventum. Cùmque tunc recurri nequeat ad aliam moralitatem, ne in infinitum abeatur in moralitatibus: alia ineunda erit via, absque ullo compendio aut emolumento per primam illam moralitatem comparato. Sed ut clarius hæc innotescant,

*In quo fi-
ta morali
ta Entis?*

Notandum primò. Ens morale non esse aliquid à parte rei distinctum ab omni ente physico: id enim frustra & contra communem sententiam paucissimi confingunt: sed esse ipsum ens physicum, vel unum vel plura, cum quadam æquivalentia ad alia entia physica, vel eorum modos, quam in ordine ad certos effectus, æstimatione prudentum obtinet. Sic qui peccatum habituale explicant per ens morale, dicunt communiter, illud esse ipsum peccatū actu præteritum, cum duplici negatione, condignæ scilicet satisfactionis & condonationis. His enim, quæ sunt physica, positiss, peccatum præteritum æquivalenter se habet, ac si adhuc pro præsentem esset subiecto, & haud minus Deum ad offensam ac vindictam laceffit. Qui item virtutem causandi gratiam, quæ novæ legis sacramentis inest, volunt esse moralem, eam ponunt in physica voluntate Christi, qua voluit, exhibitus illis symbolis repræsentari Patri sua merita, & in horum compensationem, per illius Omnipotentiam causari gratiam in recipientibus. Quæ Christi merita ac voluntas, physicè præterita & sacramentis extrin-

extrinseca, haud aliter se habent, quàm si adhuc actu perseverarent, & sacramentis ineffent. Plura exempla suppeditabunt Philosophi in significatione vocum, valore pecuniæ, obligatione legum, dignitate regia, nobilitate & similibus: quæ semper ad entia purè physica cum simili aliqua æquivalentia reducent. Ut nominatim in dominio egregiè præstat Sfortia Pallavicinus de Bono l. 3. c. 23. n. 2.

Notandum secundo. A Jurisconsultis lucem aliquam huic explicationi adferri, quando suos effectus morales subinde declarant per duas hæc dictiones *perinde valere*: quando v. g. Papa facultatem à se concessam, sed aliqua ex parte irritam, pati modo valituram decernit, ac si ab initio nullum defectum habuisset. Item per *fictionem juris*, quæ idem operatur quod veritas. Quia in jure paria sunt, *esse talem & pro tali haberi*, v. g. esse realiter civem, filium vel legitimum, & per legem, privilegium, adoptionem, jure civium filiorum, vel legitimorum frui: ut videre est apud Augustinum Barbosam de Axiom. Juris, axiomate 97. Quam juris fictionem veritati æquivalentem, ipsi quoque haud temerè ac veluti in aere construunt: sed semper fundant in ente aliquo physico; v. g. Principis aut Reipublicæ decreto, cui cæteros in ordine ad certos effectus, item physicos, præstandos, obsequi sit necesse. Similiter igitur illud *perinde valere* Theologicum, per quod Deus liberè quid veller, deberet ad prædicatum aliquod physicum, idque liberum reduci.

XXXI.

Satis bene eam explicans Jurista.

Ratio à priori est hæc; Quidquid est æquivalenter aliud, debet esse quid formaliter in se. Nam purum nihil, sicut aliquid posse vel valere non potest, ita nec æquivalere. Hoc autem formale, quò tandem entis moralis æquivalentiæ revocabis, non potest iterum esse quid morale: alioquin procederetur in infinitum per entia moralia: debet igitur quid physicum esse. Cum vero idem illud morale, de quo agimus, sit liberum ac contingens: & physicum hoc cum quo est idem formaliter, oportebit esse contingens. Nolo hîc persequi specialem modum moralitatis quem ponit Salazar in determinatione quadam causæ liberæ, quâ ipsa se ab actu primo remoto reducat ad actum proximum agat. Et si enim multa contra modum illum dici possent, minus tamen ad præsens institutum conducunt.

Cur hic non serviant Entia moralia?



C c 3.

CAPUT

CAPUT VII.

*An actus liber nihil prorsus Deo
addat?*

XXXII. **Q**uia in omni quod per actum liberum Deo additur, sive ei intrinsecum, sive extrinsecum fuerit, magnæ difficultates deprehenduntur: posset quis suspicari aliquam superesse forsitan viam, qua Divinam libertatem absque ullo superaddito salvare possimus. Tentarunt id Authores quidam innominati apud Gregorium Ariminensem, sicuti vidimus disp. 1. cap. 4. Sed his, relictâ communissima definitione libertatis, quæ necessitatem excludit, amplectenda fuit alia, quæ soli coactioni opposita, liberum cum voluntario confundit. Ex iis verò qui veram, nec solum à Scholasticis, sed SS. quoque Patribus & Conciliis traditam, libertatis notionem supponunt, Bannez 1. p. q. 19. a. 10. dubio unico, in tertio documento, expressissimè docet: *haud aliam rationem libertatis in Deo reperiri respectu eorum qua extra se vult, nisi quòd iudicet illa non habere necessariam connexionem cum fine, sed esse secundum se indifferentia.* Unde colligit primò; *Quotiescumque actus voluntatis oritur ex prædicta radice iudicii, semper esse liberum.* Colligit 2. *Quidquid antecesserit, vel comitabitur, vel supervenerit ad actum voluntatis, si non tollat iudicium illud circa medium, non destruet libertatem actionis.* Cum igitur Deus ex solis prædicationis necessariis, nimirum per scientiam simplicis intelligentiæ, iudicet nullam creaturam esse necessariò secum connexam tamquam cum ultimo fine: ex illis quoque solis liber erit; quodcumque comiteretur vel sequatur; & sic nihil prædicationis necessariis erit addendum. Joannes quoque à S. Thoma 1. parte tom. 2. q. 19. disp. 4. a. 4. n. 2. volitionem Dei liberam ponit in *summa quadam & absoluta independentia à creaturis, & harum subjectione in ordine ad ipsam.* Et num. 14. asserit, *respectum seu habitudinem rationis quâ nos explicamus determinationem huius actus ad volendum potius, quàm nolendum, quamque alii vocant extensionem, vel applicationem, alii terminationem seu determinationem actus erga illa objecta (qua omnia in idem redeunt) non pertinere ad constitutionem intrinsecam & formalem actus liberi, vel determinationem ejus erga objectum, sed consequi ipsum, & per ejusmodi respectus non necessarios à nobis explicari.* Quia ergo prædicatum summæ independentiæ à creaturis, nihil Deo addit, & reliquæ omnes denominationes ac habitudines excluduntur: nihil quoque sive intrinsecum sive extrinsecum ex Authoris huius sententia Deo addet libertas.

Dico

Dico primò. Libertas actualis aliquid tandem, quodcumque fuerit & XXXIII. quomodoque distinguatur, aliquid, inquam, siue intrinsecum siue extrinsecum, ad Attributa siue prædicata Divina necessaria addit. Probatur. *Sed oppo. sium demonstratur.* Quia actualis libertas siue creata siue Divina, supponit in eo quem liberè volentem vel agentem denominat, indeterminationem quamdam seu indifferentiam ad opposita, quæ per ipsammet libertatem determinetur ad unum: ut constat ex communi sententia, de qua egimus disp. 1. cap. 4. Deus itaque, pro uno signo rationis, debet concipi ut realiter indifferens ad volendum vel nolendum, priusquam aliquid liberè velit. Pro quo signo indifferentiæ, habet solum prædicata sua necessaria, per quæ seipsum & possibilia amat: pro sequenti autem signo ad unum se determinat ac primum liberè vult. Id porro intelligi non potest, nisi ad prædicata pro priori signo supposita, novi quidpiam pro posteriori accedat.

Confirmatur 1. Nemo concipiet vel genus determinari ad speciem, vel hanc ad individuum, aut materiam ad formam, aut substantiam ad accidentia, nisi aliquo addito: haud magis quàm ex duobus fieri tria, nisi uno adjecto. Eadem porro est ratio in Deo: quòd nempe id quod indifferens est, si sibi relinquatur, ita ut præter se nihil habeat, semper maneat indifferens; sin autem aliquid ultra vel præter ejus indifferentiam advenerit, id jam pro addito habeatur. Ut igitur Deus ex prædicatis suis necessariis, quæ ad omnes creaturas indifferentia sunt, ad has vel illas efficaciter volendas liberè determinetur, habere debet aliquid præter prædicata sua necessaria: qualecumque demum id fuerit: de quo in prioribus capitibus egimus, ac tandem in proxima disputatione statuemus. Id autem, quod præter vel ultra prædicata necessaria, concipimus, est id ipsum quod his addi contendimus.

Confirmatur 2. Eidem secundum idem nequeunt convenire contra-XXXIV. dictoria, ut contra pauculos id negantes ostendimus in priore Tractatu disp. 4. cap. 1. Neque ulla datur eminentia vel virtus ea conciliandi, nisi distinctionem importet: ut ibidem vidimus cap. 2. Atqui esse indifferentem & determinatum sunt contradictoria, pari modo atque esse determinatum & indeterminatum; hoc enim postremum est synonymum cum indifferente. Cum itaque Deus secundum prædicata sua necessaria sit ad creaturas indifferens, non potest secundum eadem esse ad illas determinatus. Debet igitur se formaliter determinare per aliquid à necessariis distinctum, & per consequens, superadditum, prout conclusio intendit.

Dico secundò. Judicium de connexionione non necessaria mediorum cum fine, non sufficit ad libertatem actualem. Est communis contra Ban-

nez

Hinc Liberratiō sufficit iudicium in differens. nez suprà, ac deducitur ex priori assertione. Ibi namque ostendimus ad libertatem actualem non sufficere in Deo ulla prædicata necessaria, utpote ad utrumque indifferentia: sed oportere iis aliquid addi, quod ad alterutrum determinet. Illud autem iudicium de indifferentia mediorum ad finem, est in Deo necessarium; utpote pertinens ad scientiam visionis quam habet de seipso ut ultimo fine, & ad scientiam simplicis intelligentiæ, quâ creaturas, non necessariâ habitudine, sed tantum contingenti, secum posse connecti comprehendit. Ad libertatem ergo non sufficit.

Confirmatur ex principiis communis Philosophiæ, Divo etiam Thomæ consentaneis: quod propositio intellectus de objecto indifferente, sit quidem radix libertatis, non tamen ipsa libertas formalis; quippe quæ in voluntate resideat. Ad explicanda, ergo libertatem divinam, non debemus sistere in prædicto iudicio: sed ulterius quærere, per quid formaliter voluntas se determinet. Quod Bannez non tangit; nisi forsitan velit, huius determinationem ita esse connexam, cum iudicio ut ab hoc discrepare non possit. Idque verum est de connexion cum iudicio adæquato ut utramque partem indifferentiæ proponit: cæterum discedere potest voluntas, imò & debet, ab altera ejus parte. Non enim potest utrumque oppositorum amplecti: sed alterutrum tantum. Hic autem recurrit quæstio, per quid Dei voluntas ex pluribus inter se oppositis, quæ indifferenter ad finem ab intellectu objiciuntur, hujus præ illo delectum faciat?

XXXV. Dico tertio. Volitio Dei libera non explicatur quoque sufficienter per summam hujus independentiam à creaturis, & harum subjectionem erga illam. Probat. Quia independentia quoque prædicatum Dei maximè necessarium est, tam Essentiæ quàm omnibus Attributis commune: quare in illo solo poni nequit actualis libertas: eas ob causas, ob quas antea ostendi eas poni non posse in prædicatis necessariis, ac communibus. Subjectio verò creaturarum, vel aptitudinaliter accipitur ut etiam possibilibus convenit: vel actualiter ut solis creaturis jam existentibus propria est. Si priori modo sumatur, ipsa quoque penitus necessaria est, ideoque nec per illam potest ultimo compleri libertas. Sin accipiatur altero modo: jam aliqua habitudo, sive determinatio, à creaturis contingenter desumpta actum Dei liberum constituit vel complet; quod tamen Author in Aureolo aliisque improbat, & expressis verbis sæpiusque repetitis, à sua sententia alienum inculcat.

Accedit, quòd tota hæc independentia à creaturis, & harum erga Deum subjectio consisteret, etiamsi non liberè, sed naturali necessitate, sicuti Ethnici voluerunt, eas vellet & causaret. Neque enim causa quantumvis necessaria, ab effectu dependet: sed hic ab illa: ut lumen à sole non
sol à

Neg. Voluntatis Divina à creaturis independentia.

sol à lumine. Causa quoque necessaria suus effectus subicitur: imò hæc subjectio videri alicui posset eo saltem ex capite major; quòd vis causæ in effectum impediri minus queat. Hinc Ethnici qui fatò agi omnia asserēbant, nihilominus addebant, huic omnia suam esse subjecta. Major quodammodo est subjectio quæ nullo prorsus modo potest solvi aut impediri, neque causantis arbitrio, neque aliorum merito vel prece, quàm quæ a liquo istorum. Prioris generis est fatalis subjectio: alterius illa, quæ est causa suæ libera & idcirco ista hanc quodammodo vincit.

Quòd si dicas, Authorem non agere de quavis independentia, sed conjuncta cum dominio & potestate ad utrumlibet, sicut ipse interdum ver-
bis satis clavis insinuat: sic in alia incommoda ipsum conjicies, nempe per-
titionis principii & inuicis negamenti. Quid enim aliud, siue dominium, XXXVI.
Vitanda
hic peritio
principii.
siue potestas ad utrumlibet, ad divinam independentiam rationabiliter
addit, quàm ipsammet libertatem, de qua quaeritur? Idem itaque sonat in-
dependentia cum dominio atque independentia cum libertate: & cum Dei
libertatem nobis obscuram per independentiam cum dominio explanas, i-
dem præstas, atque si ipsum libertatis nomen explanationi intruderet, &
sic libertatem per libertatem, rem scilicet obscuram per seipsam declara-
res. Quod in omnibus definitionibus, vel descriptionibus, esse perquam
viciosum vel Dialectici sciunt.

Ut contra hos similesque Authores compendio utamur, urgendi sunt, Instandū
ut designa-
tur ali-
quid con-
tingens.
ut juxta communem Libertatis definitionem quam admittunt, assignentur
aliquid contingens, per quod Deus ita velit ut potuerit non velle, nec di-
mitteendi donec dicant quidnam illud sit. Si profertur judicium de indif-
ferentia objecti, ac fateantur illud esse contingens ut potuerit abesse: con-
tra id omnes movendæ difficultates, quæ contra volitionem contingen-
tem; An scilicet hoc judicium sit quid intra vel extra Deum: si intra, quò-
modo contingens: si extra, quomodo per illud Deus judicat aut vult? I-
dem faciendum, si pro contingenti assignent independentiam & subje-
ctionem. Quòd si independentiam & judicium prædictum non assignent
pro contingenti: sed sicuti revera sunt, necessaria agnoscant, dent aliquid
aliud non necessarium siue contingens. Per sola namque necessaria liber-
tas concipi non potest: utpote ex sua definitione libertati opposita. Tunc
verò apparebit Authores illos nihil aut parum fuisse lucratos suo illo cir-
cuitu per judicia; independentias, subjectiones: sed quidquid de istorum
contingentia dicunt vel respondent, potuisse magis proprie & immediata-
re dicere, ac respondere, de contingentia divinæ voluntatis.

Dixi in tertia conclusione ac deinceps, Independentiam divinæ voli-
tionis ad libertatem actualem non sufficere, neque hanc explicari posse

per illam solam. Fatendum enim est, omnimodam Dei independentiam à creaturis, præsertim in ratione objecti specificantis & individuantis, aliquid conferre ad libertatem: ut infra aliquoties videbitur. Sed quidquid contulerit, rationem libertatis non explet: sed oportet, ut quid non necessarium sive contingens intra eandem accedat; Quod quomodo fiat jam resolvendum.

DISPUTATIO TERTIA.

QVA STATVITVR VERISIMILIOR SENTENTIA.

CAPUT I.

*Dissertatio præambula de actuali
libertate creatura-
rum.*

I.

*Theologi
officium.*



Emper judicavi à vero Theologo imitandum Ecclesiasten cap. 1. v. 17. *Dedi cor meum ut scirem prudentiam atque doctrinam erroresque & stultitiam*: ideoque nec propitiam tantum sententiam asserendam, nec tantum refellendas alienas; sed utrumque præstandum, Nam, ut inquit, D. Hieronymus, *contraria contrariis intelliguntur*. Postquam igitur priori disputatione ea discussimus, quæ non quidem *errores & stultitia* (quod ille solus in rebus obscuris poterit affirmare, quem, sicuti Ecclesiasten, Dei spiritus docebit) sed iis fortè viciniora nobis visa sunt: superest ut quæ prudentiæ & doctrinæ propiora, censemus, in præsentī prosequamur. Quòd si in his quoque *laborem & afflictionem spiritus* experti fuerimus, vel hoc solo fructu abunde compensabuntur, quòd sic practicè addiscere possimus illud ejusdem Ecclesiastæ. c. 2. *Quid est homo, ut sequi possit* (scientiā, inquam, vel in naturalibus assequi) *regem factorem suum*.

Quia autem, ubi major autoritas deest, ordinaria ac probatissima est via, per scilicet creaturarum ad Creatorem conscendere, *ejusque invisibilia per ea quæ facta sunt, intelligere*, ac nominatim *sempiternam ejus Virtutem* sive potentiam, quæ sicuti vidimus disp. 1. cap. 8. eadem est formaliter cum voluntate, cujus hinc libertatem investigamus gradum faciemus à libertate voluntatis creatæ; quam si viderimus compleri per aliquid extrinsecum,

b d

tanto

tanto securius simile quid astruamus de divina. Agemus autem præcipue *Gradus à de libertate actuali, quæ dici solet in actu secundo: supposita definitione libertatis habitualis, sive in actu primo, de qua disp. 1. cap. 4. Duplex porro hinc est sententia. Una defendit libertatem actualem esse adæquatè intrinsecam volitioni, ab eaque inseparabilem & indistinctam: hanc tenet Petrus Hurtado disp. 15. de Anima sectione 6. subsect. 2. & sibi placere insinuat Erice tract. 2. in 1. disp. 16. cap. 11. n. 86. Altera sententia libertatem actualem complet per denominationem volitioni extrinsecam ab ebjecto & potentia indifferente: hanc tenent Suarez, Vasquez, Salas, Franciscus Amicus, Recupitus & alii, atque inter hos accuratius Arriaga disp. 8. de Anima sect. 4. subsect. 4. & Franciscus de Oviedo de Anima, controversia 12. puncto 8.*

Dico. Hæc secunda sententia videtur priori præferenda, non solum quia multo communior, sed etiam quia rationi ac veritati magis conformis. Quia volitio creata per hoc præcisè intelligitur libera, quod ita eliciatur, ut positis omnibus prærequisitis potuerit non elici: sive quod elicia *11. Creata involvit denominationem extrinsecam.* identificate actioni, ideoque ad illam reduci debet: Sed sic elici est extrinsecum volitioni: ergo & liberam esse. Minor in qua sola est difficultas, probatur. Quia sic elici est separabile à volitione, nam eadem numero volitio quæ elicitur à potentia indifferente, potest elici ab eadem determinata: Ergo elici à potentia indifferente, non est de essentia vel entitate volitionis, sed aliquod accidens ejus. Frustra autem fingemus id volitioni accidere per aliquam formam vel modum inhaerentem: superest ergo ut accidat per extrinsecam denominationem. Quæ consequentiæ videntur quoque legitime: sed duo quæ assumpsimus sunt ulterius probanda. Primum est, quod sic elici separari possit ab hac numero volitione: alterum quod frustra hinc fingeretur forma aliqua vel modus volitioni inhaerens.

Primum ergo de separabilitate sic ostenditur. Ab effectu separari potest omnis causa per accidens v. g. à cantu Musico albedo vel architectura cantoris: Ergo & à volitione quæ elicitur à principio indifferente poterit separari indifferens principii: hæc enim quæ talis, involvit aliqua, quæ respectu volitionis se habent ut causæ per accidens. Quia ut voluntas sit principium indifferens volitionis, debet dirigi à cognitione indifferente quæ proponatur bonum & malum: debet item habere concursum Dei paratum ad nolitionem, aut certè potestatem non eliciendi volitionem. In his autem propositio mali, concursus ad nolendum, aut potestas non agendi, habent se per accidens respectu volitionis: haud aliter quàm albedo vel

do vel architectura respectu cantus. Neque enim volitio boni pendet ab opposito malo, vel à concursu parato ad hujus volitionem. Quare poterit manere volitio, etiamsi hæc tollantur, & per consequens, entitate sua salva, indifferentiam seu libertatem amittere.

III.

*Eique de
novo ac-
cidit.*

Quod diximus de mutatione ejusdem volitionis è libera in necessariam sive non liberam, sublata indifferentia objecti vel concursus, converti facile potest & accommodari mutationi ejusdem volitionis è necessaria in liberam, ob contrariam causam; Quod nempe propositioni determinatæ objecti, vel simili præparationi concursus alia deinde indifferens succedat. Idque quantum est ex parte objecti contingere videtur in motibus indeliberatis seu primò primis; qui quamdiu rationis deliberationem & indifferentiam præveniunt, libertate destituuntur: quamprimum autem detegitur in objecto quædam ratio mali, & concursus indifferentia connaturaliter accedit, statim liberi evadunt, & ad meritum vel demeritum imputantur. Potest ergo per duplicem hanc viam aliquis voluntatis actus in sua essentia atque entitate invariatus, mutari quoad libertatem. Unde manifestè sequitur, libertatem non esse perfectionem essentialem vel entitativam ipsius actus: quia implicat manere actum absque propria essentia & entitate.

Dices, Assumi & non probari, quod in dictis casibus maneat idem actus. Nam facile potest imperceptibiliter, ut notare non possumus, alius succedere. Imo quod sic fiat videtur ratione convinci. Non enim potest idem actus manere, mutato ejus objecto, sive formali, sive tantum materiali: sed in casibus prædictis videtur mutari objectum volitionis. Cum enim erat necessaria, ferebatur in objectum putè bonum sine propositione alicujus mali vel defectus: postea verò in objectum tendit malo permixtum. Respondeo id satis probatum in priori casu per medium in Philosophia receptum, quod effectus non mutetur sublaris causis per accidens, à quibus in suo esse non pendet: eadèq; ratio est si quæ causæ per accidens de novo accedant. Porro malum quod proponitur non est causa per se amoris: quia hæc tantum est bonum, quod amore prosequimur: sed merè per accidens cum causa per se movente vel terminante conjungitur. Quare non experientiâ hîc nitimur, quæ, ut fateor est incerta, sed ratione. Quamvis eatenus etiam experientia favet, quòd quamdiu per illam nihil varietatis in actu percipimus, non debeamus hanc asserere, nisi aliunde discamus. Quod in præsentî non fit. Ad rationem enim contrariam, concedimus mutari actum mutato ejus objecto formali vel materiali: dummodo sit objectum per se unde actus pendet: non verò si sit objectum per accidens, quodque solum concomitanter se habet, auteriam con-

contrariè, sicuti se habet malum ad amorem. Tantum quippe abest ut hoc ad eum moveat vel inclinet: ut potius quantum est de se, voluntatem retrahat ab amore. Rectè Ecclesiasticus cap. 15. v. 17. & 18. malum & bonum comparat aquæ & igni: quòd hoc quidem ignis instat, amorem accendat, illud verò eundem restinguat, veluti frigida superfusa. Quis autem dicat ab apposita aqua, per se pendere inflammationem ignis? Per se, inquam: quid enim subinde per accidens fiat, per antiperistatim in igne, vel quandam ejus analogiam in voluntate, hîc non curamus.

Alterum quod testabat probandum, de sola denominatione extrinseca, excluso alio accidente, vel modo volitioni intrinseco, sic breviter ostendo. Quia posita hac sola denominatione quòd potentia, à qua elicitur volitio, sit ad non eliciendum indifferens, intelligitur illa sic elici ut potuerit non elici: Ergo quidquid hîc accidit volitioni, per illam solam denominationem salvatur. Frustra igitur esset alia quævis forma volitioni inhærens: quippe quæ haud alium effectum ei conferret, quàm quem hîc aliunde haberet; & quidem prius natura quàm possit in se recipere ullam aliam formam. Nam prius natura est subiectum, atque adeo à suis causis, sive indifferenribus sive determinatis, dependet, quàm formam ullam sustenter.

Dices. Actus liber est objectum specialis complacentiæ vel displicentiæ divinæ, cujus objectum non est necessarius actus: ergo actus liber habet aliquid in se quod necessarius non habet. Antecedens probatur Quia per actum liberum meremur vel demeremur: non autem per necessarium actum; Cujus ratio non est alia, quàm quod actus liber præ necessario placeat vel displiceat Deo. Hoc est potissimum argumentum Hurtado, cur libertatem velit esse perfectionem intrinsecam actus, si non superadditam, saltem cum eo identificatam. Respondeo, concessio Antecedente, negando consequentiam. Quia sæpius res aliqua placet vel displicet, non sui ratione præcisè, sed quòd aptè vel ineptè cum aliis conjungatur. Id probant, non omnium tantum actuum, tam liberalium quàm illiberalium, notissima exempla, v.g. Grammaticæ, Poeticæ, Musicæ, Architecturæ in suis objectis: sed naturæ quoquæ ipsius, tum alibi, tum in corporibus animalium, ac præsertim humano. In hoc enim partes seu membra, quæ seorsim considerata nihil sæpe habent unde speciatim placere vel displicere possint: ex proportionem tamen, seu symmetria, quam cum aliis partibus ad universi corporis speciem servant, in objectum specialis complacentiæ vel displicentiæ evadunt. Ut patebit expendenti ratam proportionem singulorum, quam Vitruvius de Architectura l. 3. cap. 1. & alii accuratius describunt. Simili ratione actus aliquis placet vel displicet Deo,

IV.

Nulla intrinseca actus variatione.

Res sæpe placet vel displicet propter extrinsecam.

non propter se tantum, sed propter proportionem vel disproportionem cum indifferenti principio & objecto. Exempli causâ appetitio carnum de se nihil habet quod Deum offendant: si tamen componatur cum mentis iudicio repræsentante prohibitionem Ecclesiæ, & voluntate potente omittere carnes, jam rem Deo ingratissimam offeret. Tali quippe iudicio atque potentia non est commenta volitio istius objecti: sed sola nolitio convenienter respondet. Verum hæc pluribus prosequi alieni foret instituti: sicuti & illam tangere controversiam, cur voluntati potius vertatur vitio hæc proportio, quàm intellectui, vel aliis etiam causis, quæ suas quoque partes ad totius summam incongruas conferunt. Uno verbo id insinuo; quòd ad voluntatem, utpotè proximè liberam, pertineat ultimò determinare, ac veluti absolvere opus. Quod cum aptè ad reliqua concinnèque possit, merito reprehenditur si faciat ineptè.

Y.

*Actus in
seculum in
hoc con-
venit cū
externo.*

*Imò &
cum pos-
sia creata*

Hinc sequitur Volitiones liberas, quātū ad denominationē hāc spectat, perinde se habere, atque ad eandem se habent actiones seu motiones externæ. Utrisque enim isthæc denominatio est extrinseca: ut de actionibus externis illi etiam fatentur, qui contra nos de internis id negant. Illud hñc solum est discrimen: quòd libertas creata actiones externas tantum denominet mediātè, quatenus imperantur à volitione libera: hanc verò immediātè afficiat. Alioquin esdem est forma denominans: scilicet principium indifferens, potens illas non ponere. Imò ipsum etiam creatum principium, licet adæquatè intrinsecam & inseparabilem habeat libertatem in actu primo remoto seu radicali: in actu tamen primo formali & proximo liberum non est, nisi aliquam connotationem vel denominationem extrinsecam involvat. Quia debet saltem connotare indifferentem propositionem objecti, & concursus Dei indifferenter præparatum: quorum utrumque est extra voluntatem, cui libertas in actu primo inest. Cur jam proximè dicta restrinxerim ad libertatem creatam, patet in Capite 3.

& 4.



CAPUT

CAPUT II.

De aliis creatorum actuum complementis per denominationes extrinsecas.

Pergimus per creata vestigia libertatem increatam indagare: an forte non ipsam tantum denominationem libertatis, sed alias quoque cum eadem connexas, per aliquid extrinsecum in illis compleri deprehendamus; quod hic compertum ad actus increatos deinde transferre possim? Ut enim patet ex dictis disputatione secunda, illorum actuum difficultas non tantum in denominatione libertatis, sed etiam determinationis, efficaciar, decretique absoluti & contingentis versatur: quarum vel unam si Deo adequatè intrinsecam statuamus, redditur insuperabilis difficultas. Quòd si ad connotata extrinseca confugiamus, mirum quibusdam atque intolens apparebit, & solius ferè effugii causa quaesitum, nisi exempla familiaria à creaturis desumpta præcedant.

Primò itaque ostendam actus vitales creatos ad plura indifferentes, ad horum unum determinari per sola extrinseca. Occurrunt autem propositiones, non solum vocales, sed etiam mentales de objectis contingentibus: hæc namque ut plurimum sunt indifferentes ad veritatem vel falsitatem, nec aliter ad hanc vel illam determinantur, quam per existentiam vel non existentiam extrinseci objecti. Ut enim docet D. Thomas 1. p. q. 16. a. 2. in c. *Veritas definitur conformitas intellectus & rei, sive ut ait Philol.* citatus ibidem a. 1. *ab eo quod res est vel non est opinio vel veritas est vera vel falsa.* Quemadmodum ergo sine ulla intrinseca mutatione propositionis contingit, objectum esse sicuti dicitur, vel non esse: ita etiam sine intrinseca contingit, propositionem esse veram vel falsam. Scio de mortali propositione id negari ab Hurtado disp. 9. de Anima sect. 3. subsect. 4. ubi docet veritatem *formaliter & ex natura rei esse eandem cum actu intellectus*, ita ut actus verus per nullam potentiam potuerit esse falsus, vel contrà: sed quod diximus longè communius est. Docetur enim à Suarez, Vasquez, Conimbricensibus, & post lectum Hurtadum, ab Ariaga disp. 14. Logica sect. 1. per 8. subsectioniones & Oviedo de Anima controversia 7. puncto 1. per 5. paragraphos; ubi argumenta Hurtado dissolvunt, & pluribus acutisque rationibus id quod contendimus probant. Scio præterea à multis excipì aliquas propositiones v. g. fidei divinæ, quibus veritas, etiam circa contingentia, sit prior essentialis. Sed ad propositum nostrum sufficit, eam esse accidentalem, & per aliquid extrinsecum compleri, saltem ut pluri-

VI.

*Actus
creaturali.
quando
per extrin
seca deter
minatur.*

*Id ostendi
tur in ve
ritate &
falsitate.*

plurimum. Ut omittam complementum illud extrinsecum ab Oviedo admitti in omnibus planè actibus: quantumvis ex sua essentia sint ad veritatem determinati, ut falli numquam possint: sive item sint compositivi sive simplices: sive naturales sive supernaturales: sive denique creati sive divini; dummodo à parte rei ab objecto differant.

VII.

Per extrinsecam item ex conditione naturæ sunt absoluti.

Alterum exemplum, in quo actus internus, non solum determinatur, sed aliter etiam perficitur per aliquid externum, nobis suppeditant actus conditionati: qui, sive sint purè interni, sive per contractum aut aliter exterius expressi, eo ipso puri, perfecti & absoluti evadunt, quod ponatur conditio quæ est extra actus: neque ad hoc est opus novo aliquo consensu aut alio actu. Ita communior fert sententia, tam Theologorum quàm Jurisperitorum, quos referunt & sequuntur Thomas Sanchez l. 5. de Matrimonio disp. 8. Cardinalis de Lugo de Contractibus disp. 22. sect. 14. Martinus Perez de Matrimonio disp. 14. sect. 13. & Petrus Wadingus de Contractibus disp. 3. dub. 6. §. 3. qui leges citat ubi id clarè definitur. Et quamvis alii quidam Doctores, ut Valentia, Basilii Pontius, Mæratius aliter sentiant de quibusdam contractibus: ut de iis qui traditione perficiuntur; ac præsertim de Matrimonio: non puto tamen quemquam esse, quin id quod diximus saltem in aliquibus admittat. Quis enim neger, siquid donem aut legem Petro, sub conditione si fiat Sacerdos, hac impletâ, ratam statim fore donationem & perficiendum legatum? Ponamus Petrum fieri sacerdotem post mortem legantis: tunc sanè non poterit expectari à mortuo novus consensus; & nihilominus impletâ conditione sacerdotii, Petrus erit Dominus legati. Idem omnes admittunt in voto conditionali. Ager enim qui vovit peregrinationem si convalesceret, recuperatâ valetudine obligatur ad peregrinandum, sive de novo consentiat sive non.

Imò in omni contractu de præsent.

Nota primò. Cùm hæc quæ diximus tunc etiam sint vera, quando conditionalis voluntas physice transiit, & tantum moraliter manet: à fortiori vera erunt, quando prior voluntas pro tempore quo purificatur conditio, adhuc physice perseverat. Idque in omni contractu admittendum quo mutuo se obligantium voluntates simul tempore concurrunt: ut in matrimonio, quod pro præsentem & inter præsentem celebratur: Hic enim utriusque consensus, seorsim consideratus, hanc conditionem saltem implicitam involvit, *si pars altera vicissim consentiat*, ita ut absque hoc non sit futurus ratus prioris consensus. Fit autem ratus, & undique validus atque perfectus, eo ipso præcisè, quod reciprocus alterius consensus pro præsentem accedat. Non potest namque ulterius requiri consensus novus, super reciprocum reflexus. Quia cùm hic etiam reciprocus esse deberet (ne in pari contractu pars una præ altera gravaretur) daretur progressus in infinitum:

vel

vel pari jure quò in aliquo consensu ultrò citroque dato sisteretur, posset listi in primo, & per consequens oporteret.

Nota secundò; Per varias conditiones solere compleri contractus, vel alios quoque merè internos consensus. Quæ ad rem nostram infra facient sunt hæc, conditio casualis, potestativa & mixta. Casualis dicitur, quæ à mero casu dependet in ordine ad contrahentes, ut *volo hoc esse tuum si Rex victor redeat*, aut, *naves Indica in Hispaniam appellant*. Potestativa est, quæ requirit aliquam actionem, aut omissionem, ex parte contrahentium vel consentientium, quam ponere sit in ipsorum potestate: ut *do tibi mille si religionem ingrediar*, aut, *si ad studia te applices*. Mixta dicitur, quæ partim est potestativa, partim casualis, v. g. *promitto tibi matrimonium si pater à te rogatus consentiat*. Ibi enim est aliquid quod in tua est potestate, scilicet rogare patrem: alterum quod non est in tua potestate, scilicet patris consensus. Aliæ quoque sunt conditiones necessariæ, aliæ contingentes. Id autem Doctores suprà citati communiter docent, quòd sub necessariis comprehendantur omnes præteritæ & præsentis: tunc saltem quando contrahentibus, aut aliter consentientibus, de iisdem constat. Quantumvis enim aliquando sint contingentes simpliciter: tamen in sensu composito, sive ex hypothesi quòd sint præsentis vel præteritæ, necessitatem quandam induunt, in illo principio Periparetico fundatam l. de Interpr. cap. 8. *Quod est, necesse est esse quando est: & quod non est, necesse est non esse, quando non est*: sed postea subdit, *hac non idem valere, quod simpliciter esse vel non esse ex necessitate*.

Tertium tandem exemplum capere possumus ex efficacia creatorum actuum: quæ etiam aliquid extrinsecum illis addit. Sic plurimi doctissimi que Theologi gratiam efficacem ponunt, non in sola entitate gratiæ, sed in aliis præterea extrinsecis connotatis: vel consensus prævisi per scientiam conditionatam: vel indolis & circumstantiarum, quibus Divina vocatio ita attemperatur & congruit, ut in illis data obtineat infallibiliter consensum, quem in aliis non obtineret. Consensus autem sic prævisus, ac multo magis circumstantiæ, sunt extra entitatem gratiæ: quippe quæ secundum veriore sententiam, in actibus indeliberatis consistit, divinitus nostro intellectui ac voluntati immisissis. Cumque hoc sit exemplum efficacitæ in actu primo: tam eadem gratia præveniens, quam cæteri nostri actus, in actu etiam secundo efficaces dicuntur ab aliquo extrinseco, ab ipso scilicet effectu quem consequuntur aut causant. Sic eas preces dicimus efficaces, quæ de facto obtinent quod petunt: juxta illud ex collecta Dominicæ 22. post Pentecosten, *quod fideliter petimus efficaciter consequamur*. Rei verò petitiæ consecutio precibus extrinseca est.

E e

Notan;

VIII.

Tres differentia conditionum

Ibidem a. Huius oritur per intrinsecas efficacias evadunt.

IX.

*Dicta ra-
men deno-
minatio-
nes non
sunt tota-
liter ex-
trinseca.*

Notandum est, suprà aliquoties insinuatum, quòd denominationes istæ compleantur per aliquid extrinsecum: non enim adæquatè in illo consistunt, sed præterea dicunt, ac sæpè primariò, entitatem intrinsecam; quamvis hæc sola absque illo extrinseco non sufficiat ad denominandum. Sic veritas actus non dicit solam existentiam objecti: sed præterea entitatem cognitionis. Efficacia quoque gratiæ, juxta opinionem citatam, non tantùm in connotatisibi memoratis ponitur: sed insuper, & quidem primariò, in gratiæ entitate. Non sic ergo se habent veritas & efficacia, respectu cognitionis & gratiæ: sicuti esse visum respectu parietis, ubi tota forma denominans est extra denominatum. At potius sicuti esse hominem respectu animæ, aut corporis, seorsim: ubi forma denominans, quæ est natura humana, includit animam, non tamen solam, verùm cum corpore. Hæ itaque denominationes respectu denominati se habent, sicuti totum, sive includens, respectu partis aut inclusi: ita ut utrumque includatur in ipsis, licet unum in altero non includatur. Quare non sunt penitus extrinsecæ suis denominatis, neque profus intrinsecæ, sed mixtæ: utporè includentes ipsam entitatem denominati, & simul aliquid extra illud. Quæ conformia sunt anrè dictis

disputat. 2. cap. quinto contra alium
modum minus probabilem
explicandi con-
notata.



CAPUT

CAPUT III.

*Verisimilior sententia de volitionibus
liberis Dei.*

Silicet parvis magna componere, id nobis hanc tandem quaestionem definituris, usque venire videtur, quod de templi Salomonici Architectis refertur 3. Reg. c. 6. v. 7. Cum enim curassent procul ab ejus area quadrari & expoliri lapides: haud aliam deinde operam construendo Templo impendere debuerunt, quam ut inde vectos, suis quosque sedibus apte disponerent. Sic factum, ut cum Domus edificaretur, & malleus, & securis, & omne ferramentum non audiretur in ea. Haud aliter omnibus, quae ad nostram sententiam austruendam necessaria, vel admodum utilia videbantur, tum in primo Tractatu, tum praesertim in praesenti, per prioris disputationes & capita, praeparatis: ita ut hinc falsa aut inepta refecando, inde vera aptaque eruendo, ad quandam speciem operi congruentem sint redacta: id solum restat, ut ea inde, ubi probata & disputata sunt, accersentes, absque contentionum strepitu inter se componamus, & verisimili vinculo colligata, si non in Veritatis templum, in quandam certe opinionis probabilioris palaestram erigamus. Cum vero ea quae in primo Tractatu de Divina simplicitate disseruimus, fundamenti habeant locum: ut caetera suo ordine superstruantur;

Primo. Volitio Dei libera non consistit in aliquo ente morali aut rationis: sed physico, quodque nullatenus pendeat ab intellectu fingente. Id probavimus disp. 2. c. 6. Debet autem ens illud esse intrinsecum Deo, ut potest proprie volitivum, atque adeo vitale, & omnium quae sunt extra Deum primum principium: sicuti vidimus eadem disputatione cap. 4. Id vero secundum quod Deo intrinsecum est, nequit esse quid contingens, sive perfectio dicatur, sive extensio, determinatio, terminatio vel effectus formalis: ut patet ex ibidem contra Cajetanum, Fonsecam, aliosque disputationis cap. 2. & 3. Cum nihilominus in actu Dei libero debeat aliquid contingens, & per consequens a praedicatis Dei necessariis distinctum, involvi, ut constat ex cap. 7. disputationis citatae: restat ut dicamus illud contingens esse aliquod connotatum creatum, juxta sententiam a celeberrimis Authoribus traditam, partim ibidem citatis cap. 4. partim infra citandis. Ita tamen, ut non sequamur modum explicandi connotata per solam terminationem extrinsecam: sed alterum per inclusionem intrinsecam, ibidem assertum cap. 5. & in hac disputatione, capite praecedente sub finem. Nostrae ergo sententiae summa in hoc ponitur; *Quod volitio libera a partim*

X.
Volitio libera est quid physicum.

Deo intrinsecum & vitale.

Et eatenus necessarium,

Sed cum connotato contingente.

Analoga fit Deo intrinseca, secundum rationem actus voluntarii atq; vitalis: partim extrinseca, pro ratione contingētia creata, quā ut libera involvit. In quo, qua ratione conveniat cū libertate creata: quippe quę etiā præter actum internū, externam aliquam denominationem involvit: colligitur ex disp. præf. c. 1. cum libertate creata.

Secundò, ut ratio voluntarii & vitalitatis, quæ Deo intrinseca est, melius explicetur: meminisse debemus eorum quæ diximus disp. 1. c. 1. & 2. nō dari in Deo voluntatem per modum potentie vel actus eliciti, sed tantum per modum purissimi actus à se subsistentis. Qui actus à nullo extra se specificetur, individuetur, aut aliter intrinsecè determinetur, ut ibidem probatum cap. 3. possit tamen etiam circa extrinseca versari, volendo bona & nolendo mala: & quidem liberè ac efficaciter pro statu actuali; sed necessariò & ineffaciter pro statu possibili, juxta ibi dicta cap. 5. 6. & 7. Qui denique actus creaturas posibles respiciat, non tantum ut objecta, sed etiam ut effectus causabiles: ideoque sit formaliter idem cum Omnipotentia Divina, ut ostendimus cap. 8. citatæ disputationis. His ergo conformiter; *Id quod Volitio libera dicit Deo intrinsecum, vitale ac voluntarium, est volitio seu complacentia necessaria possibilem, cum potestate indifferenti ea causandi, intra ipsam lineam voluntatis intrinsecè conjuncta.*

XI. Complectitur in se omnem perfectionem volitionis possibilem, dummodo libera determinationi non repugnet, quæ illi arcedit per conditionem extrinsecā, eamque potestativam.

Tertiò; Quia quidquid Deo intrinsecum est, eo ipso imbibit rationem entis à se & infinitatem, ideoque intra suum conceptum necessariò continet omnem perfectionem & actualitatem quæ intra eum possibilis est, dummodo cum alia perfectione majori repugnantiam non habeat: hinc volitio ante dicta necessariò in se complectitur omnem perfectionem & actualitatem cujuscumque volitionis, quæ cum libertate, aliæque omni perfectione Deo dignā, consistat. Vidimus autem cap. præcedente, actus quosdam creatos esse tam plenos atque perfectos, ut ad suam determinationem, esse absolutum, efficaciam actualem, nullo amplius intrinsecò indigeāt, sed aliquo tantum connotato externo. Vidimus ibidem, connotatum hoc aliquando esse conditionem potestativam, quæ omninò sit libera volenti: salvā verò libertate, nulla perfectio Divina assignari potest cum qua tanta actualitas, atque perfectio divinæ volitionis, minùs benè cohæreat. Tribuenda igitur est volitioni divinæ, & quidem necessariò, perfectio & actualitas prædicta: atque adeo dicendum; *Deum necessariò habere hanc voluntatem, qua omnia sibi possiblem velis existere, sub ea conditione sibi potestativa & libera, si illa aliquando producat: quæ productio aliquando futura, eam statim voluntatem ex conditionata absolutam, ex indifferente determinatam, ex simplici seu inefficaci efficacem denominet.*

Quartò tandem hinc fit, ab eadem forma sibi extrinseca Deum denominari causantem seu efficientem, & liberè, absolutè, efficaciter volentem.

tem. Actio namque qua Deus producit creaturas, est hæc forma. Cum enim secundum Peripateticam ac veriore Philosophiam, sit eadem cum passione: hæc autem non ponatur in causa sed in effectu, qui est extra Deum: hinc & actio extra Deum ponitur. Quia verò potentia activa ad extra eadem est in Deo quæ voluntas: hinc mirum non est, quòd causalitatem quæ agentem, eadem & volentem denominet; Si tamen eam ut adæquatè denominantem consideremus. Nam secundum inadæquatos ac præcisivos conceptus, duplex eaque notabilis inter utramque denominationem differentia intercedit. Prima est, quòd actio ut præcisè denominat agentem, sit forma principalis & adæquata: ut verò volentem, sit tantum inadæquata & secundaria. Imò si rem penitiùs inspicimus, actio non denominat Deum volentem ut sic: id namque ipsi intrinsecè & per essentiam convenit: sed liberè, absolutè, efficaciter volentem; ita ut solus modus volendi in actionem referatur. Actio verò, non solum modum, sed totam rationem agentis designat. Altera differentia est, quòd actio respectu agentis sit forma purè physica, ideoque ad locum, tempus, aliasque circumstantias rerum physicarum restricta: sed respectu volentis, sit forma objectiva & intentionalis, ideoque in denominando transcendat circumstantias sui loci ac temporis: sicuti objecta faciunt, utpote quæ alio tempore & loco quàm existant, cognosci & amari queant, & sic denominationes in hisce fundatas dare. In qua duplici differentia fundatur vera ratio, *cur Deus qui nihil facit nisi in tempore, ab aeterno tamen liberè, absolutè & efficaciter velit.* Sed de hoc pluribus cap. 4.

Breviter itaque dico: *Actus Dei liber est complacentia aeterna ac necessaria, quam habet Deus de seipso, & omnibus possibilibus, connotans contingentem aliquorum existentiam, pro aliqua temporis differentia, à se dependentem.* Est valde communis inter Recentiores, quorum præcipuos citavimus disp. 2. cap. 4. & 5. eorumque priori discussimus, quidnam cum hac sententia commune habeat Aureolus, & in quo discrepet. Inter Antiquos huic sententiæ faver S. Thomas 1. p. q. 19. a. 3. ad 5. cum ait: *Voluntas divina qua ex se necessitatem habet, determinat seipsam ad volitum, ad quod habet habitudinē non necessariam.* Cum enim habitudinē hanc distinguat à voluntate Divina, & hanc necessariā illā nō necessariā appellet: non potest aliam habitudinē intelligere quàm actionis creatæ: nisi in aliquam existentis minus probabilibus (suprà refutatis) impingat; quod minimè præsumendum. Similia de omnimoda necessitate volitionis divinæ secundum se, sed habitudine ejus non necessaria ad creaturas, tradit l. 1. contra Gentes c. 82. ad 2. & q. 23. de Ver. a. 4. ad 2. & 4. In quo art. manifestius declarat, se per habitudinē liberā non intelligere quidquā intrinse-

cum Deo, sed operationem transeuntem. In responsione enim ad 7. expressè ait, *Velle dicit actum secundum, qui est operatio, nempe, transiens in aliquod extrinsecum temporaliter producendum*, de qua sermo immediatè præcellerat. Et in responsione ad 13. universim asserit, *Quidquid est in Deo necesse est ei inesse, & quidquid Deus est actu, necesse est eum esse actu* : & hinc infert actum Dei liberum non importare quidquam non necessariū in Deo, sed tantum ordinem ad aliquid non necessarium extra ipsum. Eandem sententiam insinuat S. Bonaventura in 1. dist. 45. a. 2. q. 1. quando ait, *voluntas significat Deum ut causam actualem* : causa namque in actu dicit formaliter causalitatem in actu. Imò & Scotus in 1. dist. 39. q. unica §. *Iuxta prædicta*, dicens, in Deo esse libertatem, non receptivam vel productivam suæ volitionis, sed productivam objecti: simpliciter quidem in tempore secundum esse existentiae: ab æterno autem secundum quid, scilicet in esse volito. Quem suum Doctorem in sententiam hanc intelligunt ac sequuntur Hugo Cavellus ibidem in Scholiis, de Rada p. 1. controversia 30. art. 3. & Smiling tom. 1. tract. 2. disput. 3. à num. 23. & tract. 3. disp. 3. num. 12. ad tertium. Quid velit Scotus per productionem æternam in esse volito, dicemus cap. 5.

Et S. Bonaventura & Scotus

Modus specialis explicandi sententiam Scoti.

Hic scriptis incidi in recentem sed nobilem Scotistam, Angelum Vulpes à Monte Piloso, tom. 1. Summæ, & Commentariorum in doctrinam Scoti, disp. 33. a. 4. Is ibi, remotis omnibus quæ per actum liberum contingenter & intrinsecè Deo accedant: eum tandem ex mente Scoti, quam profitetur, constituit in unionem quadam indistincta volitionis divinæ ac necessariæ, cum contingenti objecto. Quæ unio nihil dicat medium ex parte Dei, inter volitionem ejus necessariam & creaturam: sed illam ipsam volitionem, ut per se immediatè ac liberè super has transit. Quæ sententia in re ipsa non differt ab ea quam Scoto adscriptimus, nostramque profiteamur: sed solum in vocabulis *unionis & transitus*, eundem sensum cum nostra connotatione reddentibus. Quid enim est, volitionem Dei necessariam, eamque absolutam, sine ullo respectu intrinseco, liberè uniri contingenti objecto: nisi ad hoc referri relatione extrinseca, atque adeò connotativa? Unio quippe aliquam dicit relationem extremorum; quæ si alteri eorum non inest, ab hoc certè connotetur. Sic Verbum divinum humanæ Christi naturæ contingenter unitum: cum ipsum per hoc sua ex parte nihil admittat contingens: connotat contingentem respectum, quem humana Natura dicit ad Verbum. Quidni pariter volitio Dei necessaria, per solam connotationem istius respectus, quem creatura dicat ad Volitionem, uniatur contingenter creaturæ? Similiter sentiendum de transitu super contingentia objecta: qui nempe ex ejusdem Authoris mente,

mente, præter eandem volitionem necessariam, nihil penitus nisi ipsa ob-
jecta contingentia importet. Cum verò in re ipsa sit consensus: noster ta-
men modus explicandi per connotationem, quo simplicior, eo magis
placet. E contrario *transitus & unio*, vel quid metaphoricum, vel certè
quid magis involutum ac obscurum sonat. Ut omittam nomen Unionis,
licet satis congruat amor; esse alienum à displicentia & odio; quorum ta-
men actuum libertas, pari uti sententia, ita & nomine explicanda.

Quod spectat ad argumenta, quibus sententiæ probemus, in duobus illa
veluti cardinibus vertuntur, Simplicitate & Libertate Divina. Simplicitas
enim priori Tractatu asserta, excludit à Deo quidquid formaliter non est
Deus, atque adeò quidquid formaliter summèque necessarium non est.
Ex opposito Libertas, ex propria definitione in præsentī Tractatu disp. 1.
cap. 4. traditā, in actu suo 2. aliquid non necessarium involvit, & per con-
sequens, id quod sit extra Deum. Quare actus Dei liber, præter id quod
dicit Deo intrinsecum in ratione actus vitalis, includit necessariò aliquam
actionem vel effectum Deo extrinsecum. Quæ est conclusio quam tue-
mur. Quamobrem, licet ex Scriptura & Conciliis immediatè ea probari
non possit: quippe quæ sic tradant Libertatem divinam, ut ejus modum
non declarent: mediatè tamen pro illa faciunt ea omnia, quæ in iisdem
divinam Simpliciter & Libertatem nos docent, partim relata in prio-
re Tractatu disp. 2. c. 1. & 2. & disp. 3. c. 2. 3. 4. partim in præsentī Tractatu
disp. 1. c. 7. Aded ut conclusio, quæ duas hæc fidei veritates ratione jam
insinuata connectit, certa omninò ac verè Theologica, videri cuipiam
posset: nisi tùm contrā sentientium autoritas, tùm formalitates, habitudi-
nes, terminationes contingentes, sed penitus à Deo indistinctæ, cum divi-
na Infinitate & supra rerum inferiorum conditionem eminentiā, utcum-
que compositæ, nondum omnes probabilitatis scintillas in adversis opi-
nionibus extinctas ostenderent. Quæ sola est causa, cur eandem assertio-
nem non efferam ultra limites opinionis. Quanto tamen verisimilius om-
nes ejusmodi habitudines contingentes, Deoque intrinsecæ, ab eodem
proscribantur, satis ostendimus disp. 2. c. 2. & 3.

Qui assertionem probatam voluerit ex lumine naturali, consulere is
poterit quæ ex eodem pro Dei simplicitate attulimus tract. 1. disp. 2. c. 2. 3.
& pro ejusdem libertate tract. 2. disp. 1. c. 7. n. 46. & ad utramque inter
se conciliandam illo uti discursu, quem in hoc capite deduximus num. 10.
Hujus namque principia naturali etiam lumine sunt perspicua: ut illud,
*Quidquid à parte rei est in Deo, est Deus ipse, atque adeo ens à se, ac summè
necessarium*: & alterum, *Quidquid in actu 2. liberum est, non potest quā ta-
le necessarium esse*. Ex quibus rursus conjunctis, & seclusis habitudinibus
indi-

XIV.

Argumē.
ta nostra
sentētia.Quid ha-
beat fun-
damenti
in Scrip-
tura &
Conciliis?Quid in
lumine
naturalis?

indi-

indistinctis, quarum statim meminimus, evidenter inferitur; aliquid quod dicit actualis Dei libertas, quærendum esse extra Deum, & per consequens, in connotato alicujus creaturæ constituendum. Huc quoque faciet argumentum suprà exhibitum num. 11. ex plenitudine perfectionis divinæ, exemplo nostrorum actuum composita cum conditione potestativa.

Huc facit alicuius attributorii exempli. Utque ex aliis quoque Attributis divinis exemplum aliquod atque argumentum desumam: videmus quomodo cætera Attributa quæ creaturas concernunt, haud aliter id faciant, quàm in se penitus necessaria, constantia, invariata, connotando solummodo contingentiam quandam ac variationem in creaturis. Occurrit hîc quidem scientia Dei, quæ dicitur visionis, & in se prorsus eadem, has illasve creaturas existentes repræsentat. Sed ne reponatur, parem hîc esse difficultatem cum præsentem: sumamus Æternitatem & Immensitatem divinam, quæ nulla in se facta variatione, sed solummodo in creaturis extrinsecè connotatis, coexistunt cuivis temporis & loco. Similiter ergo Dei voluntas in se una atque eadem poterit velle aut nolle creaturas, facta solum mutatione in ipsis. Una enim eademque omnium ratio, eaque à priori, est infinita perfectio divinorum Attributorum: ob quam sibi identificant, & necessariò in se præhabent, quidquid ex illorum parte ad ejusmodi denominationes necessarium duci potest, & nihil ad has, præter extrinsecos terminos earum capaces, insuper requirunt. Sic Æternitas in se essentialiter complectitur omnem perfectionem durationis, qua ex ejus parte est opus, ut possit coexistere cuicumque alteri durationi possibili: utque actu huic vel illi coexistat, nihil aliud exigit, quàm ut hæc vel illa duratio ex possibili redigatur in actum: quo solo posito, absque ullo alio superaddito, coexistit ei Æternitas. Ac pariter Immensitas per esse suum necessarium ea gaudet plenitudine Ubicationis, ut sua ex parte nihil amplius desideret ad coexistendum cuicumque possibili loco: sed eo ipso jam alicui sit præsens, quòd existat locus, qui per modum termini connotati, compleat denominationem præsentis. Quidni similiter, Dei voluntas habeat omnia requisita ad quicquid volendum, dummodo objectum ad id necessarium, vel faciat vel supponat? Ipsa certè haud minor est in volendo, quam Æternitas in durando, vel Immensitas in ordine ad locum.

XV. Et si denique argumenta tam firma non suppeterent: in hac materia à plerisque Doctoribus desperata, satis foret, confutatis alienis sententiis, suam simpliciter proponere, & solvendo argumenta, paucioribus aut minoribus difficultatibus obnoxiam declarare. Solvemus autè illa, ubi prius majoris claritatis causa, Libertatem divinam cum creata, proximo capite comparaverimus. Illius

Illius haud obliviscendum ; connotationem hactenus explicatam requiri ad libertatem Divinam, non ut appellat actum primum, sed ut actum 2. sive ipsum actuale exercitium liberè volendi. Libertas enim in actu primo est perfectio simpliciter simplex, ideoque prorsus necessaria, & adæquatè intrinseca Deo. Imò in Attributa divinæ liberalitatis, Misericordiae, Justitiæ aliaque extra Deum spectantia, sed planè necessaria, coincidit: quæ, ut animadvertimus disp. 1. c. 6. n. 39. non differunt à divinis complacentiis circa propria objecta, formaliter quidem simplicibus, virtualiter tamen valentibus in actum liberum & efficacem prorumpere. Sed illud liberè volendi exercitium est, in quo præter perfectionem Dei necessariam atque intrinsecam, connotatum aliquod contingens, Deoque extrinsecum debet involvi. Nec astringitur hæc sententia ad vocem *connotationis*: possunt enim ejus loco substitui *habitus, respectus, denominatio, determinatio, terminatio, extensio, effectus formalis*, imò & *unio & transitus super objectum*, de quibus num. 13. dum modò similiter aliquid non purè intrinsecum voluntati Divinæ, sed partim extrinsecum, designent. Ut sic aliis sententiis assueti, non tam linguam corrigere debeant quam sententiam: cum voces ipsis familiares ad hanc vel illam indifferentes existant.

*Libertas
in actu
primo est
Deo adæ-
quatè in-
trinseca.*

CAPUT IV.

*Comparatur Divina Libertas cum
creata.*

VTraque convenit in tribus. Primò in ratione libertatis in actu primo, quòd sit potestas indifferens ad utrumlibet, juxta dicta disp. 1. cap. 4. Deinde, quod in actu 2. dicat aliquid intrinsecum, vitale, ac voluntarium, imò veram ac propriè dictam volitionem: ut contra opinionem Aureoli ostendimus disp. 2. cap. 4. Tertiò, quòd utraque in actu secundo compleatur per aliquod connotatum extrinsecum: ut de libertate creata probatum est in disput. præsentis cap. 1. & de increata in eadem disputat. cap. 3.

*In quibus
convenias
Divina
cū creata.*

Sed prima inter utramque libertatem differentia est, Quòd creata sit in actu primo, sive potentia, ad aliquid eliciendum ac recipiendum, per quod intrinsecè in se vivat ac velit: sed increata ad nihil Deo intrinsecum in potentia esse possit. Deus namque est actus purissimus & simplicissimus, sicuti ex priori Tractatu constat: per suam item essentiam est vita perfectissima & undique infinita, volitio quoque ex se sufficiens omnium decenter volibilium, & nolibilium volitio. Quare nihil ulterius per quod

*XVI.
In quibus
differat?
Divina
non est in
potentia
ad ali-
quid in-
vivat intrinsecū.*

vivat aut velit, intra se exigit aut admittit. Opus solummodò est, ut qui omnia simpliciter, utque Valentinus de Erice satis commodè loquitur, quoad sufficientiam, sed sic necessariò vult, per aliquid se determinet, ut quædam eorum efficaciter, & sic liberè velit.

Hinc neque determinatur per aliquid intrinsecum. Altera differentia ex priori oritur; Quòd Libertas creata, quia est in potentia indifferente ad aliquid intrinsecum, per aliquid quoque intrinsecum determinetur & redigatur in actum: increata verò, ob contrariam causam paulò ante expositam, per nihil Deo intrinsecum determinari seu actuari possit, sed tantum per extrinsecum. Quòd esse diximus effectum, seu potius causalitatem creatam, quæ à divina Voluntate, quæ simul ejus Potentia est, contingenter procedit.

Conjunctio indifferentiam potentia cum plenitudine actus. Tertiò. Totam indifferentiam, quam in creaturis habet potentia libera, habet in Deo ipsemet actus. Illa enim indifferentia in eo consistit, quòd positis prærequisitis possit agere & non agere: actus autem divinus ita efficit creaturas, ut omninò invariatus possit non efficere. In quo latissimum est discrimen inter actum divinum & creatum. Hic namque, licet sit indifferens denominativè, quòd producatur à potentia indifferente: nullam tamen habet indifferentiam formalem & quidditativam, in ordine ad effectus quos producit, sed summam potius determinationem ac necessitatem. Ita namque habitum, motum, aliosque effectus causat, ut non possit se cohibere à causando: haud magis quàm ignis à calefaciendo. Sed actus Divinus omnem suam virtutem, & quam suprà insinuavimus, sufficientiam, in sua habet potestate, ut pro arbitrio possit eà uti vel non.

XVII.

Divina proprietas attingit effectus externos quàm creatura.

Quartò hinc fit, ut divina libertas immediatius respiciat effectus externos, quàm ulla creata. Hæc namque ad eos non refertur, nisi prævia determinatione interna, qua voluntatis indifferentia restringatur ad unum, priusquam aliquid extra se attingat: Antequam enim ambulemus, jam præcedit in voluntate nostra volitio determinata ad ambulandum: nec aliter nobis libera est ambulatio, quàm quia volitio qua imperatur, nobis libera est. Quare propriè & immediate, non ut causæ liberæ, sed ut jam necessariæ, extra nos operamur. Verùm increata Libertas immediatissimè, & sine ulla prævia determinatione, creaturas attingit; Haud aliter quàm voluntas nostra suos actus internos. Neque enim quando liberè amamus, opus est aliquo actu prævio, quo determinemur ad amandum: sed ex plena indifferentia voluntatis, elicimus amorem.

Nec tantum ut effectus, sed etiam ut objecta.

Quintò tamen, in modo quo Voluntas nostra attingit suos actus, & Volitio divina creaturas, illud est discrimen, suprà aliquoties insinuaturn; Quòd voluntas creata, cum sit tantum potentia & non actus vitalis, solâ habitu-

habitudine physica referatur ad suos actus, tanquam ad meros effectus non verò habitudine intentionali tanquam ad objecta. Hinc fit, ut creata voluntas propriè non amet, aut velit, amorem quem elicit (nisi fortè per alium actum supra illum se reflectat) sed propriè per eum velit solum amoris objectum; ipsum verò actum non nisi impropriè & interpretativè. At increata voluntas, quia simul formaliter omnium quæ efficit, propriè dicta volitio est, utraque habitudine, tam intentionali quàm physica, in illa omnia tendit, & sic causat ut amet, & sic amat ut causet.

Omitto plures differentias per se satis notas, ut eam quæ ex divinæ li- XVIII.
bertatis independentia ac illimitatione peti potest: unde id consequitur, quod libertas increata sit per se penitus absoluta & completa in actu pri- Divina
libertas
mo: aliter quàm creata, quæ aliis causis vel adminiculis, ad complemen- per se peni-
tus com-
pleta in
actu 1.
tum sui indiget, ut concursu causæ primæ, aliisque de quibus suprà capite primo. Eam item differentiam prætereo, quod actus creatus denominatione-
tur liber ab indifferentia suæ causæ: increatus verò, quia causam non habet, ab effectu suo contingente eam denominationem sortiatur. His, in- Iniquior
erga hanc
sententiã
Arriaga.
quam, & similibus omissis, pergo ad solutionem Argumentorum. Quæ præcipuè de promam ex Roderico de Arriaga. Is enim tom. primo in prima parte, disputatione 28. sectione prima per multas subsecutiones, post omnes alios, iisque diligentius & animosius, sententiam quam amplexi sumus, oppugnat: & quamvis ob reverentiam Authorum qui illam tenent, abstinere malit à censura, tandem tamen concludit, *eam videri improbabilem, & nullo modo defendendam.* Sed quam immeritò, ex sequentibus capitibus constabit.



CAPUT V.

*Solvitur primum argumentum, petatum ex Divino-
rum actuum Aeterni-
tate.*

*Haud
rectè eam
astimas
ex solo
Aureolo.*

HAud mirum est Arriagam fuisse tam commotum contra priorem sententiam. Videtur enim ex solo Aureolo sibi formasse illius idæam, & hinc sect. 1. §. 3. & sqq. hæc tanquam substantialia eidem tribuisse: quòd nulla detur in Deo volitio actualis libera; sed tantum libera productio: sive, quòd Deus non sit liber ad volendum, sed ad producendum: sive, quòd Deus non habeat indifferentiam per quam constituatur liberè volens, sed per quam hoc vel illud efficiat. Quæ & similia licet fortè habeant aliquod fundamentum in Aureolo: non tamen in Vasquez, Arubal, Grana-do, Etice, cæterisque Divinam libertatem per connotata explicantibus. Negant quidem nobiscum, dari in Deo volitionem liberè elicitam: sed non liberam volitionem. Nec in sola productione creaturarum libertatem constituunt: licet nobiscum doceant, hanc pertinere ad ejus complementum. Quin imò priores propositiones in Aureolo notant & impugnant: sicuti & nos fecimus disp. 2. capite quarto. Non debuit igitur horum Authorum sententia valde communis & probabilis, cum singulari opinione Aureoli, confutando, ac præsertim censurando, confundi.

XIX.

*Insignes
tamen dif-
ficultates
contra eam
proponis.*

Verùm ex hoc ipso, quod ad volitionem Dei liberam complementum saltem aliquod à causalitate creata mutuemur, difficultas non levis insurgit. Ut enim Arriaga subsect. 2. num. 7. alique obijciunt, videtur inde sequi; Deum non habuisse ab æterno decretum creandi hunc mundum: sed tunc primùm id concepisse quando mundum creavit: jam quoque primùm quando actu benefacit, nos diligere, non ante mundi constitutionem vel tempora secularia: ut Scriptura dicat. Consequens est hæreticum: consequentia probatur. Quia nihil esse potest ante tuam partem, aut si ita loquamur, complementum essenziale v. g. album ante albedinem: Atqui creatio temporalis est pars, aut complementum, decreti liberi quod Deus habet de hoc mundo: Ergo non potest hoc decretum esse ante dictam creationem. Confirmat id Arriaga evidenti, ut ait, exemplo. Missio enim alicujus Personæ divinæ, quantumvis dicat in recto æternam ejus processione à Persona mittente, ipsa nihilominus non est æterna sed temporalis: quia per aliquem effectum temporalem completur. Eadem autem est ratio in præsentì,

Pro responsione recolere oportet quæ diximus cap. 3. n. 11. & 12. & 14.

Quòd

Fundamē-
tum re-
sponſionis

Quòd ſcilicet voluntas divina neceſſariò, atque adedò ab æterno, in ſe habeat omnem perfectionem & actualitatem ad hoc requiſitam ut abſolutè & efficaciter quid velit, dummodo accedat conditio temporalis productionis, Deo libera, eaque vel præſens vel futura. Nihil enim reſert ad effectum, ſeu denominationem intentionalem abſolutè volendi, ſive conditio pro præſenti ponatur, ſive certò ſit ponenda in futurum. Cùm igitur temporalis productio fuerit ab æterno, & quidem certiffimè, futura: nihil deest voluntati Divinæ, cur minùs ab æterno, abſolutè & efficaciter voluiſſe ſeu decreviſſe dicatur, quidquid aliquando in tempore cauſat: & quidem liberè, cùm conditio, ut notavimus, Deo libera ſit.

Declarantur hæc & confirmantur exemplis votorum & contractuum conditionatorum, de quibus in genere egimus cap. 2. num. 7. Ponamus enim Angelum, per poſſibile vel impoſſibile, ab æterno conditum, ex tunc Deo voſſiſſe certum genus obſequii, ſi Verbum in tempore incarnaretur, & ſimul ei revelatam Incarnationem futuram: quis neget eum abſolutè obligandum ab æterno? Et tamen votum illud, in ratione abſoluti, completur per temporalem eventum. Statuamus eundem Angelum ab æterno decreviſſe, omnia facere ad gloriam Dei quæ eſſet in tempore facturus, reliſta tamen ſibi libertate faciendi: poſtea verò, in tempore hoc vel illud opus exerceat v. g. cuſtodiam hominum: quis non concedat id ab æterno volitum ad gloriam Dei? Theologi ſanè talem aliquem actum tribuunt animæ Chriſti in primo inſtanti conceptionis, unde opera deinde facta honeſtatem traxerint. Similiter Deus ab æterno, & quidem neceſſariò habuit hunc actum: *Ex nunc Aternitatis, ad gloriam mei, volo omnia qua ſum factururus, & ad eandem nolo omnia qua omiſſurus*, ſub conditione tamen poteſtativa ac libera. *ſi unquam faciam aut omittam*. Insuper ab æterno fuerunt, certiffimo, futura ea omnia, quæ eſſet factururus vel omiſſurus in tempore. Ergo ab æterno, omnia facienda voluit, & omittenda noluit, purè & abſolutè ad gloriam ſuam.

XX.

revela-
ratio per
exempla.Quæ Dei
volitione
neceſſaria
circa cre-
aturam?Quæ ta-
men ad
ſui Aterni-
tatem,
omni libe-
tas trahit

Notandum primò; hæc eo magis habere locum in Deo quàm in ullis creaturis, quòd ejus voluntas ſit penitus immutabilis, ideoque neceſſe ſit eandem quæ fuit ab æterno eſſe eo tempore pro quo Deus operabitur: creaturæ autem voluntas, ac præſertim humana, uti loquuntur, ambulatoria eſt, ac mutari poteſt antequam conditio ponatur. Quòd ſi non mutetur in contrariam ob limitationem tamen potentix difficulter continuatur actu, ideoque in ordine ad prædictos effectus sæpiùs ſuppletur per continuationem virtualem aut habitualem: at Dei voluntas actu ſemper & formaliter eadem eſt, quæ fuit aut erit unquam. Quin itò propter individuum durationem Aternitatis, idem proſuſ ex ſua parte illi eſt, a-

XXI.

Conditio- nes futu- ra. aut præterita perinde se habent respectu Dei ac se essent præ- sentes.
 liquando esse, ac semper: perinde quoque ad eandem se habet præteritum vel futurum atque si esset præsens: imò quæ nobis præterita sunt aut futura, ei semper certo quodam modo præsentia existunt; Ut hîc suppono ex 1. p. q. 9. & 10. ubi plurimæ autoritates sanctorum Patrum in hunc sensum allegantur. Haud minùs igitur Dei voluntas determinatur ac compleretur per futuram conditionem: quàm nostra per præsentem: quod quo pacto fiat in omni contractu de præsentem, ostendimus capite secundo, num. 7.

Conditio potestati- va, in no- bilitatim respectu volentis.
Sed in Deo etiã respectu actualis volitionis
 Notandum secundo; Insignem quoque inter utrosque actus differen- tiam esse, quæ libertatem concernat. In hominibus enim, conditio pote- stativa seu libera, numquam est in potestate ac libertate prioris actus, ita ut idemmet actus, quî simpliciter ac conditionatè quid voluit, conditio- nem purget, & sic seipsum absolutum & efficacem reddat: Sed tantùm in potestate agentis, ut qui per unum actum quid voluit conditionatè, per alterum purget conditionem, & sic priorem absolvat. At in Deo idemmet actus est operativus conditionis, sub qua in objectum tende- bat. Ratio disparitatis fundatur In dictis cap. 4. n. 16. quòd actus creatus respectu effectuum, si quos habet, sit causa tam necessaria, ut quidquid potest hoc faciat. Quare, si semel quid vellet sub conditione, quam in potentia contineret, illicò poneret conditionem, & sic se absolutum redder- et, atque adeò conditio frustra foret. Ut igitur utilis nobis sit potestativa conditio, in unum actum designatio illius; in alterum executio dividen- da. Sed actus volitionis divinæ, tam circa conditiones, quàm circa effe- ctus sub iis volitos, est liberrimus: ad hoc verò conditio servit, ut hac pro arbitrio suo posita, absque ulla sui mutatione objectum amplecti absolu- tè possit. Imò conditionem ponere, & absolutè objectum velle & causa- re, hîc planè coincidunt: cùm conditio sub qua voluntas in id tendit, non sit objecto quò causando extrinseca, sed ipsa causalitas ejus: licet aliquo modo sit extra objectum, ut simplicem complacentiam terminat; eodem scilicet, quo in ente contingenti, actualitas exercita est extra conceptum possibilitatis, sive actualitatis signata.

XXII, Responso ad argu- mentum peti- tum ex Æter- nitate. Ad hanc retrotra- huntur inten- tionaliter, quæ phy-

His autem positis ad argumentum Arriagæ n. 19. propositum, negamus sequelam. Deus enim ante constitutionem mundi & tempora secularia voluit omnia quæ esset factururus, sub conditione sibi libera, si placeret ali- quando facere. Quæ voluntas etsi quæ talis necessaria sit, liberè tamen in absolutam & efficacem transit, connotando productionem, saltem futu- ram. Nec refert quòd hæc physicè non ponatur nisi in tempore: intentio- naliter enim & objectivè ad ipsam usq; Æternitatè retrorahitur, & sic ad denominationem absolutè & efficaciter volentis, æquivalenter se habet, atque

atque si ab æterno extitisset. Ad probationem ejusdem, admittimus nul- *sed in*
 lum totum, sive compositum aut complexum, dari posse ante suam par- *tempore*
 tem vel complementum: sed in sensu formali quatenus est complemen- *sunt.*
 tum vel pars: potest enim partē antecedere, quatenus ad tale totum non
 necessariò spectat. Non omne autem totum sub eadem ratione exigit suas
 partes: sed quædam ut vel sic præsentis, vel præteritis aut futuras, sicuti su- *Non òne*
 pra vidimus in complexis quibusdam intentionalibus (ut cognitionis ve- *totum eo-*
 ræ vel falsæ, & actus efficacis) ac modo in complexo actus absoluti, ex *dem modo,*
 voluntate præsentis & conditione futura. Et quæ, obsecro, implicantia in *exigit*
 complexo ex præsentis & præterito vel futuro? sunt qui ipsum tempus tale *suas par-*
 quid afferant: quibus faveret D. Augustinus l. 11. Confessionum cap. 14. &
 sequentibus, usque ad 20. Quamvis igitur quædam complexa nequeant
 esse ante suas partes præsentis: ut album ante albedinem; vel homo ante
 animam rationalem: quædam tamen ante eas actu præsentis esse possunt,
 dummodo easdem ut futuras, vel aliter sibi proportionatas, non præce-
 dant. Decretum autem divinum, quæ liberum & efficax, est hujusmodi;
 cujus nempe pars est temporalis causalitas, non determinatè quæ præsens,
 sed vel quæ talis, vel quæ præterita aut futura. Ut ergò quæ liberum sibi
 constet, sufficiet si includat causalitatem, saltem ut futuram. Quo pacto
 eam ab æterno involvit: licet quæ præsentem antecesserit. Omnem porro
 causalitatem creatam non fictè sed reverà fuisse ab æterno futuram, satis
 constat: quomocumque tandem explicetur hæc futuritio, de quo con-
 suli possunt Hurtado in Physica disp. 9. sect. 6. & ipse Arriaga in Logica
 disp. 14. sect. 5. n. 75.

XXIII.

*Responsio
ad homi-
nem.*

Adverte Authorem hunc contra quem agimus, simile argumentum sibi
 objecisse loco jam citato n. 39. contra suam doctrinam supra memoratam
 quòd existentia objecti sit pars formaliter constitutiva propositionis quæ
 veræ. Ait enim: *Propositiones de futuro sunt actu vera & tamen modo non*
est objectum: Ergo objectum non constituit formaliter actum verum, alio-
quin propositio esset vera actu sine actuali veritate. Idque similiter confir-
 mat; *Quia albedo constituit album inaduatè, repugnat dari album de*
præsentis per albedinem de futuro exituram. Respondet autem objectio-
 nem illam non premere, & adfert instantias domus, vel familiæ, quæ ho-
 die dicitur antiqua, per denominationem extrinsecam à duratione præte-
 rita: variarum item Relationum ad terminos non existentes pro tempore
 quo dicitur esse relatio. Et rationem à priori assignat; *quòd per multa no-*
mina concreta solum intendamus significare de presenti ipsum reatum con-
creti, sive obliquum detur de presenti sive non: quamvis per alia nomina u-
 trum-

trum-

trumque de præfenti significemus, ut per hæc concreta, *album, dulce, calidum, frigidum*. Quam differentiam refert in liberam hominum voluntatem. Et hinc inquit, *patet dissimilitudo inter album & verum, quam exigebat argumentum*. Dicere similiter poterat, *inter album & decretum quæ liberum*, imò, *inter missionem Personarum Divinarum atque idem decretum*. Hoc autem dicto, non suo tantum argumento in præfenti satisfaceret: sed etiam Gabriele Vasquez à nota hallucinationis aut inconstantiae, cujus ibidem meminit, vindicaret.

XXIV. Non probo tamen, differentiam istam universim referri in liberam voluntatem hominum: frequentius enim habet fundamentum in re suprâ inlinuatum; quòd in multis concretis (qualia ut plurimum sunt purè physica) denoterur forma, ut informans materiam, vel inhærens subiecto: aut causa efficiens, ut causalitatem suam exercens. Constat autem, quòd nulla forma distans tempore possit informare materiam vel subiectum, cum ne quidem loco possit ab eis abesse. Constat item, quòd causa efficiens nequeat exercere suam causalitatem nisi in effectum actu existentem: per ipsam namque causalitatem in actu exercito confertur existentia. Aliorum verò concretorum natura fert partium, aut quasi partium, temporalem distantiam: ut in esse cognito, amato, aliisque intentionalibus est manifestum.

Cur Missio divina potius sit temporalis quam aeterna? Porro, non album tantum, sed missio quoque divina ad prioris generis denominationes spectat: utpotè quæ non tam habitudinem volitionis ad objectum, quam causæ effectivæ ad suum effectum principaliter importat, ut cum cæteris Theologis docet ipsemet Arriaga disp. 55. sect. 2. n. 7. ubi idcirco Missionem definit, *Est temporalis apparitio Personæ procedentis*: per apparitionem autem intelligit effectum temporalem. Imò quòd mirere, is ipse qui suprâ de actibus liberis Dei n. 8. tanquam verissimam approbârat doctrinam Vasquez, *quod missio Divina dicat in recto processionem Personæ missæ à mittente, connotato temporali effectui*: loco jam citato de Missionibus divinis, mavult eas dicere in recto ipsam apparitionem seu temporalem effectum. Nec enim rectè dicimus, inquit, *Missio temporalis Filii est aeterna ejus generatio, connotatâ Incarnatione*: bene autem, *Missio est Incarnatio Filii à Patre procedentis*. Quam Arriagæ doctrinam, ut posteriorem, priori præferamus, & secundum eam dicamus haud mirum jam esse, si decretum Divinum sit magis æternum quàm Missio: cum illud dicat in recto volitionem Dei necessariam, quæ aeterna est, & solum connotet aliquid temporale in obliquo: ex opposito autem Missio dicat in recto effectum temporalem, & solum in obliquo quid æternum respiciat.

Quæ

Quæ Arriaga hîc admiscet de Scientia Dei, commodiùs differemus in
 disputationem quintam. Cætera quæ contra Æternitatem liberarum voli-
 tionum, prout à nobis explicantur, tum illa subsektionem 2. tum altera se-
 quenti adducit, in hisce ferè consistunt; Quòd sic Deus ab æterno nihil
 speciale decrevisset de futuris, de mundo v.g. creando, de Christi Incarna-
 tione: de gratia & gloria electorum. Nihil enim Deus in se habet intrinse-
 cè circa illa, quod non circa opposita aut disparata: nihil quo magis amet
 Paulum, quàm Judam: aut potius sibi placeat in humanitate Christi, quàm
 in Lucifero. Quia circa omnia futura habet tantùm complacentiam illam
 simplicem ac necessariam, quæ est æqualis erga omnia possibilia: imò tam
 circa entia, quàm illorum privationes. Consideremus, inquit, Deum pro
 priori naturæ, vel rationis, quàm se determinet ad creandum mundum,
 vel ex tot hominibus unum præ alio eligendum ad gloriam: tunc sanè ni-
 hil intrinsecè in se habet circa unum obiectum quod non circa aliud, nul-
 lum quoque specialem erga hoc vel illud affectum. In nostra autem sen-
 tentia, etiam pro posteriori rationis vel naturæ, nihil intrinsecum Deo ac-
 cedit: quare ejus voluntas in omnibus intrinsecis, & quoad omnia obje-
 cta, manet æquè indifferens quàm ante. Nec refert quòd in tempore ac-
 cedat causalitas extrinseca: quia hæc nihil est ab æterno, & tunc adhuc
 quando in tempore ponitur, non pertinet ad voluntatem divinam tãquàm
 aliquid quo Deus dicatur magis velle, sed ad potentiam, ut dici solum pos-
 sit hoc magis quàm illud efficere. Hæc sæpe ait evidentia esse, cumque in-
 de inferat everti principia Fidei, *Elegit nos in ipso ante constitutionem
 mundi, & antequam quidquam boni aut mali egissent, Jacob dilexi, Esau
 autem odio habui*, in opinionem hanc, quasi manifesti ferè erroris convi-
 ctam, multis modis invehitur.

xxv.

Alia Ar-
riaga ar-
gumenta.Resutan-
tur.

Sed parcius ista Viris. Defenderunt, & adhuc defendunt, sententiam
 hanc, qui norunt quid intersit inter dextram & sinistram, doctrinam, in-
 quam, sanam & errorem. Negamus itaque Assumptum. In nostra enim
 sententia, omnia specialia decrevit Deus de futuris, & quidem ab æterno,
 quæ in sententiis aliorum. Nec refert, quòd nihil speciale intrinsecum cir-
 ca ea habeat: sed simplicem tantùm complacentiam sæpiùs explicatam,
 quam etiam habet circa non futura. Hæc ipsa namque complacentia ab-
 unde sufficit ad speciale decretum, dummodo connotet specialem effe-
 ctum, vel causalitatem ad extra. Quam quia connotat circa mundum po-
 tius quàm negationem ejus, & circa Christum & Paulum, non circa Luci-
 ferum & Judam: hinc de illis potius, quàm de aliis, hæc illave specialia
 Deus constituit. Cùm item Dei voluntas isthæc connotet, non pro priori
 signo indifferentiæ, sed pro posteriori determinationis: ideo ad hoc, non

xxvi.

G g

verò

verò ad illud, ea decreta referuntur. Cùm denique per æternam complacentiam connotet eadem ab æterno: omnia ejus Decreta *mundi constitutione* priora, & absolute æterna existunt. Quomodo autem connotata hæc, non tantùm ad Dei potentiam efficientem, sed etiam ad Voluntatem ejus volentem pertineant, ostendimus disp. 1. hujus tract. cap. 8. & in præsentī disp. cap. 3. & 4.

*Sola com-
placentia
necessaria
Deo in-
trinsecè
sufficit ut
quidvis
liberè
velit.* Unius porro ejusdemque simplicissimæ complacentiæ, ad tot tamque diversa discernenda, sufficientiam satis evincit absoluta infinitas ejus, supra sæpiùs asserta: per quam formaliter secum identificat perfectionem omnem quarumcumque volitionum possibilem: imò & conceptibilem quæ secundùm Cajeranum, Fonsecam, aliosque, Deo intrinsecè & contingenter accedunt; demptis solùm imperfectionibus, ut distinctionis, compositionis, contingentiæ & similibus. Quibus meritò annumeres necessitatem & determinationem intrinsecam operandi. Hæc enim tollit libertatem immediatam ad extra, & in nobis id præstat, ut potiùs tanquam causæ formaliter necessariæ, quàm ut liberæ operemur. Unde etiam tota nostra libertas formalis intùs in animò definitur, & ad externa opera solùm transfertur denominativè. Et consequenter nunquam sic in externa dominamur: quin priùs per internum imperium, vel decretum, nostri quodammodo servi facti fuerimus. Quæ creatæ libertatis imperfectio unà cum cæteris removenda à Deo. His autem remotis, ea quæ reliqua est actuum liberorum perfectio, in illa necessaria complacentia Voluntatis divinæ contenta, Deo quantum ad intrinseca sufficit, ad quidvis extra se volendum & statuendum. Neque enim aliquid extra se velle, aut statuere, est perfectio imperfectionibus volentis permixta: sed pura ac simplex, quæ ab omnibus iis libera, optimè sibi constet.

*Deus ad
nihil sibi
intrinse-
cū est in-
differens.* Falluntur itaque, rerum creatarum specie imponente, qui postquam Deum pro aliquo rationis signo, secundùm prædicata necessaria, ut sibi quodammodo sufficientem considerarunt, ita deinde pro alio concipiunt, quasi quid contingens, quod ad nos tantùm pertineat, intrinsecè sibi addat. Eadem prorsus quæ in Deo necessaria, tantæque ejus Majestati sufficientia sunt, nobis quoque ex ejusdem parte sunt satis & abunde: nec quidquam deest, quàm ut per causalitatem aliquam, in tempore quidem exercendam sed ab æterno connotatam, nobis liberè applicentur. Majorem denique erga hos illosve amorem haud facilè definiveris ex parte Dei solius (in quo secundùm D. Athanasium *nihil majus aut minus*) sed ex parte bonorum quæ nobis communicat. Quia enim amare est velle bonum: bona autem quæ Deus vult creaturis, pro ejusdem arbitrio inæqualia sunt: hinc etiam inæqualiter illas amat; uti perspicuè docet D. Thomas 1. p. q. 20. art. 3.

Ex di-

Ex dictis hoc capite explicari potest, quid voluerit Scotus pro nobis *Quid voluerit Scotus* citatus c. 3. n. 13. quando docuit creaturas per voluntatem divinam fuisse productas ab æterno *in esse volito*, priusquam ab eadem consequerentur esse existentia in tempore. Ut enim ad æternam earum productionem *in esse cognito*, à Scoto pariter assertam, rectè observat Smiling tract. 3. disp. 2. de Intellectu divino q. 3. sub finem: sub illis loquendi modis non latent magna mysteria, qualia sibi aliqui imaginantur: sed ea phrasi tantum sig- *lito* nificatur denominatio cogniti vel voliti, iis objectis conveniens, quæ ex se nullum esse proprium ante cognitionem vel volitionem habebant. Quia ergo, juxta ante dicta, Deus ab æterno vult creaturas, antequam proprium esse iis conferat in tempore, & sic ab æterno, priusquam realiter existant, sortiuntur denominationem intentionalem voliti: hinc etiam, nec aliam ob causam, *in esse volito*, ab æterno producuntur à Deo.

CAPUT VI.

*Solvitur alterum argumentum ex Dei libertate
absque mutatione extrin-
seca.*

MUtanda nobis esset sententia, si vel unicum daretur exemplum, ubi voluntati Dei liberæ nihil contingens responderet in objecto, *XXVIII. Statum cō- troversia.* vel circa objectum planè idem alia volitio versaretur: tunc enim hujus contingentia differentiaque ratio, quia peti non posset ex parte creaturarum, querenda esset formaliter in Deo, atque ibi tandem formalitas aliqua, vel habitudo, contingens admittenda. Sed pro neutra parte verum aliquod exemplum hætenus datum fuit: ut paulò post per apparentia illa, quæ adversarii objiciunt, discurrenti patebit. Nec dari potest; cum suprà satis probaverimus, divinam Essentiam (quo nomine omnia ejus prædicata necessaria involvo) non posse sortiri denominationem liberam per se solam: sed tantum cum aliquo effectu vel causalitate creata.

Adde, quòd nulla sit necessitas vel utilitas talium actuum Divinorum, *actus Dei liberi qui nihil in creaturis immutent sunt innu-* qui sint liberi, & in rebus creatis nihil immutent. Deo quippè prodesse non possunt, qui per prædicata sua necessaria bonum omne in se possidet. Cùm verò nihil in creaturis immutent: nihil quoque iis conferre possunt aut tollere. Otiosi itaque erunt, & sic Deo indigni: cùm etiam homines *sunt innu-* otiosa dedeant. Nos quidem complacentias simplices aut alios actus *tiles.* inefficaces liberè aliquando, & non infructuose, multiplicamus: quia per hos quoque illorum objectorum honestatem voluntas participat, quæ efficiendi voluntas nobis deest. At Deus omnem intrinsecam honestatem

sibi possibilem habet, per omnium bonorum complacentiam, & displicentiam malorum, necessariam atque infinitam; idque solum restat ut illam pro suo arbitrio ad esse actuale creaturarum efficaciter applicet & extendat. Sed ut ad exempla quæ Arriaga subsect. 4. & 5. aliiq; obijciunt, veniamus.

XXIX. Dices primò. Præfinitiones divinæ sunt possibiles, atque eā quidem ratione, ut nihil ad extra respiciant quod absque illis non esset: Ergo aliqui saltem actus liberi possunt dari in Deo, absque mutatione extrinseca. Respondeo præfinitiones, quantum huc spectat, sumi posse dupliciter; Primò, ut non significant prioritatem causalitatis sed durationis, eo sensu, quo scientia futurorum dicitur præscientia, etiam si illa non causet sed supponat; secundo ut dicant prioritatem causalitatis seu naturæ. In priori sensu non est specialis difficultas de præfinitionibus: certum enim est ex capite præcedente, Deum prius duratione, nempe ab æterno, velle omnia quæcumque in tempore vult, & per consequens præfinire hoc sensu, juxta illud Apostoli ad Ephes. 3. v. 11. *ut innotescat multiformis sapientia Dei secundum præfinitionem sæculorum*, & alia Scripturæ loca. In secundo quoq; sensu certum est dari præfinitiones multorum effectuum necessariorum, pro quibus Deus præparavit causas efficaces & necessarias: an verò, vel quomodo, sic præfiniverit, aut præfinire potuerit effectus liberos, est admodum controversum Thomistas inter & alios Scholasticos. Cujus decisio quia huc non spectat, id solum dico: præfinitiones utriusque generis non tantum dari, sed nec possibiles esse, nisi connotato aliquo effectu vel causalitate extrinseca, qua quid fiat vel mutetur in creaturis, quod aliter non contingeret. Thomistæ in suis principiis id facile explicabunt per connotationes prædeterminationum futurarum, ac pari probabilitate quæcum illis temporaliter positis libertatē componunt, idem facient cum futuris ab æterno. Qui autem melius sentientes, actuum liberorum prædeterminationes rejiciunt, & nihilominus præviam efficaciam, eamque absolutam ad eosdem admittunt, sive in congruitate quadam, sive in prævisione effectus conditionati fundatam: iidem similiter connotationem istius efficaciam ad præfinitiones applicabunt. Qui denique negant, quidem efficaciam ad actus liberos præviam recipiunt, illi præfinitionibus prioris generis circa hos actus contenti, omnes illas causales, quæ sunt generis posterioris, circa eosdem negabunt. Itaque ad argumentum negatur Antecedens pro secunda parte.

XXX. Dices secundo. Remissio peccati quoad culpam vel pœnam, condonatio, voti aut alterius obligationis, vel alia dispensationes quæ divinitus fiunt, sunt actus liberi voluntatis divinæ. Atqui remissiones illæ seu dispensationes

spensationes possunt dari, sine ulla mutatione extrinseca, per hoc tantum quod Deus purissime sic velit, etiam si nihil, quod quidem huc spectet, extra se faciat vel facturum sit. Confirmatur primum. Quia nos possumus iure nostro cedere, & offensam condonare, nihil extra nos efficiendo: ergo multo magis Deus. Confirmatur secundum. Quia ipsa ita fieri videtur, quando homini iusto remittitur peccatum veniale. Eadem namque gratia potuit esse in homine, non remisso veniali; si nempe non fuisset commissum, aut certe non nisi post infusam gratiam. Idem in casu inculpabilis oblivionis, applicat Arriaga ad remissionem mortalis.

Respondent aliqui in hisce calibus, licet ex parte creaturæ non inter-
veniat mutatio ulla physica, semper tamen intervenire aliquam moralem, & hanc sufficere pro connotato contingenti quod actus Dei liber requi-
rit. Sed hæc responsio difficultatem differt, non solvit. Etsi enim mutatio
moralis interveniat, hæc tamen ipsa ad aliquam tandem mutationem phy-
sicam tanquam ad radicem seu fundamentum revocari debet. Ens nam-
que morale non esse distinctum à physico, sed esse illud ipsum cum certa
æquivalentia in ordine ad mores, dictum est disp. 2. cap. 6. Quare ut mu-
tationem moralem probemus, oportet prius de physica inquirere. Hanc
verò in remissione peccati statim assignant, qui negant eam possibilem
absque infusione gratiæ, seu charitatis in ordine ad peccatum mortale, vel
absque speciali fervore, aut modificatione caritatis, in ordine ad veniale.
Habent hi suæ opinionis Patronos S. Thomam 1.2. q. 13. a. 2. ubi ait, non
posse intelligi remissionem culpæ, si non adsit infusio gratiæ, aliosque Doctores
gravissimos. Alii tamen, doctrina etiam atque autoritate præstantes,
qui sine infusione gratiæ, vel alterius doni intrinseci, peccata quæcumque
condonari posse existimant, adhuc poterunt, consequenter ad priora
principia, hanc opinionem tueri, recurrendo ad mutationem aliquam
physicam, Deo pariter extrinsecam & peccatori: nimirum locationem
practicam, qua Deus per se, vel Prophetam suum, dicat peccatori, *Remittuntur tibi peccata tua*. Per similia item signa, vel vocalia vel realia, ab-
solveret à reatu pænæ, relaxabit obligationem votorum, & in legibus aliisq;
dispensabit. Neque enim Dei verba minus efficacia sunt quàm nostra: per
quæ sæpe morales illos effectus operamur.

Hinc patet responsio ad primam Confirmationem. Si quæ enim spe-
cialis potentia sit in prædictis effectibus eo modo causandis: hæc Deo non
deest, etiam si omnem liberam voluntatem debeat per aliquid physicum
sibi quæ extrinsecum complere. Quia non est necesse ut id sit intrinsecum
personæ, quàm remissio vel dispensatio concernit: sed potest & huic, &
Deo, extrinsecum esse. Fateor tamen quendam esse modum quo possint

*Difficul-
tas ex re-
missione
peccati,
vel pænæ.*

*Illi non
satisfit
per mu-
tationem
molestem.*

*Per physica
cam va-
riis modis
solvitur.*

homines jure suo cedere, abrogare legem, & alias erga se obligationes solvere: Deus autem non possit. Verum is modus imperfectionem involvit, quæ in Deum non cadit. In hoc namque consistit, quod homines possumus taciti, intra nos, actus nostros liberos & vitales mutare, & sic nosse penes nos esse jus aliquod contra quod injuria fiat, aut priorem voluntatem qua legem tulimus retractare, etiam si nihil extra nos prodamus vel operemur. Quid autem mirum, si Deus in se immutabilis, maximeque necessarius, ad hæc & similia contingentia & mutationi obnoxia, debeat quid creatum extra se adhibere? Haud magis sanè quàm quod ad patiendum & moriendum, quæ in sua natura non poterat, debuerit humanam iis obnoxiam assumere.

De remissione venialium.

Aptissimum ad hæc Dei instrumentum voluntas humana Christi.

Similiter respondendum ad Confirm. secundam de remissione venialium, quam cum eadem gratia & dispositione conjungi contingit. Debet enim Deus vel per Sacramentorum institutionem, vel per alios ritus sacramentales promissione aliquâ adjunctâ, vel certè alio modo extrinseco, determinare gratiam, alioquin de se indifferentem, ut effectus remissionis sequatur. Commodissimè ad hoc servit voluntas humana Christi: quæ cum actus creatos more nostro eliciat in se ipsa per eosque mutetur, aptissimum est instrumentum, per quod Deus, utpote jam homo, hominum quoque instar, consilia sua dirigat, & haud aliter quàm nos, moralitates varias in materiam aptam inducat. Poterit igitur velle ut eadem gratia cum talibus dispositionibus vel circumstantiis tot vel tanta venialia deleat: cum aliis non. Dei autem voluntas, apud quam semper est ratum quod Christus voluerit, idem liberè volet, quatenus & gratiam, & illam Christi voluntatem, liberè causabit. Observavit id optimæ notæ Theologus Julius Cæsar Recupitus parte 2. de Deo Uno l. 2. q. 9. n. 45. atque hinc collegit, ad hunc quoque usum Incarnationis mysterium, licet non necessarium, valde tamen idoneum extitisse, *ut Dei voluntas immutabilis, & non elicitiva novorum actuum in seipsa, hos posset pro libitu elicere in natura quam assumpsit, creata & mutabili per novos actus.*

XXXII.

Cessat hæc difficultas in remissione mortalis.

Quod spectat ad exemplum peccati mortalis, hujus condonatio, vel non condonatio, per eandem gratiam aut charitatem, eò facilius est, quod omnis gratia seu charitas, vel ex sua natura, vel ex communi lege divina, sit penitus determinata ad delenda quæcunque mortalia quæ invenerit, in subiecto: utque hæc potius quàm illa, & tot præcisè deleat, nec pauciora aut plura, nihil aliud requiratur, quàm ut hæc, vel tot præcisè, in subiecto præcedant. Quare ut Dei voluntas hæc mortalia determinatè per gratiam condonet, non est opus alia libertate, quàm quâ subiecto, quod per illa maculari cognoscit, gratiam infundit. Unde ulterius sequitur,

tur, Divinam complacentiam necessariam, per hoc præcisè, induisse ab æterno rationem volitionis efficacis, & liberæ, condonativæ horum peccatorum, quòd ab æterno connotaverit futuram infusionem gratiæ cum circumstantiâ horum peccatorum præexistentium in subiecto; sive eorum pœnitentia præcesserit in memore, sive non.

Dices tertio. Sæpe omnibus extra Deum penitus immutatis potest mutari finis, seu motivum, cujus gratiâ Deus quid faciat: ergo hoc saltem casu debet admitti alia quædam terminatio seu habitudo, eaque libera, intra Deum. Consequentia patet. Quia velle & non velle propter talem finem sunt contradictoria, ideoque convenire nemini possunt secundum idem, sed tantum cum differentia aliqua: quæ cum extra Deum non detur, superest ut sit intra illum. Antecedens probatur. Quia potuit Deus Incarnationis mysterium, quod decrevit in remedium peccati, decernere propter primam justificationem hominum: vel etiam idem illud remedium quod soli homini proprium esse voluit, applicare lapsis Angelis. Potuit præterea eandem conversionem Sauli, quam jam voluit dependenter ab oratione Stephani, velle ex mero beneplacito suo independentem à precibus, quantum vis præcedentibus. Plura exempla faciliè occurrent meditati. Ratio à priori est; Quòd res eadem varios habeant usus, per quos ad diversos fines conducant: nihil autem cogit causam liberam, ut eas velit propter omnes fines ad quos usui esse possunt: sed sufficit ut vel unius tantum gratiâ eas amet. Pro hujus solutione, esto

*Alia ob-
jectio ex
eodem
mediorū
diverso
sine.*

CAPUT VII.

Quomodo Deus possit idem velle, propter alios atque alios fines?

Nihil hîc dicam de modo quo Adversarii id salvant per extensiones vel habitudines intrinsecas Deo: refutavimus eas disp. 2. c. 2. & 3. iisq; directè opponitur sententia quam in præsentî defendimus. Sed solummodo discutiam quomodo consequenter ad sententiam nostram, id explicare possimus, per aliquam mutationem Deo extrinsecam. Duplici enim modo id facere possumus, & utroque valde probabili: quidquid dicat Arriaga, ambostanquam improbabilis notans; ut tanto magis confirmet, quod propositum sibi habet, nullo modo qui vel probabiliter satisfaciât, ab humano ingenio exponi posse actus liberos Dei.

Primus modus traditur ab Arubal in 1. p. q. 19, a. 5 disp. 58. c. 4. & duobus sqq. nimirum illo omni casu, quo cæteris omnibus immutatis, Dei voluntas respicit diversos fines, mutari causalitatem, seu actionem, qua producuntur media in ordine ad finem hunc vel illum: ita ut alia, saltem individualiter, sit actio, quâ causatur unio hypostatica propter redem-

*Primus
modus
fundatus
in diver-
sitate a-
ctionum.*

redemptionem nostram, quàm actio qua id fiat propter gratiam primam, aut solam gloriam Dei. Eundem modum defendit Erice disp. 17. cap. 2. num. 19. & 21. idque explicatiùs addit, quòd hæc actionum diversitas non tam oriatur ex diverso fine, quàm ex principio: ex ipsa videlicet voluntate, seu complacentia divina, quæ non quidem entitate seu re, sed ratione differt à seipsa, secundùm diversos fines. Hanc enim differentiam pari jure ait sufficere ad distinguendas actiones Deo extrinsecas, quo similis differentia inter intellectum & voluntatem Divinam est satis, ut Processiones ad intra, Verbi scilicet æterni & Spiritus sancti, inter se distinguat.

XXXIV. Notandum primò, Huic modo, à præfatis Authoribus asserto, mirificè quadrare opinionem, quam disp. 1. cap. 8. amplexi sumus de Omnipotentia Dei. quòd non sit Attributum à Voluntate divina condistinctum, sed ipsamet hæc voluntas, ut de se sufficiens, & in actu primo efficax, ad omne possibile, cujus ipsa de se simplex complacentia est, à parte rei causandum. Cum enim actio sit modus admodum limitatus, qui non tantùm ad effectum, sed suum etiam immediatum principium essentialem ordinem dicat: hinc fit, ut omnis actio Divina dicat ordinem ad voluntatem Divinam, utpote eam quæ immediatum ejus principium existat. Specificatur itaque hæc actio, non tantùm ab effectu, sed etiam à divina voluntate: seu potius volitione. Jam enim sæpe voluntatem omnem, quæ se habeat instar actus primi intrinseci, removimus à Deo. Per hanc autem specificationem potest facillimè ad omnes fines, Deo non indignos, referri.

Deo placet simplici-
ter una
bonum,
omni modo
honestè amabile
est.

Notandum enim secundò, Volitionem divinam ex infinitate sua habere, ut non tantùm sit simplex complacentia cujuslibet boni: sed etiam omni modo quo amari honestè potest. Est igitur omnis boni complacentia, sive ut medijs sive ut finis, quod ea ratione honestè amabile est. Externa tamen actio, sicuti non debet Divinam voluntatem adæquare quoad omne bonum, sed ex infinitis possibilibus unum aliquod, quod Deo pro sua libertate placuerit, efficere: ita nec debet ad eandem voluntatem referri secundùm omnem, ejusdem etiam boni, amabilitatem & complacentiam; sed satis erit si secundùm aliquam referatur. Exemplum habemus in Divino intellectu, qui haud minus est idæa, aut certè cognitio, cujuscumque veri factibilis, & omni modo quo à Deo factibile est, quàm ex jam dictis, Voluntas divina est complacentia boni; nulla tamen actio debet aut potest Divinum intellectum respicere secundùm omnem rationem idæa, aut modum faciendi: sed satis est hunc ad illum referri inadæquate, sub aliqua saltem ratione & modo. Verbi gratiâ productio equi non

non respicit intellectum Divinum ut est idæa bovis vel Angeli, sed tantum ut est equi idæa: neque hanc respicit secundum omnem modum quo potest fieri equus, per creationem ex nihilo, per generationem, vel aliter; sed ex multis possibilibus, unum tantum de facto sibi vendicat. Actio igitur divina ad extra, est respectus à suo principio deficiens: quod quo pacto consistere possit cum summa identitate principii, absque ulla ejus distinctione à parte rei, imò & objectiva præcisione, satis diximus in priore Tra& disp. 4. c. 5. & 6. & disp. 5. c. 3.

Juxta hanc igitur prioris sententiæ explicationem, salvari optimè potest, quomodo Deus nunc quid causet ut medium nunc ut finem; & aliquando ut medium ad hunc tantum finem, aliquando ad alium, prout Divinæ ejus Sapientiæ arbitrioque placuerit. Id namque consequetur, si eâ speciali actione id causet, quæ voluntatem divinam respicit, ut est cōplacētia illius effectus possibilis quatenus est medium, vel quatenus in suo ordine est finis: quaten⁹ itē est mediū ad talem finē, vel quaten⁹ ad aliū. Et sanè Dei actio ad nullū effectū refertur, nisi procedat ex cōplacētia ultimi Finis, qui est De⁹ ipse: *Omnia enim propter semetipsū creavit Domin⁹*: quidni similē cōplacētia & habitudinē admittam⁹ in ordine ad alios fines subordinatos. Quando itaque Deus causabit Mysterium incarnationis propter redemptionem solum hominum, id faciet per actionem, ortam præcisē ex complacentia redemptionis humanæ: quando etiam propter redemptionem Angelorum, actionem aliam huic fini proportionatam eliciet. Quando præterea Saulum convertet propter Stephani preces, gratiam vel dispositionem ad eandem, in Saulo causabit, eo agendi modo, qui ex propria sua ratione pendeat à Voluntate divina, ut est complacentia in precibus Stephani: & sic consequenter de cæteris. Quòd autem Voluntas divina sit complacentia simplex hujus aut illius finis, id habet à seipsa, & prorsus necessariò, quoad sufficientiam: sed quoad libertatem & efficaciam actualem, sortitur per denominationem extrinsecam ab actione ipsa. Objectiones infra solvemus, ubi alterum modum prius proposuerimus.

XXXV.

Alia actio proportionatur huic cōplacentia, alia alteri.

Alter autem modus defenditur ab Aureolo suprà, Cæsare Recupito ibidem n. 49. aliisque, & in hoc consistit; Quòd variato fine, varietur extra Deum semper aliquid ab actione distinctum: si non futurum absolute, saltem conditionate. Cum verò id sufficiat ad diversitatem terminativam Decreti divini diversos fines respicientis: non debemus ad hanc salvandam, introducere in Divinam causalitatem seu actionem, diversitatem aliquam, quæ alioquin extra præsentem controversiam admittenda non foret. Pro quo observant, nunquam Deum ordinare aliquid tanquam

Altermo. dus desū. prius à di. versitate effectuum

H h

medium

medium ad finem, nisi ex se proportionem ad eum habeat, vel à Deo accipiat : ex quo si finis sequatur, dicetur Deus voluisse id medium propter illum finem; v.g. mundum corporeum propter hominem, quia totus ejus utilitati deservit: hunc verò, & cætera universim, propter gloriam suam, quia hæc ex omnibus resultat. Quod si medium à Deo volitum, ad plures fines sit aptum, & tantum sequatur unicus finis, dicetur Deus illud voluisse propter hunc unum: v.g. Incarnationem propter salutem solius hominis lapsi, quia in illam solam, non autem in gratiam vel gloriam Angelorum influxum aliquem habuit. Nisi tamen per alias causas liberas steterit, cur minus in alios fines influeret: nã & tunc dicetur Deus voluisse hos fines sub conditione cooperationis, aut consensus, dictarum causarum. Quod si medium aliquod, aut motivum sit de se idoneum ut ejus causâ Deus quidpiam faciat, sed eum ad hoc non cogat, ne quidem sub operis facti conditione : qualem fuisse orationem sancti Stephani in ordine ad conversionem Sauli, retulimus sub finem capitis præcedentis: tunc videndum, an effectus fuerit futurus absque tali motivo. Si fuerit, signum est Deum non fuisse inductum ex illo motivo ad id faciendum: nisi fortè ex superabundanti, de quo statim. Si effectus non fuerit aliter futurus, evidens est signum, eum à Deo factum propter tale motivum: v.g. Saulum fuisse à Deo conversum propter orationem Stephani, quia teste S. Augustino in sermone primo de S. Stephano, *Si Stephanus non orasset Ecclesia Paulum non habuisset.* Quam veritatem conditionalem connotat conversio Sauli Deo extrinseca, ut ad preces Stephani tanquam ad motivum referatur.

XXXVII Ex qua declaratione alterius hujus modi, satis superque probabilitas ejus apparet. Nec video quid magnopere contra eum possit opponi. Quæ enim adfert Arriaga suprà subsect. 5. n. 36. non urgent. Etsi namque casu ante dicto nihil mutetur in Deo intrinsecè: eadem quoque sit conversio Sauli propter preces Stephani quæ foret absque illis: non omnia tamen reliqua extra Deum connotata sunt eadem. Quia conversio propter preces, connotat conversionem non futuram si preces non essent: quæ non futuritio conditionata sufficit ad distinctionem decreti, etiam si non recurratur ad distinctam actionem. Instat quidem Arriaga, unde possit sciri quòd Incarnatio, aut in nostro exemplo, conversio Sauli non esset aliter futura? Sed ipse abunde satisfaciet ex suo Tractatu de Scientia Dei sect. 3. num. 19. dicendo, eam veritatem à Deo cognosci in seipsa: *Licet enim futuritio conditionata nihil sit de presenti, non tamen propterea non est in se cognoscibilis: nam objectum ut cognoscatur actus, non necessario petit actus existere: sufficit enim vel fuisse vel futurum esse, utque postea addit, vel ab-*

soluta-

*Isque mo-
dus satis
probabi-
lis est.*

lutè vel conditionatè. Cùm verò Deus id sciat, nos idem faciliè ex ejus revelatione addiscemus.

Plus aliquanto virum est in argumento quod sibi objicit Recupitus ; Quomodo
Quòd Deus possit aliquid velle ex duplici motivo adæquato, v.g. conver- ^{juxta eū}
sionem Sauli, & adæquatè propter orationem Stephani, & adæquatè pro- ^{Deº quid}
pter conversionem gentium, ad quas Paulum ut Magistrum divina Pro- ^{velit ob}
videntia destinabat. Quo casu futura fuisset conversio Sauli, etiam sine ^{plures}
oratione Stephani, ideoque non futuritio conditionata conversionis hęc ^{finest}
non habet locum. Sed ad hujus quoque solutionem responsio, quam Au-
thor idem subdit, est satis. Admisso enim casu, conversio Sauli futura qui-
dem esset sine oratione Stephani, uti etiam sine motivo convertendi
Gentes, disjunctivè sumptis, nempe sine alterutro : non tamen sine his
conjunctivè sumptis, si nempe utrumque defuisset. Atque hæc est veri-
tas conditionata, quæ compleret habitudinem effectus ad duos adæqua-
tos fines, etiam si prior conditionata, ut bene probat argumentum, id fa-
cere nequeat.

Hoc porro modo libertatem divinatorum decretorum explicandi per lo- ^{XXXVIII.}
los effectus, sine recursum ad actionem, uti poterunt ii qui actionem ab ef-
fectu non distinguunt; ne ipsi destituantur omni ratione probabili, quã
nostram de libertate divina opinionem, consequenter ad sua principia, ^{Prafer-}
tueri possint. Verum in communiore ac veriore sententiã, quæ actionem ^{tur tamè}
sive influxum causæ, etiam primæ, ab omni effectum modaliter distinguit, ^{primus}
priorem modum quem tradit Arrubal, saltem in effectibus positivis, præ- ^{modus, in}
ferendum existimo. Nihil quippe supponit, quod in meliori Philosophia, ^{effectibus}
independenter ab hac opinione de libertate divina, amplecti, saltem ut ^{positivis.}
probabilius, non oporteat: ut actionem specificari, non solum ab effectu,
sed etiam principio immediato, idque est certum: hoc item principium
esse formaliter voluntatem divinam, quod probabilius est: hanc denique
se non habere per modum potentia ad aliquid Deo intrinsecum, sed per
modum complacentia actualis in omni bono possibili, atque omni mo-
do quo amari honestè potest; quod etiam probabilissimum est. Quando
igitur Deus aliquid producit ob certum finem, debet hæc causalitas re-
spicere immediatè Divinam complacentiam, qua illum effectum prose-
quitur ob talem finem. Ad alia verò nonnulla commodius explicanda i-
dem ille modus haud parum conducit: ut, quomodo actus Dei liber sit
prior completè quàm creaturæ, de quo in capite sequenti: præterea, quo-
modo Deus media ut media semper causet ex formali complacentia fi-
nis, quod juxta alterum modum non salvatur.

Notandum enim, Si actus Dei liberos dicamus immediatè determina- ^{XXXIX.}

H h 2

ri per

*Notabilis
inter u-
trūq; dif-
ferentia.*

ri per effectus, & non per actiones: consequenter dicendum, eos ita re-
spondere effectibus, ut ultra illos formaliter se non extendant, ideoque
non aliter sint de mediis aut de fine, quam quatenus effectus, vel ex se vel
per aliquid superadditum, induunt rationem medii vel finis. Quia autem
media realiter differunt à fine: hinc etiam decretum de mediis differet à
decreto de fine: differentiâ quidem rationis intrinsecè in Deo, differentiâ
verò reali connotativâ extra illum. Neque aliter amor liber mediorum
diceretur esse amor finis quam virtualiter: sicuti media non aliter quam vir-
tute continent finem. At si actus liberos dicamus immediatè determinari
per actiones: poterit amor liber mediorum, simul esse amor liber, & for-
malis, ipsiusmet finis. Exempli causâ decretum Dei liberum de danda ho-
mini gratiâ in sententia Aureoli non est amor formalis gloriæ eidem con-
ferendæ, sed virtualis tantum: quia gratia non continet in se formaliter
gloriâ, sed tantum in virtute ac radice. Sed in sententia Arubal, idem il-
lud decretum, non solius gratiæ, sed etiam gloriæ est amor: quia ex com-
placentiâ gloriæ gratiam in homine causat. Etsi autem divina decreta de
mediis, salvari utcumque possint per amorem virtutalem finis creati, quem
tandem compleat amor formalis ejusdem, per actualement efficientiam fi-
nis, melius tamen omnia salvantur per amorem formalem. Id namq; com-
muni Philosophiæ, imò & Theologiæ, conformius est, ut electio medio-
rum procedat ex amore finis formali: magis quoque commendat Bonita-
tem divinam, si bona omnia quæ confert, dentur nobis ex sincero affe-
ctu, non ipsorum tantum præcisè, sed aliorum etiam omnium bonorum,
quæ inde, nisi per nos steterit, consequemur.

XXXX. Adde, Deum saltem omnia quæ facit, facere, sicuti suprà meminimus,
ex amore & complacentiâ formali sui ipsius, tanquam objecti primarii
sui voluntatis, & ultimi finis omnium operum suorum: neque enim pot-
est ea facere ex amore virtuali sui ipsius, cum per nulla media nullamve
virtutem possit ipse causari. Omnis itaque Dei actio ad extra dicit essen-
tialem habitudinem ad amorem seu complacentiam quam Deus habet de
seipso: cur ergo similiter non dicat habitudinem sibi proportionatam, ad
complacentiam objecti ac finis secundarii? Neque hinc sequitur quod
Adversarii objiciunt, tunc omnem finem ad quem aliquod datur medi-
um, necessario aut saltem infallibiliter causandum, utpote prædefinitum
in prævia complacentiâ: id, inquam, non sequitur, quia non semper præ-
via isthæ complacentiâ est efficax absolūtè, sed aliquando tantum con-
ditionatè: ita ut defectu conditionis (quæ sæpe à libertate aut contingen-
tia causarum secundarum dependet) possit non assequi particularem fi-
nem, ut pluribus dicemus Disp. sequenti cap. 4.

*Dei qua
facit sem.
per facit
ex forma-
li sui a-
more.*

Sed

Sed objicit Arriaga suprà, esse penitus incredibile mutari hinc physice actiones, quòd ob diversos fines exercentur v. g. actionem quâ Deus causat pluviam in pœnam, esse aliam ab ea quâ illam causat animo benefaciendi, vel propter hujus aut illius preces. Addunt alii, inde sæpiùs futurum, ut effectus ordinis naturalis producatur actione supernaturali: quâdo scilicet refertur ad supernaturalem finem; ut homo ad gloriam æternam. Alii denique urgent instantiam nostræ potentix executivæ, quæ eâdem actione causat ambulationem, sive id faciat sanitatis causâ, sive curiositatis aut alterius negotii: eâdem item actione accendo candelam gratiâ studendi, quâ id facerem gratiâ pingendi, aut rem perditam querendi.

- Respondeo ad primum; Id illi non fore incredibile qui motiva assentiendi suprà exhibita considerârunt. Ad alterum, admitto quod inferitur. *Non est incredibile. actione Dei mutari ob diversos fines quos intendit.* Atamen id habeat locum in exemplo generationis humanæ, hic in medio relinquo: spectat enim ad alium Tractatum de effectibus Prædestinationis; an videlicet inter illos numerari debeat homò secundum naturam sive substantiam, an tantum secundum gratiam & accidentia superaddita? Qui priorem partem tenuerit cum Suarez, is generationem hominis, quâ tum est ex parte causalitatis Divinæ, supernaturalem admittat: qui alteram cum Valquez, is actionem creativam, quæ, quantum est ex se, in bonis hominis naturalibus acquiescit, ab aliis causalitatibus distinguat, quibus deinde per gratuita dona, ad finem supernaturalem, natura evehitur.

Adverte; Si quando actio Dei supernaturalis est, talem etiam oportet esse actionem creaturæ, utpote eandem (sicuti communior fert sententia) cum concursu Dei. Implicat namque, rem unam atque indivisibilem, partim naturalem, partim supernaturalem existere. *Quomodo sit supernaturalis quando respicit ejusmodi finem?* Quare in his circumstantiis vires naturæ excedit hæc actio: ideoque elevatione est opus. Sed quâ primum Deus ex fine supernaturali aliquid agit, statim & connaturali sequelâ, causas omnes cæteras, quas vult secum concurrere, elevat, ut actionem hanc, viribus suis majorem, elicere queant. Debent namque causæ secundæ Deo in omnibus famulari, ut non effectus tantum, quoscumque placuerit, sed eos etiam ob fines, ob quos placuerit, iisdemque modis producant.

Ad instantiam denique potentix nostræ executivæ, aliarumque causarum, quarum effectus & actiones nullam differentiam intrinsecam contrahunt, quoscumque fines à nobis intentos respiciant: admittimus ita esse, sed differentiam manifestam assignamus. Ambulatio enim, illuminatio, similesque actiones, non pendunt immediatè & per se, à voluntate

*fines à
nobis in-
sensus.*

te creata intendente illos fines : sed ab aliis causis quæ ab ea solummodo applicantur, ut ambulatio à potentia progressiva (quæ à voluntate differt) accensio candelæ ab admoto igne. Quibus causis quia planè per accidens contingit, applicari propter hunc illumve finem : ideo & earum actionibus accidentale atque extrinsecum est, ad hunc vel illum referri. Sed omnis actio Dei, vel per se solum agentis, vel cum creaturis, pendet essentialiter atque immediatè à Voluntate divina, ut actu respiciente hunc finem : variato igitur fine divinæ voluntatis, oportet quoque ejus actionem variari. Tunc par ratio foret, quando aliquid p[ro]cederet immediatè ab ipsa volitione creata : sed tunc etiam mutaretur processio seu causalitas, mutato fine intrinseco volitionis, & non rarò implemet effectus : ut videmus in habitu, qui simul cum sua causalitate differt, quoties actus, à quo causatur, respicit alium finem. Video tunc quoque differre realiter ipsosmet actus voluntatis creatæ : sed iidem in Deo tunc differunt ratione ; Quæ differentia quoad præsens æquivaleret, ut saltem actio distinguatur.

XXXXII Objicit præterea Arriaga cum aliis ; doctrinam hanc de differentia actionis, non posse applicari ad negationes vel privationes ; hæ enim suo Instantia ex diversis fine privationis. etiam modo causantur à Deo, atque ob fines diversos. Illa tamen differentia referri nequit in diversas actiones : nulla namquæ actio per se tendit ad negationes. Ponamus, inquiunt, Deum nihil extra se producere, sup[er]e sui Domini exercendi gratiâ, vel alium tandem ob finem, v. g. ad vitandam suæ Majestatis injuriam à peccatoribus inferendam : nulla tunc erit actio, quæ ad hunc finem magis determinetur quàm ad illum. Derelictio enim totius creaturæ in suo nihilo, cujuscumq[ue] actionis privationem involvit. Respondeo, priorem doctrinam ad eas quoque privationes applicandam, quæ causantur à Deo per aliquem effectum positivum impediens oppositas formas : tunc enim finis positivæ actionis erit quoque finis privationis connexæ. Sic finis ob quem introducitur calor, est etiam finis cur pellatur frigus eorumque bonorum gratiâ in nostro hæmisp[he]rio fit nox, ob quæ sol positivè removetur in adversum. Atque ita fit in omnibus privationibus, quæ causantur per causas naturales : hæ enim semper mediante aliquo positivo eas causant. Imò idem de creaturis liberis censent, qui omissionem puram & liberam iis impossibile existimant. Sed quia pura ommissio actionum ad extra, eaque libera, non est Deo neganda, ideoque & huic præscribendus sit aliquis finis ; idcirco doctrinæ Artubal. ad positivos saltem effectus à nobis restrictæ n. 38. addendum aliquid, ac dicendum, particulares fines quos in puris istis privationibus Deus libetè spectat, sufficienter determinari à veritate conditionatâ, quòd aliis finibus non obstantibus Deus producturus esset oppositam formam,

mam, illo uno excepto, cujus gratiâ causatur privatio; juxta pluribus dicta n. 36. & 37.

Dixi sic *sufficienter determinari particulares fines*; quia ad finem universalem qui est Deus ipse, determinandum non est opus connotato contingenti, sive absoluto sive conditionali, ab ipsa Dei actione sive omissione distincto. Necesse enim est, ut Deus sui amore & gloriâ causet quidquid causat: sive effectivè in positivis, sive omissi vè in puris privationibus. Quare universalis omissio omnium actionum ad extra, quæ possibilis est, prædictum saltem finem respiceret, independenter ab aliis connotatis: isque solus posset Deo sufficere. Quia tamen congruit, ut si velit, alios quoque fines particulares respicere queat: ad hos in privativis determinandos usu veniunt cōnotata conditionata. Quorum rationem in libris suis volitionibus posse à Deo haberi, hinc non malè declarat Recupitus suprà, quòd & apud nos eorundem ratio haud rarò in moralibus habeatur. Sic enim communiter docetur; Commodatarium teneri ad restituendum, si res commodata apud eum culpabiliter perierit, quando non fuisset apud Dominum peritura: eà verò obligatione solvi, si similiter peritura apud Dominum fuisset. Quod quomodo multi, quibusque conditionibus, etiam ad furem omnemque injustum detentorem, extendant, videri poterit apud Lessium de Justitiâ l. 2. c. 15. n. 92. & Cardinalem de Lugo de eadem, disp. 18. sect. 6. n. 141. Quòd si veritas conditionata, *si res fuisset apud Dominum, non periisset*, cæteris paribus tantum possit, ut quis habeatur causa damni & ad restitutionem obligetur; quidni servire pro connotato poterit, ut Voluntatem divinam hunc præ illo finem spectasse censeamus, eo saltem casu quo tam actio quàm cætera variari non possunt.

*Quantum
momenti
asserant
Veritates
conditio-
nales?*



CAPUT

CAPUT VIII.

*Solvitur argumentum à causalitate &
prioritate decreti Di-
vini.*

XXXXIII **I**D ab omnibus contra sententiam Aureoli, & nostram etiam quatenus cum illa convenit, objicitur ac formatur hunc in modum: Volitio divina intelligitur, atque est efficax & libera, prius naturâ quàm sit, aut intelligatur existentia aut futuritio creaturæ: ergo hujus existentia, vel futuritio, non potest volitionem divinam constituere, etiam inadæquatè, in ratione efficacis & liberæ. Consequentia patet; Quia nullum prius potest constitui per posterius: hinc enim proprietates non constituunt hominem, sed instar accidentium ei constituto adveniunt, quia totus homo est, atque intelligitur prior quàm proprietates. Ut nihil potest esse seipso prius, ita nec aliquo sui constitutivo: quia hoc est aliquid ipsius, sive id ipsum inadæquatè. Antecedens probatur ex Scriptura & ratione. Ex illa quidem ps. 113. *Omnia quaecumque voluit Dominus fecit*, ad Ephes. 1. *Qui operatur omnia secundum consilium voluntatis suæ*, Sap. 11. *Quomodo potuisset aliquid permanere nisi tu voluisses?* & adhuc expressius ps. 17. *Salvum me fecit quoniam voluit me*, & Joan. 3. *Sic Deus dilexit mundum, ut filium suum unigenitum daret*. In his enim aperte, nostra salus, & Incarnatio, Divinæ voluntati ac dilectioni adscribitur tanquam causæ. Naturalis quoque ratio dicitur, veram esse hanc causalem, *hic mundus ex infinitis aliis possibilibus existit, quia Deus sic voluit*, & sic de cæteris. Idque intelligendum de volitione, non necessariâ, sed libera, eadem autoritates & rationes evincunt, quibus Deum ad extra liberè operari ostendimus disp. 1. c. 7. Pro responsione,

XLIV. **D**ico primò. Decretum Dei liberum est causa effectus decreti. Est communis ac certa, tum ex fide, tum ex ratione naturali, ut jam allata evincunt. Ad quorum confirmationem ex nostris principiis accedit; idem hoc Decretum, secundum id quod dicit Deo intrinsecum, esse formaliter ipsam Omnipotentiam Dei: huic namq; ut primæ Causæ, effectus creatos adscribi oportet. Hinc etiam in iisdem principiis, Decretum divinum est causa magis propria & immediata, quàm juxta principia aliorum, qui putant ab eo tantum applicari potentiam causantem.

Hinc debet iis esse prius. Unde sequitur idem Dei decretum ita explicandum, ut respectu effectus voliti prioritatem quandam habeat: idque etiam nobis difficile non erit, qui ex duobus modis priori capite relatis, alterum tanquam proba-
bilio-

biliorē secuti, pro complemento libero decreti ponimus, non ipsum effectum qui decernitur, sed causalitatem sive influxum in eundem. Hic nanque est prior effectus: non quidem aliquā *prioritate in quā*, quæ est durationis: sed *prioritate à quā*, quæ est naturæ, & sufficientissima est ad rationem causæ, sicuti Philosophi norunt. Apud nos ergo decretum Dei liberum, etiam completè ac reduplicativè quā tale, antecedit naturā effectum decretum, & sic habet omnia requisita ut in illud, veluti causam, nostra salus, Incarnatio Verbi, permanentia rerum in esse, cuncta denique Dei opera referantur: in causam, inquam, non incompletam tantum sive in actu 1. sed completissimam, & in actu 2. causantem, idq; ex propriis & essentialibus ipsiusmet decreti. Quæ est prærogativa singularis, quā decretum Dei liberum vincit nostra. Hæc enim quantumvis libera, sunt de se incompleta in ratione causæ: utpote solum causæ in potentia, seu actu 1. quæ ut fiant causæ in actu, eoque secundo, influxu sibi extrinseco indigent, ac sæpe, aliunde accersito. At decretum Divinum quā liberum, ex se & in se habet omnia quæ ad effectum præquiruntur.

Loquendo itaque præcisè de termino sive effectu creato, concedimus totum quod Argumentum intendit. Neque enim constituimus decretum Divinum per effectum vel futuritionem ejus: sed per causalitatem sive influxum in effectum. Verum de hoc ipso influxu instauratur difficultas. Non enim effectus tantum: sed influxus quoque, sive causalitas, est aliquid extra Deum, atque adeò creatum. Nec refert quoddam communiter dicatur, esse quid modale & incompletum, sive *tantum ut quo & non ut quod*, aut ut alii loquuntur, *tantum in via ac fieri, & non in termino seu facto esse*. Et enim hi aut similes modi loquendi, quantumvis esse creatum extenuent atque diminuant, nō tamen penitus tollunt. Quare debet etiam influxus dependere à Potentia ac Voluntate divina. Idque pariter suadent testimonia Scripturæ suprà allegata, quæ non operum solum Divinorum meminerunt, sed etiam expressè actionum & operationum. Adde non minus causalitatem esse contingentem quā terminum causatum: necesse igitur est, ut æquè atque hic, per divinam voluntatem determinetur ad esse.

Dico secundò, Omnis quoque influxus Divinus à libera Dei voluntate ac decreto dependet, ideoque & illud præsupponit: sed non eodem modo quo effectus. Primam partem probant quæ statim allegavimus. Altera ostenditur. Quia influxus à libera Dei voluntate dependet, libertate primā ac immediatā, quæ per se loquendo nullum libertatis exercitium intermedium præsupponat: effectus verò, sive terminus, præsupponit libertatem prius naturā exercitam circa suum influxum. Quapropter, ut etiam

suprà observavimus, idem influxus perinde pendet à libertate divina, ac prima volitio libera à libertate nostra. Sicut enim hæc volitio solummodò præsupponit voluntatem liberam in actu primo, ipsa verò eam in actu secundo liberè volentem constituit: ita nec influxus libertatem aliam, quàm in actu primo, præsupponit in Deo, eam verò in actu secundo formaliter complet. E contrario effectus divinus à priori libertate actuali oriundus, comparari potius debet cum actibus nostris imperatis, qui denominationem liberorum à priori libertate actuali desumunt.

XLVI.

*Decretum
liberum
respectu
causalitatis
est
tantum
prius in
adaquatè*

*Simile
quid ob-
servatur
in nostris
actibus
liberis.*

Hinc autem colligitur primò, Influxum Dei ab ejus quidem liberà volitione, ac decreto, tanquam à causa dependere: quia decretum divinum, in actu secundo liberum, libertatem Dei in actu primo, à qua pendet influxus, principaliter involvit: sed non pendere ab eo adæquatè & reduplicativè, qua in actu secundo liberum est. Quia nihil à seipso dependet, ipse autem influxus est pars aliqua, complens decretum in ratione liberi actualis. Neque id pro absurdo vel paradoxo ducere debemus in influxu decreti divini: cum idem in nostrorum quoque decretorum influxibus contingat. Vidimus enim in præsentì disp. c. 1. quomodo horum actualis libertas multa involvat extrinseca connotata, quæ per se non influunt in effectus decretorum. Quin imò hos sæpius eisdem sortiremur, etiamsi actus, quos habemus liberos, non jam liberi, uti fieri potest, sed necessarii forent. Aliud longè est, causari quidpiam ab actu libero specificativè, sive ab eo qui est liber: aliud ab eodem reduplicativè, seu quatenus est liber. Primum nostris effectibus, atque influxibus, commune est cum divinis: alterum in solis effectibus divinis ut præsupponunt respondentem sibi causalitatem, habet locum.

*Quomodo
in hac ma-
teria ex-
plicanda
causales
harum
alia purè
enuntia-
tiva, alia
argumen-
tativa.
Deus.
producit
quia libe-
rè vult,
est vera e-
nuntia-
tiva.*

Colligitur secundo, Quomodo explicanda sit causalis, *Ideo Deus producit mundum quia vult.* Prætermittenda enim interpretatione metaphoricà quam ex Aureolo retulimus disp. 2. cap. 5. n. 15, & amplectendo sensum causalem, quem particulæ *ideo* & *quia* in propria significatione important, dupliciter dictam propositionem exponere possumus: primò in sensu causali lato ac purè enuntiativo: deinde in stricto & argumentativo. Primus sensus est, quo simpliciter asserimus velle divinum esse causam productionis: sive sit causa necessària, & ad producendum determinata, sive libera, & ad illud indifferens. Sic autem propositio est verissima. Ut producit enim diximus assertionis secunda, omnis Dei influxus, sive productio, ab ejus voluntate, tanquam à vera ac prima causa, dependet: quamvis indeterminata, utpote libera, sed suùpius per ipsammet productionem determinativa. Quare argumentari non possumus, *voluntas Dei est, ergo mundum*

dum producit: posset namque illa esse, & non sequi productio: sed simpliciter tantum hanc ab ea dependentem enuntiare. In simili sensu dicimus, hominem quid velle, vel facere, quia habet liberum arbitrium. Alter itaque sensus, qui ex antecedente voluntate productionem infert, in dicta propositione non habet locum. Ipsam namque productionem nihil ad causam determinatum, unde infallibiliter inferatur, antecedit. Possumus tamen in hoc etiam sensu propositionem exponere, accipiendo Velle divinum reduplicativè quà liberum, ut formaliter productionem involvit. Nam rectè ex toto inferimus partem, dicendo, Anima est quia homo est. Productio autem est pars istius complexi, quod libera Dei volitio importat. Similiter ergo argumentari poterimus, productio est, quia velle Dei liberum est: & sic in genere causæ formalis, efficaciam in eodem inclusam, declarare.

Colligitur tertio; Id quod diximus de influxu cum Dei voluntate comparato, dici etiam posse ac debere de termino seu effectu, ab iis omnibus, qui causalitatem sive influxum ab effectu non distinguunt. Sed, ut supra notavi, distinguendo influxum à termino, melius omnia clariusque procedunt, eoque supposito, in propositionibus causalibus de solo influxu habet locum, quòd vel debeant accipi latè, vel non in genere causæ efficientis, sed formalis exponi. Causales enim de termino seu effectu, qualis est hæc, *mundus existit quia Deus liberè vult*, in genere etiam causæ efficientis, juxta assertionem nostram primam, sensum strictum admittunt: haud minus quàm hæc, *mundus existit quia Deus cum producit, vel quia Deus influit in mundum*. Complementum enim Divinæ volitionis quà liberæ, est hic influxus.

Sed contra ante dicta de influxu, instare adhuc poteris cum Arriaga; si Dei velle nihil aliud sit quàm producere seu influere: ergo non magis *Deus producit quia vult*, quàm è contratio, *Deus vult quia producit*. Et sic itur in circulum. Ridiculæ quoque sunt propositiones Scripturæ: cum enim ad commendandam efficaciam Divinæ voluntatis Propheta dicit, *Omnia quacumque voluit Dominus fecit*, explicatis terminis nihil aliud in re ipsa significat, quàm *omnia quæ fecit, fecit*. Exclamat hinc Author: *O certè pro hac abstrusa veritate necessaria revelatio! o prerogativa mystica, quæ omnia facit quacumque facit!* Similiter nugatoria erit propositio, *Sic Deus dilexit mundum, ut filium suum daret*. Ut à nugatione liberetur, debet significari vis aliqua prævia amoris, ex qua hominibus tantum donum procedat. Hæc est fere substantia illorum quæ objicit subsect. 6. à num. 43. & subsect. 7. à num. 48. eaque argumenta, sicuti & præcedentia, Autoris illius judicio evidentia sunt.

XLVIII. Verùm ex malè falsoque suppositis, facilè est evidentia ali-
quid absurdi deducere: sed inani frustraneoque conatu, cujus nempe tota
vis elidatur negando principium, quod argumentans vel assumit vel sup-
ponit. Ita facimus in præfenti: negamus Velle divinum nihil aliud esse
quàm influere aut producere. Quidquid sit de Aureolo, idem negant
Vasquez, Erice, Granadus, quorum tamen lectorem Author se proficitur.
Cum hisce læpius diximus, productionem, seu causalitatem Divinam, esse
quidem de conceptu essentiali actus liberi Divini, non tamen ut totale si-
gnificatum, imò nec principale (hoc enim est infinita Dei volitio in recto,
necessaria quidem in essendo, sed ad omnia liberè causanda sufficiens) at
solummodo ut significatum partiale, & secundarium, in obliquo conno-
tatum. Aliud itaque est Deum liberè velle quàm producere: est namque
volitionem suam infinitam cum productione conjungere. Magis quoque
seu potius, Deus aliquid producit quia vult, quàm è contrario: quia ratio-
nes quas pro priori parte attulimus num. 46. hinc cessant. Neque enim pro-
ductio includit volitionem divinam, neque influit in illam quàm talem. Ve-
rum est, eam in genere causæ formalis connotatum aliquod conferre, ad
denominationem libertatis in actu secundo: sed nihil hinc incommodi,
si causalitas creata quidquid à divina voluntate in genere causæ efficien-
tis accepit, idem in genere causæ formalis extrinsecæ ei reddat. Id creatu-
ræ faciunt in denominatione divina actu creantis, dominantis, præfentis,
& mille aliis: cur in præfenti improbemus?

XLIX. Atque hinc non solum circulus, quem Author urget, evitatur: sed etiam
in sensu gravi, iisque digno, explicantur Scripturæ. Illius enim quæ priori
loco allegatur, sensus non est, *omnia fecit quæ fecit*: sed, omnia fecit, quæ
pro libero suo arbitrio, ex infinitis possibilibus in potestate sua positis, sibi
facienda delegit; nec alio delectu quàm operatione ipsa, quippe cujus
voluntas potentia (ut alicubi canit Ecclesia) & velle est operari. Quo quid
sublimius, quid Deo dignius? Verissimè quoque suam erga nos caritatem,
eamque infinitam, Deus commendavit, quando nobis redimendis Filium
suum dedit: caritatem, inquam, non aliquam à Deo distinctam, & quasi e-
licitam, ut Authores priori disputatione resurati imaginantur; sed quæ est
Deus ipse. Nam teste Joanne epist. 1. c. 4. *Deus caritas est, & qui manet in
caritate, in Deo manet*. Unde etiam caritas, ex qua fit donatio, à donatione
distinguitur, eamque præcedit, sicuti sentiendum de Deo in ordine ad
creaturas: quamvis per creatam actionem nobis liberè applicetur. Tanto
quoque dono par ipsa existit: nisi enim esset Deus, nobis Deum donare
non posset. Nec quidquam in eo est novi, quòd aliquid de se infinitum ac
necessarium applicetur nobis actione quapiam, aliove modo contingen-
tiae

ti ac finito. Id namque in unione hypostatica, ac visione beata, omnes Theologi admittunt. Quidni igitur dicamus in presenti, quod quoties Deus bonum aliquod nobis confert, per illud liberè nobis applicet, & certo modo communicet seipsum, ut ex se infinitus est amor, non sui tantum ipsius, sed omnium quoque bonorum extra se possibilium: ilque ad omnia causanda sufficiens, sed pro divino arbitrio, ad hæc vel illa, per creatam causalitatem applicandus? Frustra sane satagimus ac solliciti sumus circa plura, perfectiones liberas, extensiones, habitudines, terminationes Deo intrinsecas, ab eoque distinctas, indagantes: Unum, idque maximè necessarium, quod est Deus ipse, nobis ad omnia sufficit, dummodo Majestati ejus placeat per creatos effectus nobiscum communicare.

Infinita, nam, necessaria, Dei per se ad omnia nobis sufficit, dummodo liberè applicetur.

CAPUT IX.

Respondetur ad cetera argumenta.

Mutuabimur ea ex eodem Authore, ex quo priora. Primum ex subsec. 6. n. 40. ubi ex sententia nostra infert, non dandam in Deo volitionem positivam circa ea quæ non creavit, circa plures v. g. soles vel mundos: sed puram omissionem; Quod est contra Autores qui eam tuentur, & contra veritatem Probat autem sequelam *evidenter*. Quia circa ea objecta nihil datur ex parte creaturarum quo compleatur positiva volitio. Nam siquid daretur, esset carentia realis eorundem. Sed contra *evidenter*; (juberque Lectorem esse attentum ad hoc argumentum) Existentia realis alterius mundi constitueret Deum positivè volentem: ergo negatio existentia non potest eum constituere positivè nolentem, sed tantum non volentem omissivè. Quia inter duo positiva invicem opposita, negatio unius illud quidem tollit, sed nunquam per se sufficit ut constituat alterum: v. g. privatio frigoris præcisè destruit positivum cōcretum frigidi: at implicat in terminis ut constituat calidum; sed ad hoc est opus novâ formâ. Atqui volitio & nolitio positiva opponuntur positivè: ergo privatio creaturæ constituentis Deum volentem, nequit eum constituere nolentem: sed ad hoc requiritur alia habitudo positiva vel forma; Quam cum neget dari ex parte creaturæ, tacitè subindicat ponendam in Deo, additque hæc verba: *certè hoc solum argumentum evidenter convincit intentum.*

I.

Argumentum ex pura omissione Deo impossibile.

Fateor me adhuc latere hanc evidentiam, ac miror quomodo latuerit Authorem in Logica, ubi, sicuti retulimus in presenti disp. c. 1. docet, ac bene, veritatem propositionis, quæ v. g. assero Petrum album, compleri

Retorquetur in Authorem.

per existentiam objecti, v.g. albedinis in Petro, falsitatem verò per non existentiam ejusdem. En locum huic argumento; Per existentiam albedinis, propositio eam affirmans constituitur vera: ergo per privationem illi poterit tantum constitui non vera: ergo non poterit per illam præcisè reddi falsa, ob regulam de oppositis supra allegatam. Veritas enim & falsitas sunt qualitates oppositæ propositionum, atque ita quidem ut secundum veriorenter teneantur quam Author defendit, implicet dari propositionem, etiam de futuro contingenti, quæ non sit vera vel falsa. Quidquid Author ad hoc responderit pro tuenda denominatione veritatis aut falsitatis, quæ non aliter compleatur, quam per esse & non esse objecti: id nobis facile applicabimus pro defendenda libertate volitionis & nolitionis; etsi similiter ad utriusque complementum, esse & non esse rei volitæ pertineat. Responsio autem, & argumenti solutio, difficilis non est. Etsi enim negatio per se nihil aliud faciat, quam tollere formam contradictoriæ oppositam: ideoque per se præcisè nunquam conferat effectum, oppositum positivè: potest tamen id facere cum alio positivo, aliunde supposito vel introducto, quod sit proportionatum effectui, ad eumque sufficiat, dummodo negatio pro aliquo complemento accedat. Ita fit in negatione albedinis, de qua supra: per se enim tantum tollit veritatem propositionis, ad quam spectat existentia albedinis: sed supposito, quod aliunde existat propositio affirmans albedinem, statim absque alio superaddito, reddit propositionem falsam. Quia ad falsitatem nihil aliud requiritur, quam propositio affirmans, cum negatione objecti.

- LI. Id porro applicando ad argumentum Arriagæ, nego sequelam quam inserti ostendimus enim disp. seq. c. 3. Deum non tantum circa omnia entia, sed omnes etiam negationes aut privationes contingentes versari positivè. Ad probationem, nego assumptum, & admitto id quod ad positivam nolitionem complendam ex parte creaturæ confertur, nihil penitus esse præter negationem: nego autem eam non sufficere. Ad instantiam pro parte contraria, concessio Antecedente, distinguo consequens: negatio existentia non potest se sola id facere, concedo: cum aliis positivis aliunde præsuppositis, nego. In Deo autem ex parte voluntatis necessaria, atque infinita, præsupponuntur omnia positiva, ad positivam nolitionem, eamque liberam, requisita: ita ut nihil præter contingentem negationem, seu privationem, desiderari ulterius rationabiliter queat. Similiter distinguenda est regula de positivè oppositis, ut antea disertius fecimus. Quod si pariter in rebus creatis subjectum aliquod aliunde haberet omnem rationem positivam quam effectus formalis frigidi exigit, sed impeditam per calorem admodum excessivum: sola remissio seu privatio caloris sufficeret, ut

*Solutio
haud ad-
eò diffi-
cili.*

*applica-
tur argu-
mento.*

ret, ut subiectum calore præsupposito imbutum, ex calido frigidum denominaret. Nolim hæc tanquam evidentia jactitare: qualiacumque fuerint, Lectoris judicio permitto: sed videntur argumentum satisfacere.

Altero argumento, eoque à priori Arriaga nos oppugnat sublect. 7. n. ^{alterum} 45. in hunc modum: *Impossibile est intelligere, quomodo actus liber Dei possit per extrinsecam creaturam compleri: nam amare (& clarius adhuc in cognitione apparebit) est predicatum adequatè intrinsecum, quod non potest, nec in adequatè, in ipsa creatura consistere.* Plurib⁹ id deinde prosequitur in cognitione divina, cujus difficultatem, etiam in antecedentibus, ferè ubique confundit cum præsentè. Sed quamvis fatear illam cum hac esse valde connexam, ideoq; de libera quoque Dei scientia agere constituerim disp. 5. confusionis tamen vitandæ causâ, in sola volitione libera hîc manebimus, illic visuri quomodo declaratio scientiæ liberæ hîc doctrinæ de libera volitione non obsit, sed plurimum illam illustret ac juvet. Ad præfens autem argumentum, negamus assumptum. Quia haud multò difficilius intelligimus quomodo actus Dei liber possit per extrinseca completi, quàm quomodo nostri actus in ratione liberi, efficacis, absoluti per multa extrinseca compleantur: prout fieri, per varia exempla, etiam in Arriagæ sententia, declaravimus cap. 1. & 2. Fateor omnem amorem, tam divinum quàm humanum, esse amanti intrinsecum in ratione actus vitalis, atque etiam amoris præcisè ut sic in ratione tamen liberi, aliisque jam memoratis, potest uterque, ac debet, quædam extrinseca in se compleri.

Sed falsò assumitur actus liberum, Deo adequatè intrinsecū esse.

Tertium tandem argumentum, ultimumque proponam ex ejusdem Autoris sublect. 8. n. 52. *Si Deus in ratione volentis constituitur per effectum in tempore existentem: ergo Deus non minus amat peccatum quàm bonum opus. Quia Deum aliquam creaturam amare non est aliud nisi entitas Dei necessaria & illa creatura existens: ergo amare peccatum non erit aliud, quàm eadem entitas Dei & ipsum peccatum existens.* Unde ulterius digreditur ad causalitatem peccati: quæ pari modo referenda erit in Deum, ac causalitas operis boni. Nam, si quæ intercederet differentia, esset illa quam alibi tradidit: quòd Deus nobiscum ad peccatum concurrat cum displicentia ac veluti desiderio ne fiat; ad bonum verò opus cum complacentia & opposito desiderio. Jam autem displicentiâ sublatâ, cætera omnia pari modo ad utrumque se habebunt.

LT. Tertia eorundem objectio.

In hoc argumento in primis assumitur falsum; Quòd Deus per effectum constituitur in ratione volentis: id paulò ante & sæpius negatum. Non in ratione volentis Deus constituitur per effectum: sed in ratione volentis liberè, efficaciter, absolute &c. Ut omittam, nec per effectum sic constitui, sed.

Effectus non con- sed per causalitatem sive efficientiam, ut diximus cap. 8. effectus priorem.
stituit Deum in ratione voluntis ut sic. Sed quia de hac, uti etiam de ratione volentis liberè, idem ferè obijci potest: negamus consequentiam. Ad probationem, quòd Deum amare non sit aliud quàm entitas Dei necessaria & creatura existens: negamus assumptum, si tam larè sumatur creatura ut etiam complectatur peccatum: debet namque illa creatura esse bona & honesta. Alioquin Dei complacentia & amor eam non respiciet: sed displicentia & odium, si saltem ab indifferentibus præscindamus. Ut enim Deus est amor quidam infinitus, necessarius ac per se subsistens omnium bonorum: ita & infinita, necessaria, ac per se subsistens displicentia, seu odium, omnium malorum culpæ, idque tam essentialiter, ut aliter fieri non possit. Quapropter simul atque existit aliquod malum culpæ, non jam amatur à Deo, sed odio habetur: quia non habet ex parte objecti requisita ad amorem, sed ad odium.

Dei amor respectu creatura, non est idem quòd Deum & creatura in genere, sed quòd ille & hac honesta. Quòd si urgeas cum Authore: quid consequenter ad nostram sententiam aliter fieret quàm jam fiat, si Deus per impossibile amaret peccatum? Respondebo facillimè; vel peccatum exueret suam turpitudinè ac honestate donaretur: vel Deus mutaret naturam suam ac indolem, ut qui jam est solorum honestorum amor, esset etiam inhonestorum. Quorum utrumque cum pariter impossibile sit, satis in sententia nostra est provisum, ne unquam peccatum sub Dei complacentiam cadat.

Quid futurum si Deus amaret peccatum Nec refert primò, quòd complacentia & displicentia, sive amor & odium, non distinguantur in Deo subjective: satis namque est eorum objecta essentialiter connotata inter se distingui. Ponamus potentiam visivam non distingui à potentia auditiva (quod aliqui senserunt quibus placuit eas in homine identificare cum anima) imò nec distingui utriusque actus: nihilominus ut quid audiatur debebit esse sonus, ut verò videatur, aut lux aut color. Similiter debet esse bonum atque honestum ut quid sit objectum Dei amantis, inhonestum ut eidem odio esse possit, etsi idem in Deo sit odium & amor. Totus quippe Deus est amor, sed solius honesti: totus item odium est, sed inhonesti tantum. Alterum exemplum idem Author non recusabit in albedine; Hæc enim in ipsius & veriori sententiâ, si non adæquate, suâ saltem ex parte, est similitudo, ut connotat alteram albedinem: ut verò nigredinem, dissimilitudo. Quidni pariter eandem Dei voluntatem dicamus amorem, ut connotat bonum: vocemus autem odium, ut ad malum refertur?

LIII. Adhuc sufficit distinctio obiecti vel termini, ut & in aliis. Nec refert secundò; Quòd Deus suo generali concursu influat in actum peccati: quia quomodocumque id faciat, saltem cum illius displicentia id facit: quod cum Arriagæ sufficiat, ut Deus non habeatur peccati author vel causa, & nobis pro præsentis sufficit. Alibi, si Deo visum fuerit, expo-

Influxus in peccati actum non sufficit ad amorem, & curi

expo-

exponemus quo pacto verissimam Tridentini doctrinam tueri quam optime possimus, quod Deus non operetur opera mala, ita ut bona, proprie & per se, sed permissivum solum.

Nec refert tertio; Quod supra dixerimus libertatem amoris divini compleri per influxum: id enim intelligitur respectu objectorum à Deo amabilium: quia ad hæc sola supponitur in eo amor. Quod si quæras, quem ergo affectum liberum compleat influxus divinus in actum peccati? Respondetur, complere affectum, qui nec proprie sit odium peccati, nec erga idem amor, sed conformiter Tridentino sess. 6. can. 6. paulò ante citato, sit affectus permissionis: id est amor alterius alicujus boni, ob quod Deus peccatum non impedit: sed suum etiam influxum in actum ejus præber. Simulatque autem à Deo permissum, jam existit in rerum natura, terminat actu Divinam displicentiam sive odium.

LIV.

Complet
affectum
permissi-
vum pec-
cati.

Adverte ab Arriaga num. 54. & sqq. multas committi æquivocationes velle & in velle & nolle, & hoc confundi cum odio, illud cum amore: amorem nolle non autem confundi cum productione rei, odium cum ejusdem destructione. Id fieri non debet: etenim sæpe conveniant in unum, sæpe tamen separantur, si præsertim agamus de amore complacentiæ, qui circa objectum rationale, dici solet amicitia seu benevolentia amor, & de odio displicentiæ seu inimicitia. Nam Deus hoc genere odii prosequitur peccatorem, sive eum permittat, imò conserve, sive non: è contrario Judex interficit reum, cujus tamen personam benevolentia Christiana prosequitur. Attendendum hæc igitur, non tam quid fiat vel non fiat, quam ex cujus complacentia vel displicentia fiat. Quidquid autem Deus agat circa peccatum, nunquam ex complacentia ejus id agit, ideoque nunquam ex proprio erga illud amore. Sed de his

fatis pro præsentia.



DISPUTATIO QUARTA.

DE PROPRIETATIBVS ET
Differentiis actuum liberorum
Dei.

CAPUT I.

*An actus Dei liberi sint immu-
tabiles?*

1.

*Voluntas
Divina
immuta-
bilis.*

Responſio affirmativa eſt de fide, ex illo num. 23. *Non eſt Deus quaſi homo ut mentiaſur, neque ut Filius hominis ut mutetur, & Proverbiorum 19. Multa cogitationes in corde viri, voluntas autem Domini permanebit.* Quæ, & ſimilia multa, Scripturæ loca Sancti Patres & Theologi ſic communiter intelligunt, ut inde concludant Deum nunquam ex volente tranſire in nolentem vel contra: ſed ſemper velle aut nolle quidquid aliquando vult, aut non vult. Videri patrum teſtimonia poterunt apud Didacum Ruiz de voluntate Dei diſp. 16. ſect. 1. qui etiam ſect. 4. ex iſdem oſtendit, locutiones Scripturæ quæ Deo pænitentiam quandam, atque adeo ſententiæ mutationem videntur tribuere, non eſſe proprias, ſed metaphoricæ, & moribus humanis accommodatas; quatenus Deus id quod prius fecit, deinde deſtruendo, inſtat pænitentis ſe gerit. Revera autem, ut loquitur D. Gregorius 20. Moral. c. 23. *quamvis rem mutet, conſilium non mutat.*

*Ratio hu-
jus apud
alios diſ-
ciliis eſt.*

Quæ veritate ſuppoſitâ, in reddenda ejus ratione difficultatem habent, qui voluntatem Dei liberam, ideoque contingentem, volunt eſſe ad-
quate intrinſecam Deo. Nam ſi Deus potuerit ab æterno, ſalvâ, ut ajunt, omni ſua perfectione, pro extensione, habitudine, terminatione quâ velit creare hunc mundum, habere oppoſitam quâ id nolit: cur in tempore non poſſit? Illorum quidem reſponſio probabilior apparet, qui ajunt; id omne quod Deo intrinſecum eſt per identitatem, neceſſariò durare duratione divina: quæ cùm ſit completa Æternitas omnis mutationis expers, idem quoque oportere æternum eſſe, ideoque immutabile. Sed contra facit; Quod in eorum ſententia, non id omne quod Deo identifica-
tur,

tur, existat necessitate divina: hæc enim est necessitas simpliciter atque absolute, nullam varietatem contingentiamque admittens: illæ autem perfectiones, extensiones, habitudines sunt contingentes; & licet successive mutari non possint, ab æterno tamen potuerunt variari, earumque loca quæ jam sunt, aliæ hisce oppositæ Deo inesse. Quapropter habent tantum necessitatem ex suppositione sive secundum quid. Cum ergo extensiones prædictæ, etiam si Deo sint intrinsecæ, possint nihilominus ab ejus necessitate deficere: cur ab æternitate non possint? Prior sanè ratione nostra, divinorum omnium est connexio cum necessitate essendi, quàm cum Æternitate: hæc namque per illam demonstrari solet, non contrà. Si quid ergo divinum non cohæreat cum necessitate: neque etiam cum Æternitate cohærebit.

Dicent primò, imperfectionis fore, si Deus actum quem pro aliquo tempore habet, pro alio suspendat. Quia Theologi passim docent imperfectam fore voluntatem divinam, si pro tota æternitate omnem actum suspenderet, ita ut nec veller aliquid creatum nec noller: ergo simili quadam proportionem erit imperfecta si suspendat pro tempore. Respondeo, imperfectionis quidem fore si actum suspendat negativè, ut interim nullum alium paris perfectionis substituatur: sed de hoc casu, quem tertio capite examinabimus, hîc non controversatur; verùm de suspensione positiva, per actum contrarium æquè perfectum, quo Deus quod semel voluit jam nolit. In hoc enim prior imperfectio cessat. Si quippe nulla prior perfectione Deus destituatur per totam æternitatem, etiam si careat habitudine intrinseca ad mundum non futurum, dummodo pro ea habeat habitudinem æquè perfectam quâ mundum futurum respiciat: ergo nec in tempore quidquam perfectionis desiderabit, si earum habitudinum, quæ ibi varietas, hîc commutatio fiat. Quin imò, videbitur fortè cuiquam perfectionis major, si Deus successivè saltem habere, & experiri quodammodo, possit omnem speciem habitudinis & extensionis intrinsecæ: quàm si unâ semel admisâ, debeat alterâ in æternum carere.

Dicent secundò; Et si non possimus ex hoc capite arguere in Deo imperfectionem physicam, saltem immediatè: arguamus tamen moralem, quæ tandem in physicam degenerabit. Quia levitatis & inconstantia est, nulla occurrente ratione improvisa, mutare voluntatem: Deo autem nulla ratio occurrere potest, quàm ab æterno non præviderit: Ergo nec ulla, ob quam absque levitate, quæ moralis imperfectio est, voluntatem mutet. In qua responsione Suarez tandem alique Recentiores acquiescunt. Sed mihi contra eam adhuc scrupulus restat; Quamvis enim Deus cuncta præviderit ab æterno, erit tamen ratio, eaque ab æterno notissima, cur quorundam

Suis enim rationibus dilatio nitetur. rundam volitionem in tempus suum differat, pro alio aliam ei congruentem exercens. Neque enim quævis voluntas cuilibet tempori congruit. Quæ enim congruentia benevolentia, amicitiaque divina, cum tempore quo peccator eâ prorsus indignus existit: aut è contrario, divini odii & inimicitia cum tempore iustitiæ noudum à nobis perditæ, aut per pœnitentiam recuperatæ? si verum est, uti verissimè dixit Ecclesiastes c. 3. *tempus dilectionis, & tempus odii*, nihilque præter notam levitatis aut inconstantiæ obstat: non videtur Deus nunc debere peccatorem amare ob iustitiā præteritam vel futuram, aut hominem innocentem propter injustitiam similiter distantem odisse; sed hosce saltem similesque affectus in sua tempora differre. Potiori enim jure dicere poterit quàm Artaxerxes Esther 16. v. 9. *id non ex animi sui venire levitate, sed pro qualitate & necessitate temporum*. Difficultatem hanc movet & ingeniosè expendit Arriaga tom. 1. disp. 29. scilicet. 1. à n. 4. ac pleniorē ejus solutionem desiderat. Videbimus paulò post, num in nostra sententia eam exhibere possimus.

III.

In nostra sententia ratio faciliù red- datur.

Ex immutabilitate saltem hypothesis omnium qua ad actum liberum concurrunt.

Principalis interim resolutionis rationem hanc damus; Quia in sententia nostra omnis actus Dei liber duo tantum involvit: unum principale quod se tenet ex parte Dei: alterum quod ex parte creaturæ connotatur. Primum omni modo necessarium ideoque immutabile est, utpote in complacentia omnium possibilium formaliter simplici, virtute tamen seu potentia ad omnia quæ placuerit causanda efficace, consistens: alterum licet in se absolute sit contingens, ipsa namque creatura, vel potius causalitas à qua pender; ex modo tamen quo connotatur, necessitate quandam & immutabilitatem induit. Connotatur enim ut existens, pro determinato quidem tempore, non tamen ut præsentī determinatè, sed vel tali, vel præterito, vel futuro, indeterminatè seu disjunctivè. Sicut autem quidquid existit, ex hypothesi quod existat, necesse est existere pro præsentī tempore: ita & pro alio, vel futurum, vel præteritum esse. Neque hæc etiam ex eadem hypothesi aliter se habere seu mutari unquam possunt. Quapropter & connotatum quatenus connotatur, nunquam potest mutari. Totus igitur actus Dei liber immutabilis existit.

Explicatur amplius hæc immutabilitas ex parte Dei.

Constat magisque declaratur ex dictis disp. 3. c. 5. à num. 20. Quòd Deus habet necessariò hunc actum, *ex nunc Eternitatis volo omnia qua unquam factururus sum sub conditione tamen mihi libera faciendi*: unde ibi intulimus Deum omnia quæ in tempore facit, voluisse ab æterno. Jam verò ad particulam *ex nunc Eternitatis*, addamus & *in æternum seu semper*, & hanc particulam divinæ voluntati æquè intrinsecam & necessariam asseramus quàm priorem: ac pariter concludemus, Deum omnia quæ unquam facit, velle semper sive in æternum, & per consequens immutabili-

ter

ter velle; salvâ tamen libertate, cum conditio sub qua vult, sit potestativa & libera utpote actio externa, quam esse Deo liberam ostendimus disp. i. cap. 7. Porro hanc etiam particulam addi, aut certe in priori subintelligi debere, eadem evincit actualitas, infinitas, plenitudo divinæ perfectionis, quâ loco ante citato persuasit, ut illam priorem in voluntate Dei necessaria involveremus. Ob illam nimirum actualitatem & plenitudinem, quidquid Deo conveniens, ideoque possibile est, id omne non solum ei tribuendum, sed etiam, quantum paritur libertas, necessarium astruendum: Volitio autem cum determinatione ad omne tempus, Deo conveniens, ideoque possibilis est, & dummodo sit potestativè conditionata, quàm optimè cum libertate consistit: ergo

Si dicas in hac ipsa explicatione aliquam divinæ voluntatis mutationē involvi; Deus enim *ab æterno, & in æternum* non vult omnes creaturas ut præsentēs determinatè, sed ut ante diximus, vel quâ tales vel quâ præteritis aut futuras disjunctivè: pro tempore autem quo actu existunt vult eas præsentēs determinatè, sicut & pro priori determinatè futuras: Ergo vult eas aliter quàm ab æterno. Respondeo negando assumptum. Est enim eadem *Eadem voluntas* formalissimè voluntas, quâ Deus quid vult pro uno tempore præsens, pro altero ut præteritum vel futurum. Nam omnes hæ denominationes in unico motu ad extra, sive causalitate fundantur, qua Deus certo tempore creaturam producit. Per eam namq; morum, sicuti pro tempore quo rem causat, facit eam præsentem, ita & pro priori futuram, pro posteriori præteritam reddit. Per unicam autem causalitatem unica tantum voluntas determinatur, ut infra pluribus dicetur num. 30. Exemplum satis aptum habemus in Dei voluntate quâ nubes v. g. medio in aëre suspendit: ab hac enim non differt voluntas quâ easdem terrâ superiores, Lunâ autem inferiores decernit, sed est una eademque voluntas sub connotatis diversis. Communiter quoque Theologi, ut ad eandem revelationem fidei, ita etiam ad idem iudicium intellectus divini, pertinere volunt Nativitatem Christi annis abhinc 1648. præsentem, & futuram tempore diluvii, jamque præteritam Innocentio X. Ecclesiam gubernante, idque ob eandem rationem. Similiter unica Dei voluntas, connotatis solum diversorum temporum differentiis, rem eandem præsentem, futuram, præteritamque constituit. Ad probationem dico indeterminationem quæ ibi allegatur non pugnare cum determinatione adjuncta: etsi enim in eadem volitione concurrant, non tamen secundum idem. Nam indeterminatio ex solo se tenet volendi modo, ut hic Deo intrinsecus ac per se necessarius est: determinatio verò ex parte connotatorum extrinsecorum & contingentium. Unde solum sequitur connotata aliter se habere in tempore, quàm ab æterno, non autem volitionem.

K k 3

Hinc

17.

*Demum phy-
sice muta-
retur si
inciperet
aut desi-
neret
velle.*

Hinc primò resolvitur quæstio, hoc loco ferè ab omnibus agitari solita; An Deus non alteri tantum imperfectioni, de qua suprà, sed physicæ etiam mutationi, sibi que intrinsecæ, foret obnoxius, siquid inciperet aut desineret velle? Respondeo enim conformiter ad jam dicta, Deum eo casu physicè intra se mutandum. Quia non potest absque sui mutatione physica & intrinsecæ, carere perfectione quam secum physicè, & quidem necessariò, identificat. Atqui in casu proposito, tali aliqua perfectione cum destitui oporteret; illa nempe volitione necessaria & conditionata, de qua paulò ante. Hac enim voluntate servata, & supposito quoddam volibile aliquando existat, non potest Deus non semper illud velle. Eodem igitur casu Deus non esset is physicè qui jam est; nisi fortè in connotatum mutationem rejicias, idque quod aliquando existere supponis, facias nunquam existere. Tunc namque Deus idem manens qui est, idem velle desineret: quia desineret connotatum, quod licet sit extra Deum, liberam tamen ejus volitionem quidditativè ingreditur. Sed posterior hypothesis nimis aperte impossibilis atque chimerica est: ut scilicet id quod semel pro aliqua temporis differentia existentiam habet, eam pro omni differentia excludat; haud minus, quàm si universalem negantem cum particulari affirmantem connectas.

Expeditur secundò difficultas suprà tacta num. 2. ad objectionem 2. Neque enim ad vitandam levitatis solius aut inconstantie notam divina volitio antecedit & sequitur existentiam temporalis objecti: sed ob physicam necessitatem, quam nulla temporum objectorumque diversitas mutare queat; quamvis alioquin solius levitatis vitio facile posset occurrere.

*Quomodo
Æterni-
tas odii
erga pec-
catorem,
nò pugnet
cum Ami-
citiâ erga
eum postea
justum.*

Verùm haud ea est hæc necessitas, quæ quidquam detrahat de sinceritate amoris erga justificatum, vel erga justum in peccata lapsum præsens odium cum amore confundat. Quia si ad spectemus quod prædicta necessitas dicitur ex parte Dei, est quidem per se ad amandum vel odio habendum sufficiens: haud tamen ad alterum determinatum sed indifferens ad utrumque quodque solus effectus, sive objectum, extrinsecè determinet. Si verò eandem necessitatem expendamus ex parte effectus sive objecti: tota amoris odii que perennitas quæ hinc nascitur, in gratia vel peccato aliquando præsentem fundatur; unde se per esse futurum, vel præteritum, in totam Æternitatem, respectu voluntatis per eam durantis, extendit. Cum igitur inter contraria non sit pugna præsentium cum futuris aut præteritis, sed cum solis præsentibus: hinc fit ut ex his solis divini amoris odii que repugnantiam æstimare debeamus. Porro considerando præsentia, in ordine ad Deum invenimus omnia pacata atque amica homini justo, nihil hostile ac inferum. Quod verò nunc etiam Deus oderit peccata ejus præterita vel futura,

ita in

ra, in determinationem tantum præteritam vel futuram referendum: quæ eo ipso quod præterierit vel nondum evenierit, nihilq; odiosum pro præsentis reliquerit, pro præsentis quoque non nocet. Pari ratione discurrendum de odio peccatoris præsentis, comparato cum amore ejusdem aliis in gratia constituti. Et Arriaga quidem simili quapiam ratione huic tandem difficultati satisfacere conatur: sed eo ex capite difficilius, quod casibus prædictis, præsentem etiam determinationem odii vel amoris, licet ex futuro vel præterito ortam, Deo adequatè intrinsecam præsupponat. Cum autem hæc nequeat deponi ex animo, non apparet quâ ratione affectus contrarius subire eum possit, aut certè perfecta reconciliatio peccatoris iniri. At in sententia nostra nihil prorsus, si propriè loquamur, ratione novæ gratiæ vel peccati debet Deus ex animo deponere: quia nihil ratione status contrarii suum intra animum, ut sic loquar, id est sibi intrinsecum admittit. Sed iis quæ semper ac necessariò intrinseca sibi habuit ad utrumque sufficientibus, debent sola extrinseca determinantia variari. Id autem circa omnem peccatorem conversum contingere, ostendimus supra disp. 3. c. 6. n. 30.

Tertiò hinc constat, quomodo Deus licet sit immutabilis, eadem tamen libertate quâ semel quid vult, semper velit. Nam tota hæc immutabilitas nullam specialem determinationem importat intrinsecè in Deo, neque temporalem neque æternam: sed aliquam tantum Deo extrinsecam, ab ipso quidem dependentem, sed formaliter positam in solis creaturis. Quare Deus tam in tempore quàm ab æterno, omnem suam indifferentiam, quam dicit libertas, semper in se servat. Quamvis verò, quando extrinsecè se in tempore determinat, ea determinatio pro tota æternitate sit rata, ut per suum esse, sive præsens, sive præteritum aut futurum, haud aliter denominet Deum determinatè ab æterno volentem, quàm si & ipsa foret æterna: tota tamen hæc determinatio non est nisi consequens, quippe quæ in ipso formali exercitio libertatis consistat: non antecedens. Notum porro est, quomodo sola determinatio antecedens, non autem consequens, præjudicet libertati. Imò cum tota hujus extrinsecæ determinationis perpetuitas, ut per esse præteritum vel futurum Æternitatem implet, ab esse aliquando præsentis radicem formaliter trahat: haud magis ab æterno libertati incommodat, quàm faciat pro præsentis.

Haud tam facilè immediata libertas, quam Deus in tempore circa creaturas exercet, defenditur in eorum sententia qui determinationem libertatis ponunt adequatè intrinsecam Deo. Jam enim ex parte Dei, per totam æternitatem, determinatio aliqua antecedit, ex cuius suppositione volendum est Deo, quid quid vult, & id omne quod facit, faciendum. Valde

7.

*Æternitas
actus
Dei nihil
officit
eorum
libertati.*

*Id non tam
facilè ex-
plicatur
in senten-
tia oppo-
sita.*

de

de quidem probabiliter respondetur, suppositionem hanc non esse antecedentem sed consequentem: utpote in ipsa divinæ voluntatis ac determinationis æternitate inclusam, quæ indivisibiliter omnia ambit tempora; ut idem illi sit determinari aliquando & semper. Nihilominus cum Æternitas non sit indivisibilis instar nostri instantis, sed temporum omnium tam realium quàm possibilium tractui æquivalet: manet adhuc difficultas de determinatione, atque adeò necessitate; antecedente æquivalenter. In nostra verò sententia tota cessat, in qua nulla determinatio Deo adæquatè intrinseca causalitatem creaturarum antecedit: illa verò extrinseca quæ in causalitate creaturarum fundatur, apertissimè consequens est, sive formaliter secundum esse præsens, sive æquivalenter secundum esse futurum consideretur. Futurum quippe, licet tempore præsentiam præcedat, naturâ tamen eam consequitur.

CAPUT II.

An Deus possit efficere in tempore, ut ab æterno quid volueris vel noluerit.

VI.

*Ratiom-
vendit hæc
questionē*

EX priori quidem capite constat, Deum non posse in tempore decreta sua refrigere, id quod prius voluit nolendo, aut contrâ, pro eodem scilicet tempore & loco quo voluit. In eodem quoque capite, & tota ferè disputatione tertia, illa jecimus fundamenta, ex quibus quæstionis hujus resolutio videatur cuipiam absque magno negotio posse deduci. Cum enim actio divina quæ ponitur in tempore, sit connotatum intrinsecum, & quædam veluti pars illius complexi, quod velle Dei liberum quantumvis æternum importat: non videtur ambigendum, quin Deus qui in tempore agit, aliquid etiam efficiat, quo saltem ex parte, ab æterno liberè velit. Quia tamen de Deo atque divinis circumspicere loquendum, & hic præsertim scopuli quidam vicini saltarum aut improbabiliū, opinionum declinandi: utrumque ut fiat, assertiones aliquot veluti regulas tradam.

*Regula 1.
illam ra-
solvendī,*

Primò igitur; Nunquam Deus in tempore quid efficit, quo tunc primum velit quidquam aut nolit. Quia nihil quod æternum est incipit in tempore: ut autem ostendimus disputat. 3. cap. 5. omnis volitio vel nolitio divina est æterna, ubi etiam solvimus quæ ex nostris principiis opponi possunt. Sic autem declinamus propositionem quandam Petri de Rivo, quæ malè olim audiit in Academia Lovanienſi, ideoque delata est cum sex aliis ad Sixtum IV. ut refert Cardinalis de Lugo disp. 26. de Incarnatione sect. 6. n. 72. Est autem hæc; *In Deo non est velle intrinsecum, quo*

prinſ-

prinsquam res producat determinetur ad eas producendum, nec per velle intrinsecum eas producit, dum actu producit. Videtur desumpta ex Aureolo à nobis citato & refutato disp. 2. cap. 4. Quamvis autem Lugo innuat, eam non fuisse à Romanis notatam aut retractari iussam, sed quinque alias, quæ præscientiam & prædictionem futurorum contingentium concernunt: rectè nihilominus à Facultate Theologica Lovaniensi correctæ est in hunc modum: *In Deo est Velle intrinsecum, quo determinatè voluit ab æterno, prinsquam mundus fieret, res producere, quas erat ad extra producturus, & per quod effectivè eas producit; dum actu producit.* Cui propositioni, per omnes hngulasque particulas; consonat nostra sententia. Declinamus item propositionem quandam Silvestri, quam Didacus Ruis gravis Author disp. 16. de Voluntate Dei, sect. 5. n. 1. improbabilem ac periculofam cenfet, *quod voluntas Dei maneat prorsus indifferens usque ad illud instans temporis, in quò creaturas liberè producit.* Juxta nostram quippe sententiam, æterna divinæ voluntatis determinatio (quamvis non sit adæquatè intrinseca) instans illud quo effectus producitur, duratione præcedit.

*Nihil fit
in tēpore
cur Deus
tunc pri-
mū quid
velit.*

Deinde, nihil Deus in tempore efficit, quo ab æterno quid voluerit aut noluerit, quoad vitalitatem, vel etiam determinationem, extensionem, aliamve habitudinem Deo purè intrinsecam. Quia sæpius diximus, quidquid Deo intrinsecum est, quocunque nomine appelleretur, maxime necessarium esse atque independens, non solum in genere causæ efficientis, sed etiam objectivè specificantis & moventis, ut videre est disp. 1. c. 3. & disp. 2. c. 2. & 3. frustra igitur ad illud se haber quævis temporalis causalitas, sive creaturarum, sive ipsius etiam Dei. Potest quidem temporalis causalitas offerre Deo objectum quod amet vel o derit: ut illa quæ Deus ipse gratiam in iusto, vel quæ homo in seipso peccatum causat: sed non potest, ne dicam causa (quod nulli Theologo in mentem venit) vel conditio vel occasio esse, cur aliquid intrinsecum, quantumvis per voces extensionis, habitudinis, effectus formalis, vel aliter, diminutum, divinæ voluntati accedat vel decedat. Ad loca prius citata, addi poterunt quæ diximus disp. 2. cap. 5.

*VII.
Altera
regula.*

Tertiò; Efficit tamen Deus in tempore ut ab æterno quid voluerit absolutè, liberè, efficaciter in actu secundo. Quia ut tota disputatione tertia probare atque defendere conati sumus, denominationes istæ non sunt purè intrinsecæ Deo, sed extrinsecam aliquam formam Majestati ejus addunt; nec aliam per se loquendo, quàm causalitatem divinam. Cùm ergo Deus hanc in tempore efficiat, consequens est ut denominationem quoque inde resultantem compleat in tempore. Cur autem & quomodo hæc

*Tertia
regula.*

denominatio, licet à temporali aliquo pendeat, sit ac esse debeat æterna, fatis diximus disputatione illa tertia cap. 5. Hic solum addimus, hanc doctrinam non debere cuiquam in rebus divinis videri singularem; cum passim veteres ac recentes Theologi doceant, nos quoque actionibus nostris æternas quasdam denominationes Deo convenientes causare. Sic qui in tempore peccat est in causa cur ab æterno Deus eum peccaturum præviderit, & si in peccato moriatur, in causa etiam est cur eum Deus ab æterno præciverit, & reprobârit. Sic etiam multi electionem æternam ad gloriam, referunt in opera nostra ex gratia facta, tanquam in objectivam causam. Et quidquid fuerit de electione: dubitari saltem non potest, quin voluntas executiva gloriæ (quam Deus quoque ab æterno concepit, merita futura respiciat; adeo ut bene operando efficere possimus ut Deus aliquando velit, & per consequens æternum voluerit, nobis gloriam dare. Quod si actiones nostræ temporales id possint circa æternas denominationes actionum divinorum: quidni idem possint actiones propriæ ipsiusmet Dei? Quomodo cum hoc consistat effluxus & dependentia earundem actionum, ab ipsamet libera voluntate quam complement, explicavimus disp. 3. c. 8.

VIII.

Quod si objicias; Circa præteritum non datur potentia: atqui omnes volitiones divinx, eo ipso quo æternæ, sunt pridem præteritæ; Respondere inprimis potest negando minorem. Quia præteritum non tantum dicit durationem præcedentem, sed etiam negationem præsentis: volitiones autem divinx ita durarunt antecedenter, ut adhuc pro præsentis durare pergant, & in perpetuum sint duraturæ. Imò eadem formaliter est earum duratio antecedens, quæ præsens & secutura: ut hoc etiam nomine quidquid potueris circa volitionem præsentem, idem circa antecedentem possis. Sed hanc responsionem, quamvis veram, dissimulando, ne absque necessitate, Æternitatis abyssum ingredi debeamus, expeditius & clarius distinguetur Major; Ad purè præteritum non datur potentia, concedo: ad præteritum quod simul connotat vel includit futurum, nego. Esto autem, Actus divini aliqua ratione præteriti dici possint: non tamen sunt purè præteriti, sed causalitatem futuram connotant vel includunt. Quæ fuit etiam responsio Doctorum Lovaniensium ad similem difficultatem propositam à Petro de Rivo, ut videre est apud Lugo supra; ubi in exemplum purè præteriti adferunt *Adam fuit*, præteriti verò mixti, *AntiChristus fuit nasciturus*, & distinctionem hanc suam autoritate antiquorum, ut

Petri de Tarantasia & Alberti Magni, confirmant.

CAPUT

CAPUT III.

*An Dei voluntas circa aliqua objecta possit
se habere negativè ?*

Sensus est , An possit eâ ratione omnem suum actum circa creaturas suspendere, ut vel eas omnes, vel aliquas earum, nec velit nec nolit: non quidem cum vicissitudine temporali, quam per immutabilitatem à Deo removimus cap. primo : sed constanter & per totam æternitatem? Suaderi alicui posset pars affirmativa his argumentis. Voluntas potest se habere negativè circa bonum finitum ac malo permixtum: non enim determinatur ad id volendum quod proponitur ut malum: neque ad id nolendum in quo boni ratio ad amorem sufficiens apparet: potest igitur cessare ab utroq; actu. Atqui omne bonum creatum est finitum & malo permixtum. Confirmatur. Quia experientia constat, quòd ipsi interdum circa talia objecta suspendamus omnem actum : quanto magis id poterit Deus; cuius libertas non est minor quàm nostra? Deinde non est ratio cur quis in alterutram partem necessariò se occupet circa bona & mala quæ novit sibi non posse quidquam prodesse vel obesse : Ita autem se habent creaturæ respectu Dei, testante Prophetâ, *Dixi Domino, Deus meus es tu, quoniam bonorum meorum non eges.* Tertiò, potest Potentia Dei executiva suspendere omnem actum circa creaturas : ergo & voluntas ejus libera. Hæc enim, ut diximus disp. 1. cap. 8. est formaliter eadem cum divina potentia.

Nihilominus sententia quæ suspensionem illam negativam Deo possibilem negat, est communis & vera. Tenent eam Vasquez in 1. p. disp. 79. à n. 17. Suarez in Metaph. disp. 30. sect. 9. n. 59. & alii omnes qui hanc quæstionem tractarunt. Difficilius eam probant qui actus Dei liberos explicant per habitudines vel denominationes adæquatè intrinsecas Deo: cum enim hæc ex communiori illorum sententia nullam perfectionem Deo addant & alioqui liberæ sint : cur Deus pro suo arbitrio eas omittere non possit? Haud aliam causam reddunt Theologi, cur possit Deus nullas unquam creaturas producere, quàm quòd absque illis ipse sibi sufficiat, ut se solo beatus Æternitatem totam degat. Eadem autem causa locum habet in illis habitudinibus : quæ magis quidem sunt intrinsecè Deo quàm creaturæ: haud magis tamen eum perficiunt. In nostra verò sententia ratio est in promptu. Ersi enim nulla perfectio accedat Deo per volitionem, vel nolitionem liberam cujuscunque creaturæ : magna tamen Dei perfectio

est posse liberè velle vel nolle objecta creata. Absque hac potentia, Misericordiae, Liberalitatis, Benignitatis, Justitiae, aliarumque perfectionum gloria Deus careret. Illa portò potentia in principiis nostris tam propè ad actum secundum liberè volendi vel nolendi accedit, ut nihil prorsus desit præter extrinsecum connotatum objecti contingentis, quo actus liberi terminentur. Id autem nunquam deest aut deesse potest. Vel enim quid producitur à Deo, & sic est objectum volitionis: vel non producitur, eo-que ipso terminat objectivè nolitionem, nullo alio superaddito quod vel solà ratione cum fundamento distinguas.

Sed dices: Immenfitas & Aeternitas Dei haud minùs sunt completæ in ordine ad actum secundum præsentiae cum loco vel tempore, quàm voluntas divina ad actum volendi vel nolendi: nihilominus possunt vel aliquando, vel etiam semper, habere se negativè ad locum vel tempus: ergo & voluntas poterit se habere negativè ad contingens objectum. Confirmatur. Denominatio liberè volentis convenit in hoc cum denominatione præsentis, quòd ambæ sint partim intrinsecæ partim extrinsecæ Deo:

Differen-
tia quoad
hoc cum
Immenfi-
tate & a-
ternitate.
ergo etiam convenit in modo se habendi de quo hic agimus. Respondendo concessio Antecedente pro prima parte, & dissimulato pro altera, negando consequentiam. Ratio disparitatis: est quòd denominatio volentis sit intentionalis ideoque de se apta ut tam negationes quàm entia positivè respiciat. Neque enim minùs positivè ea cognoscimus & amamus quæ non sunt, quàm quæ sunt. Cum igitur si desint entia in quæ libera Dei voluntas extra se tendat, saltem addint eorum privationes: eadem voluntas, quæ ex sua parte est ad utrumque completa, saltem in illas feretur. Sed denominatio præsentis est purè realis, & in hoc similis Relationi prædicamentali, quòd terminum suum localem, vel temporalem, coexistentem requirit. Neque enim, propriè loquendo, dicitur quid præsens non entibus seu negationibus. Quia igitur non necessàriò extra Deum dantur realia spatia & tempora: ideo ejus Aeternitas, atque Immenfitas, non dicunt necessàriò aliquam præsentiam. Sic ante mundum conditum fuit Dei Aeternitas atque Immenfitas: sed neutra propriè loquendo fuit tunc alicui præsens: cum nihil extra ipsas fuerit. Unde etiam pater responsio ad confirmationem. Licet enim in uno sit paritas: in aliis tamen jam dictis magna disparitas est.

X. Respondi autem dissimulando alteram partem Antecedentis. Non enim est hic locus disputandi, an & quomodo Aeternitas, & immenfitas, coexistent spatiis vel moris imaginariis. Quam coexistentiam si in vero aliquo sensu Aeternitati & immenfitati tribuamus, negandum erit Antecedens pro altera hac parte. Nam si non coexistent tempori, vel spatio, reali, semi-

li, semper coexistent eruntque praesentes imaginario. Idque ad rem nostram magis accommodabitur, si cum doctis Recentioribus moras & spatia imaginaria nihil aliud esse dixerimus, quam negationes realium durationum & ubicationum possibilium: tunc enim Aeternitas & immensitas in hoc etiam convenient cum voluntate divina, quod nunquam purè negativè se habeant, sed si nulli termino reali, saltem ejus privationi praesentes existant: sicuti voluntas, siquando entia positiva extra Deum deficiunt, in privationes horum fertur.

Verùm contraria sententia admissa, prior ratio disparitatis procedit; aut admissio potius contrario loquendi modo. In re ipsa enim, quoad spatia vel tempora imaginaria, controversa esse vix potest. Quis enim est qui ultra possibilitatem aliarum ubicationum, vel spatorum, extra hunc mundum, aliud ejus spatii quod ibi imaginamur fundamentum cum ratione assignet? An autem dici possit Deum esse praesentem spatiis illis possibilibus, ad denominationem solam spectat. Nobis alibi visum, dici id congruenter non posse, haud magis quàm unum album denominari simile respectu alterius albi possibilis, aut quempiam in ordine ad filium possibilem denominari parentem. Sunt profecto aliquæ denominationes vel connotationes, quæ termino possibili non contentæ, a qualem ejus existentiam requirunt; ut similitudo, paternitas, & innumeræ alie: quas inter videtur etiam numeranda denominatio praesentis, haud minus quàm coexistentis. Nam aliquam sui cum altero coexistentiam praesentia includit.

An Deum
revera
possit
esse
praesens?

Confirmatur principalis assertio; Quodlibet est vel non est, nec datur medium: ergo circa quodlibet exercetur à Deo aliqua libertas: volendi quidem si id produxerit: nolendi verò si non produxerit; neque hinc etiam medium dabitur. Quoad productionem non potest hinc esse nova distinctas: sed circa non productionem difficile est quod tradit Granadus in 1. p. tom. 2. ad quaest. 25. disp. 7. sect. 3. negationem actualis existentiae, repositam in creaturis possibilibus, non provenire omnino propriè à Potentia activa Dei, sed ab ipsa essentia creaturarum. Hoc enim posito, non posset tam liquide & directè, etiam in principiis nostris, non productio rerum in positivam Dei voluntatem referri: nam poterit idem principium, quod non-existentia sequi. Sed oppositum longè verius existimo. Etenim creaturæ possibiles, licet de se non dicant, aut exigant, existentiam ac productionem: haud ideo tamen dicunt vel exigunt negationes earum; sed tam ab his, quàm ab oppositis formis, praescindunt, utpote ad utraque indifferentes. Debet itaque negatio productionis referri in aliam causam quàm in essentiam possibilem. Alia autem causa assignari absolute non

Confirmatio
assertionis
ex primo
principio

potest quàm potentia Dei, atque adeò voluntas: quam sæpe diximus esse formaliter eandem cum potentia. Nolationem autem positivam, non in præcisione productionis constituimus: sed in negatione seu privatione. Cum autem sic cætera sint paria, pariter etiam, tam in ordine ad negationem: quàm ad oppositam formam, de actu positivo divinæ voluntatis sentiendum.

XII.

*Solutio-
sur obje-
ctiones.*

Ad primum argumentum initio propositum, applicanda est responsio quam ad simile dedimus disp. i. cap. 6. n. 35. ad primam objectionem: admittendo scilicet necessitatem hanc positivè volendi, vel nolendi, dummodo adsit objectum, non provenire ex hujus parte, quasi objectum vi suæ bonitatis, aut malitiæ, id à Deo evincat, ut necessariò ipsum velit vel nolit. Provenit tamen aliunde, videlicet ex plenitudine & illimitatione subjecti, ut pluribus ibi dictum. Quam illimitationem quia non habet voluntas creata, idcirco potest illa forsitan, circa objectum sufficienter propositum, puram omissionem liberè exercere. Et sic etiam satisfactum est ad Confirmationem: excepto quod insinuat de libertatis excessu, de quo paulò post. Ex eadem quoque illimitatione divina respondetur ad alterum argumentum. Hæc enim sola est, quæ sicuti intellectum divinum circa omne scibile, ita & voluntatem circa omne volibile occupat: non autem utilitas, aut aliud momentum, creati objecti. Si tamen occupationis verbum aptè & propriè in Divinis usurpare possimus: quod plerumque animum districtum & ab aliis impeditum importat. Ob similem infinitatem, non autem ob aliquam sui indigentiam vel utilitatem, sua Deus Æternitate & immensitate omnia nostra tempora implet, spatiaque pervadit. Ad tertium, concessio Antecedente de actu verè positivo, nego consequentiam & paritatem. Actus namque Omnipotentia est adæquatè extrinsecus Deo. Cum igitur omne ens positivum possit extra Deum suspendi: poterit etiam hic actus. Alia est ratio in actu voluntatis liberæ, qui inadæquatè, & quidem potissima sui parte, à qua volitionis denominationem sortitur, est Deo intrinsecus: nihil autem intra Deum potest suspendi. Neque his obstat formalis identitas utriusque potentia: hæc enim non est identitas adæquata, sed includentis & inclusi; ut ne eritò utriusque actus distinguere possimus. Videantur dicta loco prius citato.

XIII.
*Volitio
divina
non est li-
bera quo-
ad solum
exercitiū*

Ex dictis sequitur, non dari in voluntate divina libertatem quoad exercitium, sed tantum quoad specificationem. Priorem enim vocamus quæ versatur inter actum & suspensionem actus, & dici etiam solet libertas contradictionis; actus namque, & suspensio sive negatio ejus, opponuntur contradictoriè. Altera verò est quæ inter actus specie, aut quasi specie diversos, imò contrarios intercedit: unde etiam dicitur libertas contrarietatis.

rietatis. Porro Deus non potest actum suæ voluntatis purè suspendere: sed vice unius debet semper alterum oppositum subrogare, nempe pro volitione alterius mundi nolitionem positivam ejusdem. Cumque in hoc Theologi conveniant, in illo discrepant; An Dei voluntas cui negatur libertas quoad exercitium, dici debeat minus libera quàm voluntas creata, cui præter alteram hæc etiam conceditur?

Respondent Suarez & Vasquez, libertatem divinam esse idcirco minorem extensivè quàm sit creata, quia illa non ad omnes species libertatis se extendit ad quas hæc: esse tamen infinitè majorem intensivè, quia infinitè perfectior est. Sed Granadus in 1. p. tom. 2. tract. 2. disp. 7. libertatem divinam, ne extensivè quidem creatæ concedere, eaque minorem esse, contendit. Quia quod à potentia aliqua excludit imperfectionem, non minuit potentiam, ne quidem extensivè. sic enim non est minus libera, etiam extensivè, Dei voluntas, quòd nequeat peccare, quàm creata quæ id potest: quia scilicet non est perfectio sed defectus voluntatis, posse peccare. Atque libertas contradictionis, in voluntate cui convenit, imperfectionem supponit. Videtur esse quæstio de nomine. Nam quidquid est reale utraque pars admittit, scilicet libertatem divinam esse perfectiorem quòd imperfectionem contradictionis excludat: creatam verò saltem materialiter circa plura vertari. Distinctio Suarez & Vasquez est satis commoda ad rem explicandam: sed modo loquendi quem tenet Granadus favent plures ex Patribus, agentes de libertate excludente peccatum; ut videri potest apud Ruiz de Voluntate Dei disp. 8. sect. 2. Illos inter Augustinus in Enchiridio c. 105. de futura beatitudine differens, *multo liberius*, inquit, *eris arbitrium, quod omnino non poterit servire peccato.*



CAPUT IV.

*An & quomodo prater volitionem efficacem detur in
Deo volitio libera & ineffi-
cax ?*

XIV.

*Quid vo-
luntas
efficax?*

Voluntas efficax sumi potest dupliciter: vel in actu primo pro ea quæ habet virtutem efficiendi quod vult : vel in actu secundo pro illa quæ infallibiliter id facit. Utrovis modo sumatur, in nulla sententia efficax Dei voluntas liquidius exponitur quàm in nostra: ubi in actu primo ipsammet dicit Omnipotentiam Dei, & in secundo efficientiam ejus seu operationem involvit: cum juxta alias opiniones differat formaliter ab Omnipotentia, ideoque nihil per se immediatè operetur, sed Omnipotentiam tantum, vel alias etiam causas, ad operandum applicet. Quia autem voluntaria operatio Omnipotentis impediri frustrarive nullatenus potest: manifestum quoque apud nos est, quomodo voluntas Dei efficax impediri nequeat sed semper impleatur : ut docet D. Thomas 1. p. q. 19. a. 6. ceterique Theologi consentiunt. Quomodo item, ut testatur Scriptura Elther 13. v. 9. & ad Rom. 9. v. 19. divinæ voluntati, videlicet efficaci, nemo possit resistere: quis enim resistat actioni Omnipotentis? Quomodo denique Deo volenti nihil sit difficile : ut namque breviter & nervosè ait S. Ambrosius l. 2. Hexameron cap. secundo. *Quid difficile ei cui velle fecisse est?*

*In actu 2.
sæpè Deo
est libera.*

Satis quoque hinc constat voluntatem Dei, quamvis ut efficax in actu primo, penitus necessaria sit, sicuti ipsa Omnipotentia Dei, eam tamen ut est efficax in actu secundo, semper liberam esse: ut enim ostendimus disp. 1 cap. 7. omnis operatio ad extra Deo libera est. Sed tum in omni sententia, tum præsertim in nostra, valde controvertitur, an è converso detur in Deo

*An è con-
verso o-
mnis ejus
voluntas
libera sæ-
pè effi-
cax sit?*

volitio libera quæ efficax non sit? Basilus Legionensis alique Theologi, citati ab Herice disp. 17. cap. 3. n. 45. & 50. universim id negant de voluntate formali. Fundamentum Basilii est, quòd nihil possit dari absque eo quod in sui ratione essentiali includit; Atqui omnis volitio Dei libera & formalis in ratione sui essentiali includit divinam operationem seu efficientiam. Idem ex alio principio infra proponendo negat: Recupitus tom. 2. in 1. p. l. 2. q. 10. n. 9. Alii verò volitiones Dei liberas, nec tantum virtuales, sed etiam formales, penitus inefficaces admittunt: ut Recentiores ferè omnes qui eas adæquatè Deo intrinsecas tuentur. Quos inter Carmelitæ Salmanticenses, veritates contingentes & conditionatas de quibusvis objectis possibilibus, quantumvis disparatis & cum nullo effectu præ-

præfenti connexis, referunt ad actus liberos voluntatis divinæ v. g. quot homines essent futuri in altero mundo si crearetur, quæ inter eos connubia, quæ fœdera, quæ bella? Ut apud eos videre est disp. 9. de scientia Dei dub. 5. num. 78. collato cum num. 60. Sed Joannes à S. Thoma tom. 1. in 1. p. disp. 20. art. 2. & tom. 2. disp. 5. art. 7. actus Dei liberos adeò disparatos, & à rerum præfentium gubernatione remotos, nec affirmat nec negat. Plures verò recentiores, qui actus Dei liberos penitus inefficaces admittunt, non patiuntur eos tam latè & in infinitum vagari: sed intra rerum aliquando existentium statum providentiamque constringunt.

Pro resolutione, ex disp. 1. c. 7. n. 44. recolenda distinctio libertatis in *Immediatam* & *Mediatam*. In quam ferè coincidit aliorum modus loquendi, quo libertatem dividunt in *Formalem* quæ alicui conveniat ratione sui, & *Objectivam* quæ tantum ratione objecti. Præter exempla libertatis mediatæ ibidem relata, Theologi passim qui solis actibus Voluntatis libertatem formalem adscribunt, scientiam nihilominus divinam dividere solent in necessariam & liberam, & hoc nomen à mediatâ libertate, in objectis contingentibus suppositâ, derivare.

*liber-
tas imme-
diata &
formalis,
alia me-
diata &
objectiva*

Dico primò, Datur in Deo voluntas prorsus inefficax, & tamen mediatè sive objectivè libera. Probat, quia ut vidimus disp. citatâ num. 48. Dei voluntas quemadmodum necessariò amat cuncta bona possibilia, ita de iis jam productis necessariò gaudet, quod gaudium est prorsus inefficax (quippe quod objectum suum non faciat sed supponat) & tamen liberum mediatè; cum existentia cujuscumque boni creati quam respicit pro objecto, sit contingens & libera. Similiter admitti potest complacentia quædam in Deo circa omnia bona futura sub conditione, non quidem efficax & practica, per quam reddantur futura (qualem Salmanticenses supra citati, alique Thomistæ circa ea admittunt) sed pariter simplex & inefficax: uti & displicentia circa omnia ejusmodi mala. Cur enim futura sub conditione minus sint apta ad similem complacentiam vel displicentiam terminandam, quam purè possibilia, vel futura absolute? Hæc autem complacentia formaliter & quali subjective in se necessaria, est pariter libera objectivè: nam in ejus objecto aliqua semper libertas sub conditione exercenda supponitur. Ago autem præcipuè de conditionatis contingentibus: in necessariis enim, quod ad simplicem complacentiam spectat, eandem esse rationem quam in possibilibus, ferè omnes agnoscunt.

*Libertas
mediata
potest esse
inefficax.*

*Circa bo-
na condi-
tionata
datur in
Deo com-
placentia
simplex.*

Dico secundò. Nullus datur in Deo actus immediatè sive formaliter liber, qui non sit efficax aliquatenus, sive ad minimum, circa aliquod sui objectum. Est omnium Authorum nostræ sententiæ de formali libertate

XVI.

M m

divi-

Notandum, Recentiores eos hîc non parum laborare, qui docent di-
vinam voluntatem posse se liberè ac purè intrinsecè determinare circa om-
nia isthæc objecta conditionata, quantumvis remota à præsentî rerum
gubernatione: non tamen id facere, sed negativè circa illa se habere. Quo-
modo enim id conciliant cum eo quod alibi tradunt, divinam volunta-
tem, propter sui illimitationem, non posse circa aliquod objectum su-
spendere omnem actum: cum hîc id faciat circa tam multa & infinita?
Haud minor sanè seipso est Deus circa purè conditionata, quàm circa
numquam futura. Si autem perfectio ejus illimitata evincat, ut circa nul-
lum horum possit omni actu voluntatis vacare: idem circa illa obtinebit.
Dicunt quidem otiosam fore in Deo tam infinitam multitudinem libe-
rorum actuum, qui rerum aliquando existentium statum non concer-
nunt. Sed non est in Deo otiosa omnium conditionatorum adeò multi-
plex scientia: cur erit otiosa correspondens voluntas? Nos quidem, quo-
rum providentia certis limitibus circumscribitur, non nisi inutiliter, atque
otiosè, ultra illos curas nostras porrigimus: sed divinæ Providentiæ undi-
que infinitæ id maximè convenit, ut nihilejus capax, eandem prætereat.
Atqui juxta prædictam sententiam, non tantum singula ex futuris purè
conditionatis, sed simul etiam omnia, alicujus dispositionis positivæ cir-
ca se capacia sunt. Debet ergo Deus in alterutram partem aliquid statuere
de iisdem; ne quid positivum atque intrinsecum, alioquin possibile, ipsi
defit. Alia est ratio in sententia nostra, in qua liber circa purè conditiona-
ta affectus aliquid Deo extrinsecum, cum quo connectatur, requirit.
Constat quippe ex sæpius dictis, quòd quæ sunt Deo extrinseca, causari
omnia non debeant, imò nec possint, sed libero Dei arbitrio relinquantur.

Dico secundò. Non omnis tamen actus Dei liber est efficax circa om-
nem partem sui objecti. Ita Vasquez 1. p. disp. 82. c. 2. Granadus tom. 2. in
1. p. tract. 4. disp. 4. Arubal disp. 60. c. 2. & Herice disp. 17. c. 3. Qui omnes
pro exemplo adferunt voluntarem, quâ Deus vult omnes homines salvos
fieri, ut ait Apostolus primæ ad Timotheum 2. Hæc enim voluntas est li-
bera, utpote relata ad beneficium Misericordiæ divinæ, pro quo gratias
Deo agendas idem Apostolus paulo ante monuerat. Pro aliqua quoque
parte sui objecti respicit omnium salutem, ut ex verbis constat. Non est
tamen efficax respectu salutis omnium, cum multorum salus non sortia-
tur effectum. Conatur quidem Basilii Legionensis, quem suprâ citavi-
mus pro opposita opinione, vim hujus argumenti enervare: tum adductis
aliis explicationibus verborum Apostoli, quas ex Augustino refert D.
Thomas 1. p. q. 19. a. 6. in primo argumento: tum per voluntatem virtua-

xviii.
*Difficul-
tas hic est
in quo-
rundam
sententiâ*

*Cessat in
nostra.*

*Datur ta-
mē in Deo
et liberi
ex effica-
cia & in-
efficacia
mixti.

Exemplū
ex Apoſto-
lo 1. ad
Tim. 2.*

lem salutis omnium , contentam in voluntate formali mediorum quæ Deus pro omnibus præparavit. Sed Vasquez, Granadus, Arrubal, Herice, locis antea relatis, rectè ostendunt explicationes illas non congruere textui Apostoli , nec communiori sensui aliorum Patrum : ab ipso quoque Augustino videri adductas, non tam asserendo, quam referendo; cum alibi planum eorum sensum , in quo asseritionem nostram probant, apertè profiteatur. Nos quoque disp. 3. c. 7. num. 39. ostendimus , rationi multo conformius esse, ut media quæ Deus adhibet ad aliquè finem, non tantùm ex virtuali ejus amore , sed etiam formali , quamvis non semper efficaci, procedant.

XVIII.

Alia ex-
empla ex
Scriptura

Confirmatur ex aliis Scripturæ locis, quæ de eodem Dei affectu, aut alio simili non undique efficaci , testantur: ut Ezechielis 33. ubi Dominus jubet Prophetam sic alloqui domum Israël peccatricem , & de sua salute propemodum desperantem: *Vivo ego, dicit Dominus Deus: nolo mortem impiis, sed ut convertatur impius à via sua & vivat. Convertimini, convertimini à viis vestris pessimis: & quare moriemini Domus Israel !* Quibus verbis Dominus indicat, tantùm à se abesse ut Israël interitum velit : ut potius cupiat eum converti, eaque media offerat , per quæ servari possit; adeò ut quicumque ex eo perierit non Deo, sed ipse sibi id debeat imputare. Constat autem ex sequentibus , Israël nolente converti, illam Dei voluntatem, hac saltem ex parte, effectu caruisse. Expendi similiter potest illud Mathæi 23. *Quoties volui congregare filios tuos, quemadmodum gallina congregat pullos suos sub alis, & noluisti ?* Quæ Christum de sua voluntate, non humanà tantùm intellexisse, sed etiam, & quidem præcipuè, de divina, indicant præcedentia de Prophetis ab eo missis: eisdem enim à sapientia Dei, sive ipsomet Verbo, fuisse missos affirmat S. Lucas c. 11. v. 49. his verbis, *propterea & sapientia Dei dixit : mittam ex illis Prophetas & Apostolos.* Pluribus testimoniis omisiss, quæ apud Authores citatos videri possunt & Didacum Ruiz de Voluntate Dei disp. 19. & sqq. addam solum ex Apostolo 1. ad Thessalonicenses 4. *Hæc est voluntas Dei sanctificatio vestra ut abstineatis vos à fornicatione &c. & ne quis supergrediatur neque circumveniat in negotio fratrem suum.* Ubi expressè dicitur, objectum à Deo volitum non tantùm esse prævenientem aliquam gratiam, sed actualem etiam continentiam & justitiam: quâ tamen à quibusdam Thessalonicensibus fuisse neglectam dubitari vix potest. Et cur alioqui Deum quotidie rogamus, *Fiat Voluntas tua*: nisi quod Deus velle quid possit, quod aliquando non impleri contingat ? Rectè in hanc orationis domesticâ partem hæc scribit Cyprianus, *Non ut Deus faciat quæ vult, sed ut nos facere possimus quæ Deus vult. Nam Deo quis obstitit quæ minùs quod velit fa-*

lit faciat? sed quia nobis à Diabolo obfistitur quo minus per omnia noster animus atque actus Deo obsequatur, oramus & petimus ut fiat in nobis voluntas Dei. Ecce, ultra ea quæ facit Deus, aliquid ab eo in nobis volutum, quod tamen non fit, Cyprianus agnoscit.

Dices primò, ex testimoniis allegatis colligi quidem quod Deus habeat *voluntatem signi* quæ non impleatur: non autem quod habeat voluntatem inefficacem *beneplaciti*: Supponit autem hæc obiectio celebrem divisionem voluntatis divinæ in *voluntatem signi & beneplaciti*, quam tradunt Magister in 1. dist. 45. & D. Thomas 1. p. q. 19. a. 11. & 12. inque eum sensum, ut sola voluntas beneplaciti sit vera ac propria voluntas in Deo: voluntas verò signi non sit voluntas secundum proprietatem, sed tantum secundum metaphoram: qua solemus signo tribuere nomen signati. Respondeo negando assumptum pro secunda parte. Et si enim Deus circa illa obiecta, voluntatem signi habeat, nempe præceptum externum: non habet tamen eam vacuum, sed cum voluntate beneplaciti, quam designat, reipsa conjunctam. Absit namque ut dicamus Deum, impostoris instar aut mendacis, significare nobis suam voluntatem quam reipsa non habet: aut ita se gerere ac si omnium salutem vellet, suæque mandata à nobis impleri optaret, cum tamen nihil minus in animo habeat. Habet circa hæc voluntatem signi, quæ non est voluntas nisi metaphoricè: sed ut rectè D. Thomas a. 12. suprà citato in responsione ad 2. *potest metaphoricè, significari velle id quod propriè vult. Unde nihil prohibet de eodem esse voluntatem beneplaciti & voluntatem signi.* Antea quidem dixerat, *Deum posse significari metaphoricè velle id quod non vult voluntate propriè acceptà*: sed tam ipse quàm alii Doctores satis indicant eam significationem non se tenere activè ex parte Dei, quasi ipse aliquid à se alienum designet: sed ex parte hominum, qui signa divinæ mentis, ac voluntatis, in sensum semper verissimum à Deo data, non rarò in alienum imprudenti interpretatione detorquent: accipiendo v. g. id à Deo volitum absolute, quod tantum conditionatè volitum insinuavit. Facile esset id ostendere discurrendo per quinque signa voluntatis divinæ, *præceptum, prohibitionem, &c.* nisi digressiones non necessarias is scopus, quem hîc mihi proposui, non permitteret.

Quid voluntas signi & beneplaciti?

Dices secundò; Volitio divina circa illam partem obiecti, respectu cuius non est efficax, est tantum simplex complacentia, respiciens omnium salutem, aut pœnitentiam, ut purè possibilem: Atqui hæc complacentia non est Deo libera ut diximus disp. 1. c. 6. Respondeo negando Majorem; Nam circa illam etiam partem est complacentia mixta, respiciens eam non ut purè possibilem: sed ut possibilem ex vi causarum, seu mediorum,

XIX.

M m 3

præ-

*Difficiliū
Alitum
differētia
à Copla-
centiis
puris.*

præsentium quæ illius gratiâ præparantur. Neque enim actio quam ex effectus cuiuspiam complacentiâ Deus exercet, potest esse prorsus inutilis respectu illius effectus: sed si ipsum immediatè non ponat, debet saltem aliud quid ponere quod ad ejus existentiam conducat velut medium ad finem; si non ut medium proximum, saltem ut remotum, quodque secundum præsentem rerum ordinem, per ultteriores causas, vel conditiones, tandem ad effectum applicari contingat. Quòd porro possibilitas per media præsentia, multum differat à pura possibilitate, dubitari non potest. Hæc enim purè necessaria est, in ipsâ non repugnantia terminorum consistens illa est contingens & libera, mediorum existentiam superaddens terminis. Quid ergo miri, si & hujusmodi possibilitium complacentiæ multum differant, & hæc quidem libera, illæ verò necessariae sint? Quod facile applicabitur exemplo salutis omnium generatim volitæ à Deo. Voluit enim hanc juxta Apost. suprà citatum, & liberè voluit: quia ex ejus complacentiâ, media ad quemcunque salvandum sufficientia præparavit, ut Incarnationem, Sacramenta, doctrinam, ac præsertim gratiam internam: quæ omnia secundum ordinem rerum, tam naturalem quàm supernaturalem, facile cuilibet applicari contingit. Quis autem neget salutem sub illorum applicandorum conditione volitam, etiam in reprobis qui applicationis defectu nunquam salvabuntur, aliter volitam alioque in statu constitutam, quàm fuisset si intra terminos puræ possibilitatis constitisset?

XX.

Dices 3. Voluntas quæ Deus fertur in salutem omnium, dicitur communiter conditionalis, quòd Deus eorum salutem sub certis conditionibus velit. Ergo non est inefficax. Vel enim conditio, sub qua vult, in re ponitur, & sic clarum est quod consequatur effectum: vel illa non ponitur, & sic non minùs eum consequitur. Nam qui aliquid vult conditionatè, non vult idem si non ponatur conditio. Exempli causâ qui elicit hunc actum, *Volo hoc si Rex consenserit & non aliter*, habet simul hunc actum, *Nolo hoc si non consenserit*. Quando igitur Deus vult omnium salutem si per ipsos non steterit: simul illam non vult si gratiæ suæ desint. Cum verò huic desint qui non salvantur, hinc fit ut negatio salutis in iisdem, non solum non frustreretur voluntatem divinam de eorum salute, sed etiam sit juxta illam. Ita Recupitus suprà citatus num. 14. inde concludens, quòd in Deo omnis volitio libera sit efficax, & sic quòd dari non possit in Deo actus liber & inefficax. Sed licet ille discursus Recupiti optimè probeat voluntatem Dei liberam nunquam frustrari universim, sed siquid non fiat secundum unam ejus rationem, fieri saltem secundum alteram: non tamen probat, eam semper impleri secundum quamcumque rationem particularem. Contrarium enim demonstrant exempla pro assertione nostrâ allata.

*Fatendū
tamen vo-
luntatem
qua hinc
inefficax
est, inde
efficacem
reddi.*

lata. Quare nec probat, voluntatem eandem esse efficacem secundum omnem rationem liberam : etsi sit semper secundum aliquam. Unde nec obest nostræ conclusioni, ut ex ejus terminis patet.

Notandum, in voluntate Dei libera speciatim habere locum, quod de ejus Providentia universim cū D. Thoma 1. p. q. 22. art. 2. Theologifera-
dunt; nimirum divinæ providentiæ ita omnia esse subiecta, ut licet aliqua
deficere possint à particulari fine quem hæc intendit : nunquam tamen
possint se expedire ab ordine ejus universali, sic ut non pertineant ad al-
lium aliquem finem, quem ipsa quoque spectavit, saltem gloriæ Dei quæ
in Attributorum ejus manifestatione elucet. Sic etiam si quis effectus u-
nam veluti partem divinæ voluntatis conditionatæ subterfugit, sub alte-
ram cadit, si non volentis, saltem permittentis, aut etiam punientis.

*Cōmune
id omni
Providē-
tia Dei.*

Sed id præterea observandum ; Voluntatem conditionatam, licet ut-
tramque partem oppositorum complectatur, haud semper tamen id face-
re pari affectu & modo. In exemplo enim salutis omnium, ad unam par-
tem, quæ est ipsamet salus, ex complacentiâ ejusdem, auxilia gratiæ aliq;
media præparat : nihil verò partis alterius gratiâ operatur positivè ac per
se: cū Deo non placeat obstinatio & interitus peccatoris: sed permittit
tantum circa illam se habere. Unde ulterius fit, ut sicuti Deo placeat effe-
ctus salutis, ita & purificatio conditionis, sub qua ille ponatur, ei placeat,
exempli gratiâ Sacramentorum applicatio aut cooperatio nostra : quem-
admodum verò displicet obstinatio peccatoris, ita & conditio sub qua
eam permittat. Haud rectè igitur Author cujus argumento respondemus,
insinuat aut supponit, voluntatem divinam ex æquo impleri in utramque
partem, sive purificatâ conditione salutem consequamur sive non. Dum
enim hanc consequimur, voluntas Dei impletur purè atque ex omni par-
te, non Dei tantum ipsius, sed etiam creaturarū, omniaq; per se loquendo
sunt grata & placita Deo. Dum verò salute excidimus, Deus quidem suam
etiam voluntatem implet permittendo nostrum lapsum & puniendo: sed
nos eam non implemus, verum transgredimur & violamus, & totum hoc
est Deo ingratum, quamvis ei placeat sua permissio & vindicta. Videri po-
terunt quæ ex D. Augustino in hunc sensum adfert Magister in 1. distin-
ctione 47.

XXI.

*Non ta-
men u-
trunque
impletur
ex æquo.*

Maneat itaque, non omnem volitionem Dei liberam impleri atque
efficacem esse circa quodlibet suum objectum ; sed licet nulla derur quæ
non sit efficax circa aliquod objectum, dari tamen quasdam veluti me-
dias, atque ex efficacia & inefficacia mixtas, quæ circa partem sui objecti
deficiant. Quamvis iste efficacis defectus nullatenus tribui debeat aut
impotentia voluntatis, aut mediorum applicationi improvidæ sed sapient-
tuli-

*Defectus
eius non
Deo, sed
nobis ad-
scribitur*

tissimæ moderationi divinæ, ex quâ Omnipotens creaturis liberis, ideoq; defectibus, eas conversionis ac salutis suæ causas aptavit, quæ necessitatem non inferrent, sed relinquerent potestatem dissentiendi seu non utendi si velint. Ob quam conditionem, à Tridentino expressam sess. 6. c. 4. voluntas quâ Deus ejusmodi media confert dicitur communiter *conditionata*; à D. Thoma verò 1. p. q. 19. a. 6. *voluntas secundum quid*: opponitur verò voluntati *absoluta*, sic dictæ quod ab omni conditione efficaciam restringente soluta sit. Prior quoque voluntas ibidem à D. Thoma ex S. Damasceno dicitur *Antecedens*, quod eam Deus ex semetipso concipiat, juxta indolem quodammodo innatam miserendi omnium, iisque benefaciendi: cui opponitur *Consequens* voluntas, cujus rationem, præsertim in ordine ad mala, per nos ipsos præbemus.

CAPUT V.

*Qua voluntate Deus præparet creatu-
ris suum concu-
sum?*

*XXII.
Deus cum
omnibus
causis se-
cundis im-
mediatè
concurrit*

*Et quidè
eandem a-
ctionem cum
ipsis.*

*Id est, con-
cursus in
præpa-
randum.*

Suppono contra Durandum & Bernardinum à Dola (qui Durandi sententiam in scholis antiquatam, haud ita pridem renovavit) Deum cum omnibus causis secundis immediatè concurrere ad omnes effectus, non solum naturales, sed etiam liberos earundem: ut ex Scriptura, Patribus, ratione optimè probat Suarez, in Metaph. disp. 22. sect. 1. & contra Bernardini jam citati argumenta, ex eodem sacro Capucinatorum ordine breviter ac dilucidè defendit Ludovicus Caspensis tom. 1. Cursus Theolog. Tract. 4. disp. 5. sect. 3. Suppono præterea, illum immediatum Dei concursum esse eundem realiter cum actione creaturæ: hanc verò actionem ab agente & termino modaliter distingui. Quorum utrumque communior quoque in scholis opinio obtinet, & quoad partem priorem rectè etiam ostendit Suarez supra sect. 3. quoad alteram autem disp. 18. sect. 10. Suppono denique concursum divinum, non tantum debere exhiberi in actu secundo, sed etiam præparari causisque secundis offerri in actu primo. Hæ enim prius naturâ quàm agant, debent posse agere, & idcirco habere omnia prærequisita ad agendum: inter quæ est concursus Dei præparatus. Absque hoc foret, multo minus causa secunda, quamvis à cæteris omnibus instructa, quidquam agere posset, quàm homo sine oculis videre aut sine pedibus currere. Major quippe illius dependentia est à causa prima, quàm ab aliquo organo vel instrumento.

Quibus positis nascitur difficultas, tum in omni sententia, tum præsertim

tim in nostra quæ actus Dei liberos per aliquid Majestati ejus extrinsecum *Difficul-*
complet. Cum enim hæc præparatio sit Deo libera, requirit quoque ex-
trinsecum aliquid connotatum, quo compleatur. Non apparet autem *tas singu-*
quodnam illud sit. Dicit namque non potest, id esse ipsum Dei concursum *larius in ex-*
aliquando futurum: quia licet hic per modum connotati requiratur ad *ponendâ*
voluntatem liberam concurrendi in actu secundo: non tamen ad volun- *hac præpa-*
tatem præparandi concursum in actu primo. Quo tamen pacto causis se- *ratione.*
cundis præparari debet: tum ob rationem antea insinuatam de comple-
mento potentiz creatæ (quæ ratio habet locum in omnibus causis) tum
quia speciatim causæ liberæ debent concursum divinum habere præpara-
tum, non tantum in ordine ad actus quos aliquando elicient, sed etiam ad
alios sibi possibiles, quantumvis nunquam futuros. Nam debent consti-
tui in potestate indifferente ad utrumque oppositorum, licet alterutrum
tantum re ipsa possit fieri. Præscindendo autem à concursu aliquando
futuro, cætera omnia Deo extrinseca non videntur sufficere ut dicatur
suum concursum præparare: quippe quem iisdem invariatis denegare pro
libitu queat.

Pro resolutione notandum, Dei concursum in actu primo, posse crea- *xxiii.*
tur præparari tripliciter: primò restrictè ad solum ordinem connatura-
lem: deinde intra solam capacitatem obedientialem: tertio absolutè se-
cundum quemcumque ordinem seu capacitatem. Quando primo tan- *Triplici-*
tùm modo præparatur, tum potest in actu secundo præternaturaliter de- *ter potest*
negari: potest quippe Deus dispensare in connaturali ordine. Quando al- *præparari*
terò solum modo præparatur, tum quidem præternaturaliter exhiberi *Dei con-*
potest, sed simul potest, imò debet connaturaliter suspendi. Sed quando *cursum.*
tertio modo concursus addicitur, debet is omninò præstari quantum est
ex parte Dei, ita ut per illum stare non possit, ne præternaturaliter quidem
cur minus effectus sequatur. Quæ distinctio per tres sequentes conclusio-
nes applicabitur.

Dico igitur primò. Sistendo in ordine connaturali, concursus divinus *Quomodo*
in actu primo causis secundis sufficienter præparatur, per voluntatem di- *is præpare-*
vinam, connotantem omnia ex illarum parte prærequisita ad agendum, *tur connat-*
quodque eodem redivit, impedimenta sublata. Exempli causâ, oculo con- *uraliter.*
naturaliter præparatur concursus ad videndum, quando is rectè dispositus
applicatur objecto debitè illuminato: nec aliter est Deo voluntaria præ-
paratio prædicta, quam quatenus secundum voluntatem ejus est, oculum
ita disponere & applicare. Similiter intellectui Beatorum connaturaliter
præparatur concursus ad visionem Dei, eo ipso quòd lumine beatifico il-
lustratur. Connaturale enim & connaturaliter hîc non accipimus ut oppo-

N n

nuntur

TRACTATUS II.

in sup. naturali: sed ut idem sonant quòd *secundum exigentiam rerum*, qualescunque eæ fuerint. Non minus autem est secundum exigentiam intellectus, gloriolo lumine præditi, videre Deum, quàm secundum exigentiam causæ naturalis rectè dispositæ, producere suos effectus.

XXIV. Hæc porro assertio est ad mentem Authorum nostræ sententiæ de Actibus liberis Dei, ac probatur; Quia voluntas eademque Omnipotentia divina, ex sua parte per sola intrinseca & necessaria, est in actu primo factis completa ad concurrendum. Cum ergo causæ secundæ ex sua etiam parte omnia prærequisita habere supponantur: ad præparationem concursus nihil aliud restat, quàm ut inter has & divinam potentiam, unio quædam in ratione principii fiat. Illa autem sit sufficienter per connotata prædicta. Non enim est unio informationis, aut terminationis intrinsecæ, sed subordinationis tantum, & assistentiæ extrinsecæ. Porro causæ secundæ suapte naturâ, sicuti in esse, ita & in virtute agendi subordinantur causæ primæ, hæc quoque eo ipso, intra naturæ ordinem, illis debet assistere, quòd cætera omnia ad agendum prærequisita, in eisdem contulerit. His enim positis, non potest connaturaliter, sua ex parte, in concurrendo deesse: esto aliquando possit ex parte libertatis creatæ, cujus arbitrio suum concursum subordinavit.

Confirmatur. Quia siquid præterea ad concursum præparandum requireretur ex parte Dei, esset voluntas quædam media, inter eam à qua pendet virtus ac dispositio causarum secundarum, & eam à qua immediate procedit actualis influxus. Atqui hæc voluntas media tum inutilis est, tum etiam impossibilis in principis nostris. Inutilis quidem: quia totus usus ad quem ab aliis adhibetur, consistit in prævia quadam determinatione seu applicatione Omnipotentis divinæ: quæ determinatio, licet rectè admittatur ab iis, qui Omnipotentiam à Voluntate condistinguunt: in nostra tamen ac veriori sententia, quæ utramque formaliter identificat, locum prorsus non habet. In hac namque sententia, Omnipotentia, sicuti formaliter & immediate est voluntas, ita etiam est libera formaliter & immediate: ideoque non eget determinatione, vel applicatione, præviâ ad suos actus: sed potest immediate seipsam determinare & applicare, tam ad concurrendum, quàm ad aliud quòd placuerit. Eandem verò voluntatem medium esse penitus impossibilem, ostendimus in præsentì tractatu disp. 1. cap. 8. n. 58. quippe quæ cum sit libera, debeat essentialiter connotare aliquem effectum contingentem ad extra: qualis tamen inter proximam dispositionem causarum secundarum (quò etiam reducitur prædeterminatio physica, si detur) & ipsum actualem concursum assignar

*Quid sit
præpara-
re con-
cursum.*

*Omnipo-
tentiæ Dei
per se libe-
ra nõ eget
præviâ
determina-
tione
ad agendū.*

gnari non potest; ut suprà etiam tetigimus proponendo difficultatem.

Dices primò; Communis doctrina est, causas necessarias, habitis cæteris ad agendum prærequisitis, & præparato Dei concursu, non posse cessare ab agendo. Atqui ex nostra assertione videtur contrarium sequi. Nam Dei concursus ita præparato ut in illa dicitur, quædam causæ necessariæ actionem aliquando intermiserunt, ut ignis Babylonicus combustionem puerorum, & Sol radiorum diffusionem in morte Christi, juxta illorum sententiam, qui non existimant solius Lunæ interpositione potuisse tenebras tam universales causari quam Evangelistæ describunt. Quin imò jam suprà n. 23. ultro annotavimus, concursum divinum, intra ordinem connaturalem oblatum, posse supernaturaliter subtrahi: quo subtracto debet cessare actio causæ creatæ. Respondeo communem doctrinam, vel intelligendam de præparatione concursus non restricta ad ordinem naturalem (de qua tamen restricta agit prima nostra assertio) sed penitus absolutam, de qua dicemus in tertia conclusione: vel ita moderandam seu limitandam, quòd causæ necessariæ sic dispositæ non possint ab agendo cessare ab intrinseco: neque etiam ab extrinseco intra ordinem naturalem in quo habent concursum præparatum. Cæterum negari rationabiliter suspensio nequit, quin possit earum actio suspendi ab extrinseco & præternaturaliter, Deo se non accommodante naturali ordini atque exigentiæ creaturarum, & sic non exequente in actu secundo, quod in actu primo naturaliter debitum fuerat. Neque enim naturæ leges Dominum ejus cogunt, cur minus pro libitu in iisdem dispenset. Ita verò probabiliter factum in exemplis allegatis. Deus namque concursum ad comburendum & illuminandum, quem natura ad id præparata exigebat, jure suo superiori suspendit, eaque ratione cohibuit actiones ignis & solis, quas aliquando prodire oportebat. Potest sanè Deus non producere formam ad quam aliqui sufficiens dispositio in materia præcessit: par autem est ratio non producendi effectum, ad quem præcessit præparatio connaturalis in genere causæ efficientis.

Dices secundò, Deus præparando concursum, debet eum aliquo modo velle: id autem non facit in sententia nostra: quia in hac tantum vult dispositionem & applicationem causarum secundarum. Id solum enim vult (scilicet liberè) quod causat: atqui per præparationem concursus nihil causat nisi jam dicta. Respondeo, si sistamus in præparatione concursus in actu primo, de qua sola hîc agimus, Deus per hanc non aliter debet velle concursum, quam virtualiter in causa quam applicat: aut ad summum formaliter indirectè, quando ex complacentia securæ operationis, atque adeo & sui concursus, producit causas secundas & virtutem ipsarum, cas-

XXV.

Concursum naturalem
naturaliter
præparatum, potest Deus supernaturaliter suspendere

XXVI.

Non debet Deus esse concursus in a-
vid, nisi virtualiter
serant
indirectè.

que proximè ad agendum disponit; juxta ea quæ disp. 3. cap. 7. diximus de voluntate Dei erga finem conjuncta cum productione mediorum. Alia est ratio de præparatione concursus *in actu secundo*: Deus enim per hanc debet eum velle formaliter & directe, pari modo quo vult & præparat ab æterno, ea omnia quæ in tempore producit. Sed hanc præparationem *in actu secundo*, distingui ab illa altera *in actu primo*, aliquoties observavimus. Porro Deus modo jam dicto vult concursum, etiam in sententia nostra. Nec obstat ratio in contrarium insinuata. Etsi enim Deus id solum, quod causat, velit formaliter & directe: potest tamen simul etiam velle virtualiter & indirectè aliquid quod non causat, dummodo per modum effectus vel finis cum re causata sit connexum. Sic in prima mundi conditione, quando causis secundis indidit virtutem agendi, germinandi, crescendi, gignendi sibi simile, eoque pacto se multiplicandi, censendus est virtualiter, aut etiam formaliter indirectè, voluisse omnes concursus qui ad hæc requiruntur: quamvis eos non voluerit formaliter & directe, nisi pro tempore quo actualiter exhibet.

XXVII. Cum porro oppositorum eadem sit disciplina; quemadmodum Dei voluntas in actu primo connaturali, præparat concursum connotando omnia requisita, & per consequens impedimenta sublata, ex parte causæ secundæ; ita è contrario, in actu primo connaturali concursum negat, quando aliquid ex requisitis aufert, aut obstacula objicit. Hoc etiam modo potuit in Christi morte negare soli concursum ad illuminationem universi: vel præter corpus lunare, quod per se solum tantam eclypsim causare non poterat, conglobando in unum alia opaca corpora (quem in finem servire ea poterant, quæ solem propius circumeunt, & maculas à Mathematicis deprehensas, in eo causant) vel tenuissimam lineam vacui inter nos & solem interjiciendo, juxta eorum sententiam qui actionem in distans causis naturalibus negant; vel aliis modis. Similiter potuit pueros servare illæso in fornace, per certas qualitates præservantes ab igne, quales Salaman-dræ, aut lino abestino, inesse nonnulli commemorant; Quamvis verisimilius sit, utroque in exemplo, cæteris in actu primo naturali ad effectum expeditis, Deum fuisse usum dispensatione in actu secundo, non exequendo concursum quem actus connaturaliter exigebat.

XXVIII. Dico secundo. Intra capacitatem purè obedientialem, aliâ concursus præparatione, in actu primo non est opus, quàm quæ formaliter resultat ex Omnipotentia Dei, & existentia creaturæ capacitatem illam habentis, & impedimentorum remotione. Exempli gratiâ, ut Deus in actu primo sit paratus ad concurrendum cum aqua ad producendam gratiam, aut cum intellectu nostro ad visionem Dei, sine ulla præviâ qualitate supernatura-

*Quomodo
Deus in a-
ctu primo
connatu-
rali neget
suum con-
cursum?*

*Saltem
semper
potest an-
suspenderè
in actu se-
cundo.*

turali per quam illæ causæ hisce effectibus proportionatæ & veluti cognatæ reddantur, v. g. absque lumine gloriæ in ordine ad visionem: ut, inquam, Deus absque his & similibus quæ ejus concursus aliquo modo exigant, eundem dictis causis exhibere possit, nihil requiritur in actu primo, quàm ut Voluntas, sive Omnipotentia divina, connotet existentiam aquæ vel intellectus, & in hujus subiecto absentiam peccati actualis, postea, quòd id, sicut aliqui volunt, essentialiter impediat visionem: tunc enim poterit Deus pro libitu uti capacitate illâ obedientiali, & absque alio antecedenter requisito velle efficaciter, atque adeò causare per causas prædictas, gratiam vel visionem. Ratio est, quia ad hunc modum causandi, nihil aliud prærequiritur in actu primo, quàm ut possit Deus suis creaturis imperare quidvis quod contradictionem non involvit: hæc verò possint ac teneantur parere & exequi. Primum autem Deo convenit per Omnipotentem suam Voluntatem: alterum creaturis per essentiali seu entitatem earundem; juxta probabiliorē sententiam quæ potentiam harum obedientialem ab iisdem non distinguit. Simul igitur sumendo, divinam potentiam & causarum secundarum entitatem, habemus omnia positiva quæ actus ille primus obedientialis involvit: nec aliis qualitatibus intrinsicis vel dispositionibus est opus (quippe quæ ad actum primum connaturalem, de quo in prima conclusione, non autem ad purè obedientialem pertineant) sed solum ut impedimenta, si quæ forsitan adesse possint, removeantur.

Dices. Non dicimur passim habere paratum Dei concursus in actu primo ad faciendā miracula, licet ad ea habeamus capacitatem obedientialem quæ Omnipotentiam divinam essentialiter respiciat: Ergo quæ jam diximus non sufficiunt ad actum primum purè obedientialem. Respondeo negando consequentiam. Quia concursus paratus in actu primo simpliciter, intelligitur communiter de actu aliquā ratione connaturali cui concursus debeat, juxta primam aut etiam tertiam assertionem. Hoc autem modo non est nobis paratus concursus in actu primo ad miracula: etsi sit nobis paratus secundum quid, addendo *intra capacitatem obedientialem*, quod quomodo priore propositionem restringat vidimus supra in Notabili num. 23. In argumento igitur est fallacia, à negatione dicti simpliciter ad negationem ejusdem secundum quid: ac si & negatione simplici albedinis in Æthiope, inferres negationem ejusdem secundum dentes.

Dico tertio. Potest Deus tam absolute præparare suum concursus, ut nullo pacto, ne supernaturaliter quidem, eum possit negare. Probatur. Quia promissio est quædam præparatio ad executionem rei promissæ &

*Quo pacto
præparari
possit tam
absolute,
ut nulla
sensu ne-
gari
queat?*

quidem in Deo tam certa ut nullâ potentiâ eam fallere possit: juxta illud Apostoli ad Hebræos 6. v. 18. *ut per duas res immobiles* (scilicet promissionem & iusjurandum) *quibus impossibile est mentiri Deum, fortissimum solatium habeamus.* Atqui Deus potest suum concursum creaturis promittere. Id enim in ordine supernaturali sæpius fecit: ut quando Beatis gloriam semper duraturam promisit: in hoc namque pacto, involvitur promissio concursus perpetui, cum intellectu & lumine ad beatam visionem. Quoad effectus verò naturales, tacita quoque divini concursus promissio involvitur in illis Dei verbis ad Noë post diluvium. Gen. 8. v. 22. *Cunctis diebus terra, sementis & messis, frigus & aestus, æstas & hyems, nox & dies non requiescent.* Cumque hoc exemplum divinæ promissionis apud omnes valeat, Thomistæ recentiores in suâ opinione ei addere poterunt exemplum prædeterminationis physicæ: quâ similiter præparatur Dei concursus in actu primo, ut eâ suppositâ, per nullam quoque potentiam, in actu secundo desiderari queat. Alii juxta sua principia aliis exemplis utentur, ut concursus ad aliquam formam consequentis necessariò productionem materiæ & similibus.

*Ad hac
omnia suffi-
cienter enu-
ciatur neces-
saria Dei,
& libera
cognoscitur.*

Cæterum id ex jam dictis colligitur; quocumque modo concursus divinus præparetur, sive absolute sive restrictè ad specialem ordinem aut capacitatem, semper adesse sufficientia connotata extrinseca, per quæ libertas divinæ voluntatis salvetur; ut idcirco ad actus liberos qui sint Deo putre intrinseci, recurrere non sit opus. Sed sicut initio observavi, expeditior multo est ratio concursus in actu secundo: pro nova enim ejus libertate novum connotatum semper obvium est, nempe actio ipsa, aut effectus, ad concursum in actu primo præparatum accedens. Nisi fortè, in aliquo casu conclusionis tertiaræ, absque novâ libertate accedat: quia tunc novam quidem volitionem eamque efficacem, sed non liberam terminabit. Cûq; ea quæ hoc cap. diximus, procedant de concursu Dei in ordine ad libertatem divinam: quomodo idem, tam in actu primo quàm secundo, juxta sententiam nostram de Actibus Dei liberis, concilietur cum libertate voluntatis creatæ, videbimus capite postremo disputationis sequentis.



CAPUT VI.

De Differentia & ordine Actuum liberorum Dei.

QUOD ad differentiam attinet, ex toto priorē Tractatu jam constat, XXX.
 Actus liberos quā Deo intrinseci sunt, haud aliter inter se differre
 quā ratione. Eadem enim de ipsis est ratio, quā de attributis cæterisque
 prædicatis Absolutis, quā solā ratione inter se distingui ibidem ostendi-
 mus. Ex præsentī verò Tractatu colligimus, eosdem Actus differre realiter
 secundū connotata Deo extrinseca, quā quā liberi involunt. Cū por-
 rò id quod hi Actus Deo dicunt intrinsecum, sit complacentia formaliter
 simplex, sed virtualiter efficax, quā Dei voluntas necessariò habet de crea-
 turis possibilibus: hæc verò complacentia ratione differat, non solū pro
 differentia objectorum, sed etiam modi tendendi in illa, vel tanquam in
 media vel tanquam in fines: utrāque etiam ratione differunt in Deo in-
 trinsecè liberi Actus. Quia autem horum Actuum connotata, secundū
 probabilē sententiam, sunt ipsimet effectus, vel juxta probabiliorē de quā
 egimus disp. 3. c. 7. causalitates seu actiones ad extra, quibus Deus creaturas
 attingit; ideo realis illa ac connotativa differentia liberorum Actuum, jux-
 ta realem differentiam effectuum, aut potius actionum, erit definienda:

Et quidem Arubal disp. 59. c. 1. statuit hanc regulam: *Tot præcisè & non* XXXI.
plures vel pauciores, dantur in Deo Actus liberi, quot extra eum dantur effe-
ctus qui ab ejus Voluntate dependent. Quia nullus datur in Deo Actus liber
 sine aliquo effectu. Deinde nullus à Deo emanat effectus quin aliquem e-
 jus Actum liberum terminet. Sed cū tam in ipsius sententiā quā nostrā
 proximum connotatum Actuum liberorum Dei sit potius causalitas quā
 effectus, & plures causalitates circa eundem effectum, sive ob diversos fi-
 nes, sive ob modos agendi, versari possint: hinc potius causalitatus
 quā effectibus, dictorum Actuum differentia ac numerus corresponde-
 bit, atque adeo *tot censendi Actus liberi in Deo, quot ab eo actiones sive cau-* Tot voli-
salitates dependent. Video Voluntatem divinam, unicā actione termina-
 tam, posse adhuc per rationem distingui: vel ex objecto formali quod est
 finis, & ex materiali quod sunt media: vel etiam ex duabus partibus ejus-
 dem objecti totalis ac formalis, verbi gratia ex multis finibus partialibus,
 quos unico libertatis suæ exercitio (quod est ipsamet actio) Deus respicere
 potest. Sed hæc distinctio non tam est in alios Actus, quā alias ejusdem
 Actus formalitates & quasi partes, quas minutius hic prosequi operæ pre-
 tium non est. Quod si Deus eundem effectum simul produceret ob plu-
 res fi-

Intrinse-
cè non dif-
ferunt nisi
ratione:
sed extrin-
secè per
connotata.

Connotata
hac sunt,
vel effe-
ctus, vel
potius a-
ctiones.

Tot voli-
taiones Dei
libera,
quot ex-
tra eum
actiones.

res fines, seu motiva totalia, pluribus quoque actionibus totalibus, & consequenter actibus liberis, id præstaret.

XXXII. Cumque hæc solam differentiam Actuum liberorum concernant, Vasquez i. p. disp. 82. c. 5. alique eum secuti, tum verius tum principiis ante
Ordo Actuum secundum Vasquez, jactis conformius fore censenti: si eundem planè ordinem inter Actus Dei liberos statuerimus, quem eorum objecta pariterque effectus, inter se servant à parte rei. Quia ergo à parte rei, causæ materiales, atque efficientes, suos præcedunt effectus, ac speciatim media finem ac merita præmium: hinc etiam volunt libera Dei decreta de causis, meritis, mediis esse priora decretis de effectibus, præmio & fine: priora, inquam, non ordine durationis, cum omnia sint æterna, sed ordine naturæ. Qui etiam ordo se teneat penes solam divinorum actuum terminationem & connotata: nam secundum id quod divinæ essentiae dicunt intrinsecum, etsi per rationem distingui possint, non tamen cum fundamento in re secundum causalitatem ordinari. Ex quibus præterea inferunt, nullum affectum liberum erga finem creatum, antecedere in Deo electionem mediorum ad eundem: quia nullus finis creatus eam antecedit à parte rei. Ideoque eum ordinem intentionis & electionis, quem in humanis consultationibus Philosophi distinguunt, negant habere locum in decretis divinis: quippe quæ omnia sint executiva illius objecti quod formaliter intendunt, eodemque planè ordine intendant, quo exequentur, & contra

XXXIII. Doctrina jam relata de ordine actuum, eandem habet probabilitatem, quam sæpe diximus inesse sententiæ, quæ in Actuum eorundem connotatis, rationem habet solum effectuum, non causalitatum seu actionum.
Ejus probabilitas. Juxta quam Deus vel nullum finem creatum intendit gratiâ sui, sed omnia tantummodò operatur propter increatâ suam Bonitatem, ut contendit Vas-

Haudent in omnibus ei acquiescimus. quez, suprà c. 3. vel certè nihil creatum intendit præviè ante executionem ejus, intentione formali; at tantum virtuali, quatenus in mediis causisque prioribus continetur. Verum in sententia probabiliori quæ causalitates Actuum liberorum terminativas specificat, non à solâ entitate effectuum, verum etiam à fine ex cujus complacentia fiunt, Actus liberi paulò aliter ordinandi; Ita nempe ut intentio finis creati non confundatur cum executione ejusdem, sed possit distingui & hanc antecedere. Quia ut vidimus

Distinguimus præterea in iisdem ordinem Intentionis & Executionis. disputat. 3. cap. 7. & disputat. 4. cap. 4. potest finis à Deo, etiam liberè ac formaliter, intendi per illum actum, quo primum medium vel dispositionem ad eum causat; etiam si finis tandem sequatur post alia media & actus, vel interdum etiam penitus impediatur. Quo casu, aliquid est in intentione libera Dei, antequam sit in executione; imò quod nunquam fortè in rem seu executionem deducetur. Exempli causâ, in primâ etiam gratiâ quâ Deus

Deus hominem prævenit, intendit ejus salutem ut finem; hanc tamen non exequitur nisi post seriem multarum gratiarum, quibus tandem illius perseverantia compleatur. Imò in multis contingit, ut Deus salutem, quam intendebat, non exequatur unquam: quia intentio finis, quam medii divini causalitas secum adfert, non est semper efficax absolute, sed ad multas condiciones restricta, ut locis citatis fufius explicatum est, & iterum attingitur cap. 4. disputationis sequentis; ubi ostenditur intentionem hanc, per se loquendo, non excedere vim medii, cum cujus causalitate connectitur.

Huic igitur sententiæ insistendo, ordo quidem iste causalitatis executoriæ, quem prior sententia admittit, servandus est: non tamen solus, pro-XXXIV.
ut illa admittit, sed simul cum aliquo ordine intentionali, qui executionem non finis tantum, sed quorundam etiam mediorum antecedit. Non
Sed neuter est solum intra Deum.
est quidem hic ordo intra solam mentem divinam conclusus, qualem non pauci adstruunt, sed in aliquam extra Deum operationem necessariò prodit: verum hæc operatio non totum objectum intentionis efficienter attingit. Nam aliqua objecti pars, & quidem formalis, est finis ipse ex cujus complacentia medium aliquod aut dispositio appetitur: solum tamen medium, seu dispositio per illum actum causatur, sine adhuc, remanente intra ordinem intentionis, donec & ipse per alium actum, ac sæpe post alia media, executioni mandetur. Adeò ut non in nostris tantum deliberationibus, sed in providentia quoque divina suum habeat locum Axioma vulgatum: *Quæ sunt prima in intentione sunt ultima in executione, & è contrario.* Idque non priori tantum exemplo divinæ prædestinationis, sed aliis ex Scriptura declarari potest: atque illius inprimis consilii, quo Deus misit Josephum in Ægyptum, de quo sic ipse ad fratres Gen. 45. v. 5. *pro salute vestra misit me Deus ante vos in Ægyptum; & iterum v. 7. premisitque me Deus ut reservemini super terram, & escas ad vivendum habere possitis.* Ecce in missione Josephi jam tum intendebatur, quod multis post annis, aliisque divinæ providentiæ actibus intervenientibus, tandem fuit effectum. Fateor hæc, & similia, aliquo etiam modo salvari posse per intentionem virtuales, in eâ rerum dispositione inclusam, ex qua Deus ea bona consecutura prænoverat: sed capite illo 7. disputat. tertiæ n. 38. & 39. rationes dedimus, cur & quomodo in iisdem, divinæ Providentiæ magis congruat intentio formalis.

CAPUT VII.

*De Affectibus & virtutibus eorundem
Animi.*

XXXV. **Q**uinam voluntatis Affectus & quæ ejus Virtutes Deo propriè convenient, non est hujus loci disquirere: sed tantum indicare, quo pacto Virtutum atque Affectuum communiter receptorum libertas, cum sententiâ nostrâ congruat. Cumque inter Affectus Dei liberos admittatur ab omnibus Amor: ejus sanè, tam ratio, quàm libertas, in nulla opinione melius sibi constat quàm in nostra; si præsertim D. Thomam 1. p. q. 20. a. 2. in c. de eodem differentem sequamur. Tradita enim communi notatione, quòd *amare nihil aliud sit quàm velle bonum alicui*, hoc discrimine *ratio libe.* Amorem Dei liberum à nostro distinguit: quòd noster non sit causa boni *vi amoris.* tatis, sed potius ab hac causetur, velut ab objecto: *sed amor Dei sit infundens & creans bonitatem in rebus.* In nostra porro sententia, quòd Deus creaturis bene velit, habet per intrinsecam ac vitalem complacentiam erga easdem: quòd verò quidquid liberè iis vult, id numquam otiosè, sed semper cum aliqua efficacia & efficientia velit, ipsa libertatis denominatio importat. Ea quippe sententia complacentiam prædictam, in ratione actualis libertatis, per aliquam causalitatem sive efficientiam complet: Deo quidem extrinsecam, in dicta tamen ratione intimè inclusam. Quare etiam amorem Dei liberum non posse penitus inefficacem esse, ostendimus disp. 3. c. 6.

Sicut & o. Quæ quàm congruit descriptioni Thomisticæ divini *diis liberi.* Amoris? Idem porro quod jam de hoc diximus, applicandum pariter est ad Odium liberum, quod etiam in sensu proprio Theologi communiter tribuunt Deo; quando nimirum alicui, ex ejus displicentia, malum infert, ut peccatori pœnas ex displicentia admissi peccati, juxta illud Sap. 14. *Odio sunt Deo impius & impietas ejus.* Id namque Odium, præter simplicem displicentiam objecti, quandam etiam mali causalitatem involvit: cumque sit liberum, haud minus potest esse inefficax, quàm liber Amor, Plura de odio diximus disp. 3. c. 9. à n. 52.

XXXVI. Præter affectum Amoris liberi & efficacis, per quem creaturæ existant, communiter etiam Theologi, in sensu formali ac proprio, tribuunt Deo affectum Gaudii de iis jam existentibus: sed tantum mediatè efficacem ac liberum, proximè verò necessarium & inefficacem: de quo cum sit multa dixerimus disp. 1. n. 44. & 48. sicut & n. 51. de affectu oppositæ displicentiæ circa præsentia mala: hic illud unicum addemus; Quòd in nostris, verisque principiis, non debeamus eo pacto concipere hoc gaudium,

dium, quasi per illud, in ordine ad objecta creata, Complacētia quādam seu Voluptas, Deo intrinsecē accrescat: haud min⁹ enim implicat in Deo nova atque contingens formalitas Voluptatis, quā Amoris aut Scientiæ: sed quod eadem intrinsecē voluptas aut complacētia, quam Deus habet necessariō de seipso & creaturis possibilibus, ad eas contingenter existētes se extendat. Et sanē vel minimam formalitatem voluptatis Deo intrinsecē oporteret infinitam esse, substantialem, vitalem, spiritualem (quidni & intellectualem?) æternam, immensam, atque adeo alterum quasi Deum: quis autem crediderit bonum aliquod creatum, v.g. muscam, si non causam, saltem occasionem esse, cur tale quid aliās non futurum, in Deo resultet?

Dices; Incredibile quoque est, per Voluptatem, quam Deus capit ex creaturis, nihil penitus in eo resultare, ne quidem ratione distinctum. Pii enim viri magno studio contendere solent, ut ubique placeant Deo: in hoc imitati Dominum nostrum, qui Joan. 15. v. 29. de se & Patre suo ait *ego quæ placita sunt ei, facio semper*. Idem studium in se proficitur Apostolus 2. ad Cor. c. 5. v. 9. *ideo contendimus sive absentes, in mortali vita, sive presentes, in patriā post mortem, placere illi, scilicet Deo*. Atqui inane esset hoc studium, si per bona nostra opera non accresceret Deo voluptas aliqua, seu complacētia intrinseca, sed omnia intra illum perinde se haberent, atque si operaremur malē. Respondeo, id creditu difficile apud eum non fore, qui infinitam Dei substantiam, undique necessariam & invariabilem, nec sibi minus quā nobis sufficere, dignē uti par est, æstimaverit. Ad probationem; longē ab omnibus secundū scientiam piis, id absit, ut putent Dei interesse ad voluptatem intrinsecam, sive faciamus quæ ei placent, sive non: *quid prodest Deo*, inquit Scriptura Job. 22. v. 3. *Si iustus fueris? aut quid ei confers, si immaculata fuerit via tua?* Quasi dicat, nihil inde utilitatis aut voluptatis in Deum redundat, futurum æquē Beatum sive ejus oculis offeramus bona opera quæ placeant, sive non; sive etiam peccata quæ displiceant exhibeamus. Præterquam enim quod neutra quidquam de novo Deo addant vel demant: ipsa etiam de peccatis nostris displicentia, secundū omnes formalitates Deo intrinsecas, est ipsi tam bona ac jucunda, quā complacētia in operibus nostris bonis. Nihilominus, Christi Domini & Apostoli exemplo, pie perfectēque agimus, sectando ea quæ Deo placent, & quæ displicent omittendo: tum quia Deus supremi Domini jure id jubet: tum etiam quia, abstrahendo à præcepto, sic nos conformamus Voluntati divinæ, amantes quæ ipsa amat, & quæ odit, odio prosequentes. In quā conformitate cum primā illā omnis sanctitatis ac perfectionis Regulā, nostra sanctitas perfectioque consistit. In bonis itaque o-

peribus, de nostro tantum bono ac perfectione agitur: non de aliquâ perfectione aut voluptate intrinsecâ Dei.

XXXVII Sed instabis; Bene agere ut placeamus Deo, refertur ad motivum Caritatis: ergo complacentia quæ ad id nos movet, est adæquatè intrinsecâ Deo. Neque enim Caritas respicit pro motivo aliquid extra ipsum: sed Deum secundum se. Resp. neg. Antec. si quidem de complacentia libera, ut ad creaturas existentes terminata, procedat. Ut sic enim nō dicit Deum purè secundum se, sicut pro motivo Caritas exigit: sed bonum aliquod nostrum, in quo Deus sibi placeat, involvit: ut hîc gratiam & virtutes, ac deinde gloriam, quæ sunt præcipua objecta, ob quæ Deo placeamus. Id autem formale objectum ex bono divino nostroque mixtum, propriè pertinet ad virtutem Theologicam Spei: ex qua, ut gratiam & gloriam, ita & divinam in ipsâ complacentiam desideramus. Atque in genere loquendo, nullos actus Dei liberos, formaliter quâtales, esse objectum formale Caritatis: sed vel materiale ejusdem, vel formale aliarum virtutum, inter alios: docet Petrus Hurtado de Virtutibus Theologicis disp. 128. sect. 3. §. 74. Ubi etiam notat, ne Cajetanum quidem, novam suam perfectionem per actum liberum Deo intrinsecè superadditam, habiturum pro formali caritatis objecto. Sola itaque Deo intrinsecâ, eaque necessaria ad objectum illud spectant: atque adeo complacentia bonorum possibilium, & circa existentia libertas in actu primo; non autem complacentia actualis bonorum nostrorum existentium; neque ulla Dei libertas in actu 2. ut pluribus: idem Author prosequitur.

De aliis Præter illos quatuor effectus, Desiderium; idque liberum, in propria
affectionibus significatione Deo concedunt Suarez l. 3. de Attrib. Posit. & Vasquez 1. p.
ac præfer- disp. 84. c. 1. & multi alii: non quidem circa bona divinæ substantiæ in-
tim desi- trinsecâ, vel etiam extrinsecâ quæ à solius Dei voluntate dependent: prio-
derie.. ra enim sub desiderium non cadunt, quia semper præsentia sunt; sicut nec posteriora, quia nemo propriè quid desiderat quod ipsemet potest facillimè præstare. Sed circa ea bona, quæ Deus voluit pendere à libertate & cooperatione nostra: ut est nostra salus & perfectio. Verùm hoc etiam desiderium in sensu proprio Deo negant. At ubi q. 20. num. 5. & Granadus: Tract. 6. disp. 4. Quam litem ferè de nomine, quia hîc decidere supervacaneum foret: id solum assero, eum qui Suarez & Vasquez in sententia affirmativa, eaque probabilis; sequi voluerit: posse desiderium illud divinum, juxta nostra principia, commodissimè constituere in Affectu illo divino ex quadam efficacia & inefficacia mixto, quo Deus, exempli gratia, *vult omnes homines salvos fieri*, quemque fusiùs explicavimus in disp. præsentis cap. 4. concl. 2. à num. 17. sed idem conformiter admittit in Deo, liberum actum

actum Fugæ desiderio oppositum, quo nolit mala hostra, & ad ea fugienda, vel destruenda, gratiam offerat. De Spe, desperatione, tristitia nihil hâc dicendum: quia communis Theologorum consensus ejusmodi actus, utpote imperfectionem involventes, in sensu proprio à Deo excludit. Si tandem, cum Suarez supra iram quandam spiritualem Deo propriè tribueris: eam facile explicabis per efficax odium de quo supra num. 35. Sed hunc quoque affectum, non nisi Metaphoricè, Deo tribuendum, cæteri Theologi communius defendunt.

xxxviii.

Quod attinet ad virtutes divinas, nullam hæc dicunt potentiam ad intra, ut constat ex disp. i. c. i. & consequenter, nec habitum qui tantum est talis potentia instrumentum: sed quatenus Deo insunt, purissimus sunt actus per se subsistens. Nec solum Dei Caritas erga seipsum, sed etiam erga creaturas: sicuti & Misericordia, Justitia, Liberalitas, Veritas, & si quæ aliarum Morales virtutes Deo conveniunt. Has enim in actu primo ad extra (ut Attributa Dei necessaria constituunt) consistere in complacentia actuali, ac necessaria, miserationum, aliarumque actionum (quæ cuique sunt propriæ) possibile, cum potestate eas liberè exercendi, aliquoties diximus, præsertim disp. i. c. 6. n. 31. In actu autem libero, qui in ordine ad extra est secundus, complentur per ipsummet exercitium ejusmodi actionum: eadè ratione qua actus Dei liberos in genere, cõpleri hæcenus dixim⁹.

Virtutes divinae nec sunt potentia ad intra, nec habitus.

Sed actus per se subsistentes: & quales

Notandum primum, Hanc esse differentiam inter exercitium Virtutum divinarum & creaturæ, quòd creaturæ per illud meliores fiant, novaque honestate conspicuæ, & laude dignæ: at Deus, sive hanc illamve virtutem exerceat sive non, æquè in se bonus est, & honestate semper æquali refulget, & æqualem laudem promeretur. Quod discrimen referri tandem debet in creaturarum limitationem & potentialitatem: Dei verò infinitatem & purissimam actualitatem. Ob illam enim, creaturæ tum ab extrinseco perfici possunt, tum etiam ab intrinseco per proprios actus sese perficere: ob hanc autem, Deus non solum ab aliis, sed etiam à seipso, omne perfectionis incrementum recusat; in id solum intentus, ut intrinsecè necessariaque perfectionis abundantiam, per extrinsecas causalitates creaturis communicet, & sic illas pro earum modulo suoque beneplacito, indeficientis suæ bonitatis participes reddat.

Deus virtutem suam exercitio non perficitur sicuti nos.

Quòd si dicas: Meritò Deum laudamus ob beneficia nobis præstita v.g. mundi conditi & redempti: ergo propter illa est laude dignus. Et quidem novâ: magis quippè Deus à nobis laudandus, quàm si nunquam ea præstitisset. Respondéo, jure meritissimo Deum à nobis laudandum propter beneficia: attamen non novâ laude, verùm eadè quâ etiam absque illis extitisset dignissimus. Sicuti summa quidem bonitate & honestate:

xxxix.

An & quo
modo ma-
gis laudā-
tur ob be-
neficia?

isthæc beneficia nobis contulit : verum non novâ quæ ex beneficiis, vel eorum occasione, accesserit Deo ; at etiam eâdem illâ, quam absque his divina Majestas in se habuisset. Ad id quod dicitur, *Deum magis laudandum*, distinctione est opus: negando si *magis* se teneat objectivè ex parte Dei: concedendo si hæc particula designet majorem obligationem subjektivam ex parte nostra. Magis quippe obligamur ad infinitam illam Bonitatem celebrandam & colendam, quando eam Dominus in nostrum bonum inflectere & determinare dignatus est, quàm quando non; magis, inquam, saltem titulo gratitudinis, quæ non in actu primo beneficiendi, sed in ipsismet beneficiis in actu secundo exhibitus, fundatur. Quid, quòd Dei bonitas & honestas quæ in se manet eadem, in ordine tamen ad nos per beneficia quodammodo crescat; quatenus per ea magis manifestatur, & in suis fructibus degustata, nostram erga se caritatem magis accendit? Alia est ratio in Beatis, qui Dei Bonitatem in seipsâ immediatè contemplantur, ideoque haud magis per beneficia eam cognoscunt & amant, quàm absque illis.

Adde, eos quoque qui de Actibus Dei liberis opinionem nobis contrariam sequuntur, communiter admittere ; Bonitatem & Honestatem divinam per nullum libertatis suæ exercitium crescere intensivè ; sed ad summum extensivè ; ideoque nec magis intensivè amandam propter se. Idem nos dicimus, excepto quòd illi incrementum illud extensivum ponant intra Deum, cum magno sanè divinæ simplicitatis præjudicio, aliisque incommodis suprà satis expositis: nos verò totam illam extensionem ponimus in effectu & causalitate creata; Unde haud alio sensu dici potest, divinam bonitatem nobis beneficientem sumere incrementum extensivum, quàm quo Theologi non pauci, ex Deo & mundo simul, dicunt constari quid majus, aut melius extensivè, quàm sit Deus so-

XXXX. lus.

Divina
erga nos
Liberali-
tas magis
pura &
ingenua
quàm ulla
creata.

Notandum secundò; tantum abesse ut hinc apud nos vilescant Dei beneficia & dona, ut longè amplius commendentur, verique doni, ac gratuiti beneficii, rationem habeant. Quid enim donum apud Philosophum, nisi *datio irredidibilis*; ea scilicet, ut cum D. Thoma 1. p. q. 38 a. 1. Theologi exponunt, quæ sit planè gratuita ac liberalis, absque spe retributionis. Quæ ratio quàm est diminuta inter homines? Siquod enim donum ac beneficium conferant animo honesto, & quali oportet: plus sane multoque dignius est, quod recipiunt, quàm quod dant. Ut præteream retributionem supernaturalem, tam præsentis gratiæ, quàm futuræ gloriæ: vel ipsa honestas quàm sic dantes animum exornant, sui lucro & pretio damnum omne rei donatæ compensat; imò, etiam Ethnicorum judicio, longè excedit.

Adeo

Adeo ut hoc quoque nomine verissimum sit quòd Christum Dominum dixisse testatur Apostolus Act. 20. v. 35. *Beatus est magis dare quam accipere.* Sed in Deo, omnis donatio est purissimè liberalis, ex solo animo benefaciendi profecta, absque ullo intrinseco propriæ bonitatis & honestatis augmento: imò etiam absque alio emolumento fructuque extrinseco, quàm ut nobis bene sit; quandoquidem gloria quoque extrinseca, quam ut propriam in donis suis Deus spectat, in nostro bono ac perfectione consistat.

Notandum tertio; Controversiam quæ Theologos in hac materia valde exercet, quomodo Deus qui omnia propter semetipsum operatur, possit simul ea operari in gratiam amicorum suorum, & propter honestatem Misericordiæ, aliarumque Virtutum moralium: hanc, inquam, controversiam nullibi quoque melius expediri, quàm in principiis nostris. Juxta hæc enim, Complacentiæ illæ actuales (in quibus virtutes divinas omniumque operum divinorum principium proximum constituimus) ita amant propria sibi objecta, ut eadem formalitate seipsas etiam ament, sine ulla distinctione aut reflexione quæ habeat fundamentum in re; ut pluribus diximus disp. 1. c. 3. n. 20. Cum verò sint bona divina ac necessaria, imò verissima Attributa, per veram quoque ac propriam Caritatem Theologice se amant. Unde fit consequenter, ut quidquid Misericordia v. g. Justitia, Amicitia divina, extra se causant ex amore honestatis, quæ in miscendo aliove actu ipsis proprio, relucet, id simul ex sui amore, atque adeo

Caritate Theologica causent: non confundendo objecta formalia,

sed intra eandem actus formalitatem utrum-

que complectendo.

DISPU-

DISPUTATIO QUINTA.

DE PRIMARIIS CONTRO-
versis cum Divina Libertate
connexis.

CAPUT I.

De Scientia Dei libera.

I.

*Qua hac
scientia**Est aequè
vel magis
difficilis
quàm Vo-
luntatis Dei
libera.*

Uia modus explicandi actus Dei liberos, ex illis est con-
troversis, quæ totam pervagantur Theologiam, & ma-
gnas ubique consequentias secum trahunt: ad quoddam
hujus Tractatus complementum pertinere videtur, ut id,
non in eo in omnibus quidem, sed præcipuis aliquot
materiis experiamur. Ac primò occurrit libera scientia
Dei, sic dicta quod versetur circa objecta contingentia, & per conse-
quens, alicujus, saltem ipsiusmet Dei, libertati subjecta. Hinc enim & ipsa,
per denominationem extrinsecam, libera vocatur: cum alioqui formalis
atque intrinseca libertas, non intellectui, ejus est Scientia, sed voluntati
conveniat. Nihilominus, vel ob solam illam libertatem objectivam, pares
cum divina voluntate, formaliter libera, difficultates subit: imò quorun-
dam judicio majores. Prima namque earum difficultatum radix, est con-
tingentia seu indifferentia ad esse, quam in actus voluntatis divinæ liber-
tas isthæc formalis infert. Ut vidimus disp. 2. & 3. hoc opus hic labor est,
ut dictam contingentiam cum divina necessitate, simplicitate, aliisque
perfectionibus componamus. Ex libertate autem seu contingentia obje-
ctiva, in scientiam circa eam versantem, contingentia haud minor indis-
ferentiaque redundat. Etenim scientia nequit esse magis necessaria quàm
illius objectum. Quia ut docet Aristoteles in prædicam. c. de his quæ ad
aliquid: *omnis scientia est alicujus scientia*, unde postea infert, *scibilibi subla-
to simul tolli scientiam*. Pari igitur pacto, quo tolli, sive non esse, potest
objectum liberum seu contingens, potest quoque non esse scientia ejus-
dem: atque adeo æquè indifferens atque contingens existit, & iisdem in
Deo difficultatibus obnoxia.

Ideo etiam Authores parè ferè modo de scientia Dei libera atque de li-
bera voluntate loqui solent, & utramque: vel per intrinsecas formalitates,
habitu-

habitudines, terminationes, divinæ essentia superadditas: vel per cōnotationis extrinsecæ complementum explicare. Arriaga quoque, qui nullam rationem probabilem invenit exponendi volitiones Dei liberas, idem proficitur de visione Dei libera. Solus, quem viderim, Aureolus de utriusque dissentit. Cū enim, ut retulimus disp. 2. c. 4. volitionem Dei liberam in causalitate ejus ad extra constituerit: ubicunque tamen agit de Scientia libera, qualis est creaturarum aliquando existentium, vult eam esse adæquate intrinsecam Deo; nec formaliter tantū ex parte actus, sed etiam terminativè ex parte objecti. Quia existimat scientiam omnem, quam Deus de creaturis sive possibilibus sive existentibus habet, non terminari ad ipsas formaliter: sed solum eminenter seu æquipollenter, quatenus terminatur ad divinam Essentiam, quæ est similitudo eminens, & exemplar plus quàm æquipollens, earumdem. Cū autem divina essentia Deo quàm maximè intrinseca sit: hinc pariter scientia creaturarum tota intra Deum existit. Videri de his poterit in 1. dist. 38. art. 1. §. *Tertia propositio*, & alibi sæpe. Sed cū hic Author falso nitatur principio, utque multi censent, erroneo, quòd inde videatur sequi, creaturas verè ac propriè non cognosci à Deo: nos, eo relicto paritatem cum pluribus inter actus voluntatis & intellectus, quantum spectat ad libertatem, sectabimur. Quamquam in quibusdam, aliqua etiam disparitas erit annotanda.

Primum igitur difficultas hæc, etsi clarè demonstrari nequeat, potest tamen ac debet probabiliter explicari: ut contra Arriagam probatum est disp. 2. c. 1. Minus verò ad hoc serviunt perfectiones, extensiones, habitudines, terminationes nō necessariæ, & tamè totaliter intrinsecè Deo: etsi enim præsentem difficultatem utcumque expediant, ut tamen ostendimus disp. citatā cap. 2. & 3. alias longè graviores contra divinam necessitatem, simplicitatem, puritatem actus, important. Nec magis hīc satisfaciunt Entia rationis vel Moralia, quàm in volitionibus liberis: in quibus nihil per ea declarari experti illic fuimus cap. 6. Cū tamen, ex capite ibidem sequentē, sola prædicata necessaria Dei ad hæc denominationes liberas non sufficiant, sed ad eas salvandas aliquid contingens, sive non necessarium, iis addi oporteat: remoto jam omni contingente quod sit Deo intrinsecum, debemus, æquè in libera scientia atque in libera volitione, ad cōnotationem contingentia Deo extrinseca recurrere, juxta opinionem in eadem disputatione examinatam cap. 4. & 5. Alia porrò connotata hīc non querenda, quàm ipsa hujus scientiæ creata objecta: hæcenim per se contingentia sunt, ideoque alicui saltem causæ libera, & sic apta ut denominationem contingentia, ac libertatis, in scientiam circa se versantem refundant. Aliæ scientiæ solent ab objectis denominari, ut Physica, Metaphysica,

Cujus falsum est si damentū.

II. Eidē itaq; via hic in sistēdū est

Remotis primò habitudinibus purè intrinsecis.

deinde entibus rationis & moralibus.

Admissò solum cōnotato extrinseco.

Nec alio quàm contingentiæ objecti.

sica, Theologia: ergo & hæc poterit ab objecto libero dici libera. Eo tamen discrimine, quod aliarum scientiarum objecta extrinsecus tantum earumdem ordinem terminent, sed Dei scientiam quâ liberam, ut objecta ejusdem aliquo modo compleant, & in obliquo ingrediantur; ut volitionis liberæ exemplo admittendum, facile colligitur ex dictis: disp. 2. c. 5. & disp. 3. c. 3. Ex quibus omnibus tandem conficitur, *Scientiam Dei liberam esse constituendam in aliqua ejus perfectione necessaria, ut connotante objectum contingens.*

III.

Sed ut perfectionem prædictam, ejusque connotatum, ulterius explicemus; Quemadmodum divina perfectio, quæ cum extrinseco connotato, Deum liberè volentem reddit, non est quidpiam potentiale vel habituale: sed actus purissimus ac per se subsistens, ipsa scilicet actualis Complacentia, quæ Deo naturaliter inest circa omne bonum possibile, cum virtute efficaci illud causandi: ita nec perfectio intellectualis, quæ simul cum connotato, reddit Deum liberè scientem, in aliquo potentiâli vel habituali collocanda est; sed in actu puro scientiæ illius necessariæ ac infinitæ, quæ *simplicis intelligentiæ* dicitur, ac Deo distinctæ & clarè omnia possible repræsentat, cum pari virtute ea quando extiterint, affirmandi existere, quodque in idem redit, jam præsentem videndi, seu intuendi. Id verò in hac scientia ad rem præsentem aptissimum est, quod repræsentando omnia possible, nihil non exprimat eorum, quæ in creatura actualiter, atque adeo contingenter, existente exprimi debent. Omnia quippe quæ aliquando existunt possible sunt, ipsa quoque existentia rei, & quodvis exercitium ejus: item rei præsentia, futuritio, præteritio, dependentia à causis, contingentia, & quidquid demum circa eam actu existentem apprehendere potes. Quare Deus habitâ scientia possible (quæ ut diximus necessaria est) nihil prorsus ex parte repræsentationis, desiderat ad visionem existentium, quæ est contingens: eadem enim vitalis repræsentatio ad utramque deservit: sed solummodò habet opus alio affirmandi modo; Quoniam idem illud quod per scientiam simplicis intelligentiæ affirmabat posse esse, utque aliqui loquuntur, *esse tantum signatè*, jam *simpliciter esse atque exercitè*: per visionem affirmet. Nullam igitur connotatum extra Deum requirimus, ut aliquid quod per scientiam simplicis intelligentiæ latebat, vel absolute, vel magis clarè atque distinctè, intellectui appareat (in quo gravior difficultas minusque extricabilis foret) sed ut eadem intentionalis expressio, & quasi imago, quæ de se non erat conjuncta nisi cum assensu conditionato & restricto ad solum esse possibile rei, in assensum absolute evadat, quo videatur esse simpliciter, Universum namq; possibile & existentium scientiæ, non ex modo repræsentandi, sed assentiendi seu judicandi, distinguuntur.

Fateor

Ex sola scientia necessaria possibili, & prædicto cōnotato, conflaturscientia libera.

Huc facis quod utraque in repræsentando cōveniat.

Sic ut solum differtur in affirmando

Fateor adhuc videri difficile, quomodo absque mutatione intrinseca, *Quomodo*
per novū tantū connotatum, Intellectui divino novus modus judicandi *ad hanc*
accedat. Etenim creaturæ, non tantū per alias apprehensiones seu re- *differentiam suffi-*
præsentationes, sed etiam per alia judicia solent intrinsecè immutari. Sed *ciat di-*
id referendum in eminentem infinitatem intellectus divini, ob quam in *versitas*
se præhabet perfectionem omnem quæ ad ita judicandum requiritur, eā *connotati*
solum cōditione ut detur objectum de quo verificari queat: Omnis quip-
pe actus Intellectus divini, cū sit essentialiter verus, rationem ultimam
assentiendi absolvere. ac veluti explicare, non potest, nisi verus esse pos-
sit. Cū autem Veritas absque objecto sibi proportionato non constet
hinc fit ut visio de qua hīc agimus, ad ultimum sui complementum con-
notare debeat existentiam objecti. Hac positā, scientia simplex, non so-
lū in ratione repræsentandi in illud coincidit, sed simul (quoad visio-
nem intellectualem requiritur) id existere judicat: non quidem per ali-
quam compositionem vel divisionem, sicuti in nobis contingit, sed obru-
tu simplicissimo. Applicari huc poterunt exempla actuum creatorum,
quos in suis quoque rationibus connotata extrinseca complent, sicuti o-
stendimus disp. 3. c. 1. & 2. sed imprimis Veritatis, de qua ibidem n. 6. Mi-
rari enim non possumus, compleri aliquo extrinseco actum illum divi-
num, de cujus ratione est veritas: cū hæc ipsa, saltem in contingentib⁹,
extrinsecum complementum deposcat. Serviet huc tandem doctrina
quam stabilivimus disp. 1. c. 3. de omnimoda independentia Actuum divi-
norum ab omni motivo, specificativo, determinante ac individuante:
quippe qui à se habeant omnem illam perfectionem, ad quam alioqui ac-
tus creatos ab objecto moveri, specificari ac determinari oportet. Quare
nullum aliud officium objectis divinam cognitionem terminantibus re-
linquitur, quā ut sint puri termini ab eadem connotati; Qui quomodo,
absque ulla mutatione fundamenti, adesse ac denominare, vel abesse &
non denominare, illud queant, ostendet exemplum Relationis prædica- *Colligi-*
mentalī creaturæ, de quo disp. 2. c. 5. num. 26. Atque hinc pressius scientiā *tur ali-*
liberam in Deo describes: *Scientiam creaturarum possibilem, ut simul est scientia*
affirmativa existentium, & connotat existentiam vel non existentiam eā-
libera-
rum.

Contra hanc sententiam, quam reipsā tenent Vasquez, Arubal, Erice, alii-
que pro volitionibus Dei liberis citati disp. 2. c. 4. & disp. 3. c. 3. eadem ferè
argumenta movet Arriaga disp. 28. quæ contra parem de iisdem senten-
tiā ibidem objecit. Atque iis quidem quæ petuntur ex Æternitate illo-
rum actuum respondimus disp. 3. cap. 5. dicendo eos licet temporale quid
connotent, meritò dici atque esse æternos: tum quia principale eorum si-

gnificatum, quod dicunt in recto, æternum est: tum quia connotatum illud quod temporale est, non respiciunt quatenus tempori alligatur, sed quatenus per denominationem præteriti vel futuri, ultra illud excurrunt. *Vindicta- tur æter-* *nitas hu-* *ius sciētia.* *Æternitatem* quodammodo implet. Quod applicando ad scientiam Dei liberam, id quod illa dicit in recto est scientia simplicis intelligentiæ de creaturis possibilibus, quam constat esse necessariam atque æternam: id verò quod connotat, est existentia earundem, non ut præsens determinatè, sed vel ut talis, vel ut futura aut præterita. Et sic utroque ex capite satis salvatur ejus scientiæ æternitas. Quod simili ratione, qua in volitionibus Dei liberis, declarare ulterius possumus, supponendo id quod possibile est, nullamque imperfectionem involvit; Deum ab æterno, ac necessariò, habuisse hunc actum, *Adamus possibilis est, & ex nunc affirmo illum existere, dummodo aliquando existat.* Quæ affirmatio conditionata, cur pariter conditione purgatà, in absolutam non transeat, atque in voluntate conditionatà fieri vidimus disp. 3. cap. 2. Hoc autem admissò, Deus ex nunc Æternitatis, Adamum aliquando existentem, clarissimo intuitu affirmabit existere, sive quod in idem tendit, existentem videbit, nulla in Deo facta mutatione, sed in solo Adamo.

Contra alias Arriagæ rationes, quibus prius argumentum amplificat, præsertim num. 45. animadvertere debemus ad distinctionem suprà insinuatam, inter expressionem vitalem objecti, & liberam, de qua egimus, illius affirmationem sive assensum. Prior enim tota intinseca esse debet: tum ex ratione vitalitatis: tum etiam ex ratione expressionis. Nam concipi vix potest quomodo quid alterum in se exprimat, nisi aliquam ejus similitudinem, ac veluti ductus & lineamenta in se habeat, per quæ ipsummet objectum, ut loquuntur Philosophi, intentionaliter fiat. Sed affirmatio libera, & ex parte libertatis, & ex parte assensus, extrinsecum aliquod complementum admittit. Esto igitur, Author nequeat concipere, quomodo Deus per aliquid extrinsecum, possit quid intelligere, aut scire,

quoad repræsentationem vitalem: faciliùs tamen concipiet, quomodo id possit quoad denominationem libertatis & absoluti assensus. Atque hujus tantùm concreti quod est *intelligere liberè & cum assensu absoluto*: non verò illius quod est *intelligere simpliciter*, existentia creata est aliqua pars, sic ut modum potius intelligendi, quàm substantiam ipsam, connotatum illud concernat. Video illum num. 20. adhuc urgere; Quod per liberam scientiam Deus ab æterno scire debeat nō tantùm quid facere possumus, nempe *hoc vel illud*, sed etiam quid determinatè facturi simus, videlicet *hoc potius quàm illud*. Idque contendit Deum scire non posse per scientiam necessariam: quippe quæ ad utrumque indifferenter se habeat,

& id-

& idcirco unum præ altero nequeat exprimere. Sed hæc tantum conficiunt, Deum non posse unum præ alio scire, per scientiam necessariam solitariè sumptam; verum non probant, eum id non posse per eandem, ut conjunctam cum existentia contingente objecti. Hæc quia potius existentia est quam non existentia, indifferentiam scientiæ necessariæ determinat, non ut unum præ alio repræsentet, (quod necessarium non est, imò in Deo impossibile, cui in statu possibili omnia æquè clara & perspecta atque in actuali) sed ut unum præ alio affirmet existere.

Duo præterea ab eodem Authore moventur quæ specialem responsionem desiderant. Unum num. 13. quod si scientia Dei libera quæ ab æterno intuetur futura, nihil aliud diceret quam scientiam necessariam quam Deus ab æterno habuit & rem existentem in tempore: Wiclef alii- que hæretici, Aristoteles quoque & Cicero, non negassent præscientiam futurorum, saltem quoad rem; non enim negarunt illa duo, in quibus tamen solis tota res dicitur scientiæ consistit. Malè ergo hæreticos damnavit Ecclesia, & in Ethnicos invehit est D Augustinus, quasi ut homines facerent liberos fecerint sacrilegos: malè, inquam, non enim in re, sed modo tantum loquendi, dissentiebant à veritate. Alterum proponit Author num. 57. ejusdem disputationis 28. Quod juxta sententiam nostram explicari non possit, quomodo scientia Dei de futuris contingentibus, sit per rationem posterior futuritione eorundem: quæ unica tamen est ratio, cur eorum contingentiam nostramque libertatem non lædat. Assumptum autem sic ostendit; In hac nostra sententia, Volitio divina creandi mundum est ratione prior quam ipse mundus: ergo scientia divina de mundo ut futuro, præcedit quoque ratione mundum futurum, Implicat enim, ut una eademque forma uni subjecto conferat duos effectus formales, & tamen unum prius communiget quam alterum: forma autem, vel quasi forma, quæ Deo in genere causæ formalis extrinsecæ, confert effectum seu denominationem liberè volentis, est una cum illa quæ ei in eodem genere confert effectum formalem scientis, nempe hic mundus futurus: debet ergo utrumque æquè citò conferre. Quæ duo argumenta hîc rursus Author ut evidentissima deprædicat.

Sed respondeo ad primum, negando assumptum. Ad probationem dico, scilicet aliàs contingere ut qui rem quandam sub uno conceptu, eoque vero, admittit, eandem per alium erroneè rejiciat. Id nisi fiet, nunquam ulli eorum, qui secundum unam rationem Deo propriam, credunt aut sciunt cum esse, possent errare circa alteram, negando aliquod Attributum ejus v.g. Providentiam, Immenstatem, Omnipotentiam; imò nec circa Trinitatem ipsam: quia semel agnitâ Essentiâ divinâ cum qua cætera

VI.

*Duo alia
argumenta,
quæ
contra
nos mo-
vet Ar-
riaga.*

*Ad pri-
mum re-
spondetur
scilicet aliàs
quid sciri
sub uno
conceptu,
& ignorari
sub alio*

identificantur, deberent hæc quoque omnia nosse: aut si ignorarent, non in rem ipsam redundaret error, sed in solum modum loquendi, quòd Deum nescirent vocari Omnipotentem, aut Trinum in Personis. Cujus oppositum cum experientia vincat, & quomodo non solum cum rei identitate, sed formali etiam Simplicitate consistat, ostendimus Tract. 1. disp. 5. cap. 3. num. 20. & seqq. hinc etiam fieri & explicari potest, quomodo Philosophi aut Hæretici, duobus illis admissis in quibus visionem liberam constituimus, potuerint per errorem, non solum vocalem, sed etiam mentalem ac objectivum, præscientiam negare: Esto igitur, infideles citati probè sciverint Deum scire cuncta possibilia, & horum aliqua aliquando existere: potuerunt tamen ignorare cum duobus hisce identificari scientiam liberam, quam nos identificari assërimus. Idque eo magis quòd nostra hæc sententia rationibus, non evidentibus, sed solum probabilibus, nitatur; à quibus dissentire fas cuique & liberum est. Merito quoque potuerunt SS. Patres, & Ecclesiæ eisdem, non nostrum tantum explicandi modum, sed divinam præscientiam universim rejicientes, arguere & condemnare: eo non obstante quòd veritatem aliquam cum præscientia connexam eandemque admitterent: sicuti in aliis exemplis antea allatis jure facerent, ac fecerunt.

VII.

Alteri quoque satisfit, & pluribus ostenditur, quomodo visio sequatur futuritionem,

Ad alterum argumentum num. priore propositum, negatur Assumpti, Illa enim doctrina (quam lubenter amplector quòd sit communior sanctorum Patrum apud Vasquez 1. p. disp. 68. cap. 6. & Herice disp. 10. cap. 1. ac rationi congruat) in nostris etiam principiis optimè defenditur & explicatur: tum ex modo quo scientia Dei libera tendit in futura: tum ex fundamentis sententiæ nostræ. Modus enim dictæ scientiæ est intuitivus, atque adeo purè speculativus, qui objectum non faciat sed supponat: ordine itaque rationis futura supponuntur ad sui visionem, non eam sequuntur. In nostris verò principiis, futura ad scientiam liberam se habent, non solum ut objectum, sed etiam complementum intrinsecum ejusdem scientiæ; sic ut ad eam quælibet comparantur, quasi ad totum pars. Constat autem, quòd pars à toto independens, sit prior ipso: quare ex hoc etiam capite debent futura quæ, uti vidimus, à sui visione non pendente, esse priora visione. Aliter se res habet in libera Dei volitione seu decreto: id enim prædictè se habet ad proprium objectum, utpote causa, & quidem immediata, ipsius: & licet suo etiam modo compleatur per objectum, ideoque hoc quoque ad illud compareretur, ut pars ad totum: quia tamen non est pars independens, idcirco nequit hoc titulo antecedere totum, sed multis potius nominibus debet illud sequi, juxta fusius dicta disp. 3. cap. 8.

Quod

Quod Arriaga addit, eandem formam eidem subiecto, æquè citò con- VIII.
ferre omnes suos effectus formales, verum est quando est eadem forma
adæquata, atque in suo genere ab aliis independens. Alioquin si tantum sit
forma inadæquata, quæ in uno effectu formali ab aliquo priori formal-
iter concurrente dependeat, in altero à posteriori: illum unum prius com-
municabit. Exempli causâ, quia unum ut faciat tria pendet à duobus, sed
ut constet quinque dependet à quatuor: duo verò naturæ ordine sunt pri-
ora 4. hinc etiam unum prius constituit tria quam quinque. Id applicando
ad rem præsentem; Quia mundus futurus non se solo denominat Deum
liberè volentem & videntem: sed ad primam denominationem requirit,
& quidem primariò, concursum formalem Complacentiæ practicæ pos-
sibilem: ad alteram autem similem concursus intellectus speculativi exis-
tentium contingentem: hic verò intellectus est posterior dicta compla-
centia: idcirco etiam mundus futurus videntem posterius denominat
quàm volentem.

Portò intellectum jam memoratum esse in Deo posteriorem compla-
centia possibilem probatur; Quia inter facultates, tam humanas quàm
divinas, illa alteram ratione sequitur, cujus omnes actus actum alterius
præsupponunt, & non contrà: ut patet exemplo voluntatis, quæ ob hanc
rationem tam in Deo quàm hominibus est posterior intellectu. Atqui o-
mnis visio contingentium (quæ est actus proprius illius formalitatis intel-
lectivæ, quam ante descripsimus) præsupponit in Deo aliquem actum
Voluntatis seu complacentiæ practicæ, & non è converso. Nihil namque
in mundo fit quod non pendeat ab aliquo Dei decreto, saltem permissi-
vo: plurima autem fiunt independentem à visione contingentium. Ergo
illa præcisè formalitas intellectiva, qua Deus contingentem existentia con-
templatur, est per rationem posterioris formalitatis Voluntatis, qua ea
primum causat aut permittit: Idque jam melius concipietur, quod sæpius
ante observaverimus formalitatem eam intellectivam non esse posita in
nuda ac simplici intelligentiâ possibilem: sed in eadem ut conjuncta cum
formalitate affirmativa existentie eorundem. Licet autem simplex intelli-
gentia possibilem complacentiam illorum ratione præcedat, ut tamen
contrahitur per præfatam formalitatem, est ille in Deo intellectus, quem
rationis ordine sequi contendimus.

Notandum primò; Eandem ob causam decretis liberis voluntatis di-
vinæ posteriores esse per rationem illos actus ejusdem, quibus Deus de
peribus suis jam productis delectatur & gaudet, juxta dicta disp. I. cap. 7.
n. 48. Etsi enim similiter compleantur per existentiam creaturarum: hæc
tamen illam gaudii denominationem Deo non tribuunt se solis, sed ut
con-

IX.

Sicut et
de gaudi-
um de
isdem

con-

conjunctione cum formalitate divina, quæ ordine rationis sequatur formalitatem decreti liberi vi cuius producuntur creaturæ, imò & formalitatem vivam earundem; cum illa, inquam, formalitate, quæ simplici complacentiæ per rationem superaddit suavitatem illam & quietem vitalem, quam in Deo æquè atque in creaturis, delectatio importat. Hæc autem formalitas in omni suo actu circa objectum creatum, aliarum formalitatum actus, per quos creaturæ producuntur & videantur, præsupponit unde, per priorem regulam, debet ordine rationis sequi formalitates eadem.

Haftenus dicta applicantur ad scientiam conditionatam, prout connotat ea contingenter futura sub conditione. Notandum secundò; Ea ferè quæ hætenus diximus de scientia libera futurorum absolute, applicari debere ad scientiam liberam futurorum sub conditione: atque hinc colligi, eam esse *scientiam necessariam possibilem*, prout connotat ea contingenter futura sub conditione. Quæ futuritio conditionata, licet nihil ponat in re, imò & nunquam positura sit, sufficiens tamen est, non solum ad terminandam, sed etiam complendam; denominationem intentionalem ac speculativam scientis. Ad illam enim ea etiam sufficere quæ nihil sunt in re, dummodo aliam quampiam veritatem objectivam habeant, ostendimus disp. 3. cap. 5. n. 22. & lqq. Cur autem eadem futuritio conditionata, pariter non valeat ad complendam denominationem practicam liberè volentis, explicavimus disp. 4. cap. 4. n. 16. Ex quibus responderi iis poterit, quæ ex hac scientia conditionali, contra nos producit Arriaga disp. 28. n. 25. Maxima verò est disparitas in evidenti, ut putat, exemplo quod adfert: quòd scilicet conversio Petri sub conditione futura, non constituat Petrum actu conversum: ergo nec possit Deum actu scientem constituere. Transitur enim à forma physica & principali, ad intentionale connotatum; & à subiecto infinito, quod omnia physica plenissimè ex se habet, quæ ad effectum scientis intrinsecè requiruntur, atque absolute sufficiunt, dummodo adsit objectum: à tali, inquam, subiecto, transitur ad finitum, quod omnibus vel pluribus ad conversionem intrinsecè requisitis, actu caret.

Sed de his jam satis.



CAPUT

CAPUT II.

*An in actibus Dei liberis, v.g. decretis,
videri possint futura?*

ALias quasdam difficultates Theologicas cum divina Libertate con-
nexas attigimus disp. 3. in solutione argumentorum, ut cap. 6. eam
de prædefinitionibus, & de remissione peccati absque mutatione intrin-
seca, & similes, item disp. 4. cap. 5. illam celebrem de præparatione divini
concurfus. Sed hanc alibi intactam, cum ex hac illave constitutione A-
ctuum liberorum ferè tota dependeat, in præsentia ad illorum regulam
examinabimus. Multi igitur 1. p. q. 12. a. 8. & q. 14. a. 13. docent, futura con-
tingentia, tam à Beatis quàm Deo ipso, videri in æternis decretis quibus
ea in tempore efficaciter causat vel saltem permittit. Ita sentiunt non i-
tantùm qui Actus Dei liberos statuunt adæquatè intrinsecos Deo, ut Ca-
jetanus, Joannes à S. Thoma, Salmanticenses ac plures Thomistæ: sed ali-
qui etiam eorum, qui nobiscum, ad dictorum actuum complementum,
denominationem extrinsecam ab effectu creato mutantur, ut Hevice 1.
p. disp. 6. cap. 3. n. 32. Granadus ibidem tract. 4. disp. 4. sect. 2. Franciscus
Amicus ibidem disp. 12. sect. 8. n. 128. Quin etiam Scotus qui in 1. dist. 39.
q. unica §. *Iuxta prædicta* docuerat, Decreta libera non superaddere præ-
dicatis necessariis Dei nisi productionem effectus, ut pluribus retulimus
disp. 3. c. 3. n. 13. à Suarez aliisque citatur, quasi nihilominus in eadem quæ-
stione §. *Viso de contingentia* voluerit illa ipsa decreta esse Deo rationem,
ac veluti medium, in quo futura cognoscat.

*Authores
pro parte
affirmative*

Sed dico; Nulla decreta, aliique Actus Dei liberi, habent se, aut habere
possunt, instar medii in quo Deus vel Beati videant, aut cognoscant futu-
ra, saltem proxima & immediata. Ita Vasquez 1. p. disp. 65. c. 2. n. 11. Arubal
disp. 43. c. 2. Recupitus tom. 2. in 1. p. q. 20. c. 2. & 3. Ejusdem sententiæ vi-
deretur fuisse D. Thomas: explicaturus enim quomodo Deus videat, aut
certò ac determinatè cognoscat futura, non recurrit ad divina decreta:
sed semper ad futurorum actualitatem & præsentiam in Æternitate; ut ap-
peret constabit legenti eum in 1. dist. 38. q. 1. a. 5. & 1. p. q. 14. a. 13. Non præ-
teriret autem medium tam facile ac promptum certò cognoscendi futu-
ra, quale divina decreta summè efficacia & immutabilia offerrent, si quod
tale in iis contineri agnosceret. Ipsum etiam Scotum, eodem in loco ubi
contra nos citatur, nobiscum facere, expensis ejus verbis, rectè ostendit
Recupitus suprà c. 1. Nam si ad ea attendamus, non aliter vult Scotus, De-
creta

*Negative
preferunt
ac primò
stabilitur
authori-
tate.*

creta divina esse causam videndi futura, quam quatenus hæc per illa habent quod sint futura determinatè. Cæterum hac habita veritate, non jam videntur in decretis per quæ eam obtinuerunt: sed statim essentia divina ostendit ea intellectui ut vera in seipsis: sicuti etiam ante decretum ostendisset, si hæc ante illud determinatam veritatem habuissent. Quem quoque in sensum Scotum interpretantur ac sequuntur Smising & Cavellus. Estque eadem hæc doctrina cum illa quam tradunt Vasquez & Arubal supra; Quod decreta divina sint quidem causa vel conditio cur talia sint futura, & sic remotè concurrant ut quæ futura cognoscantur: non tamen sint medium, aut ratio formalis in qua Deus illa cognoscat.

XI.

*Probat
efficaciter
ex nostris
principiis*

Omissis aliis hujus sententiæ argumentis quæ Authores pro ea citati accumulunt, illud unicum urgebo, instituto huic proprium, quod ex ipsa Actuum Dei liberorum constitutione, ac veluti partibus, deduci potest hunc in modum; Actus Dei liber, sive sit intellectus sive voluntatis, duo dicit: perfectionem Dei intrinsecam ac necessariam & aliquem effectum vel causalitatem creatam. Atqui in neutro tanquam medio possunt videri futura; saltem immediata. Non enim in primo: quia ut quid sit medium in quo alia videantur, debet habere connexionem necessariam ac determinatam cum ipsis: nam si sit ad ea indifferens, non potest esse ratio quæ unum potius quam oppositum repræsentet. Quidquid autem Deo intrinsecum est, id in nostrâ sententiâ est indifferens ad futura. Non possunt ergo videri futura in eo, quod per actus liberos denotatur intrinsecum Deo. Neque potest dici quod futura immediata videantur in altero: eo scilicet quod extra Deum perfectioni necessariæ superadditur & connotatur. Id namque non differt ab illis ipsis futuris. Quare si in eo viderentur, non viderentur in aliquo tanquam medio, sed immediatè in seipsis. Nullo igitur modo potest Actus Dei liber instar medii cogniti futura immediata repræsentare.

*Ademplu-
ribus de-
claratur.*

Confirmatur primò, & explicatur exèmplo decreti liberi creandi hunc mundum. Id enim intra Deum nihil aliud dicit, quam complacentiam necessariam in mundo possibili, in actu tamen primo efficacem ad eum causandum: extra Deum verò mundum ipsum futurum; Ita ut ex hisce duobus adequatè constet liberum Dei decretum. Cùm igitur quæritur, an mundus futurus videatur in decreto sui libero, suppositis nostris principiis eò quæstio reducitur; An mundus videatur in complacentiâ illâ Dei de mundo possibili: & in mundo ipso futuro? Certū autè & clarum est quod id affirmari non possit pro secundâ parte: quia sic mundus futurus videretur in seipso immediatè. Non posse quoque id affirmari pro primâ parte ratio ante tacta persuadet; Quod nihil possit determinatè repræsentari in me-
dio

dio indeterminato seu indifferenti: tota autem isthæ complacentiæ, quatenus Deo intrinseca à futurâ mundi causalitate distinguitur, est ad mundi productionem indifferens. Inò in sententiâ nostrâ, eadem illa complacentia non solum est Dei potentia, sed ipsa etiam libertas in actu primo ad producendum mundum vel non producendum : quam in actu quasi secundo compleat productio vel omissio ejus. Secusâ ergo productione, non possumus aliud judicare, quàm Deum posse producere mundum, atque adeo efficaciter velle : vel non producere, & sic efficaciter nolle producere; nulla verò ratio se offert, ob quam unum potius quàm alterum esse aut fore asseramus.

Confirmatur secundo. Inter duas veritates quarum una in alia scitur, XII. debet esse tam certa ac infallibilis connexio, ut hæc absque illâ consistere non possit: haud aliter quàm inter veritatem præmissarum & conclusionis. Neque enim intellectus divinus vel Beatorum qui simplicj intuitu & sine ullo discursu unum in alio intelligit, à discurrere differt quòd requirar minorem connexionem : sed tantum quòd qui discurrit utatur pluribus actibus imperfectis & ab invicem dependentibus : qui verò intelligit simpliciter, unam veritatem in aliâ uno eodemque actu contempletur. Sed talis connexio non est inter prædicata Deo intrinseca, & determinatam futuritionem, vel non futuritionem, creaturarum. In nostris enim principiis, omnia Deo intrinseca penitus necessaria sunt, utpote Deus ipse: determinata autem futuritio, vel non futuritio, est contingens. Implicat autem, aliquid contingens infallibiliter connecti cum necessario; sic enim non jam contingens esset, sed necessitatem indueret; quippe quod ab alio necessario separari non posset. Non potest ergo hæc veritas, quòd *mundus v.g. sit futurus*, cognosci in veritate, quòd *Deus hac vel illa habeat sibi intrinseca*: sed debet extra Deum cognosci, sive in alio medio creato (v.g. in revelatione facta alicui Angelo ante conditum mundum) sive immediate in ipso mundo futuro.

*Veritas
qua in a-
lia scitur
debet esse
cū ea in-
fallibili-
ter con-
nexa.*

Confirmatur tertio. Ut intellectus clarè judicet ex duobus possibilibus contradictoriè oppositis, unum potius esse quàm alterum, debet pro uno habere rationem evidentem quam pro altero non habet: neque enim in judiciis claris locum habet determinatio voluntatis: esto, in obscuris multum possit. Ut ergo Deus vel Beati clarè videant mundum potius futurum quàm non futurum, debet pro illa parte apparere aliquid speciale, quod pro altera non apparet. Id porò apparere nequit intra Deum ipsam: sive enim mundus producatursive non, omnia Deo intrinseca sunt prorsus eadem, eodemque modo intrinsecè se habent, ut ostendimus disp. 2. ideoque intuentes Deum clarè sicuti est, nihil intrinsecum & speciale pro

altera parte contradictionis possunt agnoscere. Debet ergo specialis illa ratio, ob quam Deus determinato assensu cognoscat mundum futurum, apparere in rebus creatis; in ipso videlicet mundo futuro. Et per consequens, mundus futurus non videtur in decreto divino prout est aliquid in Deo, sed extra Deum in ipsomet mundo.

XIII. Dices primò; Deus & Beati cognoscunt futura in decretis divinis, non quatenus dicunt aliquid Deo intrinsecum, neque etiam quatenus creaturas Deo extrinsecas important: sed ut connotant eas futuras, & sic Deum libèrè eas volentem seu decernentem denominant. Sed contrà; Ut jam ante ostendimus disp. 2. c. 5. tota illa connotatio, denominatio, terminatio, habitudo, effectus formalis, aut quocumque alio nomine appellaveris, à duobus illis extremis, (Deo & creaturâ) non differt à parte rei: sed tantum per conceptum fingentem ens rationis. Hunc autem conceptum esse prorsus impertinentem ad constitutionem decreti liberi, patet ex ibidem dictis cap. 6. Veram igitur rationem videndi futura, nec in figmentis nostris sed reipsa fundatam, quærere non possumus, nisi in hoc complexo, *Deo & creaturâ*. Cum verò in solo Deo secundum intrinseca sua considerato ea minimè appareat: superest ut in creaturis modo ante dicto reperiatur.

Instabis; Si decretum Dei liberum non dicat habitudinem ab extremis distinctam, sed Deum ipsum & creaturas: Ergo Deus videt creaturas in suo decreto. Nam qui videt totum, videt in eo partes ex quibus constat; Atqui decretum respectu creaturarum se habet instar totius ad partem: Ergo Deus qui videt totum suum decretum, videt in eo creaturas. Respondeo, à nobis non negari quòd creaturæ videantur in decretis divinis veluti partes in toto: sed solummodo quòd in illis ut medio cognito videantur. Non semper autem partes, aut quasi partes, quæ videntur in toto, in eodem videntur tamquam in medio cognito: sed sæpè in seipsis immediatè. Sic qui videt hominem, videt quidem in eo oculos & pectus, vel qui videt domum videt in ea parietes & tectum: æquè tamen immediatè quàm hominem ipsum vel domum. Nihil igitur refert si creaturas in decretis videri dixeris, ut partem vel complementum in iisdem inclusum: dummodo immediatam earum visionem in seipsis non negaveris.

Dices secundò; In causâ clarè visâ tamquam in medio cognito, videntur effectus: Atqui decretum divinum est causâ creaturarum: Ergo in eo clarè viso, velut in medio cognito, videntur creaturæ. Respondeo causam quidem necessariam ac determinatam esse medium in quo videri, aut saltem certò & clarè cognosci possint ejus effectus: sed non causam liberam ac indifferentem. In hac enim non posse eos certò sciri, præter D. Thomam

nam

Non confundenda visio in medio cognito cū visione in toto.

XIV.

mam suprà citatum n. 10. satis clarè supponit schola Peripaterica, quando *Cur* ei non sufficit ad scientiam, *causam nosse propter quam res est*, & quod il-
lius est causa: sed præterea requirit ut non contingat aliter se habere: con-
 tingit autem aliter se habere causam liberam in ordine ad suos effectus. I-
 dem probant rationes suprà propositæ num 11. & 12. Decretum verò di-
 vinum non est causa futurorum, saltem immediatorum, necessaria, sed li-
 bera: non determinata ad unum, sed ad plura indifferens. Quare in decre-
 to præcisè ut causâ, non possunt sciri futura immediata. Videantur plura
 quæ de decreto ut causâ diximus disp. 3. c. 8.

Dixi, *futura immediata non posse videri in decreto tanquam in causa*, ad
 quæ etiam restringitur Conclusio n. 10. nihil enim vetat in decretis divi-
 nis videri, aut saltem certò cognosci, futura quædam mediata. Ac primò
 in sententia probabiliori disp. 3. c. 7. assertâ, quæ decreta libera compler
 per causalitates seu influxus futuros, ut ab effectibus differunt à parte rei,
 in iis ut sic completis cognosci poterunt effectus, sicuti terminus in sui
 via seu influxu. Deinde supponendo decreta compleri per ipsosmet effe-
 ctus, pari ratione poterunt alii effectus cognosci in decretis, quæ eos in
 suis causis secundis cognosci Philosophi pariter ac Theologi tradunt. Sed
 priùs dicta, non habita hujus ratione, procedunt de futuris immediatis,
 sive tantum sint causalitates sive effectus.

CAPUT III.

Alia dua Quæstiones consequenter resolvuntur.

Prima quæstio est; *An Deus præsciat sua decreta ut futura?* Suppono . XV.
 eum clarissimè intueri ea omnia actu præsentia. Videt enim essentiam
 suam cum omni perfectione intrinseca quæ ex ipsius parte ad decernend-
 um requiritur: videt præterea omnes effectus cōtingenter futuros. Cum
 autem decreta ejus libera ex hisce duobus simul sumptis adæquatè con-
 stent: iis simul visis videntur decreta; haud aliter quàm aliquod totum seu
 complexum videri necesse est, si omnes ejus partes ac ingredientia videân-
 tur. Sic Deus videndo seipsum, & Petrum existentem, videt necessariò li-
 berum decretum quo voluit eum producere aut conservare: quòd si insu-
 per in Petro videat habitum gratiæ & gloriæ, videt etiàm suum decretum
 justificandi eum & glorificandi. Eodem modo Beati ut divina decreta
 videant, videre debent ista duo, Essentiam Dei & contingentem effectum,
 & visis istis duobus vident necessariò decreta. Sed hoc posito contraver-
 sia nascitur; An Deus sua illa decreta non tantum roverit ut præsentia, sed
 etiam ut futura? Ad quam quod attinet, Falsolus in 1. p. tom. 2. q. 14. a. 13.
 dub. 18. num. 447. Franciscus Amicus tom. 1. Cursus Theologici disp. 12.

Qq 3

sect. 11.

sect. 11. Suarez item & Fonseca apud eos citati, docent Deum omnia sua libera decreta præscire pro eo signo rationis, in quo ad ea habenda vel non habenda indifferens intelligitur.

Non potest enim præscire præ futura. Sed dico primò. Implicat Deum præscire decreta sua absolutè futura. Ita Vasquez 1. p. disp. 65. c. 4. n. 24. Arubal, Granadus, Arriaga, Recupitus & plerique Thomistæ, qui variis argumentis id probant: nos unicum tantum urgebimus ex nostræ de actibus Dei liberis sententiæ visceribus petiturum; Quod scilicet decreta Dei libera nequeant videri ut futura, pro eo rationis signo in quo ut præsentia videntur. Futurum enim dicit negationem præsentia pro omni eo instanti temporis vel rationis in quo est futurum: implicat autem ut privatio præsentia cum opposita sibi forma in idem instans concurrat. Id verò quod implicat jam fieri oporteret, si quo rationis signo divina decreta ut absolutè futura præviderentur. Essent enim ac viderentur futura, ut supponitur: simul tamen viderentur, adeoque essent ea omnia, quæ ad Dei decretum actualiter præsens requiruntur ac sufficiunt, nimirum complacentia Dei necessaria & effectus contingenter futurus; & sic simul eadem decreta pro eodem instanti essent ac viderentur præsentia. Cumque de complacentia necessaria ambigi non possit: effectum illum futurum sententiæ nostræ principia manifestè important; quippe quæ decretum in ratione liberi intrinsecè & essentialiter compleant per talem effectum. Quia verò decretum nequit videri futurum absque suo intrinseco complemento; hinc etiam videri nequit absque futuritione dicti effectus.

XVI.

Non datur futuritio futuritiois.

Respondebunt forsitan, aliam longè esse futuritionem effectuum pro priori illo rationis signo quam deinceps: nempe reflexam super secururam futuritionem. Sed illa futuritionum diversitas & quasi reflexio, etsi mente possit conungi, in rebus tamen ipsis intelligi non potest. Futuritio enim reipsa nihil aliud dicit quam rei existentiam pro duratione posteriori cum ejusdem privatione pro priori: quomodo autem vel privatio præcedens, vel existentia subsequens potest à seipsa differre, & sic quasi geminata per unam sui, ut sic loquar, replicationem reflecti super alteram? Et licet in existentia positiva id concipi posset: non tamen in privatione. Quia hæc supra se reflexa desineret esse privatio, & transiret in affirmationem: juxta legem communiter apud Philosophos receptam; *Quod non datur negatio negationis, sed hæc duplicata affirmationi æquivaleat.* Quare ex hac quoque parte destrueretur futuritio, quæ essentialiter aliquam privationem importat. Quid, quod datâ futuritione secundâ super primam reflexâ, pari jure dari debeat tertia futuritio reflexa super secundam, & deinde quarta super tertiam, & sic in infinitum? Denique per futuritionem reflexam non obti-

obtinetur quod Authores intendunt: præsciri videlicet divina decreta antequam sint. Quia haud minus hæc futuritio reflexa deberet cum complacentia divina constituere reflexum quoddam decretum pro instante priori: quàm directa futuritio decretum directum pro posteriori. Licet autem præscientia anteverteret decreta ista directa, in reflexa tamen coincideret.

Sed obijciunt; Pro eo signo rationis quo Deus consideratur secundum sola prædicata necessaria, decretum Dei liberum nondum est, sed tantum in sequenti: Ergo pro illo priori signo est futurum. Quia futuritio (ut etiam paulò ante admisimus) aliud non dicit quàm existentiam posteriorem cum privatione prioris existentiae. Quòd si decretum pro illo signo sit futurum, debet procul dubio, pro eodem signo, à Deo omnia sciente ut futurum cognosci. Respondeo negando primam consequentiam. Quia in ordine ad illa signa seu instantia rationis non desumitur futuritio: sed tantum in ordine ad instantia durationis realis. Debet enim desumi ab illis instantibus, in quorum posteriori res existat, connotatà sui privatione in anteriori: ad hoc autem non sunt apta isthæc signa seu instantia rationis. Quia non sunt instantia *in quibus*: sed vel causalitatis, quæ à quibus dici solent: vel majoris communitatis seu universalitatis. Nisi velimus temerè & absque fundamento aliam quandam durationem fabricare in mente, quæ sua quoque instantia priora ac posteriora habeat. Sed hanc nihil facere ad veram prioritatem, ac futuritionem, decretorum divinorum, quæ divino etiam iudicio approbetur, per se satis patet. Ad rationem in contrarium, fatemur id quod ibi dicitur esse satis ad futuritionem: sed negamus habere locum in præsentī. Licet enim decretum pro illo priori non concipiatur præsens: haud tamen concipitur non præsens sive absens, sed præscindit ab utroque. Sola autem præcisio præsentiae non sufficit ad futuritionem: sed ad eam necessaria est prævia privatio præsentiae, sive vera absentia. Pluribus hæc explicant Authores pro conclusione citati, ac cæteris subtilius Recupitius tom. 2. l. 1. q. 30. & Arriaga de scientia Dei disp. 20. sect. 6.

Altera Quæstio, eaque satis gravis & Theologica cum actibus liberis connequitur; *An Verbum divinum & Spiritus sanctus procedant, non solum ex scientia & amore necessariis, sed etiam ex liberis?* Affirmant Valentia 1. p. disp. 2. q. 8. puncto 2. Franciscus de Suniga de Trinitate disp. 9. dub. 7. & disp. 12. dub. 3. Didacus Ruys de eadem disp. 64. sect. 4. & plures Recentiores. Ponunt enim tot formalitates, vel habitudines, intrinsecas in Verbo & Spiritu sancto, quot reperiuntur in scientia & amore ex quibus procedunt, easque invicem respondentes, tum in aliis, tum præsertim in necessariis.

*Pro signo
indifferē-
tia divi-
na, decre-
ta neque
futura
neque præ-
sētia sunt*

*XVII.
An perso-
na proce-
dant ex
Actibus
liberis?*

Probabilis explicatio partis Affirmantis.

necessitate ac libertate. Hinc verò conficiunt personas prædictas, licet secundum habitudines necessarias quas dicunt ad essentiã divinã, attributa, aliaque objecta necessaria, non procedant nisi ex necessariis: secundum alias tamen habitudines liberas, quas dicunt ad objecta contingentia seu libera, procedere etiam ex libera scientia & amore. Quod probant auctoritate Scripturæ & Patrum, ac imprimis D. Augustini 15. de Trinitate c. 14. & tract. 20. in Joannem ad illa verba, *Pater enim diligit Filium, & omnia demonstrat ei quæ ipse facit*, D. Thomæ quoque q. 34. in 1. p. a. 1. ad 3. & aliorum Antiquorum. Ratione denique, quod verbum divinum, ob suam infinitatẽ, debeat sub ratione Verbi exprimere quidquid dicibile est: cum ergo intra sphæram dicibilium, comprehendantur veritates de objectis contingentibus, videlicet creaturis quæ aliquando existunt: debent hæc quoque exprimi seu dici immediatè per Verbum. Debet itaque Verbum ex earum cognitione procedere: quidquid enim exprimit Verbum, habet ex scientia à qua procedit. Similem in modum argumentantur de Spiritu sancto.

XVIII.

Sed præfatur pars negans.

Probatur tum ex parte principii:

Sed dico secundo; Licet ea sententia valde probabilis sit, suppositis formalitatibus sive respectibus liberis Deo purè intrinsecis: hæc tamen negatis, consequenter negandum est, Verbum & Spiritum sanctum procedere ex scientia & amore quã formaliter liberis. Probabilitas contrariæ sententiæ patet ex Autoribus & argumentis pro ea relatis. Nostram verò, præter Cajetanum, Suarez, Molinam, Bannez, atque ipsum etiam Vasquez & plures alios aliis principiis innixos, ex illis ipsis quæ de actibus Dei liberis tradidimus, tuentur ac demonstrant Arubal disp. 125. c. 2. & 3. Grana-
 dus tom. 3. tr. 9. disp. 7. Amicus disp. 26. sect. 5. Ratio potissima est; Quod in sententia nostra, formalis libertas, ad necessariam Dei scientiam & amorem nihil penitus addat, præter connotationem seu denominationem extrinsecam ab effectibus futuris: quæ tandem connotatio seu denominatio secundum id præcisè quod superaddit, aliud non dicat formaliter à parte rei, quàm ipsosmet effectus vel causalitates futuras. Quamobrem quidquid non ex solis necessariis, sed etiam liberis quã talibus procederet, deberet procedere ex creatis causalitatibus vel effectibus. Atqui certum & evidens est, quod nihil divinum, quale est Verbum & Spiritus sanctus, possint procedere ex principio creato. Ergo nec potest ex Actibus divinis, quã formaliter liberis, procedere.

Tum ex parte termini.

Confirmatur, convertendo argumentum, quod ex parte principii sumptum, in ipsummet terminum; Si Filius & Spiritus sanctus procederent ex actibus liberis, non posset passiva processio salvari in aliqua formalitate necessaria: implicat enim, terminum esse necessarium & principium ejus

liberum deberet ergo terminari à formalitate aliqua libera. Hæc porro assignari non potest intra ipsas personas procedentes. Quia non minus implicat, quid liberum seu contingens, identificari cum personis divinis: quam cum essentia, aut attributis. Designanda itaque est libera isthæc formalitas extra Deum & Personas, & per consequens in creaturis. Per illam ergo processionem, non jam Filius & Spiritus sanctus procedent, sed creaturæ: nec jam singularim à solo Patre vel Spiratore, sed communiter à tota sanctissima Trinitate.

Authoritates & rationes Adversariorum aliud non probant, quam Filium à Patre, & Spiritum sanctum ab utroque, accepisse per processionem scientiam omnem & amorem, secundum id quod dicunt divinum, atque adeo intrinsecum personis: non verò secundum id quod connotant creatum extra easdem. Scripturæ enim, in quibus ferè fundantur authoritates Patrum, sumuntur præcipuè ex Joan. 8. 14. & 16. ubi Filius dicitur *nihil à seipso loqui* atque adeo scire, *sed quæ didicit vel audivit à Patre*: quia scilicet totam illam scientiam per quam scit & loquitur (non necessaria solum & possibilia sed etiam contingentia & futura) à Patre per generationem accepit. Ut namque vidimus cap. 1. est una eademque utraque scientia, & quæ dicitur libera, solo connotato à necessaria distinguitur. Quare Filius unam à Patre accipiendo, etiam alteram accepisse dicendus est: dummodo connotatum adsit. Nec refert quod connotatum non acceperit processione: quia & Joan. 5. dicitur Filius *non posse à se facere quidquam, nisi quod viderit Patrem facientem*; quia nimirum à Patre accepit Omnipotentiam per quam omnia facit, licet *facere* ipsi aliquid addat extra processionem. Ratio quoque num. 17. adducta aliud non probat, quam quod Verbum ex vi processionis debeat omnia dictibilia exprimere: non verò quod per illa sola quæ ex vi processionis accepit, absque extrinsecis connotatis. Quia & scientia divina ratione perfectionis intrinsecæ versari debet circa omnia scibilia, & consequenter contingentia & futura: haud ita tamen, quin ad quædam scienda connotatum aliquod extrinsecum requirat.

Lectori forsitan nimis breviter & jejune perstricta videbitur Quæstio hæc, quæ pro sui dignitate uberiorem pertractationem requirit: sed is, velim consideret, me in hac veluti appendice liberorum Actuum, non tam ad doctrinam Consequentis, quam ad rationem consequentiæ attendere. Quare contentus illius probabilitatem paucis insinuas, in huius potius demonstrationem incumbo. Quod & pro prioribus huius disputationis capitibus, & pro duobus sequenti-

ciat.

RY

CAPUT

XIX.

Argum.
tu con-
trarius sa-
tisfit.

CAPUT IV.

*Quomodo consequenter loquendum de prædestinatione
divina.*

XX.

*Ad seriè
ejus non
spectat
imperii
prorsus
internum*

Quod in ejus materia quæri ante omnia solet, *An in actu intellectus, an voluntatis, an in utroque consistat Prædestinatio?* peculiarem in nostris principiis difficultatem non habet. Sed id difficillimum, quod non solum alii qui actus liberos Deo prorsus intrinsecos defendunt, verum etiâ Granadus qui eos nobiscum per extrinseca complet, prædestinationem formaliter ponant in quodam imperio intellectus divini, quod sequatur intentionem liberam, sed usum seu executionem præcedat. Id sanè difficillimum est: quia si intentio libera præcedat imperium: ergo aliquis etiam usus seu executio illud præcedit; Nam absque hujus connotatione, nulla actualis libertas in Deo constat. Vel igitur idem seipsum sequitur ac præsupponit: in quo est contradictio. Vel si id non intelligatur de executione eadem in ordine ad eundem effectum, sed de diversa in ordine ad diversum: jam aliqua sanè executio, quodque in idem redit, causalitas & efficientia datur à Deo absque prævio imperio; Quod est contra Authorem citatum qui illud omnem necessarium putat. Omitto plures rationes ob quas imperium monasticum, quo quis imperat sibi ipsi, à Deo remouent: Molina, Suarez, Ariaga, Recupitus & alii, ubi de providentia Dei ac prædestinatione tractant: Ut enim paulò ante annotavi; consequentiam magis hîc specto, quàm consequens. Solum addo, imperium illud utui esse: non posse ad movendam seu applicandam potentiam executricem: quippe quæ formaliter eadem cum voluntate divina, seipsam ad quidlibet determinare & applicare, etiam sine imperio, liberrimè potest: Non posse item pro termino imperato respicere quidquam intrinsecum Deo: quia nihil necessarium sub imperium cadit, quidquid autem est intra Deum, ut sæpius diximus, prorsus necessarium est; Restare igitur ut, si derur, pro termino imperato habeat quid creatum: quem si imperium quâ liberum antecedit, eum quoque debeat alius creatus terminus antecedere, & ne in his in infinitum procedatur, deveniendum tandem sit ad creaturam aliquam sine imperio monastico productam. Quo admissò, tota necessitas hujus imperii evertitur.

*Id ab omni
usu distinctum
& Deo inutile &
impossibile est.*

Actus itaque, quos ex parte divini intellectus prædestinatio exigit, consistunt intra scientiam simplicis intelligentiæ & conditionatorum, per se satis practicam ut Voluntatem Divinam possit dirigere in mediis dandis. ad finem vitæ æternæ, etiam si imperium non accedat. Nec Scripturæ verba:

ba.

ba quæ ex Gen. 1. adfert Granadus, *Fiat lux & facta est lux*, probant illud *Alii actus* monasticum imperium, sed tantum analogiam quandam cum imperio & *intellectu* conomico aut politico: quatenus Deus, efficaci sua voluntate, creaturas ex *prædeterminationi* nihilo producit, & sic juxta Apostolum ad Romanos 4. vocans ea quæ non *sufficiunt* sunt tanquam ea quæ sunt, haud minus illa ad nutum suum prompta, ac veluti obedientia habet, quam si obsequentissimis famulis Dominus imperaret. Simili metaphorâ dicitur Job 38. v. 35. *Nunquid mittes fulgura, & ibunt, & revertentia dicent tibi: Adsumus?* Rationem quoque in qua idem Author se fundat, quod talis modus operandi per imperium, perfectissimus sit, & rerum omnium Principem maximè decens, meritò rejici- *Imperii* mus, quatenus de monastico procedit: is enim modus imperfectionem *monasti-* involvit nobis propriam, & à Deo excludendam. Experimur namque nos *cum imper-* eum tantum in finem illo imperandi genere aliquando erga nos uti, ut *fectionem* voluntatem nostram quæ circa bonum sibi propositum, ob ejus difficul- *involuit* tatem, incertitudinem, obscuritatem, vel suam etiam tarditatem ac igno- bilitatem, adhuc hæret suspensa, excitemus, eoque veluti stimulo urgeamus ad opus. Quæ suspensio, ejusque causæ, cum in Deo non habeant locum: nec imperio monastico locus in eo concedendus.

Quod spectat ad actus voluntatis divinæ qui ad prædestinationem con- *XXI.* curiunt, hæc imprimis regula observanda, quam ex principijs nostris deduximus ac stabilivimus disp. 3. cap. 6. & iterum disp. 4. c. 4. *Ut nullus actus* liber admittatur in Deo sine mutatione aliqua in rebus creatis, atque adeo *Regula* efficientia circa easdem. Quæ mutatio debeat saltem esse futura, pro omni *pro acti-* eo instanti rationis, pro quo intelligitur liber actus. Neque enim is potest *bus libe-* absque suis intrinsicis intelligi: aliqua autem mutatio ad extra, actui Dei *ria admi-* quâ libero, est intrinseca. Quapropter principijs iis suppositis, sequi hinc *Deo.* non possumus sententiam Suarez & multorum recentiorum, præsertim Thomistarum, qui divinæ prædestinationis initium sumunt ab Electione *Hinc re-* absoluta ad gloriam, Deo quidem libera, nullius tamen effectus per se *movenda* causativa: quippe quæ intra solius intentionis ordinem purissimè sistat, *intentio* executionem verò, tam mediorum quam finis, alteri voluntati, ordine *nullam* rationis consequenti, demandet; ut videre est apud Suarez lib. 1. de præde- *execution-* stinatione cap. 8. & lib. 3. de auxilijs c. 16. & seqq. Hanc sequi opinionem, *nem in-* uti dixi, non possumus: quia eo signo rationis, quo cæteros prædestina- *volvens.* tionis actus hæc electio antecedit, nulla est aut concipi potest mutatio, vel causalitas, circa gloriam prædestinatorum: ergo nec Dei circa eam libertas. Consequentia patet ex jam dictis. Antecedens probatur. Quia pro signo illo priori esse aut concipi non possunt quæ essentialiter dependent à posteriori: atqui mutatio quæcunque & causalitas à posteriori dependet;

videlicet à decreto executivo, quod secundum Suarez sequitur electivum, ejusmodi tamen est ut independenter ab eo nihil in rebus creatis mutari ac fieri queat. Quis enim concipiat lumen gloriæ à non esse transire ad esse, mentibusque prædestinatorum infundi, nisi id agente & exequente Omnipotentia Dei? Vel ipsa ratio entis ab alio, in omni ente creato essentialiter imbibita, talem conceptum refutabit: multo magis cæteræ rationes luminis huic supernaturali propriæ, quæ speciali jure Deum ut causam sibi vindicant.

XXII.

Dices; Pro eo signo priori non esse quidem mutationem ullam vel efficientiam formalem, neque præsentem neque futuram: esse tamen radicalem seu causalem; quatenus scilicet electio absoluta & efficax quæ tum datur, Deum infallibiliter inclinat, imò necessitat, ad habendam voluntatem executivam, per quam gloria esse præsens vel futurum accipiat. Hæc autem mutatio radicalis, & quasi mediata seu remota, sufficere videtur pro connotato contingenti, unde in priori intentione denominatio libertatis consurgat. Sed contrā; Ut hinc dissimulem quod n. 10. circa imperium annotavi, nihil Deo intrinsecum, atque adeo necessarium, moveri posse vel suo modo causari ab actu libero, & per consequens volitionem executivam secundum quod Deo intrinseca est, non posse revera pendere à libera electione: id ut dissimulem, & sic Majorem licet falsam adversariis permittam, distinguo Minorem: Mutatio radicalis sufficit pro connotato libertatis conformiter sumptæ, scilicet radicalis, concedo: difformiter sumptæ, ut sumitur formalis, sic nego. Non enim potest definitio esse difformis à suo definito, ita ut vel illa tota, vel aliqua ejus pars non sit actu formaliter, sed adhuc lateat in sua causa vel radice, & nihilominus definitum formale consurgat. Aliqua autem mutatio Deo extrinseca pertinet ad definitionem libertatis actualis, ut quid ei intrinsecum & quasi pars. Quapropter non poterit mutatio pro signo illo priori esse tantum radicaliter & remotè, & nihilominus electio proximè ac formaliter libera esse. Hæc itaque solum erit libera radicaliter & remotè: proximè verò ac formaliter necessaria, sicuti Essentia vel Omnipotentia ante suos actus. Quod est contra suppositum; imò & consequentem libertatē executionis evertit. Quod namque ex necessario sequitur necessariò, ipsum quoque procul dubio necessarium est: sic autem, suppositis præmissis, sequeretur executio.

Quibus
modis
electionem
ante præ-
visa meri-
ta consue-

Atque hinc sequitur, eum qui non obstantibus iis quæ tradidimus de a-
ctibus liberis Dei, cum Suarez, Bellarmino, & Thomistis quàm plurimis
rui voluerit Electionem absolutam atque efficacè ad gloriam ante præ-
visa merita, debere extra Deum invenire aliquem effectum meritis prio-
rem. Qui cum esse nequeat ipsamet gloria (quippe quæ in executione non
ante-

antevertat merita sed præsupponat) restat ut sit alius quispiam, absolute & ^{quænter} efficaciter cōnexus cū gloria. Qualis esse potest promissio dandi gloriam, ^{veri pos-} prorsus? absoluta & à meritis indepēdēs. Divina enim promissio, cū inclu- ^{simus?} dat locutionem quandam ad creaturas rationales directam, secum adfert mutationem aliquam & efficientiam ad extra : ac simul cum re promissa tam infallibiliter connectitur , ut per nullam potentiam frustrari possit. Potest item Deus electionem suam & prædestinationem conferre in voluntatem creaturæ humanæ naturæ Christi : hæc verò in actibus à se elicitis, omnem illum ordinem intentionis & executionis servare , quem Suarez, & alii, soli Deo secundum intrinseca adscribunt. Quo casu, Dei quoque voluntas, connotando Christi volitiones à se causandas, eundem ordinem in æterna prædestinatione & electione servabit: eligendo ad gloriam independentem à propriis meritis eos omnes , quos sic eligi Christo suo placuerit. Quod est propriè, ut verbis Iſaiæ utar. cap. 53. v. 10. *Voluntatem Domini in manu ejus dirigi*: nec tantum objectivè & meritoriè, sicuti divinam voluntatem à Christo fuisse in prædestinando directam Suarez quoque tom. 1. in 3. p. disp. 41. sect. 4. & l. 2. de prædestinatione cap. 24. & jam communiter Recentiores fatentur : verum etiam connotativè & completivè. Denique Thomistæ eandem electionem defendent per prædeterminationes physicas, sine meritis datas, mediorum omnium, à primo ad ultimum, quibus homo tandem gloriam consequitur: Videantur à nobis dicta disp. 3. c. 6. & disp. 4. c. 5. n. 28.

Cæterum, licet cum nostris principiis prior sententia de electione absoluta & antecedente, modo ante dicto, consistat: facilius tamen & congruentius in iisdem, tenetur sententia Vasquez 1. p. disp. 89. quam rationabilem ducit D. Thomas lect. 6. in cap. 8. ad Romanos, ad illa verba, *nam quos præscivit* , & multi alii tam veteres quam recentiores defendunt ; *nam* ^{instructa-} ^{men fun-} ^{damentis} *Quòd prædestinatio ad gratiam merita prævisa antecedit , sed ea sequatur* ^{gruit sen-} ^{tentia} *Electio ad gloriam.* Quia dictis principiis magis congruit, ut in absolutis Dei decretis servetur idem ordo, qui in rebus ipsis, quarum connotatione denominationem liberorum accipiunt. Atqui in rebus dictus ordo servatur: constat namque quòd Dei gratia re ipsa præveniat omnia nostra merita, hæc verò gloria posterior excipiat. Et quamvis intervenire possit promissio divina, vel etiam creata voluntas, quæ Dei autoritate, modoque ante dicto, illum ordinem invertat : quamdiu tamen de contrario non constet, tam divina promissa , quam quævis voluntas divinitus instructa vel mota, censeri debent huic etiam ordini accommodata. Nihil autem ex Scriptura , Patribus, ratione, adferri quod contrarii fidem faciat, sed multa potius quæ dictum ordinem confirmant, latè ostendit Vasquez su-

præ, & cum eo Lessius, Præpositus, Moncæus, Mæratius, Turrianus, Philippus Faber, Gamacæus, Amicus, aliique ubi hanc controversiam tractant.

*Quomodo
in hac,
intentio
finis præ-
cedat ele-
ctionem
mediorum.*

Potè ratio, quæ contrà adferri ab adversariis solet, ex intentione finis quæ mediorum electionem præcedat, solvi facile potest ex dictis disp. 3. c. 7. de duplici modo intendendi finem: vel virtuali: vel formali, sed non absoluto. Juxta priorem modum Deus finem nullum creatum prius ratione, ante executionem ipsius, intendit formaliter; sed propter semetipsum tanquam ultimum finem, adhibet media, quæ novit profutura ad finem mediatum; ut in præfenti ad gloriam æternam, quæ etiam ipsi simpliciter placet, ut merito dici possit adhibuisse ista media ad eum finem præcognitum, quamvis antea, non formaliter & liberè, sed virtualiter præintendit. Juxta alterum modum quem ibidem duximus probabilior, Deus formaliter quidem & liberè intendit creatum finem ante executionem ejusdem: sed simul cum causalitate alicujus medii quod ad eum conducit, eaque solùm connexionem & efficaciam quam ipsum medium, vel physice ex sua entitate, vel ex circumstantiis (ad quas refero scientiam conditionalium) moraliter habet. Quare Deus, si hunc modum sequamur, in primâ etiam gratiâ quam nobis confert, intendit gloriam nostram: verum haud ultra efficaciam gratiæ, siue in physica connexionem, siue in morali fundatam. Qui igitur docent connexionem hanc, in anterioribus saltem gratiis quæ finalem perseverantiam præcedunt, non esse efficacem absolutè, sed tantum conditionatè: hic etiam consequenter, haud aliam intentionem gloriæ quàm conditionatam, in iisdem agnoscunt.

XXIV.

*Distin-
guendi
sunt ac-
tus in
prædesti-
natione
divina.*

Notandum, Molinam 1. p. q. 23. a. 4. & 5. disp. 1. membro 8. aliosque in hac materia docere, quòd Deus non in diversis signis velit media, quæ hic sunt merita, & finem qui gloria est: sed in uno eodemque, per unicum actum, ratione etiam nostrâ indivisibilem. Verum in nostris principiis in hærendum regulæ quam dedimus disp. 4. c. 6. num. 30. Ut tot ad minimum admittantur Actus liberi in prædestinatione divina, quot extra Deum in ea dantur effectus: imò & ultra hos pro numero causalitatum dicti actus multiplicentur. Cum autem in omni serie prædestinationis, tam effectus, quàm causalitates, distinguere sæpius ac multiplicari constet: consequens est ut idem dicamus de actibus. Quid autem sit dicendum de eorum ordine inter se, utque ejus in primis complacentiæ seu intentionis cuius paulò ante meminimus (quæ in omnibus ferè actibus prædestinationis imbibitur eosque quodammodo transcendit) ibidem pluribus declaravimus à num. 31.

Quoad

Quoad causas prædestinationis, illud hîc animadvertendum occurrit, *Nulla est* nullam dari posse causam, non tantum physicam, sed nec moralem, actus *eius cau-* liberi divini quoad substantiam increatam: sed tantum quoad terminum *sa quoad* creatum. Quod est contra Recentiores nonnullos, qui ad extollenda *substantiâ* Christi merita, docent ea fuisse tantæ efficacîæ, ut pro præmio habuerint *increatâ.* ipsum etiam actum internum prædestinationis divinæ. Horum opinio- nem pridem explosit D. Thomas 1. p. q. 23: a. 5. in c. hisce verbis: *nullus fuit ita insana mentis qui diceret merita esse causam divina prædestinationis ex parte actus prædestinantis*: ex nostris. verò. principiis optimè refellit Valquez 1. p. disp. 94. cap. 4. Quod enim cadit sub meritum, debet habere rationem præmii: id namque merito correlativè respondet. Præmium au- tem essentialiter est, vel involvit bonum aliquod non necessarium, sed contingens: utpotè dependens à libera voluntate tam merentis quàm præmiantis. Nihil porro Deo intrinsecum, atque adeo increatum, juxta nostra principia est contingens: sed quidquid est intrâ Deum, summè ne- cessarium est, utpote Deus ipse. Fieri igitur non potest, ut aliquis actus divinus secundum substantiam Deo intrinsecam habeat rationem præmii: ideoque nec fieri potest ut ea ratione præcisè cadat sub meritum; sed tan- tum secundum habitudinem vel terminationem extrinsecam ad effectum creatum. Confirmari id ulterius potest ex disp. 1. cap. 3. ubi à volitione di- vina, secundum substantiam suam consideratâ, removimus omne moti- vum, specificativum, determinativum. Nam si merita essent causæ divi- norum actuum secundum substantiam, deberent aliquo isto- rum modorum eos causare, cum efficienter non possint.



*Quomodo cum actibus Dei liberis, concilietur creata
libertas?*

XXV.

*Negotiū
circa eam
factū sunt
prædefini-
tiones pu-
rè intrin-
secæ &
absolutæ.*

HAc in parte multas subeunt difficultates, qui alios atque alios Actus liberos in Deo admittunt adæquatè intrinsecos, sicuti sunt in nobis: atque inter hosce, aliquos planè absolutos, & ut vocant prædefinitivos, quibus agenti libero præfigitur finis ad quem tendat, aut etiam media ad eundem speciatim & antecederet decernuntur. Si enim agens liberum sit (sicuti esse ostendimus disp. 1. cap. 4.) quod habet in potestate suos actus, ita ut positis omnibus ad agendum prærequisitis possit eos exercere vel non: quomodo creaturæ libertate gaudebunt circa ea objecta, circa quæ prævio Dei decreto ita determinantur ad unum, ut oppositum agere non possint? Non est potestas contra Deum: in hac opinione decretum omne divinum, non solum quoad substantiam vitalem actus, sed etiam quoad determinationem ad unum, est ipsemet Deus: quomodo contra infinitum hoc, ut sic loquar, Contrarium, eam in partem in quam contrarium est, vel minimum quid possit creaturæ voluntas? Scio difficultatem hanc multum minui in opinione Suarez & aliorum, qui rigorem ejusmodi decretorum mitigant per scientiam mediam: cujus veritates liberas, sed conditionatas, in sui determinatione decreta hæc sequuntur, licet antecedant omnem nostram determinationem prævisam absolutè. Sed in hac etiam via alias difficultates, easque haud leves, experti agnoscunt.

*Longè expeditior
creata libertas
ratio in
sententia
nostra.
Nihil enim ei
præiudicatur ex
iis quæ
sunt purè
intrinsecæ
Deo.
Extrinsicæ
quod
est a liber-*

Planior quoad libertatem creatam, magisque expedita, est via, quæ à Deo removet omnem determinationem intrinsecam in hac illamve partem libertatis creatæ: omne verò exercitium plenissimæ illius potestatis, quam habet in creaturas, juxta sententiā hætenus traditam, explicat per causalitates & effectus extrinsecos. Sic namque divina cuncta, & increata, præcisè quæ talia, ad omnem voluntatis nostræ actum, vel omissionem, profusius indifferentia sunt: nec aliud ad libertatem nostram salvandam spectare oportet, quàm ut huic congruant effectus quos Deus extra se causat. Congruent autem quàm optimè, si illi quoque, à quibus tanquam causis secundis liberæ nostræ actiones dependent, pariter ac causa prima, indifferentes fuerint. Quem causarum delectum, in creaturis liberis gubernandis, à divina voluntate servari, adeoque suam illis libertatem relinqui, perspicuè tradit D. Thomas 1. p. q. 19. a. 8. in c. hisce verbis: *Vult quædam fieri Deus necessarîo, quædam contingenter, ut sit ordo in rebus ad complemen-*

plementum universi. Et ideo quibusdam effectibus aptavit causas necessarias quæ deficere non possunt, ex quibus effectus de necessitate proveniunt: *stra autem quibusdam aptavit causas contingentes deservibiles, ex quibus effectus contingenter eveniunt.* Idque adducit, ut ostendat per horum effectuum contingentiam nullatenus frustrari, sed magis confirmari efficaciam divinam: quippe qui non tantum simpliciter fiant secundum suam entitatem, sed etiam secundum modum quo Deus fieri voluit. Hunc autem ponit in præparatione earum indifferentium causarum.

Quod applicando ad exemplum; ut hodie velim scribere, non debet Deus intrinsecè, sive in voluntate sive in intellectu, habere aliquid vel minimum (quanquam quid potest esse minimum, si sit identificatum cum Deo?) quod non haberet si non vellem: sed debet extra se præparare causas requisitas ad id volendum: inter quas, præter divinam potentiam quæ debet concurrere, meumque intellectum & voluntatem, est cogitatio congrua alicujus finis ob quem id velim: nihilque præterea, quod ad actum primum spectet. Quæ omnia, & singula, sunt prorsus indeterminata ad id volendum vel non: ideoque tam ipsa, quam divina decreta quæ per ea complentur, apertissime cum libertate meæ volitionis cohærent. In actu quidem secundo determinor ad volendum: sed per volitionem ipsam, cum qua actualis Dei concursus simultaneè, imò & identicè, connectitur. Constat autem quod sola determinatio antecedens, non autem consequens vel concomitans, ac multo minus identica, libertati obsit. Quapropter omni ex parte, tam antecedenter quam comitanter, integra nihil est libertas volendi scribere: quam deinde ipsa etiam scriptio quæ imperatur, mediâtè participat.

Notandum primò, huc facere quæ diximus disp. 4. cap. 5. num. 22. de illustra-
connaturali præparatione divini concursus: cum enim hæc nihil aliud di-
vinæ voluntati atque potentiæ addat, quam connotationem causarum se-
cundarum, cum dispositionibus & conditionibus ex earum parte ad a-
gendum prærequisitis: causæ verò & dispositiones quas actus liber exigit: *ex connaturali præparatione divini concursus.*
sunt indifferentes & ad utrumvis comparatæ: hinc etiam divinus concursus ad actum liberum præparatur indifferenter, & potestatem ad utrumlibet præbet. Sic in superiori exemplo, concursus divinus in actu primo paratus ad liberam voluntatem scribendi, est Voluntas, seu Potentia divina, connotans voluntatem creatam cum cogitatione alicujus boni, quod ita reluceat in scribendo, ut simul appareat ratio aliqua in contrarium, ob quam possim id nolle: his enim positis, cæterisque sublati, debetur connaturaliter voluntati meæ concursus ad volendum vel nolendum, prout me determinavero. Inter hæc autem omnia, vel supposita vel connotata,

nihil prorsus est quod ita me adigat ad volendum; ut nolle non possim: ideoque & nihil quod præjudicium libertati creet ex parte hujus præparationis.

XXVII. Notandum secundò; Quo pacto nihil quoque sit, quod libertatem nostram lædat, ex parte decreti divini quo immediatè exequitur concursus, ex simili hujus decreti resolutione declarandum. Quid enim in principiis nostris dicit hoc decretum? Nihil sanè præter æternam divinæ voluntatis complacentiam in concursu possibili, & concursus ipsum exhibendum in tempore. Concursus, utpote actioni creatæ simultaneum, imò identicum, non obesse libertati paulò antè observavimus: quare nec huic oberit possibilitas ejus concursus, & per consequens nec ipsa Dei complacentia in eodem ut possibili. Similiter resolve visionem divinam de futuris contingentibus, in scientiam simplicis intelligentiæ de possibilibus, quam dicit ex parte Dei, & in effectum contingentem aliquando ponendum, absque ullo alio inter hæc medio: & manifestè deprehendes ex utriusque parte, adeoque ex omni, salvam fore contingentiam & libertatem hujus effectus. Nisi fortè tenebras offundat futuritio, & quidem ab æterno, effectus contingentis: sed eas faciliè dissipabit verus futuritionis conceptus, qui ad rem præsentem nihil addit præter negationem existentiæ in duratione anteriori. Hæc porrò nihil adfert, quod vel in speciem contra contingentiam objici possit.

Ex decreto quoque absoluto cum aliquando exhibedi.
Similiter expeditur difficultas ex parte præscientiæ Dei.

Neg, hac facilitas debet sentiri veriti vitio vel fraudi.

Veteor ne huic concordiæ libertatis nostræ cum Divino decreto & præscientia, apud aliquos obstat nimia facilitas: quam in hac materia non probari ab Arriaga vidimus disputatione præsentis cap. 1. num. 6. quasi in re tam facili haud adeò hallucinati fuissent Ethnici & hæretici, ut vel divinam præscientiam ac providentiam vel nostram libertatem negarent. Sed non existimo doctrinam, aliqui in autoritate & ratione fundatam, eo solo nomine reprehendendam, quod aspera complanet & obscura declararet. Memini Arriagam 1. p. disp. 20. sect. 2. succensere Recentiori cuidam, neganti possibilem speciem creaturæ quæ sit intuitiva objecti futuri, quod non videatur velle reddere clara & facilia mysteria fidei: cum alioquin per ejusmodi specierum exemplum declarari possit Dei præscientia de futuris. Pari sanè jure succensebimus illis, qui opinioni nostræ vertere vitio voluerint, quod non abdita quidem Trinitatis mysteria, sed naturales quasdam veritates circa præscientiam & providentiam illustret: & ex Authore citato reponemus, *debere Theologum curare divina illustrare, non occultare; probare, non dare arma quibus impugnentur.*

XXVIII. Porrò exemplum volitionis naturalis, de quo suprâ, applicavimus sæpe in scholis ad volitiones liberas supernaturales: ostendèdo, ad has quoque,

neque

neque ex parte eorum quæ sunt intra Deum , neque ex parte causarum *Quid sen-*
 creaturarum, quidquam præviè concurrere ita determinatum ad unum, ut *tire conse-*
 ætus liberi negatio componi cum eo non possit , cum præsertim teste *quenter*
 Tridentino sess. 6. cap. 5. & can. 4. ipsæ quoque gratiæ prævenientes, qui- *possim in*
 bus propius ad ita volendum excitamur , illius sint conditionis , ut illas *superna-*
 abjicere, earumque motioni dissentire, si velimus, liberrimè valeamus. *turalibus*

Sed in libris impressis manum ibi de tabula submovendam , me monent
 Apostolicæ Sedis mandata : cujus etiam judicio & correctioni
 quæcunque in hisce Tractatibus scripsi , cum omni
 quam debeo veneratione, sub-
 mitto:

FINIS.

Ex Typographéo Viduæ HARTGERI WÖRINGEN.
 Anno M. DC. XLVIII.



S s 2

RERUM PRINCIPALIU

in quo

t. *Tractatum*, d. *Disputationem*, n. *Numerum*
marginalem designat.

A.

Abstracta

Actus Dei liberi

M *Agis proprie dicuntur de Deo Quam difficulter à nobis explican-*
quam concreta. t.1.d.3. tur. t.2.d.2.n.1-
n.15. & 19. *Sententia Cajetani de iisdem.* ib.n. 4.

Accidentia

Refutatur ex simplicitate divina ib.

Non sunt Deo necessaria ad perfectio-
nem. t.1.d.2.n.16.

Ex puritate Dei nihil intrase ad-
mittentis prater seipsum. n.7.

Nec possunt ullo modo ei inesse tam
quam subiecto. ibid.n.20.

Opinio eos explicans per extensiones
liberas indistinctas. t.2.d.2.n.9.

Imò nec ut puro termino. ibid.n.27.

Alia idem conantes per terminatio-
nes, tendentias &c. pariter indi-
stinctas. ibid.n.10.

Actio Dei ad extra

Distinguitur ex complacentia horum
vel illorum bonorum, ex qua proce-
dit. t.2.d.3. n.35.

Refutantur omnes ex summa necessi-
tate entis divini. ibid.n.11. & aliis
rationibus. n.12. & sqq.

Mutatur mutato fine quem Deus in-
tendit. ibid. n.40.

Aureoli de iisdem sententia. Vide in-
fra verbo Aureolus.

Non sic nostra actio externa, ob di-
versos fines à nobis intentos. ib.n.41.

An & quomodo explicari possint per
connotata? t.2.d.2.n.22. & sqq.

Actus creati

connotata? t.2.d.2.n.22. & sqq.

Aliquando per extrinseca determi-
nantur. t.2.d.3.n.6.

An per ens rationis, vel morale? ibid.
n.28. & sqq.

Per extrinseca item ex conditionis
funt absoluti. ibid.n.7.

An actus liber nihil penitus Deo ad-
dai? ib.n.32. *Pars negans demon-*
stratur. n.33. *Vitanda hic petitio*
principii. n.36.

Per extrinseca quoque efficaces eva-
dunt. ibid.n.8.

Volutio Dei libera est quid physicum.
pure extrinseca. ibid.n.9. t.2.d.3.n.10. *Deo intrinsecum &*
vitale.

Dicta tamen denominationes nō sunt
pure extrinseca. ibid.n.9.

Volutio Dei libera est quid physicum.
pure extrinseca. ibid.n.9. t.2.d.3.n.10. *Deo intrinsecum &*
vitale.

- vitale. ibid. & eatenus necessariū. ibid. & penitus independens. ibid. ac simul ipsa Omnipotentia Dei. ibidem.*
- Complectitur in se omnem perfectionem volitionis possibilis, qua libera determinationi non repugnat. ibid. n. 11. Hac illi accedit per cōditionem extrinsecam & potestativam. ib. Est hac actio ad extra. ibid. n. 12. Eadem qua agentem, denominat volentem. ib. cum insigni tamen, & duplici differentiā. ibid.*
- Descriptio brevior Actus liberi. t. 2. d. 3. n. 13. Stabilitur autoritate D. Thomæ. S. Bonaventuræ. & Scoti. ib. Quid fundamenti habeat in Scriptura? quid in ratione? ibid. n. 14. Analogia ejus cum denominationibus cōtingentibus aliorum Attributorum. ibid.*
- Difficultates insignes contra hanc sententiam. t. 2. d. 3. n. 19. & sqq. Actus Dei liberi qui nihil in creaturis immutent, sunt inutiles. ibid. n. 28.*
- Non dantur volitiones Dei libera circa objecta purè conditionata. t. 2. d. 4. n. 16. Cur tamen detur actualis scientia de iisdem? ibid.*
- Vide plura Verbo Decretum. V. Differentia. V. Libertas. V. Volitio.*
- Adjectiva.*
- Adjectivi termini plerumque involvunt aliquid rationis. t. 1. d. 4. n. 34.*
- Vt de Divinis loquamur conformi?*
- mutandi illi erunt in substantivos. ibid. n. 35.*
- Adjectiva supplendo per substantiva, excludes facile contradictionem à Deo. ibid. n. 36.*
- Æquivalentia*
- Quid designet? t. 1. d. 4. n. 12.*
- Ejus ratio clarius explicatur. ib. n. 18*
- Non sufficit ad salvanda intrinseca contradictoria. ibid. n. 19.*
- Æternitas actuum liberorum Dei*
- Oppugnatur & defenditur. t. 2. d. 3. n. 19. & sqq.*
- Argumento contra eam respondetur. ibid. n. 22.*
- Ad æternitatem retrahuntur intentionaliter, qua physice in tempore sunt. ibid.*
- Quomodo Æternitas odii divini erga peccatorem, non pugnet cum amicitia erga eum postea iustum? t. 2. d. 4. n. 4.*
- Æternitas actuum liberorum nihil officit eorundem libertati. ib. n. 5.*
- An Deus possit efficere in tempore ut ab æterno quid voluerit vel noluerit? ibid. n. 6.*
- Amor*
- Est duplex in Deo respectu creaturarum existentium. t. 2. d. 1. n. 44.*
- Vnus amor est operativus, isq; eo liber. ib. Alter nō operativus, isq; immediatè necessarius ibid. n. 48.*
- Amor presentis boni, & odium mali, non convertuntur cum gaudio & dolore. ibid. n. 51.*
- Divinus amor essentialiter connotat bonum honestum. t. 2. d. 3. n. 52.*

Quid fieret si Deus amaret peccatū?

ibid.

Arriaga.

*Minus æquus erga probabiliorē sē-
rentiam de Libertate divina.* t. 2.
d. 3. n. 18.

*Haud rectē eam æstimat ex solo Au-
reolo.* ibid.

*Insignes tamen difficultates contra
eam proponit.* ibid. n. 19. & 25.
Solvuntur. n. 20. & 26.

Assistentia.

*Quid apud Veteres assistentia & in-
sistentia Proprietatum?* t. 1. d. 3.
n. 16.

*Videtur Scelus in assistentiam dela-
bi.* ibid. n. 17.

Attributa divina.

An & quomodo invicem includant?
t. 1. d. 5. n. 26.

*Quam longē distent ab entibus ra-
tionis?* t. 2. d. 1. n. 8.

*Distinguntur vitalia à non vitali-
bus.* ibid. n. 14.

*Attributa Misericordia, Iustitia, &
similia, sunt in Deo complacentia
vitales.* ibid. n. 39.

*Quomodo distinguantur? Vide infra
Verbo. Dei simplicitas. V. Distin-
ctio. V. Non-identitas. V. Virtus
distinctorum,*

Aureolus.

Sententia ejus de actibus Dei liberis.
t. 2. d. 1. n. 16. 17. 18.

*Quadam in ea placent, alia displi-
cent.* ibid. n. 19. 20. 21.

*Quomodo hac sententia temperan-
da.* ibid. n. 22.

B.

Beati.

N*on distinguunt Deum ratio-
ne.* t. 1. d. 5. n. 12.

D. Bernardus.

*Cum Episcopis Gallia defendit divi-
nam simplicitatem.* t. 1. d. 2. n. 3.

Ejus in hac materia auctoritas. t. 1.
d. 3. n. 20.

Bonum.

*Vt unum & verum, transcendit exi-
stentiam rerum.* t. 2. d. 1. n. 31.

*Deo placet simpliciter omne bonum,
omnique modo quo honestè ama-
bile est.* t. 2. d. 3. n. 34.

C.

Causales propositiones.

A*lia purè enuntiativa, alia ar-
gumentativa.* t. 2. d. 3. n. 46.

Christus Dominus.

*Voluntas ejus humana aptissimū Dei
instrumentum ad varias muta-
tiones morales.* t. 2. d. 3. n. 31.

Compositio.

Alia activa, alia passiva. t. 1. d. 1. n. 5.
& 7.

*An & quomodo Deus cum creaturis
componat?* t. 1. d. 2. n. 23.

*Compositio in genere præscindit ab
imperfectiōe, saltē unius com-
ponentis.* ibid. n. 25.

Quid propriè cōpositio? t. 1. d. 5. n. 27.

Conceptus.

*Ex conceptibus propriis & adequatis
æstimāda perfectio rei.* t. 1. d. 3. n. 27

Conce-

Conceptus inadequati ne quidam apud Scotistas multiplicavit formalitates. ibid. n. 35.

Conceptus nostri quales sint rerum imagines? t. 1. d. 5. n. 3. & 4.

Qualescunque sint, saltem possunt pro rebus supponi, & sic eas distinguere. ibid.

Imitantur gregem Labani. ibid. n. 9.

Concilia.

Expēditur autoritas Florētini cōtra distinctionem formale. t. 1. d. 3. n. 7.

Item Concilii Lateranensis contra eādem. ibid. n. 9.

Concilii denique Remensis. ib. n. 14.

Concurfus divinus.

Deus cum omnibus creaturis immediate concurrat. t. 2. d. 4. n. 22. & quidem eadem actione cum ipsis. ibid. *Isq;* concursus iis preparandus. ibid.

Tripliciter potest preparari Dei concursus. ibid. n. 23.

Quomodo is preparatur connaturaliter? ibid. Quid sit proprie preparare concursus? ibid. n. 24.

Concursum naturaliter preparatum potest Deus praternaturaliter suspendere. ibid. n. 26.

Non debet Deus praviē velle concurrere, nisi virtualiter aut indirecte. ibid. n. 26.

Quomodo Deus in actu primo connaturali neget suum concursus? ibid. n. 27.

Saltem semper potest eum suspendere in actu secundo. ib. Quomodo prepararetur concursus intra capacia-

tem obedientialem? ibid. n. 28. Quo pacto preparari possit tam absolute, ut nullatenus negari queat? ibid. n. 29.

Ad hac omnia sufficit entitas necessaria Dei, & libera connotata. ib. n. 30.

Conditio.

Conditionati consensus, eorumq; differentie. t. 2. d. 3. n. 7. & 8.

Qua conditio potestativa? ibid.

Conditiones futurae aut praeterite, perinde se habent respectu Dei, ac si essent praesentes. ibid. n. 21.

Conditio potestativa, in nobis tantum respectu volentis: sed in Deo, etiam respectu actualis volitionis. ibid.

Quantum momenti adferant veritates conditionales? ibid. n. 42.

Circa bona pure conditionata datur in Deo complacentia simplex. t. 2. d. 4. n. 15.

Hand tamen nullus actus formaliter liber. ibid. n. 16.

Cur deus de iis scientia formaliter vera? ibid.

Connotatio & connotata.

Connotatio quid? t. 1. d. 4. n. 40.

Quanta ejus vis ad salvanda contradictoria? ibid. n. 41.

Duplicis generis connotationes in Deo: aliae ad intra, aliae ad extra. ibid.

Connotationes ad intra efficaciores ad salvanda contradictoria. ibid.

Varii tentantur libertatē divinā explicare per connotata. t. 2. d. 2. n. 22.

Duplex modus utendi connotatis. ib. Is preferendus qui ea intrinsece in-

tra

- tra libertatem involvit.* ib. n. 23. *Essentia divina non est Attributorum principium, nisi per rationem.* t. 2. d. 1. n. 12.
- Nec sufficit connotatio practica à connotato.* ibid.
- Occurrit effugio per esse ad & esse in, ac alia verborum diverticula praecluduntur.* ibid.
- Contradictoria.*
- Vbiq; verissimum est, contradictoria non posse simul esse vera.* t. 1. d. 4. n. 1.
- Id negantes redarguuntur ex 2. ad Cor. 1. & 1. Ioan. 5.* ibid. n. 2. & 3.
- Sola distinctio impedit contradictionem.* ibid. n. 7. *Et cur?* ibid. n. 8.
- Prima ratio contradictoriorum.* ib. n. 9
- Ea in Deo salvantur per distinctionem rationis.* ibid. n. 24. & 199.
- Alter modus eam in Deo salvandi, per connotationem distinctorum.* t. 1. d. 4. à n. 40.
- Duplicis generis contradictoria in Deo: Essentialia & Notionalia.* ibid. n. 41.
- Quomodo Essentialia possint salvari.* ibid. n. 42.
- Modus salvandi contradictoria Notionalia.* ibid. à n. 44.
- D.**
- Deus Opt. Max.*
- Deo optima adscribenda.* t. 1. d. 2. n. 5.
- Melior Deus simplex quam compositus.* ibid. n. 6.
- Quomodo Deus totus oculus, mens, manns.* ibid. n. 7.
- In Deo, quam magnus est, nihil est superflui.* t. 1. d. 3. n. 32.
- Deus essentia pelagus, apud Damascenum.* ibid. n. 33.
- Deus summum intelligibile, & quomodo?* t. 1. d. 5. n. 18.
- Essentia divina non est Attributorum principium, nisi per rationem.* t. 2. d. 1. n. 12.
- Vide plura Verbo. Ens primum & à se. Dei Simplicitas.*
- Realis simplicitas Deo astruitur ex Conciliis.* t. 1. d. 2. n. 3.
- Quid de ea expressum in Scripturis?* ibid. n. 4.
- Simplicitas ejus, absoluta probatur ratione.* ibid. à n. 5. ad 16.
- Item simplicitas relativa.* ibid. à n. 16 usque ad finem d. 2.
- Deus summe simplex, quia summe Vnus, Verus, & Bonus.* t. 1. d. 2. n. 8.
- Dei Simplicitas excludit distinctionem formalem à parte rei.* t. 1. d. 3. à n. 9. usque ad finem.
- Admittit tamen diversos conceptus.* t. 1. d. 5. n. 1. & per consequens, distinctionem rationis. ibid. & 199.
- Deitas tota sub una formalitate essentiali & indivisibili respondet omnibus nostris conceptibus.* t. 1. d. 3. n. 35.
- Dei in essendo necessitas.*
- Ut Deus est necessario Is qui est: ita & habitudo qua est.* t. 2. d. 2. n. 11.
- Utque non est possibilis alius Deus ita nec alia habitudo Deo intrinsicca.* ibid. n. 12.
- Grande absurdum, id quod est Deus potuisset esse nihil, vel contra.* ibid. n. 15.
- Sola necessaria Deo intrinsicè sufficiunt ad quidvis, non solum necessarii, sed etiam liberè volendum.* t. 2. d. 3. n. 26.
- Deus**

Deus ad nihil sibi intrinsecum, quā tale, est indifferens. *ibid.* n. 27.
 Infinita, eaq̃, necessaria, Dei perfectio nobis ad omnia sufficit, dum modo liberè applicetur. t. 2. d. 3. n. 49.

Dei intellectus & amor necessarius, Quomodo ad neutrum detur potētia in Deo, Vide infra, Verbo Potētia.
 Quomodo Deus intellectivus & volitivus? t. 2. d. 1. n. 9.

Deus se intelligit ut verū bonū, & ut bonū verum se amat. t. 1. d. 4. n. 38.
 Deus totius omnium intelligentia, sed non complacentia, nisi bonorum. *ibid.* n. 39.

Deus necessariò amat possibilia. t. 2. d. 1. n. 36.

Probat̃ ex infinitate Amoris divini. *ibid.* n. 37. & ex voluntatis propensione in bonum, cui non obstat malum. *ibid.* & ex connaturalitate ejusdē amoris. *ibid.* n. 38. & ex summa necessitate divina Essentia & Attributorum. *ibid.* n. 39.

Necessitas ea amandi non oritur ex objecto. *ib.* Optima tamen est proportio inter voluntatis creatā & increata objecta. *ibid.*

Deo quoq̃, necessariò, sed simpliciter, displicent possibilia mala. t. 2. d. 1. n. 41.

Nulla tamen creatura existentes idcirco displicent Deo. *ibid.* Quamvis quid simile asseruerint Pelagiani. *ibid.* n. 42. Sed refutantur ex D. Augustino. *ibid.*

Dei Potentia.

Vide infra, Verbo Omnipotentia.

Dei Libertas.

Vide infra, Verbo Libertas divina.

Dei Scientia libera.

Vide infra, Verbo Scientia.

Dei liberum decretum.

In quo consistat? Vide supra Verbo Actus Dei liberi, & infra Verbo Volitio Divina.

Decretum Dei liberum est rerum causa. t. 2. d. 3. n. 44.

Hinc debet iis esse prius. *ibid.*

Idque optimè explicatur in sententia nostra. *ib.* In qua decretum Dei liberum est causa causans. *ib.* Hinc illud est adequatè prius effectu. *ib.* n. 45. Restat tamen difficultas respectu causalitatis. *ib.* Et hac illud est prius: sed non eodem modo. *ib.*

Decretum liberum, respectu causalitatis, est tantum prius in adequatè. *ib.* n. 46. Simile quid observatur in nostris actibus liberis. *ib.*

Quomodo in hac materia explicanda causales? *ib.*

Deus producit, quia liberè vult, est vera enuntiatiō: sed non argumētatiō, nisi in genere causae formalis. *ibid.*

In utroq̃, tamen sensu est vera, mund⁹ existit, quia Deus vult, *ib.* n. 47.

Haud pariter est vera, Deus vult, quia producit. *ib.* n. 48.

Quomodo Deus videat decreta sua praesentia. t. 2. d. 5. n. 15.

Non potest illa praescire ut futura. *ib.*

Differentia & ordo decretorū Dei.

Intrinsicè nō differūt nisi ratione: sed extrinsicè per cōnotata. t. 2. d. 4. n. 30

T c

Conno-

- Connotata hac sunt, vel effectus, vel potius actiones.* ibid.
Tot volitiones Dei libera, quot extraneae actiones. ibid. n. 31.
Ordo decretorum secundum Vasquez ibid. n. 32. *Ejus probabilitas.* ibid. n. 33.
Haec in omnibus ei acquiescimus: sed praeterea in iisdem distinguimus ordinem intentionis & executionis. ibid.
Nec tamen est solum intra Deum ib. n. 34.
 Differentia definitionum
Quando inferat formalitates diversas? t. 1. d. 3. n. 37.
 Distinctio in genere.
Omnis distinctio vel processioni servit, vel separationi. t. 1. d. 2. n. 20.
Quo quid constituitur, per idem distinguitur. t. 1. d. 5. n. 2.
Tessera seu nota discernendi distinctione propriam, seu veram ab impropria. t. 1. d. 4. n. 16.
 Distinctio formalis
Explicatur ex Scoto. t. 1. d. 3. n. 1.
An Scotus voluerit eam esse actu ante operam intellectus? ibid. n. 2. & 3.
Quo sensu concedat dici posse rationis? ib. n. 4. *Quo sensu virtualem, & non identitatem?* ibid.
Refellitur distinctio formalis. t. 1. d. 3. n. 6. *authoritate Concilii Florentini in confessione fidei.* ibid. n. 7. *item Concilii Lateranensis.* ibid. n. 9.
Videtur ea in Gilberto perstricta ab Eugenio. ibid. n. 14.
Distinctio formalis est late realis secundum Scotistas. ib. n. 21.
Non tamen strictè & simpliciter, & cur? ibid.
Strictè tamen realis jure denominabitur. ibid. & n. 144.
Saltem iisdem imperfectionibus, quibus strictè realis, est obnoxia. ibid. n. 25.
 Distinctio rationis
Sufficit ad contradictoria in Deo salvanda. t. 1. d. 4. n. 24.
Nec Scotista id negant in multis exemplis. ib. n. 26.
Datur in Deo hac distinctio. t. 1. d. 5. n. 1.
Quid conferat ultra distinctionem per connotata? ib. n. 7.
Causa proxima distinguendi Deum per rationem. ibid. n. 8. *Causa ejus remota seu radicalis.* ib. n. 11.
Alia distinctio rationis est positiva, alia praeactiva. t. 1. d. 5. n. 28.
Alia item completa, alia incompleta. ib. V. *plura Verbo Falsitas & Fundamentum.*
 Distinctio virtualis.
Vide Verbo Virtualis & Virtus distinctorum.
 E.
 Efficax voluntas
Quid in Deo hac sit? t. 2. d. 4. n. 14.
Non potest impediri. ib. in actu 2.
Semper est Deo libera. ibid.
An e converso omnis ejus voluntas libera, semper sit efficax? ib.
Pars affirmativa certo modo defenditur. ib. n. 16.
 Dan-

Dantur in Deo actus liberi ex efficacia & inefficacia mixti. t.2.d.4. n.17.

Eorum differentia à puris complacentiis. ib.n.19.

Omnis tamen Dei voluntas, quæ hinc inefficax est, inde efficax redditur. ib.n.20. Commune id omni providentia Dei. ibid. Haud tamen utrimque impletur ex aequo. ibid. n.21. Ejus defectus non Deo, sed nobis, adscribendus. ibid.

Voluntas efficax præcedit ratione visionem contingentium. t.2.d.5.n.8. sicuti & gaudium de isdem jam productis. ib.n.9.

Eminenter

Differt à virtualiter & æquivalenter. t.1.d.4.n.13.

Ensin genere.

Quidquid est, vel Deus est, vel creatura, absque ullo medio. t.2.d.2. n.7.

Hinc actum intrinsecè contingētem, cum Deus esse nequeat, creatum esse oportet. ib.n.8. Omne ens vel simplex vel compositum est. t.1. d.2.n.23.

Ens à se.

Nihil quod à se est, compositum est. t.1.d.2.n.10.

Ens omne à se est illimitatum in omni genere entis. ib.

Implicat Ens quòd sit à se in certo tantum genere. t.1.d.2.n.11.

Ens à se, nullo alio indiget. ib.n.19. Formalitas à se identificat secum formaliter omnes alias. t.1.d.3.n.31.

Ens morale

Non differt ab omni ente physico: & in quo consistat? t.2.d.2.n.30.

Non recte per illud explicatur Dei libertas. ibid.

Ens primum.

Ens primum nequit esse compositum t.1.d.2.n.9.

Entis primi dignitas tollitur à Deo per distinctionem formalem. t.1. d.3.n.31.

Ens rationis

Aliud est tale essentialiter ac simpliciter: aliud accidentaliter & secundum quid. t.1.d.5.n.6.& 7.

Quàm longè ab entibus rationis distent vera Dei attributa. t.2.d.1. n.8.

Theologia quantum fieri potest ab iis expedienda. ib.n.21.

Nullum ens rationis ingreditur libertatem Dei. t.2.d.2.n.28.

Ens rationis sæpè atcipitur fundamentaliter. ib.n.29.

Authores qui per ens rationis explicant libertatem Dei, sic illud accipere præsumendi. ibid.

Essè extra causas

Quid significet? t.2.d.1.n.28

Quid esse extra intellectum? ib.

Est & non

Quid designent apud Apostolum 2. ad Cor.1. t.1.d.4.n.2.

Removenda procul ab omni sermone de Deo. ib.

Extrínseca.

Per quæ extrínseca res possit constitui & distingui per quæ non? t.1. d.5.n.5.

T t 2

Falſū

F.

Falsitas

Alia formalis, alia causalis. t. 1.
d. 5. n. 28.

Formalis non datur in conceptu in-
complexo. ibid.

Ideo nec in distinctione rationis,
ibi sistendo. ib. n. 29.

Id precipue elucet in distinctione
præcisiva. ib. n. 30. Sed etiam in
positiva habet locum. ib. n. 31. De-
claratur à simili. ib. n. 32.

In omni tamen distinctione rationis,
est aliqua falsitas causalis. t. 1. d. 5.
n. 33. Sed cui à prudentibus facile
occurritur. ibid.

Finis.

Ratio finis non afficit Deum intrinse-
cè. t. 2. d. 1. n. 18.

Proprie tamen unum propter aliud
vult. ib. n. 19.

Dei quoque volitio proprie à fine pen-
det in sui connotato. ibid.

Forma.

Quando una forma simul conferat
omnes suos effectus formales: quan-
do non? t. 2. d. 5. n. 8.

Formalis distinctio.

Vide suprà, Verbo Distinctio.

Fundamentum

Quodnam habeat rationis distinctio
in Deo? t. 1. d. 5. n. 35.

Non fundatur hæc in ulla distinctio-
ne objectiva. ib. n. 37.

Futura contingentia

Causantur à decretis divinis. t. 2. d. 3.
n. 44. & sqq.

Non possunt tamen immediate vi-

deri in decretis aut scientia libe-
ra. t. 2. d. 5. n. 10.

Probaturs efficaciter ex nostris prin-
cipiis. ibid. n. 11. Idem pluribus de-
claratur. ibid.

Præcluditur effugium per connota-
tiones, habitudines, &c. ib. n. 13.

Cur in causa libera nequeant cor-
rè sciri effectus. ibid. n. 14.

Dicta tamen de decretis restringen-
da ad immediatè futura. ib.

Futurizio.

Nō datur futurizio futuritionis. t. 2.
d. 5. n. 16.

Pro signo indifferentia divina, decre-
ta neq; futura, neq; præsentia sunt.
ibidem.

G.

Gaudium

AN idem cum amore præsentis
boni. t. 2. d. 1. n. 51.

Quomodo circa creaturas locum ha-
beat in Deo. t. 2. d. 4. n. 36.

Nihil intrinsecum per id Deo accre-
scit. ibid.

Cur tamē studeamus ejus materiam
Deo præbere? ibid. n. 36.

Ad quam virtutem spectet, bene age-
re ut placeamus Deo? ib. n. 37.

Gilbertus Porretanus.

Ejus error circa Dei simplicitatem. t. 1.
d. 2. n. 1.

An sententia Eugenii contra eundē,
simul involvat distinctionem for-
malem? t. 1. d. 3. 14.

H.

Habitudines contingentes.

Ea oēs quæ afferuntur Deo intrinsece,
refelluntur. t. 2. d. 2. n. 10. & sqq.
Nec

*Nec satisfacit responsio de differentia Imperium monasticum imperfectio-
minima, incompleta, secundum nem involuit. ibid.*

quid. ib. n. 12. Immutabilitas Divinorum actuum

*Respondetur ad instantiam Relationum divinarum. Adstruitur & explicatur. t. 2. d. 4. a
ib. n. 13. n. 3.*

*Ha minus difficiles quam habitudi- Mutaretur Deus physicè, siquid inci-
nes supra dicta. ibid. peret aut desineret velle. ib. n. 4.*

Habitudines ista sunt contra primū Includi.

*principium. ib. n. 14. Quid sit in aliquo includi aut impli-
cari? t. 1. d. 5. n. 24.*

Vt nihil se determinat ut sit ita nec Inter divina invicem identificata, nō

ut sit hac vel illa habitudo. ibid. datur inclusio à parte rei. ibid.

*Indistinctio imperfectiōem earū non Nec ideo tamen illa invicem exclu-
elevat, sed gravat. ib. n. 15. dunt à parte rei. ib. n. 25.*

I.

Idem, identitas.

I*dem de eodem non potest simul af- Inclusio vel exclusio in esse intentio-
firmari & negari. Vido supra nali medio, parum ad Theologum
Verbo Contradictoria. pertinet. ibid.*

*Quomodo idem sciri possit sub uno Admittitur inclusio ex parte conce-
conceptu, & ignorari sub altero. ptuum formalium. ibid. n. 26.*

t. 1. d. 3. n. 22.

*Sola identitas nō purgat imperfectio- Summa divina voluntatis indepen-
nem. t. 2. d. 1. n. 5. & d. 2. n. 15. tia à creaturis, non est satis ad ex-
plicandam Libertatem ejusdem.*

Idē à seipso abesse nequit. t. 2. d. 2. n. 5. t. 2. d. 2. n. 35.

Immenitas divina

*Licet in se indistincta formaliter, pe- Non variat rationem formalem en-
lago comparatur. t. 1. d. 3. n. 34. tis quod afficit. t. 1. d. 3. n. 38.*

*An ad extra purè se habeat negati- Nec tam propter ipsam, quam ratio-
vè? t. 2. d. 4. n. 9. nem Entis à se, oēs perfectiones di-
vine identificantur formaliter. ib.*

Imperfectiōes.

*Imperfectiōes distinctionis, gravius Insufficiencia sui
afficiunt quidditatē divina. quā Sibi non sufficere, & aliis indigere. si-
modum realitatis. t. 1. d. 3. n. 25. gnū est imperfectiōis. t. 1. d. 3. n. 29.*

Judicium indifferens

Imperium.

Nō sufficit ad libertatē. t. 2. d. 2. n. 34.

*Imperium prorsus internum est im- E.
possibile Deo. t. 2. d. 5. n. 20.*

Item inutile, si ab omni usu differat. Libertas in genere.

ibidem.

L*iberum differt à Voluntario.*

t. 2. d. 1. n. 22.

T t 3,

An-

- Antiqua & vera definitio libertatis.* Ex decreto item absoluto cum aliquando exhibendi. ib. n. 27.
- Probat ex Philosopho.* ib. n. 24. & *Similiter expeditur difficultas ex parte prescientia Dei.* ib.
- ex D. August. n. 25. & ex D. Damasceno.* n. 26. *Quid sentire consequenter possimus in supernaturalibus?* ib. n. 38.
- Nihil respectu ejusdem potest simul esse liberum & necessarium.* ibid. n. 26. *Sed bene respectu diversorum.* ibid.
- Idque tantum intendit D. Augustinus contra allegatum.* ib.
- Nisi forte minus propriè libertatem accipiat.* ibid.
- Libertas alia immediata & formalis: alia mediata & objectiva.* t. 2. d. 4. n. 15.
- Hac potest in Deo esse inefficax.* ib.
- Libertas creata**
- In actu 2. involvit denominationem extrinsecam.* t. 2. d. 3. n. 2.
- Est enim separabilis ab actu.* ib. eique de novo accidit. ib. n. 3. *nulla intrinseca actus variatione.* ib. n. 4.
- Actus internus in hoc convenit cum externo.* ib. n. 5. *imò & cum potentia creata.* ibid.
- Multum negotii circa eam facessunt predefinitiones Deo purè intrinseca & absoluta.* t. 2. d. 5. n. 25.
- Longè expeditior illius ratio in sententia nostra.* ib. *Ex iis enim quæ sunt Deo intrinseca, nihil præjudicat libertati creata.* ib. *Extrinseca quoque omnia eidem attemperantur.* ib.
- Id ostenditur naturali exemplo.* ibid. n. 26.
- Illustratur magis ex cōnaturali præparatione divini concursus.* ib.
- Nullam dicit potentiam ad intra.* t. 2. d. 1. n. 14.
- Ex Scriptura astringitur in productione creaturarum.* ib. n. 44.
- Item ex miraculis & opificio mundi.* ib. n. 45. *Eadem probari potest ratione.* ib. *Ac primo ex supremo Dei dominio in creaturas.* ibid. n. 46. *Deinde ex possibilitate rerum.* ib. *Libertas in actu primo est Deo adequatè intrinseca.* t. 2. d. 3. n. 15.
- Quid dicat in actu 2. ?* Vide supra Verbo Actus Dei liberi.
- In quibus conveniat libertas divina cum creata?* t. 2. d. 3. n. 15. *Sed in quibus differat?* ibid. n. 16. & seqq.
- Divina non est in potentia ad aliquid intrinsecum.* ib.
- Hinc neq; determinatur per aliquid intrinsecum.* ib.
- Conjungit indifferentiam potentia cum plenitudine actus.* ib.
- Libertas divina propius attingit suos effectus quàm creata.* ib. n. 17.
- Nec tantum ut effectus, sed etiam ut objecta.* ib.
- Est per se penitus completa in actu 1.* ib. n. 18.
- Quod nostra libertas in actu 2. habet à principio, id habet divina ab effectu.*

effectum.

ibid.

Missio divina

In voluntate divina non datur libertas quoad solum exercitium. t.2. d.4. n.13.

Cur potius sit temporalis, quam decretum? t.2. d.3. n.24.

Modalis distinctio

An idcirco minor Libertas Divina quam creata? ib.

Est strictè realis. t.1. d.3. n.22.

Modus.

Omnis Dei voluntas formaliter libera, est efficax aliquatenus. t.2. d.4. n.16.

Modus essendi, seu habendi, quantum conferat ad perfectionem? t.1. d.1. n.10.

Vide plura verbo, Efficax.

Id declaratur ex jure. ib.

Limitatio.

Limitatio formalitatum, quaedam earum imperfectio est. t.1. d.3. n.29.

Modus identitatis redundat, in substantiam identificatorum. ib. d.2. n.18.

Id probatur ex Scoto. ib. n.30.

Modus naturalissimus apprehendendi ignota. t.1. d.5. n.10.

M.

Moræ imaginariæ

Mala possibilis.

Quomodo probabilis explicantur? t.2. d.4. n.10.

D*Eo necessario displicent.* t.2. d.1. n.41.

An possit Deus iis esse presens? ib.

Haud ideo tamen Deo displicent creatura qua existunt. ib.

Quod propriè est tale, removendum à Deo. t.2. d.1. n.18.

Quamvis quid simile asseruerint Pelagiani. ib. n.42. *Sed refutantur ex D. August.* ib.

Mundus visibilis.

Quid propriè malum? t.2. d.1. n.35.

Ejus consensio cum intelligibili. t.1. d.5. n.35.

Medium

N.

Inter Dei Essentiam & unionem hypostaticam nihil mediat nisi per rationem. t.1. d.4. n.37.

C*on significant cōceptus.* t.1. d.4. n.26.

Meliora

Sunt Deo adscribenda. t.1. d.2. n.5.

Multa eorum ex sui institutione involunt distictionem rationis. ib. n.28.

Melior Deus intra quem nihil nisi Deus. ib. n.6.

Quomodo expedire ea possimus ab illius modis rationis. ib. n.29. *Similiter ratione se expeditur D. Bern.*

Melius est sapientiam esse, quam habere. ib. n.18.

ib. Imò & Scotista aliquo sensu id faciunt. ib. n.39.

Mens humana

Non-identitas

In suis conceptibus similis gregi Labani. t.1. d.5. n.9.

Quomodo à Recentioribus explicetur

ceatur non identitas ex natura rei.

t.1.d.4.n.20.

Alia est negativa, alia precisiva. ib.

Negativa rejicitur à Deo. ibid.

Item precisiva ex natura rei. ib.n.21.

*Per non identitatem connotatorum sal-
vantur contradictoria.* t.1.d.4.n.45

O.

Objectum.

O*Vid objectum in esse intention-
nali?* t.1.d.5.n.15.

Quid objectum in genere? t.2.d.1.n.15.

*Nullum proprie specificat, determi-
nat, individuat volitionem divi-
nam.* ibid.n.16.

*Quo tamen sensu Authores sic lo-
quantur?* ibid.n.17.

*Nullum item objectum Deum pro-
priè movet.* ibid.n.18.

Odium liberum

Ejus ratio in Deo quomodo constet?

t.2.d.4.n.35.

Omissio pura.

*Ex ea Deo impossibili, argumentum
contra nostram sententiam.* t.2.
d.3.n.50. *Retorquetur in Autho-
rem.* ibid.

Solutio hand adeo difficilis. ib. appli-
catur argumento. ibid.n.51.

*An possit in Dei voluntate dari omis-
sio pura?* t.2.d.4.n.8.

Argumenta pro eadem. ib.

Verius est non dari. ib.n.9.

Probatur ex nostris principiis. ib.

Confirmatur ex primo principio. ib.
n.11.

*Differentia quoad hoc cum Eterni-
tate & Immensitate.* ib.n.9.

Omnipotentia Dei

*An sit eadem formaliter cum volun-
tate?* t.2.d.1.n.52.

Varia de ea sententia. ib.n.53.

*Affirmativa, certo modo temperata,
praefertur.* ib.

Suadetur autoritate SS. Patrum. ib.
n.53. & placitis veterum Philoso-
phorum. ib.

*Probatur ex efficacia Voluntatis di-
vina.* ib.n.54.

*Deinde ex inutilitate potentia à di-
vina voluntate distincta.* ib.n.56.

Item ex aliis ejus imperfectionibus.
ib.n.57.

*Denique ex speciali implicantia ejus-
dem.* ib.n.58.

*Non est tamen per rationem eadem
cum voluntate adequatè.* ib.n.59.

*Sed in aliquam ejus formalitatem
coincidit.* ib. *Admitti potest diffe-
rentia includentis & inclusi.* ib.n.60

*Per se libera, non eget previa deter-
minatione ad agendum.* t.2.d.4.n.24

*Deus quæ facit, semper facit ex for-
mali sui amore.* t.2.d.3.40.

P.

Pars

*Propriè accepta imperfectionem im-
portat.* t.1.d.2.n.25

*Refertur essentialiter ad totum: non
ad partem.* ib.n.26.

Passiones Entis

*Perfectiores in simplicibus: quàm in
compositis.* t.1.d.1.n.9.

Peccatum

Quomodo possit remitti. t.2.d.3.n.30

*Ad id explicandum non sufficit mu-
tatio moralis.* ib. *Per physicam va-
riis*

- riis modis declaratur. *ib.* & n. 31. *cunt mali.* *ib.* n. 34.
 ubi de remissione venialium. *Non privantur existentia in odium*
possibilitatis. *ib.* n. 35.
 Sed minor difficultas in remissione *Possibilia invicem non officiunt.* *ib.*
 mortalium. *ib.* n. 32. *n. 37.*
 Influxus causa prima in actum pec- *Possibilitas rerum, Dei libertatem*
 cati, non sufficit ad ejus amorem, *demonstrat.* *t. 2. d. 1. n. 46.*
 & cur? *t. 2. d. 3. n. 53.*
 Complect affectum permissivum pec- *Potentia*
 cati. *ib.* n. 54. *Alia physica, alia Logica: alia item*
vera, alia conficta per rationem.
t. 2. d. 1. n. 3.
 Perfectio. *Omnis potentia physica volendi re-*
moveatur à Deo. *ib.* n. 4.
 Omnis perfectio creaturarum est in *Admittitur in eo potentia Logica vo-*
 Deo. *t. 1. d. 2. n. 22.* *lendi.* *ib.* n. 6.
 Perfectio simpliciter simplex. *Permittitur quoque potentia per ra-*
 Sapientia non est talis, si formaliter *tionem conficta.* *ib.* n. 7.
 designatur à Bonitate. *t. 1. d. 3. n. 30.* *Praesertim in primis apprehensionibus.* *ib.*
 Personarum Divinarum
 An procedant ex actibus liberis Dei? *Cur physica potentia generativa de-*
t. 2. d. 5. n. 17. *sur in Deo: non verò intellectiva.*
 Probabilis explicatio partis affirmati- *ib.* n. 10.
 va. *ib.* *Potentia intellectiva nequit purgari*
 Sed praesertur pars negans. *ib.* n. 18. *ab imperfectionibus.* *ib.*
 Probatur tum ex parte principii: *Alia potentia materia ad formam:*
 tum ex parte termini. *ib.* *alia entis possibilis ad existentiam*
 Argumentis contrariis satisficit. *ib.* n. 19. *t. 2. d. 1. n. 33.*
 Possibilia. *An, & quomodo detur potentia ad*
 Ens pure possibile nihil est extra cau- *præteritum?* *t. 2. d. 4. n. 8.*
 sas. *t. 2. d. 1. n. 28.*
 Quod possit extra eas esse, habet suo *Præcisio*
 modo à Deo. *ib.* *Præcisio intellectus ab identitate &*
 Possibilia sepe nobis placent. *ib.* n. 29. *distinctione, respectu voluntatis,*
 Sunt etiam objectum voluntatis effi- *non datur nisi per rationem.* *t. 1.*
 caces. *ib.* n. 31. *d. 4. n. 22.*
 Plura bona possibilia, quam sint fa- *Cur præcisio à contradictoriis dari pos-*
 cta vel fient. *ib.* *sit per operationem intellectus, non*
 Nec illa tantum bona bonitate po- *autem à parte rei?* *ibid.* n. 23.
 tētia, vel errore intellectus. *ib.* n. 32. *Præcisio duplex: alia objectiva: alia*
 Carent quidem actuali bonitate, sed *ex modo concipiendi.* *t. 1. d. 5. n. 14.*
 non possibili. *ib.* n. 33.
 Bona possibilia quia talia, nihil di-

- Nulla ratio idem à seipso præcindat in esse rei.* ib.n.16. *Præfinitiones divinæ Quomodo possibiles?* t.2.d.3.n.29.
- Præcisio divinorum in esse intentionali medio parum spectat ad Theologum.* ib.n.17. *Vbi de aliis prioribus causalitate: aliis sola duratione.*
- Defenditur eorum præcisio ex modo concipiendi.* t.1.d.5.n.19. *Principium.*
- Præcisionem obiectivam non arguit explicatio potentia & non sapientia.* ib.n.20. *Primum principium, Quodlibet est vel non est, ubique verissimum.* t.1.d.4.n.1.
- Id ulterius contra arguentes declaratur.* ib.n.21. *Id negantes redarguntur ex Apost. 2. ad Cor.1. ib.n.2. & ex Ioan.5. ib. n.3. Denique ex consensu rationis & fidei.* ib.
- Prædestinatio divina Idem principium, amissa fide in uno, vacillat in reliquis.* ib.
- Quomodo de ea loquendum consequenter ad actus liberos Dei?* t.2.d.5.n.20. *Non opus est distinctione principii, ad terminum distinguendum.* t.1.d.4.n.33.
- Ad seriem ejus non spectat imperium prorsus internum.* ib.
- Alii actus intellectus Prædestinationi sufficiunt.* ib.
- Regula pro actibus divina voluntatis intra eam admittendis.* ibid. n.21. *Ipsam tamen semper distinguendum ab actu.* t.2.d.1.n.5.
- Removenda intentio, nullam executionem involvens.* ib.
- Ad libertatem ejus formalem, non sufficit executio, seu efficientia radicalis.* ib.n.22. *Quid dicendum de principio virtuali?* ib.n.13.
- Quibus modis electionem ante prævisa merita, consequenter tueri possimus?* ib.
- Laetis tamen fundamentis magis congruit sententia Vasquez.* ib.n.23.
- Quomodo in hac, intentio finis præcedat electionem mediornum?* ib.
- Distinguendi sunt actus in prædestinatione divina.* ib.n.24.
- Nulla est ejus causa quoad substantiam increatam.* ib.
- Privationes. Quomodo possint à Deo causari ob diversos fines?* t.2.d.3.n.42.
- Quaternitas. Quaternitatem, ac propriè cernitatem in Deo, infert distinctio formalis.* t.1.d.3.n.18.
- Quodlibet est vel non est. Vide supra Verbo, Contradictoria. & Verbo, Principium.*
- Ratio. Et in Deo varietas & multitudo rationis.* t.1.d.3.n.33. item d.5.n.1.
- Quomodo res constituentur & distinguantur per rationem?* ib.n.2. *Vide*

Vide plura Verbo Distinctio rationis, & *Verbo* Ens rationis.

Reflexio.

Volitio divina proprii *suprà* seipsam non reflectitur. t. 2. d. 1. n. 20

Habet nihilominus seipsam pro objecto. ib.

Permittenda in eadem reflexio ex modo concipiendi. ib. n. 21.

Regula

Ex conceptibus aestimandi perfectio- nem rerum. t. 1. d. 3. n. 27.

Discernendi distinctionem rationis fundatam à non fundata. t. 1. d. 5. n. 36.

Discernendi item distinctionem propriam ac formalem, ab impropria & fundamentali. t. 1. d. 4. n. 16.

Excludendi omnem contradictionem à Deo. ib. n. 36.

Regula discernendi intrinseca rei ab extrinseca. t. 2. d. 2. n. 25.

Habet ea locum in relativis. ib. n. 26. n. 27. *ntpote fundata in primo princi-*

pio, quod omnia transcendit. ibid.

Altera regula ad idem propositum. ibid.

Regula aliquot loquendi de actibus liberis Dei. t. 2. d. 4. n. 6. & 7.

Regula pro actibus liberis admittendis in Deo. t. 2. d. 5. n. 21.

Regula pro iisdem distinguendis in predestinatione divina. ib. n. 25.

Relatio

Contingens, seu accidentalis includit in se terminum. t. 2. d. 2. n. 26.

Res, realitas.

Quid realitas apud *Scotistas?* t. 1.

d. 3. n. 23.

Quid distinctio realis? *Vide* *suprà*, *Verbo* Distinctio formalis.

Res eadem mutato nomine, alia sepe iudicia & affectus parit. t. 1. d. 4. n. 4.

Res una potest in aliis officiis equiva- lere distinctis: sed non in salvandis contradictoriis. ib. n. 8.

Res sepe placet vel displicet propter extrinsecas. t. 2. d. 3. n. 4.

S.

Sapientia ut sic

P *Rescindit ab identitate* cum bo- nitate, & distinctione ab ea- dem. t. 1. d. 3. n. 37.

Scientia Dei libera.

Que hac scientia? t. 2. d. 5. n. 1.

Est aequè vel magis difficilis quàm volitio Dei libera. ib.

Pariter modo de utraq; loquendum. ibid.

Idque passim Doctores faciunt si An- reolum excipias. ib. *Cujus falsum* est fundamentum. ib.

Eidem itaque via hic insistendum est. ib. n. 2.

Remotis primò habitudinibus purè intrinsecis. ib. *Deinde entibus* ra- tionis & Moralibus. ib. *Admisso*

solum connotato extrinseco. ibid.

Nec alio quàm contingenti objecti. ibid.

Ex sola scientia necessaria possibilium, & predicto connotato, conflatur scientia libera. t. 2. d. 5. n. 3.

Huc facit quòd utraq; in representan- do con-

V v 2

- conveniat. *ib.* Sic ut solum differant in affirmando. *ib.* Quomodo ad hanc differentiam sufficiat diversitas connotari? *ib.* n. 4.
- Colligitur aliqua descriptio scientia libera. *ib.*
- Vindicatur Aeternitas hujus scientie. *ib.* Vitalitas item ac representatio intrinseca. *ib.* n. 5.
- Connotatum nō tam ad substantiam intellectiōis spectat quā ad modum. *ib.*
- Duo alia argumenta qua contra nos movet Arriaga. *ib.* n. 6.
- Ad 1. respondetur. Sape alias quid sciri sub uno conceptu, & ignorari sub alio. *ib.* n. 6.
- Alteri quoque satisfiit, & pluribus modis ostenditur, quomodo visio sequatur futuritionem. *ib.* n. 7.
- Hactenus dicta applicantur ad scientiam contingentium conditorum. *ib.* n. 9.
- Scotus, Scotista.
- Scoti doctrina de distinctione formalis. t. 1. d. 3. n. 1.
- An voluerit eam esse actu ante operationem intellectus? *ib.* n. 2.
- Pars affirmas verisimilior est. *ib.* n. 3.
- Refellitur. *ib.* n. 6. & seqq.
- Vindicatur tamen in cōsuetudine. *ib.* n. 8.
- Radix hujus doctrinæ. *ib.* n. 28.
- Scotista formalitates intrinsecas & contingentes remouent à Deo. t. 1. d. 2. n. 8.
- Quid Scotus sentiat de actibus liberis Dei? t. 2. d. 3. n. 13.
- Modus specialis explicandi ejus sententiam. *ib.*
- Quid Scotus voluerit per creaturas ab aeterno productas in esse voluit? t. 2. d. 3. n. 27.
- Separabilitas
- Signum infallibile distinctionis. t. 2. d. 2. n. 5.
- Simplicitas
- Definitur Scholasticè. t. 1. d. 1. n. 2.
- Describitur ex SS. Patribus. *ib.* n. 3.
- Est modus entis identificativus. *ib.*
- Conciliantur circa eam SS. Patres & Scholastici. *ib.* n. 4.
- Simplicitas alia Absoluta, alia Relativa. *ib.* n. 5. & stabilitur relativa. *ib.*
- Nulla simplicitas creata est perfecta. *ib.* n. 37.
- Simplicitas præstat compositionis. t. 1. d. 1. n. 8. Ob modum essendi perfectiorem. *ib.* Ob perfectiores passionem Entis. *ib.* n. 9.
- Simplicitas omnimoda, qua in Deo asseritur à Concilio Lateranensi, destruitur per distinctionem formalem. t. 1. d. 3. n. 9.
- Occurritur responsionibus Scotistarum. *ib.* n. 10. & 11.
- Certum est Deum in se simplicem terminare diversos conceptus. t. 1. d. 5. n. 1.
- Id sufficit ad eum in se distinguendum per rationem. *ib.*
- Quomodo verum sit illud Philosophi: in simplicibus aut totū attingitur, aut totum ignoratur. t. 1. d. 5. n. 16.
- Spatia imaginaria
- Quomodo probabilis explicentur? t. 1. d. 4. n. 10.
- An Deus revera possit iis esse præsens? *ib.*
- Species

Species alienæ.

Per illas in hac vita cognoscimus

Deum. t.1.d.5.n.8.

In representando imitantur propria objecta. ib.n.9.

Cur tandē illis uti possimus? ib.n.11.

Sufficiunt interdum aliena causaliter. ib.n.12.

Subiectum

Quam dicat imperfectionem removendam à Deo? t.1.d.2.n.20.

Nunquam id recipit, quo de se est plenum. ib.n.21.

T.

Theologus.

Quod ejus officium? t.2.d.3.n.1.
Theologi sapientissimi vindicia
t.1.d.4.n.37.

Totum

Totalitas quo sensu predicetur de Deo? t.1.d.2.n.15.

Non omne totum exigit suas partes eodem modo. t.2.d.3.n.2.

SS. Trinitas.

Ejus mysterium conciliatur cum divina simplicitate. t.1.d.2.n.13.

Et quidem ex definitione simplicitatis. ib.n.14.

Id semel creditum argumenta contraria ex seipso dissolvit.
t.1.d.4.n.46.

V.

Vanitas

Quid hac in conceptibus nostris
t.1.d.5.n.34.

Vindicatur ab ea distinctio rationis in Deo ib.

Velle & nolle

Non debent confundi cum amore

complacencia & opposito odio. t.2.d.3.n.54.

Verbum divinum

Ad sui quidem processionem requirit intellectum: sed non distinctum à voluntate. t.1.d.4.n.32.

Veritas

Quæ in alia sciatur, debet esse cum ea infallibiliter conexa. t.2.d.5.n.12.

Veritates reales quomodo pendeant à ratione? t.1.d.4.n.27.

Via.

Via duplex cognoscendi Deum ex creaturis. t.1.d.5.n.10.

Virtualiter.

Quid propriè habere virtualiter? t.1.d.4.n.12.

Virtualiter minus propriè confunditur cum Equivalenter. ib.n.13.

Virtus distinctorum

Virtutem, seu equivalentiam, distinctorum quomodo aliqui explicant? t.1.d.4.n.5.

Haud procul distant ab opinione Nominalium, admittentium contradictoria secundum idem. ib.n.6.

Videtur virtus chimerica. ib.

Involvit circulum. ib.n.10.

Si non datur virtus ad impossibile: ergo nec ad contradictoria secundum idem. ib.n.10.

Si dicta virtus ullibi esset vera: serviret aptè ad Divinam Libertatem explicandam. t.2.d.2.n.3.

Virtualis distinctio

Quo sensu communiter sumatur?

- c.1.d.4.n.12.
Singularis ejus acceptio apud Nominales. ib.n.14.
Rejicitur distinctio virtualis quæ veram distinctionem, eamque mediam sonat. ib.n.15.
Admittitur illa quæ solum designat distinctionis fundamentum. ib.n.17.
Res quoque per distinctionem virtualem Nominalium significata, est ab omnibus admittenda. ib.
Sed modus loquendi, ob equivocationem, non placet. ib.
Dicta de virtuali distinctione applicantur ad eminentem & æquivalentem. ib.n.18.
 Virtutes divinæ
Nec sunt potentia ad intrinsecum, nec habitus. c.2.d.4.n.38.
Sed actus per se subsistentes, & quales? ib.
Deus earum exercitio non perficitur sicuti nos. ib.
An & quomodo magis laudandus ob beneficia? ib.n.39.
Divina erga nos Liberalitas magis pura & ingenua, quam ulla creata. ib.n.40.
Quomodo Deus simul quid velit gratia sui & nostri. ib.n.41.
 Vita
Definitur in communi. c.2.d.1.n.14.
 Unitas.
Vnitatem Dei eadem probant argumenta quæ ejus simplicitatem. c.1.d.3.n.13.
Vnitatem formalis perfectior in Deo, quam formalis multiplicitas. ib.n.26.
Nec magis implicat Vnitatem formalis divinarum perfectionum, quam realis. ib.n.27.
 Volitio divina
Seipsam formaliter vult: sicut unio unit. c.2.d.1.n.9.
Volitio Dei necessaria circa creaturas. c.2.d.3.n.20.
Quæ tamen ad sui Eternitatem omnes liberas trahit. ib.
Velle liberum & causare, in Deo coincidunt. ib.n.21.
Quomodo Deus possit idem velle ob diversos fines? c.2.d.3.n.33.
Primus modus fundatur in diversitate actionum. ib.
Aptè huic congruit formalis identitas potentia & voluntatis. ibid.n.34.
Alter modus desumptus ex diversitate effectuum. ib.n.36.
Isque satis probabilis est. ib.n.37.
Praefertur tamen primus modus. ib.n.38.
Notabilis inter utrumque differentia. ib.n.39.
Non est adequatè idem, Deum velle & producere. ib.n.48.
Sed tantum secundum quid. ib.
Effectus non constituit Deum in ratione volentis ut sic. ib.n.52.
Plura supra, Verbo Dei decretum.
Verbo, Efficax voluntas. Verbo Libertas divina.
 Voluntas divina
Non se habet per modum potentia realiter aut formaliter distincta ab actu. c.2.d.1.n.1.
Nec per modum radicis volendi. ib.
 Incom-

<i>Incommoda ex hac radice.</i>	<i>ib.n. 2.</i>	<i>necessaria?</i>	<i>ibid.</i>
<i>An per modum potentia indistincta</i>	<i>ib.n. 3.</i>	<i>Nec si forent temporales, opus esset</i>	
<i>ab aeternitate?</i>		<i>suspendere omnem actum.</i>	<i>ib.n. 2.</i>
<i>Respondetur negativè sub certis con-</i>	<i>ib.n. 4. & seq.</i>	<i>Neque inde argueretur animi le-</i>	<i>ib.</i>
<i>ditionibus.</i>		<i>vitae.</i>	
<i>Voluntatis nomen, non potentiam</i>		<i>In nostra sententia ratio facile red-</i>	
<i>tantum designat, sed & actum.</i>	<i>ib.</i>	<i>ditur.</i>	<i>ib.n. 3.</i>
<i>n. 6.</i>		<i>Ex immutabilitate</i>	
<i>Voluntas divina immutabilis.</i>	<i>t. 2.</i>	<i>saltem hypothetica omnium qua</i>	
<i>d. 4. n. 1.</i>		<i>ad actum liberum concurrunt.</i>	
		<i>ibidem.</i>	
<i>Ratio hujus apud alios difficilis est.</i>		<i>Explicatur amplius hac immutabili-</i>	
<i>ibid.</i>		<i>tas ex parte Dei.</i>	<i>ibid.</i>
<i>Cur enim formalitates intrinsecae po-</i>		<i>Quid voluntas signi & beneplaciti?</i>	
<i>tius sint aeternae, quam in essendo</i>		<i>t. 2. d. 4. n. 18.</i>	

Errata corrigenda.

P 49. 17. ver. 19. limitationem leg. illimitationem. p. 33. initio Disp. II. l. III. p. 41. initio Disp. II. l. III. p. 73. initio Disp. III. l. IV. p. 80. v. 19. genere l. generet. p. 86. v. 1. &c. Per l. &c. per. p. 87. v. 28. proctas dele. p. 98. n. marg. XXX. l. XL. p. 116. v. 16. licito l. elicto. p. 120. v. 6. di dele. p. 132. v. 13. tract. 4. l. tract. disp. 4. p. 138. v. 3. Cap. VI. l. Cap. II. p. 150. v. 11. desertis l. desertis. ibid. v. 15. procedant l. percedunt. p. 158. v. 24. possibi l. possibili. p. 162. v. 3. à fine. Angeli. Ut l. Angeli, ut p. 166. v. 2. ubique l. abscque p. 180. v. 6. aliquid l. aliqd. p. 198. v. 1. Cap. IV. l. Cap. V. p. 221. v. 23. cap. 4. l. cap. 5 p. 237. v. 22. q. 13. l. 113. p. 247. v. 12. libris l. liberis. p. 264. v. 10. fundatur l. fundatur. p. 296. v. 11. non in dele. p. 298. v. 19. praesentem l. praesentia. p. 299. v. 13. quoad l. quod ad. p. 314. v. 17. omnem l. ad omnem. p. 318. v. 4. à fine. utque l. atque. p. 327. col. 1. v. 2. multiplicavit l. multiplicant. Signa prater hac, qua ceteris legemti occurrerunt, Lector invenerit, ipse, rogo, emendet.



